



(16), 218 pp  
 Engr. portrait  
 Engr. title  
 One double page table  
 23 (4 full page) engr. in the text  
 several wood-diagrams in the text

First Edition

Vol I

The portrait is rare.

3 volumes in 2

Gr M 263

Norman 2278

Becker 424

Waller 11455


With more plates than  
any other recorded copy



# 4500  
Vol. 1 of 2

183. 17. 1  
Leaves 2772  
183













Sol oculus mundi est: oculus sub ver-  
tice Sol est:  
Magno ille hic parvo spargit in  
orbe diem.  
Spargit ubiq; dies Patriæ GODEFRIDUS  
amoenas;  
Nempè vices oculi, munera Solis  
agit.  
Humillimè Dicat Consecratq;  
Quirinus Heijl Bibliop.  
Academ. Herbip: 1695.













OCULUS  
ARTIFICIALIS  
TELEDIOPTRICUS  
SIVE  
TELESCOPIUM,

EX

Abditis rerum Naturalium & Artificialium  
principiis protractum novâ methodo, eâque solidâ explica-  
tum ac comprimis è triplici

FUNDAMENTO

*Physico seu Naturali,  
Mathematico Dioptrico*

ET

*Mechanico, seu Practico*  
stabilitum.

Opus curiosum Practico-Theoricum magna  
rerum varietate adornatum, multorum votis diu expetitum, omni-  
bus Artium novarum studiosis perquam utile: quo Philosophiæ atque Mathesi præ-  
sertim mixtæ, nec non universo pene hominum statui amplissimis adjumentis con-  
sulitur; nova plurima abstrusa curiosa Technasmata recluduntur, ipsaque Ars  
Telescopiaria facillimè addiscenda, ac sumptibus non adeò magnis in  
praxin adducenda proponitur, adeoque

TELESCOPIUM  
ex tenebris in lucem asseritur.

AUTHORE

R. P. F. JOANNE ZAHN,

Carolopolitano Sacri Candidi Canonici Ordinis Præmonstratensis  
in Cella DEI Superiore prope Herbipolim Professo.

*Cum Facultate Superiorum.*

✠ ) o ( ✠

HERBIPOLI,

Sumptibus QUIRINI HEYL, Bibliopolæ Aulico-Academici.

Anno M DC LXXXV.









*Præfatio ad Lectorem.*



Ultimis hisce Senescentis Mundi temporibus Ars patuit *Teledioptrica*, nec non è reconditarum artium latebris, ex abditis, arcanisque *Naturæ* finibus feliciter effluxit Ars multarum Genitrix Artium, Scientiarum fax, innumerorum emolumentorum tam in rem literariam, & philosophicam, quàm civilem, bellicam, & œconomicam conducentium parens, humanis singulariter usibus destinata Ars Artium Magistra. Multum felices Veteres quidem fuerunt, qui quamplurima in humanos usus per opportune adinvenerunt, auctaque mirifice labentibus sæculis ad nos transmiserunt; Præclarissimas tamen Artes comprimis *Pyrotechnicam*, *Typographicam* & *Teledioptricam* quantumvis strenua sagacitate sua attingere non valuerunt. Quid autem his Artibus admirabilius? quid utilius? quid excellentius? Laboravit Ægyptus ut arcanos Scientiarum partus, recondita conceptuum mysteria in posteros transferret: Obeliscos grandes extruxit, moles faxeas erexit, his partus ingeniorum incidit, ut tum commodius perstare, tum etiam cuilibet prostare & erudire quemlibet facile possent. At multò certè felicior Posteritas in una Typographica Arte reperta: Parvo equidem impendio sed peregregio quodvis nunc Artis & doctrinæ genus, ac quantumcunque operosum Opus ingenii per quasvis Mundi plagas divulgat, eloquitur, propalat: omnium etiam Gentium linguis loqui docet & loquitur, intimos animi conceptus plurimis simul locis revelat; ut ita nulla temporis injuria quidvis magnificum amplius intercidere, & ex hominum memoria elabi possit.

Artes antiquis in cognita.

Artes Typographicæ.



*Prefatio ad Lectorem.*

Pyrotech-  
nica.

Quid admirabilius Pyrotechnicâ? Fulmen è coelo dices res accersitum, cum primum in nitrato pulvere vim suam exeruit. Cedunt nunc huic omnia Antiquitatis machinamenta bellica; neque amplius tam operosæ requiruntur machinæ, quas Bellona vetus in hominum perniciem, & interitum instruxit. Cedunt Balistæ, currus falcati, ignis jacula; cedunt spicula, Scorpii ad mittendas sagittas sive fundibula: cedunt antiqua omnia Artis militaris adminicula uni pulveri nitrato seu pyrio, qui vel momento temporis ingentes aggeres, valla, muros, arces, castella, oppida, montesque ipsos à radicibus evellit, in altum ejicit & diffringit, prægrandes naves ex mediis undis in vastum Æthera propellit, ab omni subito disrupta compage in mille partes disjicit; ingentes hominum copias haud aliter ac fulmen afflans repente enecat, vita privat, perimitque, ut ita non malè pulvis iste à quibusdam Terræ fulmen nuncupatus sit.

Ambæ  
præce-  
dentes ar-  
tes in Ger-  
mania in-  
ventæ.

Ambæ verò Artes hæ in Germania primum inventæ sunt, ac Teutonicæ nationi in origine sua debentur (nec obstat quod Auctores quidam Typographiam jampridem Sinenſibus notam afferant, non audent tamen ab his ad Europæos diffluxam asserere) quæ deinde Italis patefactæ inde amplissimum, utilissimumque incrementum in totum terrarum orbem fecerunt. Ita testatur Egnatius lib. 8. cap. 11. his verbis: *Vindicavit sibi duplici nomine famam Germania duarum artium inventionem, quæ ad eam diem nulla unquam in toto terrarum orbe fuerunt. Quarum una sit aliquanto prior militarium tormentorum, quæ nunc apud omnes vulgatissima est. Altera imprimendorum librorum Ars, quæ universa pacis & otii sitATRIX & parens. Utriusque verò Venetia in terra Italia usum sibi vindicarunt primum; siquidem Genuensi bello primum à Germanis Venetias tormenta importata fuerunt, quæ defendendæ libertatis Venetæ præcipua fuere causa. Quin etiam centesimo abhinc anno Paschali Maripetro Duce Venetiæ, Nicolai Sensonis industria Typographiam felicissimo auspicio sic capere, ut deinde per universam Italiam, nunc verò etiam & omnem Galliam & Germaniam hæc ipsa Ars auspiciatissime sit sparsa.* Ita ille. Haud



*Prefatio ad Lectorem.*

Haud minor propè dignitate successit his ævo nostro ad <sup>Ars Te-  
lescopica  
à quonam  
inventæ.</sup> Annum Christi 1609. Ars Teledioptrica sive Telescopica à Batavo quodam Joanne Lippersein inventa, casu ut vult Antonius Maria de Reyta lib. 4. Oculi Enoch & Eliæ, Sirturus part. 2. cap. 1. Telesc. Libertas Fromondus lib. 3. Meteorolog. cap. 2. art. 3. Sive à Jacobo Metio Alemariano, ut contendit Adrianus Metius Mathematicus Franeckerensis ejus frater; consentit etiam Harsdörfferus in suis delitiis Mathem. Tom. 2. part. 5. quæst. 9. Sive etiam ut vult Borellus in peculiari libello de vero inventore Telescopii cap. 12. à Zacharia Joannide Middelburgensi Zeelando, *qui Anno 1590. admotis (non fato quodam) oculo duobus conspiciis nempe lente concava & convexa, tuboque immixtis felicissime (ut vult Cartesius) invenit Telescopium.* Sed de hac controversa videatur Borellus lib. cit. ubi testimonia certiora pro cive hoc Middelburgensi videtur adducere. Secundum quoque alium inventorem Telescopii indicat ejusdem civitatis nomine Lipperhoy alias La Prey, vocatum à Sirturo Lippersein, licet alii originem Telescopiæ Artis in præcedens sæculum conjiciant, sicut Autoritate p. Kircheri probat Schottus in Magia Telescop. Synt. 1. cap. 1. ac inventionem primam Joanni Baptistæ Portæ adseribant; Vixit autem hic priori sæculo. Cum ad annum Christi 1560. ejus libros quatuor de Magia naturali constet Antverpiæ esse impressos.

Sed quidquid sit, de primo inventore & absoluto inventionis tempore hic non discepto; ultimis sane temporibus <sup>Artis Te-  
lescopicæ  
progressu</sup> certum est quod prorepserit Ars ista magnifica; quæ deinde paulatim cæpit ulterius per Germaniam, Galliam, Italiam, orbem denique universum divulgari, magisque perfici præsertim à Simone Mario in Germania, à Galilæo in Italia, Manfredo Septala Mediolanensi, Eustachio Divini Romano, Antonio Reyta Capucino, Torizello Florentino, Fontana Neapolitano, Joanne Wiselio Augustano, Emanuele Maignaro Gallo, Joanne Hevelio Dantiscano aliisque quamplurimis Artificibus, donec ad eam perfectionem adducta sit, quâ debilius alias oculorum necessitati mirificè prospicitur, atque tam ad propinqua, quam ad remota, inaccessa valdeque difflata visus præmunitur acutissime, nec non & terrestrium & coelestium corporum accuratissima inspectio conceditur; quæ deinde tanquam clavis Naturæ admirandorum ejusdem effectuum



*Praefatio ad Lectorem.*

effectuum spectacula, abditaque Divinae Sapientiae in Siderico & Elementari Mundo miracula prodit, aperit, pandit, & manifestat. Ita bene quod Mantuanus Vates de fama cecinit, hic usurpare quoque licet:

Parva quidem motu mox sese tollit in altum.

Ejus utilitas.

Quantum praeterea sit in Telescopica hac Arte delectationis, ingenuaeque voluptatis cum utilitate ad fructus tam publicos quam privatos redundante, nemo melius intelligit, quam qui discreto animo machinas ejus curiosius tractarit, usumque illarum diligentius adhibuerit. Quid enim oro jucundius homini Philosopho, & coelestium rerum aestimatori accidat, quod stans in terreno hoc globo unico ad Artem fabricato Telescopio, instrumento ex vili charta in arundinem compacta, & ex fragilibus vitris ad Artis regulas elaboratis adaptato Coelestia corpora contempletur, iisdem se quasi praesentem statuatur, figuras inspiciat, magnitudines commensuret, cursus motusque attendat, numeret sidera, eaque nova alias nunquam spectata detegat. Certè si quidam Philosophi de Veteribus fuerunt, qui oculos cum facie elevatam non nisi ad coelum contuendum palam edocuere, uti Poeta canit:

Ad videnda corpora coelestia.

Os homini sublime dedit coelumque tueri,

Jussit & erectos ad sidera tollere vultus.

Quanti putamus Artem illam aestimandam, quae altius quasi nos ipsos evehit, coelo penè infert, ut liberius accuratiusque spectatissima illa lumina non tantum oculis inspicere, clarissimeque intueri possimus; Sed ipsis propemodum manibus palpanda & contrectanda offerat. Vnde perappositè Vir scriptis suis satis notus, meus aliquando in Mathematicis Professor P. Gaspar Schottus in procemio Magiae suae Telescopicae lib. scil. 10. part. 1. Magiae universae de Telescopio sic loquitur: *Ad caelum conscendendum, intuendam propè Lunam, solem reliquaque sidera non jam opus est alis Dadaleis, non Pegaso, non Phaethontis curru: altius & felicius ac securius te evehit Telescopium: soli ipsi praesentem te facit, aut tibi solem Helioscopium sine oculorum jactura, sine lesione ulla, sine ullo nictu, & quod mirè in clauso & obscurato cubiculo.*

Ad videnda objecta terrestria.

Deinde si Telescopicae Artis praesidia ad terrestria objecta convertamus, quis ponderet aut ex aequo indicet, quanta sit ejusdem cum oblectatione in communem vitam utilitas?

In



*Prefatio ad Lectorem.*

In Arte militari sane specimen probabis. Etenim si accessus ad hostem semper periculosus est; huc tamen securè te ducit Telescopium: militem tibi numerat, ex insidiis eundem trahit, quâ parte validior, quâ debilior sit inimicus, etiam à longè monet: in conflictu acies instruit, manipulos format, alas adducit, cornua nunc dextrum, nunc sinistrum opportuno tempore hosti obtrudit, omniaque facit

Quæis latum Pœana canens Bellona triumphet.

In obsidione castra metitur, adductus, reductusque depingit, insidias graviores observat, cuniculos ostendit, tormenta dirigit, viam ad erumpendum cum fructu aperit, eaque docet, quæ Hostem repellant, obsidionem solvant, integræque libertati incolas restituant.

Sed oro, quæ sunt hæc, nisi ingentia emolumenta ex Arte Telescopicâ profecta? Mitto, quanta in perspicillis pro quovis hominum statu, pro senibus præsertim ac aniculis, pro his qui in continuo literarum studio versantur, quanta pro Mechanicis & Artificibus illis, qui per acutissimos labores ad minima opera intenti, quanta pro pictoribus & sculptoribus ad acuendam aciem oculorum, quanta pro Anatomicis ad minimas Venulas in dissectis corporibus perquirendas, quanta pro Physicis curiosis Naturæ scrutatoribus, per microscopia, sanguinem, lac, acetum aliosque humores vermiculis scattentes inspectantibus illius sit opportunitas ne aut in re perspicua sim multus, aut aliena dissertatio videatur.

Quocirca fatebor ingenue multas me annorum vigilias & labores pro eo amore, quo ad Telescopicæ Artis curiositates incendor, in illius planam ac solidam cognitionem contulisse, lucubrationes etiam quasdam seposuisse meos duntaxat in usus ac praxes. Verum cum nobilissimam hanc Ar-  
Operis  
hujus cau-  
sa & sco-  
pus.tem amplius indies ab aliis magis industriis perficiendam crederem, ac per felices aliorum conatus aliquando futurum, ut ejus, quæ tam brevi tempore hocce nostro sæculo tantum sese extulit, perfectionis apicem & culmen, aspicere possem. Commode igitur me facturum existimavi, si quæ privatos in usus temere collegissem, eadem in ordinem adducta ac in unum quasi coacta corpus in commune conferrem; aliisque à me hætenus inventa depromerem, quibus ipsi innixi suas quoque industrias, laboresque superstruerent, atque ita altissime quam fieri possit, Artem ipsam proveherent.

Fecisset hoc ipsum Vir è Societate Jesu percelebris Mathematicus P. Balthasar Conradus, qui missa in hunc finem Epi-  
stola



*Præfatio ad Lectorem.*

stola (quam videre licet apud Schottum Techn. cur. lib. 11. c. 7.) ad omnes Mathematicos totius Europæ operis meditari & jam inchoati Teledioptrices nuntia, ut suppetias ab aliis viris doctis & pereximiis in Arte Telescopica Artificibus imploraret, ni fato præmaturo abreptus aliis conceptum à se & inchoatum opus relinquere debuisset. Ea vero problemata quæ in dicta Epistola præstare se posse promittit, hæc sunt:

*I. Perfectam superficiem sphericam seu cavam in patinas, sive convexam in globos inducere; idque nec negotio nec sumptibus adeo magnis.*

*II. Vitra perfecte concavare spherice, aut convexare.*

*III. Perfectissime polire superficiem sphericam tam cavam, quam convexam sine periculo figura vitiande.*

*IV. Oblata cujuscunque patinae aut globi vitia etiam occultissima statim detegere.*

*V. Infalibiliter semper ex materia apta bonum elaborare Telescopium ad quamcunque longitudinem.*

Sed ita hæc eadem me soluturum hoc opere spero, ut ipsa per facile quivis practice comprobare possit.

Cur præ:  
sens opus  
Oculus  
Artificia-  
lis inscri-  
batur.

Cur autem præsens opus sub *Oculi Artificialis* titulo producam, id non temerè aut inconsideranter factum putari debet: tanta quippè est Telescopii Artificialis cum oculo Naturali similitudo & propinquitas, ut meritò quis dicere possit, Artem Naturæ opus suum tam affabre & concinnè imitatam, ut ad hujus exemplum alterum quasi oculum per Telescopium produxerit. Ita Ars simia Naturæ dicitur ex Divini Platonis sententia, dum ait: *Ars est ordinis & compositionis Magistra simia Natura*; Atque quod Deus Naturæ faber in animali sapientissime constituit, hoc ipsum Ars Telescopica per instrumenta sua Teledioptrica imitando feliciter assecuta est. Hoc ipsum ex instituto P. Christoph. Scheinerus in Rosa sua ursina lib. 2. à c. 23. & deinceps per plura doctè deducit, & per ample probat, ubi Telescopium cum oculo naturali comparans magnum Artis & Naturæ consensum, admirandam concordiam & conspirationem luculenter



*Prefatio ad Lectorem.*

lenter demonstrat. Porro etiam cum verissimum sit illud Pythagoræ: *Homo Naturæ minister & interpres tantum facit, quantum è Naturæ ordine, re vel mente observavit.* Nam ex inspectione & observatione ordinis & dispositionis rerum Naturæ maxima Artis opera producuntur, plurimæque ex abditis rerum Naturalium principiis prodigiosa variarum Artium miracula recluduntur.

Quocirca in primo operis hujus Fundamento Physico seu naturali ipsum organum visorium ut à Natura constructum intime perscrutabor, visionis modum, ejusque objectum ceteraque visum concernentia ita rimari conabor, ut Oculo Artificiali demonstrandq; abunde inde provideri possit.

Hoc jacto fundamento aliud continuò superstruendum erit, illudque Mathematico-Dioptricum, quo subtili indagine speculatio sese in Dioptrica principia ingeret, illinc solidas rationum vires & argumentorum momenta exquiret, quæ Naturæ infallibilia Thaumatoscopica præsidia ferat, eorumque probitatem accuratissima apodixi confirmet. Tandem in Mechanico Fundamento ut Officina fabrilis id omne, quod à Natura diligenti inspectione observatum, aut per ingenium seu Theoriam subtiliter speculando investigatum atq; adinventum est; hoc Ars sive praxis in opus externum deducet ac Mechanicas regulas per variam experimentorum adductionem comprobatas ita Telescopicis machinamentis adaptabit, ut nullam professionem futuram putem, quæ non exinde apta grataque genio suo pabula sit receptura.

Accipe igitur quiscunque es Lector hunc meum, quo tibi prodesse volui conatum; industriis meis tuas adde, quæ, nisi asperneris, certe plurimum in Artis egregiæ studio obletaberis. Si tamen minus fortassis, quæ volui assecutus sum, tuos adjice conatus ut Telescopium ad majoris perfectionis scopum deducas. Vale.



SYNOPSIS  
TOTIUS OPERIS.

*Tractationem Operis præsentis pro Oculo Artificiali sive Telescopio ordinatius explicando, demonstrando ac etiam practicè elaborando tribus libuit stabilire fundamentis quorum*

FUNDAMENTUM I.

I. **F**undamentum primum physicum seu Naturale est, in quo fabrica Oculi Naturalis sive organi visorii in medium profertur, ac partes ejus, quæ sunt tunicae & Humores cum suis centris & sphaericitatibus, exponuntur. Adducuntur etiã variae quædam earum partium qualitates comprimis verò Refractio; qualis nempe in singulis iis partibus contingat, dum radii Lucis, colorumque eas pro sensatione procurandâ subire debeat. Plura deinde alia, quæ quid amplius pro aptitudine & utilitate hujus organi ad videndum faciunt, per aliquot curiosas quæstiones elucidantur adductis variis experimentis, & experimentorum causis.

II. Pervestigato visus organo proceditur ad primum ejus objectum, quod Lux est, quidquæ ea sit perquiritur, quomodò deinde actinoboliam suam per quodvis medium profundat ostenditur. Undè imprimis directi luminis, deinde Refracti ac demùm Reflexi ejusdem luminis Natura & proprietates exponuntur, cum habitudine etiã quam habet cum umbra dum in obscura trajicitur.

III. Cognitâ Lucis Naturâ expenditur Color; variae itè colorum distinctiones & differentiae, quas habent inter se; facultates etiã ac speciales singulis à natura convenientè inditæ affectiones, quibus oculum afficiunt, planissimè exponuntur: colorum quoque apparentium in diversis diaphanis naturæ ac causæ aperiuntur: tandem etiam profertur Artificium, quo tincturæ à vegetabilibus ad varios usus secerni possint. Hinc subnectuntur variae quæstiones de Luce & tenebris cum earum resolutionibus.

IV. Ubi objectum visivæ potentiae pervestigando declaratum est; Ipsa visio & modus naturaliter videndi exponitur; ostenditurquæ commune illud visibilem specierum phænomenon veram esse idæam ac typum visionis: quomodò item visio quorumlibet objectorum ac etiã sensibilem communium contingat. Utquæ etiam tantò clarius admiranda videndi facultas patefcat, varia experimenta adducuntur, cum assignatis eorum causis naturalibus. Atquæ ita sufficienter hinc nota esse puto, quæ ad physicam tractationem visivæ facultatis faciunt, dum liberè objecta sua contuetur, nec aliquo ut acutius aut validius cernat, adjumento roboratur. Finis igitur totius hujus Fundamenti est ostendere & explicare naturalem videndi modum, quo Oculus de se nullo fretus adminiculo liberè objecta sua percipit ac sentit.

FUNDAMENTUM II.

V. In Fundamento Secundo Mathematico Dioptrico, cum hujus finis sit oculum naturalem artificialiter perficere & armare, ut facultatem suam amplius expandat, eaque videat artificialiter, ad quæ de se naturaliter impotens est; ostenditur comprimis medium aliquod diaphanum, quod ei præpositum



### *Synopsis totius operis.*

positum aliter radios objectorum ordinet, ut ita aliter oculus subintreht, intusque in debito oculi loco imaginem efformet ac dilatent, sicque commodius quævis objecta sentire queat. Aptius autem medium secundum materiam, quod probe diaphanum sit, cum non inveniatur, nisi vitrum: quocirca productis variis ejusdem proprietatibus unica illa, qua radios diversimodè refringit, potissimum expenditur, & tam organicè sive practicè, quam trigonometricè quomodò ad quemcunque inclinationis angulum ejus Refractiones inveniri ac in tabulas ordinari possint, edocetur, sicut & jam ordinata exhibentur. Dum quia debita forma huic præ cæteris apto diaphano concedi debet, ut fini petito adstipulari possit: idcirco mathematicè ostenduntur ac demonstrantur Refractionum proprietates variis vitrorum formis competentes, ac comprimis quomodò in singulis lentibus tam convexis quam cavis ac mixtis certi foci sive reales aut virtuales inquiri possint. Plures etiam tabulæ in hunc finem supputatæ exhibentur, quarum ope unico penè intuitu ex quarumlibet sphæricitatum combinatione earum foci sive loca imaginum nosci possunt.

VI. Demonstratâ seorsim lentium quarumlibet virtute ac Naturâ diversæ tam inter eas ipsas, quam cum Oculo naturali combinationes instituuntur, quidque ita diversimodè combinatæ pro negotio Teledioptrico præstare queant, mathematicè demonstratur. Deindè ex hiscè variè inter se combinatis lentibus quæ instrumenta artificialia construenda sint, quibus oculus vel ad propinqua, velut per microscopia eaquè tam communia quam simplicia, quam meliora & composita; vel etiam ad longinqua objecta tam terrestria quam cœlestia per Telescopia juvari possit, genuinè pertractatur ac demonstratur adducta etiam tabula combinatoria diversarum partium Telescopicarum, ex quâ facillimè disci potest quomodò plurimi iique diversissimi tubi etiam plurimarum lentium ordinari ac construi possint pro distinctissimâ imagine in oculo formandâ. Plura deindè alia quæ tam lentes ipsas quam varia ex iis concinnata instrumenta concernunt per varias formatas de his quæstiones, appositis earum causis ac rationibus indicantur: subnectuntur etiam confectaria practica ex demonstratis hoc Fundamento quæ Artificibus Mechanicis plurimum deservire possunt.

### FUNDAMENTUM III.

VII. In tertio Fundamento practico seu mechanico imprimis indicatur, quomodò perfecta superficies sphærica tam cava in patinas, quam convexa in globos cujuscunque materiæ durioris ut plumbi, stanni, æris, cupri & ejusmodi induci queat, præparatis formis exactissimis etiam à liberrima manu: quomodò itèmet metalla ignis virtuti cogi & eliquari, ac formis præparatis infundi possint, adeoque quivis ipse sibi instrumenta perfectissima fabricare possit.

VIII. Indicantur etiam praxes meliores, quibus opere tornatili patinæ cujuscunque figuræ exactè formari queant. Refertur etiam mirabile Artificium cujusdam machinæ tornatilis, quâ quivis etiam in arte tornandi minus peritus nihilominus exactissimas quascunque figuras cuicunque aptæ materiæ imprimere possit. Inventum est prorsus singulare magni cujusdam Artificis, quo etiam imagines qualescunque imò contrafracturæ torno elaborari nitidissimè ac perfectissimè possunt.

IX. Confectis patinis & globis convexis edocentur praxes feligendi vitra aptiora, eademque adaptandi, terendi, & perfectissimè etiam liberrima manu expoliendi: item exhibentur machinæ variæ tam ab aliis quam à me ipso excogitatæ & comprobatæ ad faciliorem comprimis concavarum lentium



• *Synopsis totius operis*

efformationem. In specie quoque docentur & candidè exponuntur praxes non tantum quarumvis lentium elaborandarum, sed etià vitrorum Trigonorum Rectilineorum & annularium vitrorum polyedrorum cum eorum observationibus ac proprietatibus. Appendicis verò loco indicatur artificiosa quarumlibet imaginum seu figurarum incisio in quævis vitra oblata cum variis Symbolis curiosis jocosè, quæ vitris præsertim potioriis artificiosè interi possunt.

X. His abundè indicatis usus & applicatio variarum lentium ad machinas & Artificia dioptrica practicè exponitur; ubi comprimis delectus lentium perspicillarium pro quibuslibet oculis defectuosis docetur: Variæ deinde microscopiorum species cum certâ eorundem construendorum methodo & praxi proferuntur, adductis etià quamplurimis experimentis & observationibus per microscopia compertis. Ludicra etià & valdè curiosa microscopia indicantur. Post hæc Telescopii Hollandici communis fabrica cum vitrorum proportionibus & tabula collocationis lentium; item aliorum quorumlicet Telescopiorum construendorum praxes cum lentium proportionibus ubertim docentur: Quomodò binoculi Tubi, Helioscopia, Polemoscopia & hujusmodi aliæ artificiosæ machinæ practicè construi debeant, planissimè exponitur. Deniquè etià tractatur arundinum sive tuborum fabricandorum ratio, & plurium aliorum artificiorum, quæ tuborum apparatus subservire possunt, constructio quoque machinarum sive fulcrorum ad tubos aptè sustentandos & facilè tractandos atque alia plura.

XI. Hæc deindè consequitur Magia Dioptrica in qua reconditiora artificia sive Technasmata Thaumaturga magico Dioptrica proferuntur, circa alias curiosas specierum visibilium parastases, Horographiam novam per lentes dioptricas & vitreas tabulas, Lucernas magicas megalographicas, dissipationem picturarum, & dissipatarum recollectionem per vitra polyedra ac plura alia, quæ revera magica censerì possunt.

XII. Tandèm appendicis loco profertur Panscopium Naturæ, quo abdita quamplurima & arcana tam in microcosmo, quam megacosmo per oculos utiliter curiosos indagari posse docetur. Postremò autèm pro coronide explicatur Panscopium inæstimabilis perfectionis ac bonitatis, quod intuens oculus humanus elevatus videt omnes omnium rerum essentias intimè ac naturalissimè; Homoquè per hanc visionem verè fit Beatus, ipsaquè hac visione beatifica fruitur DEO suo, qui est perfectissimum TELESCOPIUM scopus & meta rerum omnium, finisque.







# SERIES ET ORDO

Eorum quæ in Fundamento primo physico tractantur.

## FUNDAMENTUM I.

*Physicum seu Naturale*

### PROOEMIUM.

**A**xiomata quædam seu pronuntiata de Natura & Arte ex diversis Authoribus.

Syntagma I.

De Oculo Naturali ejus structurâ & partibus.

*Caput I.* Quædam de Oculo in genere proponuntur.

*Caput II.* Oculi Humani inspectio Anatomica.

*Caput III.* De Oculi Humani dimensione partium magnitudine & centris, & sphericitatibus.

*Caput IV.* Qualitates quædam Oculi partium explicantur.

*Caput V.* An & qualis sit in singulis Oculi partibus diaphanis Refractio, inquiritur.

*Caput VI.* Erotemata curiosa physico-ophthalmica, in quibus ocularis fabricæ varia experimenta abditæ virtutes, mirabiles proprietates, aliaquæ miracula recluduntur.

*Erotema I.* Quare oculi omnium partium ultimi in fœtu perficiuntur, & primi omnium moriuntur?

*Erotema II.* Quænam est præcipuè notabilis differentia ocularis fabricæ in diversis vel iisdem specie animantibus

*Erotema III.* Quænam ocularium partium conformatio ad videndum aptissima est?

*Erotema IV.* Quomodò officio musculorum motus oculorum quaquà versus perficitur?

*Erotema V.* Quorundam animalium veluti felium, canum, & equorum, undè in tenebris fulgent & radiant oculi?

*Erotema VI.* Anne Oculis vis quædam fascinatrix inest & unde diffunditur?

*Erotema VII.* An per Oculos vis animi interni pateat?

Tabula Ophthalmoscopica ex inspectione oculorum visus & temperamenti eorum, animi quoquæ passionum, propensionum atquæ morum, item valetudinis bonæ vel malæ, vitæ aut mortis indicia exhibens.

*Erotema VIII.* Undè tanta lachrymarum copiâ per oculos destillatur, seu quænam est vera lachrymarum scaturigo & quis plorandi modus?

*Erotema IX.* An visus Homini perfectissimus præ visu cæterorum animalium?

*Erotema X.* Quomodo qui visu debilitantur, aut illo planè privati sunt, alios sensus habent promptiores?

*Erotema XI.* Ad quantum spatium liber oculorum visus se potest extendere?

*Erotema XII.* Quomodo visus maximè læditur aut depravatur?

Tabula Rerum Naturalium quæ in specie comprimis visum acuiunt, roborant ac confortant, aut eundem debilitant, lædunt, imminuunt & depravant.

Syntagma II.

De proprio & adæquato sensibili visus objecto.



*Series & Ordo Rerum I. Fundamenti.*

*Caput I.* De primario visus objecto seu Luce, quid sit.

*Caput II.* De fecundâ Lucis radiatione & directâ per diaphanum medium ejusdem rationis profluentia.

Definitiones.

Hypotheses & axiomata.

Propositiones de directâ Luminis profluentia.

*Caput III.* Explicatur motus seu propagatio Lucis ad occursum corporis opaci vel diaphani diversæ rationis.

*Caput IV.* De Natura & proprietatibus Luminis ex occurso Diaphani diversæ rationis Refracti.

Definitiones.

Pronuntiata.

Propositiones.

*Caput V.* De Reflexi Luminis Natura variisque proprietatibus.

Definitiones.

Pronuntiata.

Propositiones.

*Caput VI.* De umbrâ individuo Lucis comite ejusquè comprimis ex Lucis in Obscura trajectu, cum luce habitudine naturâ & proprietatibus.

Hypotheses scilicet.

Propositiones.

Porisma de majori & impensiori collustratione corporum.

*Caput VII.* De colore quid sit, & quomodo fiat?

*Caput VIII.* Quid verius colores sint, quæ eorum genesis & propago asseritur.

*Caput IX.* De variâ colorum distinctione & differentia inter se.

*Caput X.* Conceptus Mystagogus quo per analogiam variarum rerum cum coloribus hactenus dicta comparantur, illustantur & confirmantur.

*Caput XI.* De propriis facultatibus colorum quibus obtutum variè afficiunt, proprietatibus & affectionibus, quibus amicam ineunt societatem aut fugiunt, aliisque affectibus.

*Caput XII.* De colorum apparentium in diversis diaphanis genesi naturâ & causis.

*Caput XIII.* De variis colorum apparitionibus & phænomenis in quorundam corporum immutatione conspicuis, & mirifico quorundam miscibilium chromatismo Experimenta varia.

*Caput XIV.* De coloribus seu tincturis è vegetabilium corporum substantiis artificiosè secernendis.

Extractio tincturæ è foliis Rosarum aliorumque florum per menstruum spirituosum aquæ vitæ.

Artificium tincturam ex Rosis & sua ipsamet aquâ extrahendi.

Lacca ex granis Kermes.

Extractio tincturæ è floribus genistæ beneficio menstrui ex sale Alkali calce & alumine.

Præparatio tomenti pro Lacca coccinea.

Magisterium quo cocci color extrahitur.

Laccam coccineam ex granis Kermes valde elegantem præparare.

Laccam valdè pulchram ex ligno Brasiliensi & rubia parare.

Regulæ seu cautelæ pro tincturis feliciter secernendis.

Nomina plantarum quibus tinctores utuntur

Plantæ quibus tinctores non utuntur.

Plantæ quarum baccæ colorem exhibent.

Plantæ quarum folia colorem producant.

*Caput XV.*



*Series & Ordo rerum I. Fundamenti.*

*Caput XV.* Variæ quæstiones circa lucem & tenebras resolvuntur.

*Quæstio I.* Cur solem intuentibus & deinde claudentibus oculum solis adhuc imago perseverat?

*Quæstio II.* Quam ob causam fixo oculo in discum solarem oculus postea videt in objecto alio non unam sed plures maculas eum representantes.

*Quæstio III.* Cur exquisitum lumen diutius spectatum visus organum labefactat?

*Quæstio IV.* Cur ictus in oculo acceptus scintillarum effulgentium & plurium lucularum apparitionem exhibet?

*Quæstio V.* Cur ii qui angustam pupillam nacti interdiu acutius, noctu vero hebetius vident, & e contra qui &c.

*Quæstio VI.* Quare aliqui vident in tenebris & crepusculo & paucâ lucem melius, quam in pleno lumine, & alii contra?

*Quæstio VII.* Cur ii qui pupilla nigra præditi sunt sub luce diurna clarius vident; qui vero glaucâ cæcia aut alias fulgidâ instructi interdiu non ita clare, nocte vero melius cernunt?

*Quæstio VIII.* Unde quidam homines nocte & per tenebras æquè ac interdiu & per lucem videre solent.

*Quæstio IX.* Cur prope Lucidum si corpus tenebrosum moveatur lucido motus tribuitur?

*Quæstio X.* Cur melius videmus de nocte si oculos juxta terram deponamus, quam si stemus erecti?

*Quæstio XI.* Cur optimè videmus ex obscuro loco seu tenebris?

*Quæstio XII.* Cur ex tenebris confestim in lucem transeuntes videre non possumus, & similiter dum ex lumine tenebras subimus?

*Quæstio XIII.* Unde radii, qui videntur ex facibus erumpere?

*Quæstio XIV.* Unde stellarum scintillatio provenire censetur?

*Caput XVI.* Dissertatio physico-mathematica de genesi natura & causis quorumlibet colorum ex sententia Admodum R. P. Honorati, Fabri. S. I.

Judicium de coloribus physico-mathematicum.

Crisis & judicium de hactenus proposita & exposita sententia.

Syntagma III.

De visione & modo videndi.

*Caput I.* Proponitur & explicatur commune phænomenon specierum visibilium, imaginum scilicet per radios ab objectis spectabilium corporum trajectos luculentur in aspectum deductarum.

*Caput II.* Immissarum per foramen nudum absque vitro specierum aliquot proprietates enucleatius explicatæ.

*Caput III.* Proferuntur & explicantur quædam proprietates & experientiæ trajectarum specierum per foramen vitro munitum.

*Caput IV.* De variis modis phænomenon specierum erigendi ut in situ recto species transmissæ conspici possint.

Pragmatia I. Immissas rerum species per Refractionem erigere.

Pragmatia II. Cistulam parastaticam construere, quâ varia curiosa rerum spectacula quovis loco facile exhiberi possunt.

Pragmatia III. Immissas rerum species per Reflexionem erigere.

Pragmatia IV. Cistulas catoptrico parastaticas pro curiosis phænomenis artificiosè construere.

*Caput V.* Phænomenon hactenus explicatum vera oculi idea & typus visionis demonstratur.

*Caput VI.*



*Series & ordo rerum I. Fundamenti.*

*Caput VI.* Natura visionis modusque videndi planius & enucleatius explicatur, indeque totius Opticæ disciplinæ radix ac fundamentum depromitur.

Definitiones.

Hypotheses.

Propositiones.

*Caput VII.* Quomodo sensibilia communia visus percipiat.

*Caput VIII.* Enodantur variae quæstiones circa visionem per quas uberius mira videndi facultas, & varia circa hanc experimenta adducuntur & exponuntur.

*Quæstio I.* Cur aliqui homines ad propinqua ægrius, ad longinqua acutius cernunt, & alii contra ad propinqua prius melius ad longinqua.

*Quæstio II.* Cur qui myopes sunt ut legant distinctè characteres minori, qui verò presbytae majori luce indigent?

*Quæstio III.* Cur sæpè res parva etiam ante oculos jacens dum studiosè quæritur, difficulter tamen reperitur?

*Quæstio IV.* Quare corpora lucida & alba procul posita majora apparent, minora propius locata?

*Quæstio V.* Cur ferrum candens majus apparet?

*Quæst. VI.* Quare album dicitur visum disgregare?

*Quæst. VII.* Undè corpora lucida longius remota sæpè comparent rotunda, cum non sint?

*Quæst. VIII.* Cur Oculus dum de nocte ex obscuro loco in lucernam remotam intendit, dolore afficitur, non ita dum in propinquam conspicit, aut dum à latere alia lucerna simul apposita est?

*Quæst. IX.* Quare dum per amplum foramen visus formatur, res visa albior & major, sed confusior: per angustum verò foramen instar puncti obscurior, & minor sed distinctior apparet?

*Quæst. X.* Quare oculus ad objecta vicinissima videnda cum dolore laborat?

*Quæst. XI.* Cur quæ visui sunt propiora evidentius cernuntur?

*Quæst. XII.* Quare myopes per exiguum foramen juvare se possunt, ut etiam satis benè prospiciant ad longinqua?

*Quæst. XIII.* Quare intuentibus pratum in distantia majori nonnisi unus color apparet, licet illud omni colorum varietate sæpè refertum sit?

*Quæst. XIV.* Undè capillitium stellarum?

*Quæst. XV.* Quæ celeberrimè moventur in maximâ distantia cur videntur quiescere?

*Quæst. XVI.* Cur videmus ea, quæ alias celerimè moventur, totum illud spatium quod percurrunt unâ simul complere?

*Quæst. XVII.* Quænam est causa vertiginis à diuturnâ corporis circumgyratione, despectu ab alto, pontium transitu, navigatione, ebrietate & quibusdam aliis?

*Quæst. XVIII.* Cur simplex objectum persæpè multiplex apparet?

*Quæst. XIX.* An & quomodo amissa cernendi facultas naturaliter vel artificialiter restitui potest?

*Quæst. XX.* Quænam causa sive ratio physica esse potest structuræ ocularis ac singularum ejus partium.





OCULI  
ARTIFICIALIS  
TELEDIOPTRICI  
SIVE  
TELESCOPII  
FUNDAMENTUM  
I.

*IN QUO*

Comprimis de Oculo Naturali , ejus  
structurâ & partibus:

Deindè de proprio & adæquato sensibili  
visus objecto:

Dum etiam de ipsâ visione modoquè  
Naturaliter videndi ,

*Solidè ac methodicè tractatur.*

A

*Herculeas*





*Herculeas posuit Naturæ nemo columnas,  
Et si quis studeat ponere vanus erit.*

*Sic nec & ingeniis discendi meta locata est:  
Pluribus indeptis altius ire volunt.*

*Innatum est cunctis sublimia plurima scire:  
Utquè scias brevis est regula scire velis.*



OCULI





# OCULI ARTIFICIALIS TELEDIOPTRICI

Sive

## TELESCOPII

### FUNDAMENTUM I.

*PHYSICVM SEV NATVRALE*

## OCULUS NATURALIS EXPLICATUS

### PROOEMIUM.



Effatum Principis Philosophorum est <sup>3. Aristote-</sup>  
 physic. *Natura causa est ordinis omnium.* Dum <sup>les.</sup>  
 igitur præsentī hoc opere OCULI AR- <sup>3. Physic.</sup>  
 TIFICIALIS sive Telescopii fabricam per-  
 quàm solidis è scientiarum fundamentis  
 tractandam adeo ; Naturæ comprimis  
 intima libuit penetralia subire , ibidem  
 fundare conceptus, ut indè præclarissima operationum semi-  
 na, & uberrimos contemplationum fructus ad præstantissimæ  
 Artis exercitationem exportare queam. Nihil enim præsta-  
 bit Artifex, si Naturæ nunquam ministrarit. *Homo equidem* <sup>Pythago-</sup>  
 ut aiebat Pythagoras *Naturæ minister & interpres tantum facit,* <sup>ras.</sup>  
*quantum è Naturæ ordine re vel mente obseruat.* Et uti Divinus  
 Plato. *Ars est ordinis & compositionis magistra, Simia Naturæ.* <sup>Plato.</sup>  
 Itaque Naturam inspectare, & observare, Naturæ adyta  
 referare & penetrare, à Natura requirere & addiscere  
 debet, quod ipsum Arte probè quis studet perficere.



Aristote-  
les  
2, Physic

*Nam Ars imitatur Naturam in quantum potest ; & Artis proprietas est Naturam imitari , ut idem supra præmemoratus Stagiræus Sophus in physicis edixit.*

Hujus  
Funda-  
menti or-  
dinatio  
& tracta-  
tio per  
partes,

Quocircâ in hoc primo tanquàm ordinatissimo physico seu naturali fundamento ipsam comprimis ocularis fabricæ structuram, sivè organum illud sensorium sensus omnium sensuum præstantissimi, ut à supremo Artifice DEO singulari prorsus ac planè admirandâ providentiâ pro præstantissimâ videndi facultate fabricatum est, intimè perlustrare tentabo. Mox deindè ad exquirendam objecti illius, quo concitatur ad sentiendum, secretissimam scilicet Lucis colorumquè naturam, ingenii vires expendam. Ubi si Lectorem validis rationum argumentis ad concordem una mecum in re subtilissimâ, & hætenus maximè recondita (in qua doctissimorum Philosophorum ingenia frustra laborarunt diutissimè) sententiam pertrahere nequeo: vadium tamen, quo scopulos tenebrarum, & tenebras errorum evadere me posse putavi, candidè solum edisserendo ostendam. Nec enim probro verti debet ibi conatus novos & tentamenta adhibere, ubi deficientes alii laborarunt incassum. Tandem etiam ipsam visionis actionem modumquè videndi exploraturus, longè utilissima & scitu dignissima congeram, quæ Oculo Artificiali sivè Telescopio ad Artis scopum provehendo haud exiguum emolumentum sunt præstitura. Verùm ne fastidio aliquo Lectorem ab operis hujus decursu abigam, curiosa plura ita permiscere volui, ut eum quodammodò de via fessum amænâ diverticulis recreare, & alacriter ad pergendum pro feracissimo fructu ex eodem colligendo roborare queam. Sed ne fusioribus verborum ambagibus aures obtundam Lectoris, ad ipsâ adyta Naturæ anhelantis sisto calamus, unicumquè hoc leniter instillo. Quidquid laboris mei est, totum ad emolumentum tuum directum scias: tibi facta hæc sementis; tutè tibi metito & gratis hanc animo si non grato saltè non Momico acceptato.







# Axiomata quædam seu pronuntiata de Natura & Arte ex diversis Authoribus.

I.

**N**atura nunquàm frustrà agit , nec in necessariis destituitur. Aristoteles.

II.

Qui dicit Naturam non agere propter finem , tollit sollicitudinem Dei circa hæc inferiora. Idem 2. phys.

III.

Natura sempèr desiderat id quod melius est , & sempèr facit optimum quod potest. Idem 2. de generat.

IV.

Natura compendio studens per brevissimas lineas agit. Proclus.

V.

Natura causa est ordinis omnium. Aristot. 3. physic:

VI.

Natura in suis operationibus non facit saltum. Themistius.

VII.

Natura non redundat in superfluis , quodquè alibi demit , alibi restituit. Aristot.

VIII.

Natura paucis minimisque contenta est. Boëtius.



## IX.

Unumquodquè naturaliter affectat , id â quo perfici, refugit verò id â quo destrui potest. Sivè Omne conservativum sui appetit, refugit verò destructivum. Plato, Aristoteles.

## X.

Ad omnem actionem physicam contactus vel suppositi, vel virtutis requiritur. Seu quod idem est: non datur actio in distans. Aristoteles.

## XI.

Quicquid movetur illud ab alio moveri necesse est. Id.

## XII.

Natura Natura delectatur. Democritus Abderita.  
Natura Naturam vincit.  
Natura Naturæ dominatur.

## XIII.

Nulla res adeò vilis & parva est in Naturâ , in quâ non liceat spectare aliquod divinum & admiratione dignum.  
Aristot. in primo de part: anim: cap. 5.

## XIV.

Ars est ordinis & compositionis magistra, Simia Naturæ, Plato.

## XV.

Oportet ut Ars in hoc imitetur Naturam ut omnia quæ agit, agat propter finem. Aristoteles.

## XVI.

Homo Naturæ minister & interpretantùm facit quantum è Naturæ Ordine , re vel mente observavit. Pythagoras.

## XVII.



XVII.

Natura nonnisi parendo vincitur. Synesius. Vincitur autem.

XVIII.

Cum arte superamus, quibus natura vincimur. Antiph.

XIX.

Quod est Ars in homine, hoc Natura in Deo. D. Thomas.

Natura Ars Dei. Plato.

Natura opus Artis Dei. Ramba.

XX.

Omnis excessus rerum vel nocet aut nihil proficit. Aristot. 7. polit.

XXI.

Nullum manum mittit ad impossibilia. Aristot. 5. polit.

XXII.

Oportet discitem credere. Idem 1. Elench. cap. 2. & 1. post. text. 5.

XXIII.

Quod cum majore labore acquiritur, magis diligitur. Idem in Eth.

XXIV.

Omne laborans requie indiget. Idem 8. polit.

XXV.

Malum facere est facile, bonum autem difficile. Idem 2. Eth. cap. 5.

XXVI.

Modica transgressio in principio à veritate discedentibus, in fine fit longè decies millies major. Idem 1. de cælo tex. 33.

XXVII.



## XXVII.

Multitudo temporis facit experientiam. Idem 6. Ethic. cap. 7.

## XXVIII.

Ad opera externa nihil aliud potest homo ; quam ut corpora naturalia admoveat & amoveat, Natura intus transigente. R. Moyſes Ægypt.

## XXIX.

Lis & Amicitia in Naturâ stimuli sunt motuum, & claves operum, hinc corporum unio & fuga. Ceber.

## XXX.

Qui formas rerum novit is unitatem in materiis dissimilibus complectitur. Averroes.

## XXXI.

Ars imitatur Naturam, in quantum potest. Aristot. 2. phys.

## XXXII.

Artis proprietas est Naturam imitari. Aristot. 2. phys. cap. 2. & 8.

## XXXIII.

Artis est finem certum præponere, & ad eum omnia dirigere. Idem 1. Ethic. cap. 1.





## SYNTAGMA I.

## De Oculo naturali ejus structura &amp; partibus.

**O**Mnibus aliis præponenda est Oculi consideratio, & anatomica inspectio, qua de causa præsentis syntagmate quædam de oculo prius in genere, deinde de ejus compositione, structura, & fabrica proponemus.

## CAPUT I.

## Quædam de Oculo in genere proponuntur.

**O**Culus qui teste Iſidoro lib. II. cap. 2. quasi occultus dictus, quod eum superciliorum tegmina occultent, ne qua incidentis injuriæ offensione lædatur, sive etiam quod occultum lumen & secretum potitum habeat; tantæ dignitatis & excellentiæ pars est in corpore, ut Galenus haud veritus sit appellare divinum membrum, caputque à Natura propter oculos formatum esse. Plinius lib. II. cap. 37. histo. natu. oculum dicit corporis partem pretiosissimam, & qui lucis usu vitam distinguat à morte. Et certè si in ulla re ac parte corporis nostri Dei eminet sapientia, profectò in oculo sensus maximè principalis organo liquidissimè pateſcit. Nam consideremus parumper quo artificio judicioque capiti sit defixus enim vero in sinu quodam, & velut cava pelvi universus globus reponitur. Igitur verò ne ladi possit acies palpebra tactum molliore velut felliculo, qua contrahi, remitti que possit cum velis, in cujus crepidine, cartilagine durata cilia prodeunt tanquam pilorum valli arcendis iis, qua intimè aperto oculo possent involare, & ut somno conniventibus, cum eo ad cernendum non egemus tanquam involutus, conquiescat. Ad latus hircus seu angulus à natura ejiciendis excrementis relictus est, ac limus vertendis torquendis que oculis opportunus. Natura præterea summus Artifex eos membranis tenuissimis vestivit & sepsit: quas primùm perlucidas fecit, ut per eas cerni possit; firmas autem ut contineantur. Sed lubricos fecit & mobiles, ut & declinarent; si quid nocerent, aspectum quo vellent, converterent: acies què ipsa qua cernimus, qua pupilla vocatur, ita parva est, ut ea, qua nocere possint, facile vitet. Colores, qui pupillam sepiunt idonei dati ad species recipiendas, conservandas que, nam imprimis albumen iridem cingit; Iris circum pupillam ambit; pupilla denique subluſtris speculi instar adeò perfectè res objectas exprimit, ac repræsentat, ut ea in illa vitam habere videantur. Quibus optimè subſternuntur tunica quatuor: quarum cornea, qua alba est, altera uvea, qua uva acinum externo livore repræsentat. Tertia vitrea ab humore vitreo. Quarta crystallina. Natura iis conservandis supercilia velut tegmen quoddam opacum suppeditavit & ad dignitatem frumenti conciliandam intercilium de pile medium reliquit. Latent præterea oculi utiliter & excessis undique partibus sepiuntur: primùm enim superiora superciliis obducta sudorem capite & fronte defluentem repellunt: gena deinde ab interiore parte tutantur subiecta, leviter que eminentes, nasus ita locatus, ut quasi murus oculis interjectus esse videatur. Porro sicut visus inter reliquos sensus externos principatum tenet, atque aliis longè aneſertur, assentiente P. Augustino de Trinit. lib. II. cap. 2. ita oculus hujus organum cæteris externorum sensuum organis præferri debet. Quia de oculo optimè Cædanius lib. 13. de subtilitate, de principatu visus, & oculi dignitate sic loquitur: Nobilissimus autem visus inter omnia, quæ exterius comprehendunt: quod procul magis, quod plura, quod exquisitius, quod celerius, quod pluribus differentiis, quod divinius procul cognoscere quis dubitat eum stellas assequitur: plura verò quod nihil luce aut colore certo careat, quæ ambo oculi sunt objecta prima. Exquisitissimè etiam nullus sensus adeò minutas rerum differentias comprehendit ut ille. Celerissimè ut cum solus illico, nam auris sono adventum expertus, & odoratus respiratione indiget. Differentias plures agnoscit colorum, & omnia communia sensibilia, vel solus vel minime eum ad factum confertur. Divinius ut qui solus nihil afficiatur sentiendo nec laboret, solique intellectu inter sensus similissimus existat. Itaque nihil mirum est, si natura nos ad timorem com-

Oculus unde dictus.

descriptio oculi ex D. Webero de studio perfecti lib. 1. cap. 6.

Visus aliis sensibus excellentior.

Vnde timor in tenebris.



pulit in tenebris, utpotè optimo duce destitutos. Ergo non nigredo non obscuritas tenebrarum nos ad timendum impellit, sed quod oculi auxilio carentes imbecilles, & omni injuria expositi videamur. Quod autem ita sit, ostendit societas, quæ timorem alleviat, cum tamen nigredo & obscuritas maneant. Vixque ullus sit qui inter multos familiares etiam in densissimis tenebris timeat, quodque in ignotis locis & insolitis magis timeamus, quàm consuetis, igitur oculi ipsi pro tot amicis ac satellitibus sunt præsidio. Ita ille addit deinde Cardanuseodem loco oculi sensum esse tenuissimum. His verbis: Ea de causa solum oculum natura munivit palpebris, ut solus tanquam rex nec invitus laborare cogeretur nec cum nollet ociari, sed ad arbitrium videret, quæ vellet, abstinere si odisset. At auris etiam quæ nolit, cogitur audire, & tactus sentire. Tenuissima autem substantia oculum esse, ac sentiendi vitam, indicat tria, quod exquisitissime dijudicet, quod imago rei visa in nullo subjecto constet: nam si constaret in aere maximam haberet sedem, atque ob id flatibus ventorum velleretur, quod haud contingit: denique quod Venere, profluvio sanguinis, & his sanguinem cogunt maximè ladeatur. Igitur optimum in nobis etiam est quod subtilissimum.

Temperamentum oculorum testibus Medicis est frigidum & humidum, ac sicut odoratus constituitur in calido & sicco, ita è contrario vitus in frigido & humido positus est. Hinc observatum eos qui visu pollent, ad remota & procul positavalido & acuto, debilem habere odoratum, contra verò qui probum habent olfactum minus vident, & breviorē vitam habent. Confirmat hoc idem Cardanus loco citi: ubi & causam addit, cur visus in humido & frigido poni debuerit. Verba ipsius hæc sunt. Hic sensus in aqueo collocatur, hi quia lucem & lumen in perspicua re collocari necesse erat: at divinius aërem minutionem non ingredi, ita in sola aqua constitui poterat, spiritus etiam in calido vel sicco tam tenues consumpti fuisset. Nec necessaria facit siccitas ad continendum species ut iudicium sequatur cum lux ac lumen maneant, sonus verò cum haud maneat servari in sensu debuit ut iudicium sequeretur: ob id sonus in sicco positus fuit. Igitur quem oculus in frigido & humido, odoratus facultas, in calido & sicco sunt constituta, atque in propinquis locis qui bene & procul vident, debilem habent olfactum, & qui bene olfaciant, plerumque haud procul vident. Benè igitur providit Natura, quod eam temperiem oculo concesserit, quæ perspicuum, aptum nempe humidum facile subtilissimas & tenuissimas species objectorum adduceret, ac ne à calore facile consumerentur, infrigidavit organum, illud etiam quo aptius fieret cerebro frigido subdidit, imo etiam ut à calore cordis ac cæterorum viscerum vindicaret, longius obduxit, atque altiori capiti infixit, quo fortassis Galenus supra citatus respexit, cum dixit caput propter oculos formalissimum esse, non tantum ut editiori loco positus oculus tanquam in specula objecta sua melius contempleretur, sed etiam ut contra cordis calidi injuriam se aptius tueretur.

Cur oculi  
gemi.

Placuit præterea Naturæ Architecto geminos oculos in capite ponere: cum enim vitus sit inter reliquos externos sensus præstantissimus, valdeque necessarius ad bene iudicandum & operandum ne uno oculo perviso statim tam eximii sensus facultas tota periret, idè in quolibet perfecto animali duplicatus est oculus. Dixi perfecto, nam quod Auctores aliqui de Monoculis scribant, quos Coclites vocant, illud ita accipio, quasi de monstris & Naturæ abortivis partibus loquerentur.

Color oculi in tribus ejus partibus spectatur, nempe in pupilla, in albugine, & in Iride sive orbiculo aut corona. Albugineus color ab albedine dictus est, unde & tunico nomine Album oculi dicitur. Pupilla color in omnibus animantibus semper est niger, non cum per pupillam in secretioris oculi partes inspicitur, illæ autem sunt instar cameræ obscuræ, obtenebratæ, hinc in omnibus oculis nigra apparet. Orbiculi verò color in homine & quo est varius, in cæteris animalibus in suâ cujusque specie constans & unicolor. Nam una quæque species certam coloris speciem sibi vendicat. Oves æquilinus color, Boves atratus & niger, capras medius, charopus sive rarus Leonis, aquilas vultures afficit. Variorum colorem in arietum & canum oculis laudat, sicut Fronto canes pastores



tales fulvos oculos ut Leones. Solus homo & equus varietatem simul & mutationem patiuntur. Namque ipsa natura ætatis progressu in pueris mutat, & æs quoque quamvis magna cura & pari periculo documenta dedit infuscandi lumina, coloresque imitandi. Constat præterea experientia pueros omnes cæcis primum oculis maturelcentibus deinde annis suum quem retenturi sunt, nancisci colorem. Aristoteles in lib. de generat: non solum hominibus, sed etiam in singulorum hominum ætatibus colorem variari docet; quod tamen non adeo compertum est: observavit Palemon & Adamantius cicuta animalia plerumque nigros habere oculos, sylvestria vero glaucos. Distinguitur color iridis ut Aristoteles in probl. in tres species, nempe nigrum, ciliam & caprinum, ut in histor. animal. quatuor adducit in simplicem & mixtam. maximè simplex color est niger; minus verò simplices varii dicuntur, ut Aquilanus non ab Aquila sed aqua dictus, unde & à medicis vocatus Aquaticus, à Gaza Aquatinus, cernitur autem maxime in ovium oculis, unde & ovium dici posset. Charopus quali graciosus dictus, quibusdam rarus denominatur, item fulvus, vel flavus lubricus. Unde fulvus Leo autem fulvum. Caprinæ color à caprarum oculis dictus; estque à claritate glauci coloris in squalitatem quandam decidens, ac color aliquo modo sordidiusculus ut ait Poëta, commendatur maximè, habet principatum in cernendi acumine. Item alius color est glaucus, alius cæruleus. Glaucus iterum vel albicans est, & dicitur cæsius vel croceus, estque aliqua viriditate olerum quasi inumbratus. Cernitur autem glaucus color in oculis noctuarum. Cæruleus color imitatur cæli colorem. Cicero lib. 1. de natura Deorum Neptuno cærulea Minerva cæcios oculos contingit. Rubeus alvus à rubedine nominatur sive sanguine velut suffuso. Color ex his omnibus maxime ad decorem & pulchritudinem conducent à piceis habitus est niger. Unde. Horatius

*Spectandum nigris oculis, nigroque capillo.*

Dicunt etiam cum Aristotele, lib. 19. nigros oculos melius & acutius videre de die quam de nocte, & è contra glaucos melius de nocte quam de die. Caterum colore mixtus dicitur respectu gravitorum, maculatorum, & id genus variorum, si quas unde tanta oculorum varietas oriatur? respondet Guilhelmus Gratavo- lus in opusculo de prædictione morum cap. 9. oculorum varietas non procedit nisi à calido elevante vapore ad oculos: & quanta major est varietas, tanta major est caliditas. Sed hæc de colore oculi.

Oculo etiam passionum animæ maximè indicantur. neque ullà ex parte (Plinius lib. 11. cap. 37. hist. natur.) *majora indicia animi cunctis animalibus, sed maximè homini.* Inde: signa charissima amoris, odii, tribulationis, tristitiæ, clementiæ, misericordiæ, iræ, audaciæ, lætitiæ & cætera habentur. Unde ibidem. *Profecto in oculis animus inhabitat, ardent, incendunt, humectant, cohibent. Hinc illa misericordiæ lachrymæ: hos cum osculamur, animum ipsum videamur attingere, hinc flatibus & rigantes ora rivis. Quis ille humor in dolore tam fecundus & paratus? aut ubi reliquo tempore? animo autem videmus, animo cernimus.* Sed ne cupidinis tela quæ haud vano jactu ex oculo profiliunt, prætereamus; maximum semper amoris illicium fuit oculus, ut blanda Cupidinis philtrea nusquam certius quam ex amica bili dentur intuitu. Unde Propertius.

*Si nescis, oculi sunt in amore duces.*

Queritur etiam Romanus Vates non aliunde te perditum Amoris Venenum hausisse, dum canit:

*Vt vidi, ut perii; sic me malus abstulit error.*

Sic etiam plangunt omnes Mystæ cum alio Vate.

*plorate ocelli — — —*

*Per vos amoris primitus facta est via.*

Alius monet dormientem subarbore Venerem non excitandam his verbis.

*Cave Viator, somno excites Deam*

*Sua namque adaperiens, tua claudet lumina.*

Color iridis.

Oculi alii de die, alii de nocte melius videntes.

Animi passionum ex oculis indicia.

vide infra synt. huius cap. vii. erot. vii.

Oculi amoris indicia.



Diversa  
membra  
Gentili-  
um Diis  
consecra-  
ta.

Solebat quoque vana Gentilitas diversis Diis diversa corporis membra consecrare, ut Jovi caput, Neptuno pectus, Marti cinctum, frontem Genio, digitos Minervæ, Mercurio pedes, Veneri inguina, Veneris filio, hoc est, Cupidini, sive Amori, oculos. Hinc benè semper est creditum oculum amoris esse viam, atque è calidissimo æquè ac purissimo cordis sanguine spiritus amoris illic non aliâ viâ efficacius quàm per oculum in Amatos transfundi. Tandem hoc caput sic placet finire. Oculus est Animæ fenestra, speculum mentis, corporis lucerna, imago cordis, nuntius intellectus, Amoris porta, pulchritudinis censor, animi cultos & vigil, malorum bonorumque arbiter, periculorum & insidiarum index, vitæ tutor, sensuum externorum dux, Artium & scientiarum doctor, Organum lætitiæ, subtilissimarum specierum hospitium, officina gaudiorum, Naturæ Magisterium, membrorum in corpore miraculum, Opus deniquè Excelli grande, & super omnia admirabile. Benè proinde D. Chrysostomus homil. 25 in Joan. Quod sol mundo, hoc oculus corpori: extincto sole, omnia perduntur, & perturbantur: ita amissis oculis, pedes inutiles sunt & manus. Quare ut in regio quodam loco altiori corporis parte sedem sortitus est, & cæteris præfertur sensibus. Oculus luce omnium membrorum ornat totum Corpus.

## CAPUT II.

### *Oculi humani inspectio Anatomica.*

Oculo-  
rum pal-  
pebræ.

Pili pal-  
pebrarum.

Anguli.

Officium  
palpebra-  
rum.

Pro dignitate & excellentiâ Oculi actum est capite præcedente; nunc partium Oculum componentium structura assignanda est. Lustrandæ primùm palpebræ à palpitando dictæ, quod palpitando scilicet semper moveantur: assidue enim concurrunt, ut assiduo motu reficiant obtutum, alio nomine dicuntur cilia à celando dicta, quod oculum tegant, ac celent tuta custodia. Sunt autem palpebræ seu cilia oculorum velamenta. Constituuntur illæ ex cute communiter, sed quam nulla pinguedo stipat. Interiore facie pericranio succinguntur; exterius cuti membrum subditur verè carnosa, quippe cui muscoli duo palpebrarum clausores inseruntur. Singularis quidam musculus attollit palpebram superiorem, qui circa foramen nervi optici intra orbitam exortus tenuissimo fine in palpebræ marginem definit. Extremis illarum cartilagine inducuntur, quas Græci vocant Thartos, Latini cilia ad palpebrarum tum stabilem extensionem, tum exactam commissionem comparata. Munitæ sunt palpebræ pilis contra occursum volitantium per aërem corpusculorum, aut ut inductis hac ratione leviter umbris intuitus Luminosorum perfectior evadat, sive, ut ait Ildorus, ut aërem mediocriter intercicando mirificent, & sic visum serenum custodiant & conservent. Item habent palpebræ pilos non omnino rectos, sed in extremitatibus mediocriter reflexos, ut aptius se clauderent, & si quod impedimentum occurreret, fortius efficaciusque obviarent. Determinavit quoque natura his pilis in crescendo quantitatem. Nec enim crescunt, ut capitis pili sive capilli; sed suam determinatam servant proportionem; imò natura palpebras ad hoc ut pilos crescentes duriores faceret, ac reflecteret non molles aut porosas fecit, sed potius duras magisque solidas. Efformant præterea angulos duos quos Veteres Canthos nominarunt; minorem unum, eumque externum, tum minorem alterum, qui internus est, in quo recumbit caruncula spongiosa & mollis, meatum subiecti ossis qui ad nares pertingit operiens ut fluxum lachrimarum per eas impediat. Observatu dignum est, quod scribit Aristoteles lib. 12. quod omne animal quadrupes claudit oculum per palpebram superiorem, omnis verò avis claudit oculum per palpebram (sive telam quandam appropriatam) inferiorem, animalia verò quæ palpebris omnino carent, velut lepores, pisces, sunt debilis visus. Est igitur officium palpebrarum oculum claudere, obvelare, & aperire pro necessitate, eumque ab omnibus externis incommodis atque advenientibus injuriis munire. Ad oculorum & frontis confusa supercilia producta sunt, arcus crassior



crassiore cute præmunitus, pilisque, pro setis, hirsutus, non tam formæ lenocinio umbræque sufficiendæ gratiâ, quàm ut defluentem per frontem sudorem ab oculis submoveret. Intra has palpebras sive cilia reconditus est in cavitate capitis Oculus. proprium visionis organum, figuræ rotundæ, utpote tam ad motum aptioris, quàm ad imaginum visibilium receptionem commodioris: hæc figura tamen non est perfectè rotunda, sed instar bulbi cepacei è caule aut pruni pomive alicujus è stylo proerelcentis, sicutque pomum aliquod è stylo enascitur, sic oculus è duobus nervis tanquam pedum cutis stilisque in cavernam suam proserpit. Horum nervorum unus dicitur animasticus, communis, nolo vius, estque minor, alter ab officio opticus, & major est. Prior animasticus scilicet è cerebro per ossis ocularis magnum & obliquum foramen insipienti directè oppositum egressus musculus oculi dispersis ramulis ingreditur, eosque primum constituit, in tendines atque tenues membranas desinentes, quibus ipsam oculi tunicam consolidantem mordicè apprehendit, non tantùm à tergo undiquaque circa nervum, alterum, nempe opticum explicatus, sed etiam in anteriora proreptando, usque ad ipsum oculi solem sive iridem atque adeò tunicæ corneæ ambitum, in quem aut omnino desinit, aut potius coalescit; ut omnem corneam tunicam tenui continuoque amiculo super integat, quod probat Reinerus in oculo. Lib. I. Cap. II. Part. I.

Oculi figura.

Nervus Animasticus.

Opticus.

Sed quia, ut dictum, hic Nervus animasticus musculos ingreditur, atque constituit; de his quoque hic amplius quid differendum. Est ergo musculorum officium motum aptum quaquaversus oculo conciliare. Numerus horum anceps est in homine: aliqui concedunt sex, alii septem, alii ultra septem, quod ultimum minus possibile videtur. Ac licet in septenario musculorum concedendo à doctissimorum & expertissimorum anatomicorum sententiâ minimè dissentiam; hæc tamen sex utpote magis notas placuit exponere. Itaque sex musculi in hominis oculo præsertim sese efferunt, è quibus recti sunt quatuor, duo verò obliqui. Rectorum æqualis fere magnitudo, & crassities, ducunt principium ab orbitæ sinu interno circa foramen amplum sive oblongum, quod nervum Opticum admittit, & sub adnatâ tunicâ ad corneam usque tendinibus suis feruntur. Horum primus oculum attollit, quod ipsum, quoniam elusa fretis hominibus frequens est, superbi nomine denotatur, alter situ oppositus deprimat oculum, vocaturque humilis, quoniam modestiæ & submissionis speciem motu suo exprimit. Tertius oculum ad angulum palpebræ internum adducit, vocaturque Bibitorius, quia potum haurientes aciem oculorum ad poculum convertere videtur. Quartus adducit oculum ad angulum palpebræ externum, vocaturque indignatorius, quia suo motu iracem aspectum iracundorum hominum exprimit.

Musculorum officium Numerus.

Obliquorum musculorum sunt duo, qui & Amatorii dicuntur, ob, nescio quas emissitias Amoris illecebras: Horum qui minor, situque inferior qua parte primum maxillæ os quarto infra orbitam jungitur exortus, versus externum palpebræ angulum obliqui sursum ascendit, brevique tendine ad iridem propagatur, oculumque deorsum obliquando versus externum angulum convertit.

Musculi obliqui duo.

Alter obliquorum major & longior situque superior, commune cum tertio rectorum principium sortitus juxta internum oculi angulum tenui corpore trochleam ingreditur cartilagineam: hinc deinde obliquo flexu per oculi superiora progressus juxta finem tendinis obliqui inferioris musculi terminatur, & versus angulum internum oculum circumvolvitur, & ob robur trochleæ suæ, eundem oculum invisibilium rerum obtuta figit.

Alter nervus opticus sive Visorius dictus, ex quo interior oculi substantia tanquam nucleus è caule pronascitur, immediatè ex cerebro tanquam communi sentiendi principio derivatur, constatque duabus Meningibus: dura scilicet & pia matre, ac ipsa cerebri medulla, unde per angustos calvariæ sive Cranii meatus intra frontis & nasi promontorium tereti canali descendens, tandem ex latere ejusdem nasi haud procul à foramine nervi Animastici per propriam atque rotundam cavam erumpit, ac in diversas tunicas sese explicat. Licet verò uterque nervus opticus

Nervus opticus seu visorius.



utriusque oculi in uno foramine concurrant, non tamen hoc ita contingit, ut in unam substantiam coalescant, ut aliqui voluerunt, sed solum ut se mutuo contingant, quod experientiâ anatomicâ probat Cabæus in meteoris Aristot: In d eodem Cabæo teste in aliquibus hominibus omnino disjuncti sunt duo hi nervi, nec uniuntur quidem, uti experimento anatomico compertum fuit. Multò minus verum est, quod docet Rogerius Bacon in perspectiva Part. 3. Distinct. 2. Cap. 1. duos nervos opticos duorum oculorum in loco Unionis dicto interfecare se decussatim, ita ut permutato situ nervus dexter pergat ad oculum sinistram, & sinister ad dextrum, nam oculi anatomia contrarium luculenter demonstrat. Sed quomodo ex nervo optico tunice propagentur dicamus.

Tunica  
sclerotica.

Itaque extrema pars nervi optici, quæ à dura matre deducitur, & firmior est sese in tunicam extendit, quæ longè crassior, & firmior, ipso nervo, ac solum oculum circumdat, appellaturque sclerotes sive sclerotica. hoc est, dura & consolidativa, quia cæteris durior totum oculum consolidat, & in figura sua conservat, estque opaca sui portione posteriore, ubi proprie hoc nomine sclerotica dicitur, perspicua verò anteriore, ubi cornea vocatur, & ut communiter plerique Anatomici observârunt, ex ea parte aliquantulum protuberat, contra Cabæum in meteor: Arist: qui dicit dictam protuberationem non agnatum oculo viventi, sed mortuo solum advenienti. Vocatur autem cornea, quod instar tersæ politæque alicujus bracteolæ corneæ sit pellucida, ut per eam species & lumen tanquam per fenestram aliquam in oculum deducantur,

Cornea.

Adnata.

Supra tunicam scleroticam existit alia tunica Alba, quæ ab Anatomicis vocatur Adnata, alba, adhærens, conjunctiva, aliisque similibus nominibus: ac porrigitur hæc tunica à pericranio, & supra scleroticam tantum protenditur, nec ultra supra corneam excurrit, licet alias totum oculum investiat, eundemque aliget, & firmet, ut in sua cavitate contineatur. Valde etiam ab insigni albedine se conspicuum exterius reddit, constat præterea venis & arteriis illis à jugularibus, his verò à carotidibus protectis item musculis, glandulis & pinguedine obvolvitur, ut oculus benigno quodam humore ad motum facile promptus esset, unde hæc adnata motui valde conducit.

Choroides.

Ea deinde nervi optici pars, quæ è molliori meninge sive pia matre constat, ac intra jam dictam extimam duræ matris lobolem, partem nempe solidiorem nervi optici continentur, producit aliam tunicam longè subtiliorem, quæ vocatur Choroides, quia chery instar, (ut ait Veslingius in syntag. anatom. Cap. 15.) venulis non paucis prædita conspicitur. Appellatur etiam Impleta, eo quod fibris quibusdam & radiis ipsi sclerotidi implicatur. Est autem hæc tunica tota opaca, ut objecti vitibilis imago veluti circumfusus umbris vigescens ad interiorem oculi cameram illibata magis forma pertingeret. Eadem superficie concava evidenti aliquo colore imbuta est, in supercave instar speculi, ut convexum retinæ tunice superficie undique optimè adæquet, atque sic species appulæ situm concussum servant, & ne ulterius progredi species possint, sed retundantur, & quasi sepeliantur. Hæc etiam inter principales tunicas & secundum continuationis modum spectatas numeratur, quia totum ferè oculum interius sub sclerotide & cornea circumdat. Distinguitur in anticam & posticam: postica proptè choroides appellatur, ac sclerotidi immediatè subjacet. Antica verò ubi sclerotes ferè in corneam transit, ab illa separatur, ac sic separata in trorsum pergit, atque in planitiem quandam vergit cum patenti in medio foramine, quod pupillam dicunt, per quam species, & lumen transmittitur; ex hac antica parte vocatur uvæa, quia concava & interiori opacitate tota nigra apparet instar uvæ nigræ, exteriori verò & convexa facie, quæ sub cornea propagatur, diversicolor exilit, & ob colorum varietatem, quam præcedenti capite explicavimus, vocatur iris, corona, orbiculus, sol, &c. pupilla autem id foramen in medio ideo dicitur, quod ibi pupula ex radiis in superficie oculi percussis in specienti appareat. Pupilla in homine semper exactè rotunda est, potest tamen instar loculorum nunc arctari, nunc dilatari, ut minor modò, aut major evadat, prout

Pupilla.

ingre-



ingredientium visibilium simulachrorum vel lucis vigor aut debilitas requirit, vel major minorque copia ad perspicuam visionem requiritur: in aliis tamen animalibus non est exacte semper rotunda, sed in aliquibus oblonga, uti facili experimento in felibus domesticis aliquando rotunda aliquando oblonga, ac omnino in centicularem formam, acuminosa ac velut in lineam erecta cernitur. A parte medullari intra nervum opticum contenta, & duabus prioribus tanquam canalibus inclusa propagatur alia tunica posteriori parte vocata retina, quæ tunica coroidi ubique contigua processibus ciliaribus commissa est, & quia non nihil varietatis aspectum habet ex innummeris venulis ipsum perreptantibus, nomen retinæ accepit, sive reticularis, aut retiformis, quod projectum in aquas reticulum æmuletur. Alio etiam nomine dicitur Amphiblestroides, estque mollis mucosaque substantia neque omnino opaca, neque omnino diaphana, sed subalba; opacatur tamen à choroide ipsi à tergo adhærente, ac per modum plumbi vitro subjecti ipsum terminantis, ita ejus semidiaphaneitas sistitur à choroide à tergo subjecta.

Retina

Ab anteriore parte paulò intra uveam à choroide discedit, & introrsum vergit, in medio amplectens humorem crystallinum, eumque continens, vocaturque ob tenuitatem suam Aranea, quod delicatissima sit instar aranearum telæ, appellatur, ab aliis etiam Arachnoides, item ciliaris, eo quòd contenta sit ex radiosæ fibræ nigris ac selotis, quæ pilis ciliaribus haud dissimiles sunt: Vocatur etiam processus ciliares, quod à communi corneæ atque sclerodis confinio introrsum versus humorem crystallinum procedat, vel ab hoc versus choroidem quodammodo procedat, Aranea autem hunc in finem à natura formata est, ut medium veluti luna circum circa arreptum humorem crystallinum in suo centro firmiter suspensum teneat, & densitate nativa, opacitate atque pectinibus, fibrisque seu corona radiosæ speciebus, ac luci haud necessariæ transitum neget, humorem aqueum interiecto quasi diaphragmate, ne ulterius in oculum profluat à vitreo scernat. Vim etiam habet ope processuum ciliarium crystallinum humorem vel propius vel remotius à retina movendi, eumque ut & totum oculum magis aut minus convexum reddendi, prout distantia major aut minor ad perfectam sensationem requirit.

Processus  
ciliares.

Præter jam assignatas tunicas alia tunicella ab Auctoribus Hyaloides nomine proponitur; hæcque intra Araneam & retinam collocata, humorem vitreum tenui amiculo investit, circumdat, & continet totaque pellucida & perspicua est, neque ab ipso humore vitreo in pelluciditate discernitur; causa est, quòd à multis negligatur, & tanquam minus considerabilis retineatur.

Hyaloides

Ex dictis facile patet, quomodo intelligendi sint Auctores, qui tres tantum tunicas oculo tribuunt: loquantur enim de tunicis principalibus & totalibus secundum continuationis modum spectatis, sic consolidativa intelligitur constare ex alba, & cornea: secunda ex uvea & choroide, tertia est retina una cum Aranea & Hyaloide: nam ex ea has enalci inde cognoscitur, quod retiformis ad pectines istis omnino continuata sit. Partialis autem tunicarum hæc est, cornea, sclerodes, uvea, choroides, hyaloides. Adnata verò, de qua supra, una cum sclerode conjuncta reputatur. Sunt ergo septem numero tunicæ, quæ omnes etiam præter sclerodem, uveam & choroidem diaphanæ: ultra mediocritatem corneæ, minus reticularis, quæ subalbida est, nec perfectè diaphana. Hæc de tunicis, nunc ad humores, qui tunicis includuntur.

Humores in quovis oculo differentes, tres observantur, aqueus scilicet sive Albugineus, crystallinus, qui & glacialis & grandinosus dicitur, ac vitreus. Pellucidi sunt omnes, ut rerum visibilium ideas accuratius valeant transmittere & exprimere, maximè tamen crystallinus: nam vitreus sic dicitur, quod vitrum licet purissimum viriditate tamen aliquantulum imitetur; Aqueus verò seu Albugineus, quod aquam sive ovialbumen. Humoraqueus cornea uvea, processibus ciliaribus & Aranea confinis, illarumque figuras internas induit; hinc anteriore parte convexus est secundum corneam, posteriore concavus, secundum humoris crystallini eminentiam; præ reliquis tamen duobus, est magis fluidus & tenuis. Creditur generari cum

Humores

Aqueus



cum spiritibus animalibus, dum in anteriore parte concresecunt. Reparari potest, si vulnere evacuetur, ut probat Schottus in mag. natur. part. 1. lib. 2. prælus. 1. art. 7 experientia facta à P. Cabæo in agno. & Technic. curi. lib. 11. cap. 22. experimento Pragenfi apud D. Doctor. Marcum Marciab Anglo quodam nobili in anseri.

**CrySTALLI-  
nus.**

**Ejus Figu-  
ra.**

Humor crySTALLINUS continetur fibrosa membrana, & intra processus ciliares: est instar gemmæ glacialis, purissimus & maximè pellucidus; viscosus insuper & ceræ colliquescentis more consistens; unde propriè non est humor, sed veluti glacies aut gemmea substantia, solidus & diaphanus, cumque ex tenuissima vesicula sua extrahitur, optimè tersus, politus & lubricus est: sensim autem dum indureseit, fit scaber, atque friabilis, figuram etiam gibbosam perdit ex una parte, nam instar lapidis cancrini in medio contrahitur, & in cavum subsidit, uti in oculi vitulini humore crySTALLINO exsecto & indurato expertus sum. Figura illius in homine est lenticularis, composita ex duabus portionibus diversarum inæqualium sphaerarum: nam anterior pars est portio majoris sphaeræ, ac proinde planior, minusque torquens aut curva, posterior autem minoris sphaeræ, indèque gibbosior. Ita communiter anatomici. Veslingius tamen syntag: anatom. cap. 15. vult partem anteriorem, quâ pupillam spectat, esse globosior, posteriorem quâ in vitrei sinu recumbit, planiorem, sed haud verum id est, uti experientiæ anatomicæ reclamant. Hoc tamen verum est, humorem istum non in omnibus hominibus, neque in omnibus ejusdem hominis ætatibus eandem & habere, & retinere figuram: nam in aliquibus est magis rotundus, in aliquibus minùs: in ætate integra est turgidus, in fracta quasi planus. Figuram illius optimè constitutam sequitur bonitas & acumen visus, minus verò ordinatam, ac improporcionatam sive per defectum, ut contingit in prestytis, quibus planior est humor, sive per excessum, ut in Myopibus, quibus justò globosior, vitium in videndi potentia provenit, sed de hoc infra.

**Vitreus.**

Tertius humor nempe vitreus in propria tenuissima tunicella contentus reliquam oculi cavitatem à crySTALLINO intra Araneam & retinam occupat. Reliquis humoribus copiosior est, vitroque fuso non minùs substantiæ modo, quàm nitore similis, minùs etiam fluidus est, & magis corpulentus respectu aquei, minùs verò solidus & magis fluidus respectu crySTALLINI. Figurâ convexo-cavus est, cavitatem humori crySTALLINO se conformat, convexitate retinam, cui insidet, adæquat. Sed quæ hætenus latè profecuti sumus, in apposito schemate graphicè ad unicum intuitum objicimus.





KACFCAK est nervus opticus AK A pars exterior à dura meninge proveniens, quæ circa O O explicat se in tunicam scleroticam OBB O: BB verò est cornea. Deinde CK C est interior nervi optici pars à pia matre profecta circa O extenditur in tunicam choroidem KD & KD ibi autem ad DD in tunicam uveam DED E, estque DE iris, EE verò pupilla. Præterea FK est medullaris pars cerebri, quæ à K producit retinam KGG. Inde à G introitus vergit tunica Aranea GH, quæ totum crystallinum humorem numero 2. signatum circumdat. ED. GH sunt etiam processus ciliares. Denique LM, LM, est adnata sive alba NN musculi. Humores representantur numeris 1. aqueus 2. crystallinus. 3. vitreus.

## CAPUT III.

## De Oculi Humani Dimensione, Parium Magnitudine, Centris &amp; Sphæricitatibus.

**D**E perfecta oculi humani dimensione, illius partium magnitudine, centris & sphæricitate vix aliquid certi audemus asserere ob difficultates sequentes. Difficultates in dimensione. Prima, cum enim oculus neque sphæricè neque uniformiter, sed difformiter rotundus sit instar bulbi cepaci aut pomi à stylo protrusi, ut supra diximus, & anatomici plerique testantur, omnes ejus partes perfectè dimetiri, & magnitudinem præcisam determinare velle, præsertim ob earum dissimilitudinem in materia lubrica, heterogenea, partim diaphana, partim opaca, item figuræ inæqualitatem, permutationem, & in constantiam, erit moraliter ferè impossibile. Prima. Secunda difficultas, quæ se in præsens negotium ingerit, oritur ex diversitate oculorum in diversis hominibus; nam aliqui majores, & grandiusculos oculos nati sunt, alii exiles & parvos: aliquibus pupilla lata, ampla, aliis angusta parva: item quidam licet magnos habeant oculos, parvis tamen pupillis parulis instructos advertes: alii verò parvis quandoque oculis, & in diversis hominum ætatibus partium istarum habitudo & figura permutetur: nam humores qui in ætate vivaci, florida, sanaque ob spirituum copiam, calorem & vigorem turgent, extendunt tunicas, ut & nitor earum extrinsecus ostendit: in flaccida & senili procumbunt, tunicisque multum concidunt & contrahuntur, sicuti in senibus, mœrentibus, famemque patientibus è contrario habes, & flaccidus oculorum nitor satis prodit. Secunda.

Tertia difficultas est; quod ii, qui partium istarum dimensionem tradunt, ex brutis animantibus experientias solum captas sequantur, in quibus tamen, sicut in omnibus aliis ferè membris à corporis humani partibus multum discrepant, ita & circa oculos discrimen aliquod parziale fortassis inveniri posset. Fatetur etiam Scheinerus, qui alias hoc negotium studiosè disquirat, in oculo suo fund. opt. lib. I. part. I. c. 9. se oculum humanum dissectum nunquam inspexisse his verbis: *Oculi enim humani exempti copia mihi nondum est facta: & paulo infra: humanus oculus, ut dixi, exsectus in manus meas necdum venit.* Quomodo ergo accuratam dimensionem, & justam partium magnitudinem præcisè assignet, aut solum mente ex hypothese aliena divinet. Quapropter ob difficultates allatas accuratissima dimensio, & certitudo infallibilis haberi vix poterit; quod ipse Scheinerus agnosceret pro præsentis instituto rationabiliter adduci potest, ac etiam illæ magnitudinum proportionibus, quas Scheinerus diligenti inquisitione indagavit, specie quadam probabilitatis nituntur, hinc illas hoc loco proponere, & explicare libuit. Quod ut melius, & ordinatius fiat, aliqua prænotabo. Tertia.

I. Cum per definit. 3. primi sphæ. Theodosii, Axis sphære sit recta quædam linea per centrum ducta, & utrinque terminata in sphære superficiem, hinc etiam per axem oculi intelligenda est linea recta à fundo oculi sive Retinæ velut superficie sphærica oculi per centrum ducta in corneæ superficiem protensa. Vocatur communiter Axis opticus, non quod ad opticum nervum pertingat, quia hic illi à latere adjacet, sed quod radius visualis, sive opticus fortissimus per illum incedat. Aliqua notanda. I.

II. Maximus circulus in oculo censetur, is esse, in quo centrum oculi jacer, II.  
C quod







Habita tunicæ corneæ magnitudine facile invenietur sclerodis & aliarum partium magnitudo, uti ex dicendis melius cognosces.

Crassities corneæ ubique eadem est, teste oculari experientia anatomica, Crassities  
unguis humani quasi dupla ut vult Scheinerus: Hinc diameter circuli concavæ quanta.  
illius superficiei subtensi est prioris sub sesqui septima circiter, quæ eadem est Diameter  
diameter humoris aquei secundum latitudinem corneæ infusi, nam quæ secun- humoris  
dum altitudinem est portio axis optici inter corneam Araneam anteriorem inter- aquei  
cepta, videtur prioris esse sub sextupla. quanta.

Crassities uveæ cum sit curvatis instabilis, quia modo explicatur, contra- Crassities  
hitur & corrugatur, ad pupillam nunc laxandam, nunc arctandam, ut priori uveæ & e-  
capite docuimus, hinc dimetiri haud facile potest. Subtensam tamen basin jus dia-  
eandem habet magnitudine mediam inter eam quæ aqueum humorem, & cry- meter.  
stallinum subtendit, semperque in eodem cum ipsis quam cum processibus cili-  
aribus plano jacet.

Humor crystallinus, qui est figuræ lenticularis & tutior quam profundior quia ex diversis sphaeræ portionibus compactus, hinc etiam secundum diversas  
bases considerari potest. Illa basis, quæ secundum latitudinem Humoris est ad Humoris  
diametrum ciliarium processuum sesquitertia, & basis transversa latitudinis Hu- crystallini  
moris ad basin directum seu profunditatis ferè etiam sesquitertia. dimensio.

Processuum ciliarium diameter duplex est convexitatis, quæ est eadem li- Processuū  
nea, quæ arcum corneæ tunicæ maximum, & concavitatis eadem quæ circu- ciliarium  
lum araneæ utriusque tam anterioris quam posterioris subtendit. Semidiam- diameter.  
ter autem Araneæ interioris dimidium est transversæ: eo quod ipsa superficiem  
semisphaericam adæquet.

Diameter sclerodis seu consolidativæ dupla est, aut paulo major diametri cor- Sclerodis.  
neæ, nempe dupla sesquisepta.

Choroidis verò Retinæ Hyaloidis atque Humor vitrei diametri tanto sunt Choroidis  
breviores, quanto tunicæ crassiores, unde cognita earum crassitie & subducta à  
sclerodis corpulentia, earum magnitudo facile pervestigatur, nam exteriores tu-  
nicæ sibi inclusis semper aliquid amplitudinis demunt ob suam corpulentiam &  
crassitiem.

Humor Aqueus ex observatione Scheineri ad crystallinum comparatus est in  
in proportionem sesquialtera, quos ambos quantitate sua longè excedit vitreus. Humor  
Verum quod Humores attinet maximè vitreum & Aqueum, quia pro varia ani- aqueus  
malis temperie nunc augentur, nunc minuuntur, ac consequenter suos sinus cum cry-  
diversimode substantiæ suæ quantitate adimplent, hinc vix aliquid certi haberi stallino  
potest, uti supra quoque indicavimus. Sed ecce tabulam, in qua proportionibus compara-  
tus.  
hactenus allatæ unico intuitu pervideri possunt.



# Tabula proportionum, Magnitudinis, partium Oculi juxta dimensionem Sceineri.

Arcus Corneæ tunicæ.	intra Grad. 90. & 60.
Chordæ five diameter basis Corneæ.	intra latus Tetragoni & Hexagoni.
Crassities Corneæ cum Crassitie unguis humani comparata.	ut 2. ad 1.
Diameter circuli concavæ illius superficiei ad Diametrum convexitatis Corneæ.	ut 7. ad 8. circiter.
Diameter Humo: Aquei secundum altitudinem ad convexit: Corneæ.	ut 1. ad 6.
Diameter Hum: Aquei secundum latitudin: Corneæ ad Diametrum Convexi: Corneæ.	ut 7. ad 8.
Crassities uveæ.	incerta.
Diameter basis uveæ.	media inter diam. Aquei & Crystallini,
Diameter directæ Crystallini ad diam: transversam ejusdem.	ut 3. ad 4.
Diameter transversæ Crystallini ad diam: process: ciliarium.	ut 3. ad 4.
Diameter convexitatis process: ciliarium.	eadem cum subtensa corneæ.
Diameter concavitatis process: ciliar:	eadem quæ circulum araneum utriusque subtendit.
Semidiameter Aranæ interioris ad transversum.	ut 1. ad 2.
Diameter sclerodis ad diam: Corneæ.	ut 13. ad 6.
Humor Aqueus ad Crystallin:	ut 2. ad 1.

De centris partium oculi magna est diversitas inter Auctores, ego, ut certa ab incertis sejungam, sic sentio.

Numero-  
rum & tu-  
nicarum  
centra

Dicendum I. omnium humorum & tunicarum centra in una recta linea, quæ axis opticus dicitur, collocari, atque hoc certius esse puto, quàm ut à quopiam in dubium revocari possit, cum omnes omninò optici, medici & philosophi consentiant.

Dicendum II. tunicas sclerodicam, choroidem, Retinam, & Hyaloidem una cum incluso vitreo humore esse concentricas: nam sunt æquidistantes continentes se, ac consequenter ut supra notatum in notar: 4. idem habebunt centrum, quod est centrum oculi.

Cornea  
centrum.

Dicendum III. corneam tam secundum convexitatem, quàm concavitatem una cum humoris aquei infusi convexitate idem habere centrum, illud tamen diversum à centro totius oculi. Ita communiter Auctores, unde bene docet Rogerius Bacon: lib. perspect. distinct. 3. cap. 1. *Concava superficies corneæ, & convexa superficies humoris Albuginei, qui est in foramine, sunt sicut sphaera interior & exterior, oportet quod convexa superficies humoris albuginei habeat centrum idem cum prædictis.* Et si deinde dissentiat quoad alteram partem: dicit enim corneam una cum albugineo esse toti oculo concentricam his verbis: *quoniam superficies convexa corneæ est con-*



est continuata cum superficie totius oculi, & cum toto oculo, ut dicit Albazen, oportet quod habeat idem centrum. Nam obstat quod cornea ex parte anteriori oculi protuberet, ut Anatomia docet, & Auctores communiter consentiant. Eriple Bacon. n. cap. 3. de consolidativa, quæ cum cornea conjungitur, concedit, cujus verba hæc sunt: *Si tamen volumus visare contentionem, possumus dicere, quod superficies consolidativæ exterior non est omnino spherica, sicut totius oculi, quia aliquantulum acuitur in anteriori parte, & sic non habeat totus oculus centrum sphaera, nec superficies consolidativæ* sed ubi nam hoc centrum corneæ sit collocatum, Auctores non conveniunt. Franciscus Aquilonius opt. lib. 1. cap. 7. collocat intra vitreum Humorem ante centrum totius oculi: Hieron. Fabricius p. 3. c. 8. collocat proximè post araneam posteriorem: Keplerus in paralip. cap. 6. ubicunque tantum in humore vitreo: Sceinerus fund. opt. lib. 1. p. 1. cap. 9. in confinio humoris vitrei & glacialis. Ego existimo paulò à confinio istorum humorum, uti experientia facta in dissecto oculo vitulino didici, & ipse Sceinerus videtur approbare circa finem cap. 9. citati.

Dicendum IV. Humorem crystallinum, quia sphaericitatis haud similis in diversis hominibus, neque in eodem pro diversa temperamenti constitutione stabilis, ut supra indicatum, ipsaque experientia in usu conspiciendorum liquet, consequens est, centrum quoque tam anterioris portionis, quam posterioris dissimiliter collocatum neque hoc ulterius probari debet.

Humoris  
Crystallini  
centrum.

Dicendum V. tunicam araneam anteriorem cum anteriori glacialis humoris portionē & concavitatem Albuginei Humoris idem habere centrum introrsus in axe optico; habent enim se ut sphaeræ continentes & contentæ: idem sentio de uvea, nam videtur naturæ conformius; cum enim illa ex instituto naturæ ad umbras inducendas atque ad ingressum specierum per humorem crystallinum incidentium nunc augendum, nunc minuendum pro ordinata visione formanda sit Humori Crystallino obducta, illi adoptari debuisse censenda est, atque ita accommodari, ut quomodocunque aperiatur, aliquo modo ex æquo ille respondeat. An autem hoc centrum aliquando conveniat cum centro totius oculi, ac aliquando cum centro corneæ, utrumque videtur dici posse ob diversitatem & mutationem crystallini, ordinariè tamen distinctum esse ab utrisque.

Araneæ  
vel cavita-  
tis Humo-  
ris Albu-  
ginei cen-  
trum.

Dicendum VI. posteriorem sphaericitatem crystallini una cum Aranea posteriore, Hyaloide anteriori, ac Humoris vitrei cavitate esse homocentrica simili ratione, ut mox dictum, centrum verò antrorsus infra corneam & basin transversam crystallini in axe optico collocatum: locus autem determinatus & certus pro omnibus oculis, & omni cujuslibet tempore assignari non potest, ob eandem variationem, & mutationem Humoris glacialis; unde colligis.

### Annotatio.

Cum Auctores aliqui dicunt Humorem crystallinum antrorsus esse magis globosum, introrsus magis planum, alii utrinque æqualem, aut è contra magis introrsus magis gibbosum & antrorsus minus, ut Recentiores communiter videntur ipsorum discrepantiam posse concordari ex eo quod dissectis diversis oculis aliam constitutionem illius humoris deprehenderint, atque inde indicaverint ita, prout experientia anatomica indicarat. Potius autem confirmat hæc discrepantiam nostram, nempe Humorem crystallinum variari & indiversis dissimilibus affectum esse, quàm ut certa quædam figuræ habitudo, atque ita centrorum irrefragabilis & determinata præcisè collocatio astruatur.

### C A P V T IV.

#### *Qualitates quadam oculi partium explicantur.*

Non inquiri hoc loco in qualitates primas elementares, quarum apta convenientia temperamentum partium ocularium constituitur, neque in illas quas Philosophi occultas nominant, sed eas hic indagare & explanare conabor, quæ visio-



Partium  
temperies  
quid?

rium organum pro videndi facultate adaptunt. Sed antequam has exponam cum partibus oculi conferam, & inter se comparem sciri debet, me fundamentum istarum qualitatum in ipsa partium temperie collocare. Est autem temperies ( uti sentio cum Henrico Regio in funda: Phys. cap. 5. ) particularum insensibilium secundum motum vel quietem, item situm, figuram & magnitudinem in partes sensibiles contextus, qui rebus naturalibus constituendis est conveniens, à tali enim quatuor istorum principiorum naturalium tam homogeneorum qualitates specificè vel saltem generaliter omnium optimè, puto explicare possunt. Præ cæteris autem qualitatibus, quæ ad ocularis structuræ naturam ritè intelligendam adduci possunt, sunt imprimis Humiditas, crassities, tenuitas, stabilitas, durities, mollities, fluiditas, viscositas, flexibilitas, opacitas, perspicuitas, densitas & raritas, &c. primariò autem spectantur hic perspicuitas, densitas & raritas.

Humiditas alia est actualis, alia potentialis. Actualis propriè est stabilium corporum cum particulæ aquæ vel alterius liquoris sensibilis ita corporibus insunt, ut ipsis intimè inhæreant. Hoc modo terra dicitur Humus, quia aquis undique perfusa humet, & omnia corpora, quæ præter stabilium particularum suarum consistentiam aqueum humorem adhaerentem habent, humida dicuntur, ut Herba, gramen, lintea madida, aer. Huic opponitur siccitas actualis & est stabilium corporum cum ipsorum pori nullis aquæ aut liquoris sensibilis particulis, sed solo aëre vel subtili alia materia replentur, ut patet in arena, lapide &c. exsiccatis.

Potentia-  
lis.

Alia est potentialis, quæ propriè tribuitur liquoribus crassiusculis, & est talis aptitudo, quæ propter particularum instabilium facile fluiditatem naturam difficulter in se consistat, aliorum autem corporum poros ingrediens facile inhæreat. Unde etiam ab Aristotele 2. gen: teu. 9. humidum dicitur quod interminabile proprio termino, facile terminatur alieno. Uti est aqua, oleum, vinum &c. Opposita huic est siccitas potentialis, quæ facile ex contrariis affectionibus intelligitur. Actuale illam humiditatem videntur habere omnes tunicæ, quæ intra poros suos humorem adhaerentem habent, uti ocularis experientia monstrat. Potentiali verò tres humores præditi sunt, unde & nomen sortiti, & quidem Aqueus magis humet quàm vitreus, & hic magis, quàm crystallinus: quòd autem vitreus & crystallinus non tam facile diffuant id complicaturum particularum suarum, & ramusculorum instar se præhendentium viscositati facilem earum motum, & disjunctionem impediendi adscribi posset. Ubi è contra in aqueo insensibilium particularum oblongarum & inter se dependentium lævitas dissolutionem & disjunctionem facile admittit.

Quid cras-  
sities.

Crassities cum maiorem insensibilium particularum magnitudinem, & tenuitas minorem contineant, ubi illa invenitur res est ordinariè durior contra eam, quæ minorem habet, & tenuior priore dicitur, uti spiritus vini aqua tenuior est. Ita tunica aranea & retina cæteris sunt tenuiores, contra quas aliæ crassiores, maxime autem cornea & sclerotica. Item etiam crassior videtur esse vitreus reliquis duobus, cum etiam in maiore quantitate oculo infusus sit.

Stabilitas

Stabilitas ex quacunque particularum insensibilium adhæsiōe oritur, sive firma sive minus firma. Cum adhæsiō firma est, dicitur durities, & videtur oriri ex quæta, & immediata earum particularum mutua contactione, qua nituntur in eo statu permanere, uti apparet in lapide, ferro &c. Cum adhæsiō non est firma, vocatur mollities, cum particulæ licet immediatè se contingant, sint tamen flexiles, aut certè desinunt in ramusculos quosdam flexiles, qui sibi mutuo annexi eas leviter jungunt. Flexibilitas autem significat particulas salva earum adhæsiōe situm posse mutare, quod oriri videtur ex tenuitate & paucitate particularum, uti patet in ramento quod flexile est, cum baculus exsiccatus & crassus sit fragilis; item etiam ex humiditate earum particularum præsertim viscosa cum humore intus latente particulæ salva earum adhæsiōe attenuentur, extenduntur, & paululum



Humum laxentur, ut facilius flecti possint; sicut in plurimis humectatis flexibilitas contingit, è contra in exsiccatis non ita sequitur, sed potius franguntur, dum flectuntur.

Stabilitas firma in oculi partibus vix cernitur, si tamen quædam foret illa humori crystallino concedenda, cujus particulæ immediatius se contingunt, & quietius cohærent, uti & ipsa crystallus naturalis compage suarum particularum immediatius & quietius cohærentium nititur, proinde à Renato des Cartes in sua dioptrica, aliisque Artificibus ad usum tubo specillarum non tam apta ac vitrum, rejicitur, quod lucis corporeitati difficilem transitum permittat, atque ideo pauciores radios transfundi sinat.

Stabilitas  
forma.

Altera verò stabilitas cum flexibilitate in tunicis omnibus advertitur, quæ molli attractu flectuntur, & de loco moveri non sinunt, ad quietem verò & situm priorem facile reducuntur. Uvea verò Humori aqueo tota innatans flexibilior cæteris est, ut officio suo prorequisito naturæ facilius satisfaciatur.

Stabilitas  
cum flexi-  
bilitate.

Opacitas oritur quando pori alicujus corporis insidentibus crassioris materiz particulis præclusi vel interrupti impediunt quo minus radiis lucis undique ad lineas rectas vel æquipollentes pro luminis actione transferenda necessarias transire queant, ut patet in nive, terra, ligno &c. & cernitur in uvea choroidæ & sclerotica, cum pori alieno crassiusculo hospite insidente prohibentur puriores luminis radios admittere.

Opacitas.

Perspicuitas corporum inde oriri videtur, quod particulæ sint magis defæcatæ, puriores, item quietiores, & lævitate quadam præditæ, unde omnibus uniones orbatæ facile quaquaversus amotis obstaculis luminis radios transire permittunt. Hinc aqua quo purior, eò magis pellucida est, injectis autem quibuslibet immunditiis à statu puritatis recedit, & minus clarescit. Hinc Arena dum resolutis per ignis violentiam impuritatibus depuratur, in vitrum transit pellucidum. Quietiores debent esse particulæ, quia dum commoventur, vitum jam superficie tenus terminare videntur, ut patet in aqua mota, quæ quiescens maximè transparet, mota & turbata innumeros gyros producens, statim sistit visum. Item lævitas quædam adesse debet, quia dum quasi uncinatæ minusque politæ lucis radios hinc inde turbant, nec liberum transitum permittunt, unde opacitas inducitur; ut patet in vitro, quod minus lævigatum, etli optimè figuratum luci viam præcludit. Si jam oculi structuram inspiciamus, videtur maximè diaphanus esse Humor Crystallinus, quia compage constat. Particularum puriorum, magis stabilium, & quietarum post quem magis aqueus, quam vitreus pellucet. Hic enim non tam purus videtur esse cum viriditate aliqua imbutus sit, & ille instar aquæ limpidissimus totus clarescat, sicut tunicæ præ cæteris aranea & Hyaloides, quæ à suorum Humorum perspicuitate sensu differre non videntur, aliis tunicis præstant; item cornea magis quàm retina, quæ ex implexu vario innumerarum venularum ipsam perreptantium subalbet, ac inde magis opaca quàm diaphana evadit, ipsius tamen choroidis colores non aliter quàm alba quædam, & tenuis tela coloribus superposita in oculum clarè, & distinctè trajicit, quod minus accideret, si procul ab ea remotior foret. Cæteræ verò omnes tunicæ, ut supra vidimus, opacæ sunt.

Perspicuitas.

Quis Humor nō  
xime diaphanus.

Quæ tunicæ.

Perspicuitas aliquando est cum densitate majore, & tunc dicitur, diaphanum densius, aliquando cum densitate minore, & dicitur rarius. Densitatem parit stabilium magisque lævium & paucis intervallis seu parvulis minoribus sejunctorum particularum cohæsio. Raritatem autem particulæ magis fluidæ inter porulos & intervalla laxiora ac numerosiora causare videntur. Unde radii lucis in perspicuum densius obliquè incidunt, & sic ob diversitatem medii non nihil franguntur, accelerant quasi & abbreviant fluxum suum atque ad perpendicularem vergunt, cum autem medium rarius in ingressu appellant, ob fluiditatem, & male nexarum particularum mollitiem retardantur, ac via à perpendiculo magis remota deducant. Quod bene Cartesius in sua dioptrica ex incurfu pilæ per diversa corpora his verbis exponit. *Si consideremus pilam suam agitationis decedere, si in-*

Perspicuitas cum  
densitate  
& raritate.







Ab insigni hac pellucidorum corporum proprietate, quâ radii quicunque ex fluidiori & rariori medio in densius & stabilius illapsi ad perpendicularem incidentiæ diriguntur, vel è contra radii ex densiori in rarius propagati à perpendiculo dimoventur, nata sunt innumera commoda, in hac tota refractionum doctrina nititur, huc radii visorii in oculum diriguntur, huc visio ipsa perficitur, huc Ars Telioscopica tota, quanta est, tanquam fundamento subsistit; unde non parvi momenti loco habenda, & infra accuratius tractanda. Pro refractione tamen, quàm radius visibilis, qui necessario hic videtur explanandus, in diversis oculi partibus subit, melius intelligenda, interea notabis.

I. Radius incidentiæ dicitur, qui directè per medium diaphanum ejusdem rationis diffunditur, ut hic est AB. Definitio  
nes.

II. Radius refractus seu refractionis est ille, qui per medium diversæ rationis diffunditur, ut in figura est BG, & GF.

III. Punctus refractionis dicitur ille, in quo primo ex incurso diversi medii Refractio incidentis radii inchoat, ut est punctus E, vocatur etiam punctus incidentiæ.


IV. Perpendicularis seu cathedus incidentiæ est linea illa, quæ à puncto radiante cadit perpendiculariter super superficiem illam, in qua incipit refraction, ut est AK in superficie plana, & in spherica ALI.

V. Perpendicularis refractionis dicitur linea perpendiculariter erecta super punctum incidentiæ, ut est HBI.

VI. Angulus incidentiæ constituitur ex linea incidentiæ & perpendiculari refractionis, ut est ABH.

VII. Angulus refractus constituitur ex linea refractionis & perpendiculari refractionis, ut est FBI & GBI.

VIII. Angulus refractionis autem constituitur ex linea refractionis, & linea incidentiæ producta in continuum per diaphanum diversæ rationis, & est FBE & HBE.



IX. Curvæ superficies corporum pellucidorum radios per singula puncta transeuntes eodem modo refringunt & detorquent, quo planæ in iisdem punctis illas contingentes detorquerent. Sic radius AB incidens in MBN ad punctum B eodem modo considerari debet, ac si AB incideret in superficiem planam CBD, unde radius AB, si ex rariori diaphano in densiorem globum pellucidum incidit, procedet à puncto B in G, si verò venerit ex medio densiori in rarius pro AB radius à puncto incidentiæ B in F.

D

X. Si







## CAPUT V.

*An & qualis sit in singulis Oculi partibus diaphanis  
Refractio, inquiritur.*

**R**efractionem singularum partium diaphanarum oculi inquisitus necessario præmitto earum densitatem; illâ enim perspectâ & cognita, non erit difficile ipsam refractionem ex dictis cap. præcedenti eruere. Partes igitur diaphanæ per quas species & lumen in oculum inducuntur, ut præcedenti capite vidimus, sunt omnes tunicæ præter uveam, choroidem, & scleroticam, deinde præcipuè tres humores; harum igitur partium densitatem talem assigno.

Tunica cornea ad quam primitus radii allabuntur, est densior ambiente aëre. Densitas  
corneæ. consentiunt omnes Auctores, nec ullas contradicunt, & suadet ratio. Nam si recte ex animali, exempta dum adhuc vegeta est, in aquam immergatur, subiectam sibi rem in aliquo visu sensibilibiter non variat, unde æqualis penè densitatis cum aqua arguitur. Est autem aqua quævis densior aëre, sic & necessario cornea debet esse. Hinc æqualis ferè densitatis cum aqua censetur.

De humorum densitate magna est diversitas apud opticos. Cartesius cap. 3. diopt. num. 2. experienciâ se didicisse ait, humorem crystallinum præter propter eandem producere refractionem quam vitrum, unde ejusdem densitatis esset cum vitro; duos verò reliquos humores paulò minorem ferè subire refractionem, qualem aqua communis, hinc essent ejusdem densitatis & ambo rariores medio crystallino. Aliter Scheinerus in oculo suo lib. 2. part. 1. cap. 8. sentit, aqueum humorem esse æquè densum atque aquam communem, crystallinum verò eadem polleere densitate quâ vitrum: sed vitrei, ait, densitatem difficulter cognosci posse, & hæcenus fuisse incognitam. Et ipsemet fateor, me, factâ aliquoties experienciâ, accuratam illius densitatem deprehendere non potuisse, ut cum Scheinero loco citato: dicere cogar: *perfectam illius differentiam perscrutari humana industria diligentiam præmodum excedit.* Existimo tamen haud improbabiler cum eodem aut esse densiorem crystallino, aut ferè æqualem. Nam sumpta lente vitrea valde cava & profunda ex altera parte plana, si cavitatem impleas humore vitreo supposita ex grat. litteræ non videntur repræsentari majores aut minores, sed ferè æquales, non aliter quam si vitro utraque parte plano aspicerentur, unde ferè ejusdem densitatis cum vitro argues. Nam quia vitrum non excavatum ab utraque parte planum res transparentes non notabiliter aut majores aut minores ostendit. Vitrum autem cavum minores semper præsentat species: sic cavitas, deinde alio diaphano corpore adæquetur, & repleatur, quod simili modo species adducit, benè hoc censetur ejusdem esse densitatis cum vitro. Quod si liquor aliquis diaphanus rarior infundatur, species notabiliter adhuc minores inveniunt: si verò diaphano densiore, quàm vitrum foret, impleretur, haud dubie majores species transparenterent. Ratio est, quia in ultimo casu radii refringuntur ad perpendiculum, bases vigulorum species efformantium dilatantur, bases contrahuntur; hinc imago hinc minor illic major præsentatur, in secundo casu dimoventur, & in primo manent. Verum quia sensus circa ejusmodi differentias observandis valde ambiguus est, unde quis facile potest decipi; sed ratio quoque videtur suadere densiorem esse crystallino, aut saltem in densitate æqualem. Nam

1. Est minùs diaphanus quam crystallinus, quia coloratior apparet, unde & densior reputandus est; quia colores ordinariè densitatem inducunt. Item Alhazen & cum eo optici communiter volunt quò corpus est magis diaphanum, eò minùs esse refractivum sive densum; quia igitur crystallinus est magis diaphanus, erit minus refractivus, & è contrario vitreus, quia non est tam diaphanus, erit illo densior, & magis refractivus. Rationes  
cur vitreus humor  
crystallino den-  
sior aut  
æqualis.

2. Quia vitreus inter digitos compressus satis congelatus & molosus sentitur, ut maximè patet in oculo animalis præsertim in venis adhuc calido, nam



inde exemptus solidior instar coagulati juris, aut glutinis modo congelatus apparet, cum crystallinus flexilis instar visci, aut instar albuminis ovi mollis & fluidus deprehendatur, constat autem res congelatas plerumque esse magis densas fluidis, ut patet in sevo, cera, butyro, pice, &c.

3. Quia sic multæ experientiae opticae facilius explicantur, plures intricatae quaestiones resolvuntur, & plurimae difficultates circa visionis modum explicandum eliminantur, ut videre licet apud Scheinerum in suo oculo. Bene etiam sententiam hanc confirmat Rogerius Bavo in sua perspectiva distin. 4. cap. 3. sic ajens: Humor vitreus est spissior anteriori glacialis, quoniam oportet, quod species quæ non est perpendicularis frangatur in eo inter perpendicularem ducendam à loco fractionis, & inter incesum rectum. Item distin. 2. cap. 3. Humor vitreus replet totam concavitatem nervi, usque ad sectionem consequentem, & est magis spissus, quàm anterior glacialis. Distinctio. 7. cap. 1. sic habet: Quoniam humor vitreus est densior anteriori glaciei, ideo oportet, quod fractio fiat inter incesum rectum & perpendicularem ducendam à loco fractionis, &c.

Neque dicas, quod supra dictum sit, densitatem instabilium particularum adhaesione varietatem verò influxibilium fundari, indè humorem vitreum crystallino, cum ille magis sit fluidus, non posse densiorem esse, sed potiùs rariorem; id enim licet cæteris paribus communiter verum sit, nihilominus possunt esse aliæ qualitates simul cum fluxibilitate, quæ densiorem procurent. Ut hic fortè crassities, viriditas sive magis tinctarum particularum admixtio, &c. Tunica araneæ & Hyaloidis cum à perspicuitate suorum humorum, quos includunt, ut capite præcedenti dictum, haud differant, hinc eadem etiam pellere densitate cum ipsis credendum est. Retina verò inquam ultimò species allabuntur, & ubi sensus facultas primariò viget, censetur esse omnium densissima, nam densior est omnibus tunicis, & omnibus humoribus. Ratio, quia lævis est, nam inter convexam superficiem hyaloidis & concavam choroidis continetur, quæ instar speculi lævissimæ sunt, unde retinam maximam particularum suarum lævitatem nancisci non est ambigendum. Deinde est minus diaphana, nam subalbet adeoque tinctior cæteris, item constat particulis valde stabilibus innumeris venulis in reticuli morem dispersis tandem sic melius radium visorium in humore crystallino & vitreo deviantem in ordinem reducit, & ad perpendicularem, ideoque ad locum quodammodo verum reclinat, si densior cæteris partibus diaphanis fuerit. Imò sive vitreus rarior, sive densior crystallino statuatur, semper visionis virtus & radius visorius melius intelligitur & explicatur.

Refractio-  
nes in o-  
culo.

A signatis diaphanarum partium oculi densitatibus, ut quaestioni in capite satis fiat. Dicendum 1. Omnis radius ab objecto ad oculum profectus, transgressus corneam, & in tunicae uveae anteriorem superficiem non impactus omnes alias tunicas diaphanas, & humores omnes usque in concavitatem choroidis penetrat. Et si radius fuerit rectus ad alicujus diaphanae partis superficiem irrefractus, pertransit; Sin autem obliquus ad aliquam superficiem incidat, necessariò refringitur pro diaphanae partis majore vel minore densitate. Primum patet ex natura diaphanarum, quæ lumen & species transmittunt; sunt autem dictæ partes diaphanae, ergo transitum permittent. Alterum quod radius rectus irrefractus transeat, est etiam certum, quia non est ratio, cur potiùs in hanc, vel in illam partem frangatur, cum angulus incidentiae ex hypothesi sit rectus, unde vel omnino non debet frangi, aut si frangeretur quaqua versus in utramque partem refringi deberet, quod est impossibile eundem radium simul in diversa tendere. Ergo non frangitur, sed recta via penetrat. Tertium patet ex natura pellucidorum uti superiore capite explicatum, & constat experientia. Videatur Vitellio lib. 2. Theor. 42. usque ad 48.

### Corollarium.

Unicus ra-  
dius in o-  
culum in-  
cidens  
transit it.

Hinc colligitur unicum tantum radium ab objecto emissum per omnes oculi partes diaphanas irrefractum pertransire, esseque illum, qui cum axe optico concurrat: quia nimirum hic solus ad omnes superficies diaphanas rectus ingreditur; reliquos



reliquos autem posse vel omnes obliquè, vel nunc in aliqua parte obliquè in alterâ rectè incidere propter excentricitatem diaphanorum.

Dicendum 2. cum aliqui humores certorum diaphanorum densitate polleant, eorum quoque refractiones in oculo subire necesse est, & angulos refractionum similes secundum incidentiæ radios efficere, ita aqueus humor similis aquæ in densitate, & crystallinus vitro similiter etiam radios incidentes refringat; & sicut hi diversimodè incidere possunt, ita refractionis non erit semper eadem, sed diversa prout angulus incidentiæ fuerit. Ut porro facile cognosci possit, quas refractiones radii incidentes in certis diaphanis patiantur sequentes tabellæ inspicere possunt, item etiam figura sequens, ubi dupliciter radios incidentes ex aëre ad diversa media in vitrum scilicet & aquam unâ cum refractionibus exhibemus. Sic radius incidentiæ 10. graduum frangitur in primo ingressu aquæ ad perpendicularem & procurrentem facit angulum refractionis Grad. 7. num. 40. & ita de cæteris,

refractus,  
quis ille  
sit.

Prout den-  
sitas hu-  
morum,  
ita & Re-  
fractio.

FIGURA II.




Fig. II.



## Tabula Anaclastica, radiorum incidentium.

in aquam, vinum, oleum, vitrum, ex Kircherō in arte  
magn. lucis & umbræ, lib. 8. §. 1.

Radii inci- dentia.	Ex aëre in aquam		Ex aëre in vinum		Ex aëre in oleum		Ex aëre in vitrum	
	Rad. refractio.		Rad. refractio.		Rad. refractio.		Rad. refractio.	
	G.	M.	G.	M.	G.	M.	G.	M.
10.	7.	40.	7.	30.	7.	10.	6.	50.
20.	15.	22.	15.	15.	14.	50.	13.	20.
30.	22.	20.	22.	10.	21.	56.	19.	10.
40.	28.	51.	28.	56.	28.	10.	24.	52.
50.	34.	54.	34.	50.	33.	50.	29.	48.
60.	40.	20.	40.	10.	39.	40.	34.	10.
70.	45.	20.	45.	10.	44.	48.	38.	50.
80.	49.	56.	49.	50.	49.	6.	41.	50.

## Tabula Anaclastica, ex Vitellione.

Angulus inciden- tia.	Ab aëre ad aquam		Ab aëre ad vitrum		Ab aqua ad aërem		A vitro ad aërem		A vitro ad aquam	
	Angulus refractio.		Angulus refractio.		Angulus refractio.		Angulus refractio.		Angulus refractio.	
	G.	M.	G.	M.	G.	M.	G.	M.	G.	M.
10.	7.	45	7.	0.	9.	30.	12.	5.	13.	0.
20.	15.	30.	13.	30.	18.	30.	24.	30.	26.	30.
30.	22.	30.	19.	30.	27.	0.	37.	30.	40.	30.
40.	29.	0.	25.	0.	35.	0.	51.	0.	55.	0.
50.	35.	0.	30.	0.	42.	30.	65.	0.	70.	0.
60.	40.	30.	34.	30.	49.	30.	79.	30.	85.	30.
70.	45.	30.	38.	30.	56.	0.	4.	30.	110.	30.
80.	50.	0.	42.	0.	62.	0.	00.	0.	118.	0.

Radii  
obliquè  
incidens  
in corne-  
um & in-  
de in hu-  
morem  
aqueum  
quomodo  
refringa-  
tur.

Dicendum 3. Radium obliquè in Corneam tunicam incidentem refringi ad perpendicularem, & inde egressum ac in aqueum humorem impactum, aut omnino non refringi, aut à perpendiculari recedere. Ratio prioris quia cornea est densior ambiente aëre, unde radius allabatur, ut supra dictum, hinc ad perpendicularem accedet. Ratio verò posterioris est, quia densitate ferè cum sit æqualis cum aqua, & humor immediate subjectus albugineus etiam in densitate cum aqua purissima conveniat, erunt ergo ejusdem densitatis, unde refractio nulla in aqueo  
contin-




continget, vel si, ut probabile est, aliquantulum cornea sit densior humore aqueo, refraçtio ex illa fere à perpendiculari continget.

Dicendum 4. Cùm partes diaphanæ introrsum versus succedentes semper sint densiores nempe posteriores prioribus, omnes refractiones & inclinationes radiorum oblique incidentium semper ad perpendicularem sphaericitatum singulis diaphanis respondentium accedent. Sic quia humor crystallinus densior est aqueo, & vitreus haud improbabilius densior crystallino, ita radius tam ex aqueo in crystallinum incidens, ad perpendicularem, quàm ex crystallino, in vitreum prolapsus æquè ad perpendicularem procurret. Idem sentiendum est de progressu in retinam, nam ibi quoque ad perpendiculum concavitatis retiformis radius obliquus inclinabit, ratio ex dictis patet. Sic in sequenti figura prima radius **A** primo incidens in superficiem corneam **DEF** oblique ad punctum **V** ibi refringitur ad perpendicularem & ingressus humorem aqueum in eadem inclinatione, dum in crystallinum humorem **GHI**, impingit, ad punctum **b** rursus fractus ad perpendicularem transit per ipsum prope **L** & inde profectus in vitreum iterum ad perpendicularem fractus, tandem ad punctum retinæ **NO** allapsus in ea rursus refractus ad perpendiculum ibidem terminatur. Sic tota imago **ABC** dispersis radiis in tunicam **BEF** & inde per aqueum in superficiem crystallini **GHI** & per crystallinum egressa in cavitatem vitrei **KIM** tandem per ipsum venit diversimodè fractis radiis in retinam ad puncta **NOI**, ubi in ordinem redacta in basi ordinata subsistit & tenditur.

Quomodo radius ex aqueo in crystallinum & inde in vitreum prolapsus refringitur.



FIGURA III.





## Corollaria.

Ex dictis facile colliges 1. Radios in oculum ab uno puncto visibili donec res percipiatur emissos aliquando esse posse plures nunquam tamen ultra sex, aliquando pauciores, nec pauciores quam unum. Sex erunt, si radii semper oblique incident in omnes partes diaphanas hactenus enarratas, si quidem tamen tunica cornea, aqueus humor, crystallinus, vitreus & Retina in densitate ponantur differre, pauciores erunt, cum vel tunicæ ab humoribus proximis in densitate differre non supponantur, ex: g: Retina à vitreo, aut Cornea ab aqueo, vel cum radius nunc ad aliquam superficiem rectus ad aliam obliquus inciderit, ut consideranti patet; unus tantum erit, cum punctum visibile in axe optico jacet, & hic solus irrefractus transit, suumque punctum fortissime potentia visiva sistit.

Radii refracti in oculis nunquam ultra sex.

Colliges 2. omnes radios, per quod punctum aliquod visibile in organum visus derivatur, qui & radii visorii dicuntur, esse refractos præter unum, qui cum axe optico concurrat, uti in præcedenti prima figura est BEHLO, & hunc solum radium haberere spectatæ eundem locum tam verum quam visum, unde secundum hunc radium certissime, rectissime, & distinctissime objecta spectantur. Reliqui vero omnes, quia oblique oculum sub intrant, debilius repræsentant, & in aliena loca visum deducunt.

Radius cum axe optico, concurrens præstat aliis.

Colliges 3. Radios, qui axi sunt viciniore, eo distinctius repræsentare objecta, quò remotiores, eò obtusius etiam si eadem distantia ponantur. Ratio est, quia radii juxta axem vel parum vel nihil refractionis patiuntur, indeque imago exactius pingitur. Qualis autem est specierum in oculo pictura, talis etiam sequitur visio clara claram, obtusa obtusam &c.

Radii axi propinquiore distinctius repræsentant.

Colliges 4. Visionis claræ & confusæ discrimen dependere plurimum à basis communis specierum ordinatæ situ, dum enim refractione ita contingit, ut puncta concursus in ipso retinæ fundo (ubi formalis & principalis visivæ potentia sedes est) terminentur, radii erunt organo visorio proportionati, & sequetur visio clara & distincta. Cum autem radii colliguntur ante ingressum retinæ, quod fit, dum humor crystallinus est nimium globosus, ita, ut citius congregentur, quam debeant, uti vides in figura secunda, erunt impropportionati, & visus erit abbreviatus: vocantur etiam tali visu prædicti Myopes; vel dum humor crystallinus est minus globosus & admodum planus, tunc radii ad organum iterum sunt impropportionati, quia concursus communem ordinatæ basis constituunt modo post retinam, ut videre licet in tertia figura. Tali visu prædicti vocantur Presbyta, & sicut illi concavis per spicillis juvantur, ut basin ordinatam ad debitum locum inducant, si hi convexis spicillis revocant eandem basin ad proportionatam distantiam, ut visum distinctum acquirant. Sed de hoc pluribus infra.

Differ. visionis claræ & confusæ.

Myopes qui.

Presbyta qui.

Colliges 5. eundem oculum idem objectum reliquis omnibus in varietate aliter videre in distantia alia atque alia, & in proportionata clarissime & distinctissime, & in minus proportionata ægre admodum & malignè. Ratio est, quia objectum in distantia vicinâ basin communem remotiorem, in remota viciniorem format, ob radiorum aliam incidentiam & refractionem inde in aliam in oculo.

Idem objectum videtur aliter pro ratione distantia.

Colliges 6. potentia visivæ primariam sedem & spiritus sensitivi domicilium principale esse retinam: illuc enim omnes radii visorii tam principales quam minus principales appellant, ibi simulachra objectorum ad sensitivam facultatem requisita optimè situantur, illic basis communis specierum distinctissime ordinatur: unde & ipsa ex medulla nervi optici & medulla cerebri pronata cavernalis, præsertim in exitu ubi nervo coheret, instar querni ligni ad spiritus vitales devehendos à natura providissime instructa, spiritibus etiam visoriis amplissime dictata; hicque pro sensitiva virtute pro movenda præ cæteris omnibus oculi partibus optimis prædiis & adminiculis instaurata. Nec est quod ipsum hoc ulterius demonstrare hoc loco oporteat, cum apud plerosque doctiores & maximi recentiores extra controversiam amplius recidat.

Retina sedes primaria visionis.



## CAPUT VI.

*Erotemata Curiosa physico-ophtalmica, in quibus ocularis fabrica  
varia experimenta, abdita virtutes, mirabiles proprietates,  
aliaque miracula recluduntur, &  
exponuntur.*

Post explicatum haftenus, visus organum erotemata quædam subicere placet, quæcumque animos ingenua scibilia naturæ secretorum ex oculorum opificio, usu & virtutibus admirandis evolutorum voluptate quadam perfundam; tum maxime, ut eosdem ad Magni Opificis naturæ & Conditoris Optimi curam, providentiam & sapientiam prorsus singularem in unico visus organo maximè secretius enitentem inspectandam, omnique in admiratione suspiciendam evocem, educamque. Quod etiam omnium commodissime per erotemata mox proponenda me perficere posse putavi. Sit igitur

## EROTEMA I.

*Quare oculi omnium partium ultimi in fœtu perficiuntur & primi omnium moriuntur?*

Oculi præ-  
moriun-  
tur aliis  
partibus.

Formari oculos tardissimè, & emori primum docet Plinius lib. II. natur. hist. cap. 37. his verbis: *Cor primum nascentibus formari in utero tradunt, deinde cerebrum, sicut tardissimè oculos.* Et Aristoteles lib. 2. de generat. Anim. cap. 4. docet oculos ultimo loco absolvi. Quod oculi quoque præmoriuntur citius aliis corporis membris, obviæ sunt ubique in moribundis experientiæ; nam his oculi circa extrema vitæ tempora in cavum notabilissimè subsident, ut ipse aspectus futurum funus haud mentiat præagere. In morbis acutis oculos diligenter observant Medici, inde siquidem animæ in corpore constitutæ certiora depromunt omina. Hinc Samuel Fuchsius in Ophtalmoscopia sua cap. 19. hæc ponit signa mortis in oculis. *In morbo acuto, ait, oculus, si hebescat, si fixus sit, & caliginosus, si cavus, & quasi emoriatur, si connivendo labascit, mortis omen imminens portendit.* Sed horum jam ratio petitur.

Causa cur  
oculi tar-  
dius perfi-  
ciantur.

Oculi cur  
initio ma-  
jores.

Cur præ-  
moriuntur

In morbis  
acutis si-  
gna evi-  
dentiora.

Ad primum respondeo & dico ejus rei, quare oculi ultimo loco in fœtus formatione perficiantur, causam esse, quod oculorum organum initio præhumidum existat, nec nisi longo tempore concoquatur, coagmentetur, & subsidat, unde fit, ut oculi tam cito persolvi, formarique haud possint, sicut cætera corporis membra, quæ de sicco & calido amplius quid obtinent. Hinc etiam oculi pro futuræ magnitudinis ratione initio majores sunt, quod probè admodum in pusionibus & infantibus tenellis apparet, quia eorum oculi humore plus turgent, ut abunde sæpius promineant. Perinde paulatim se se extrahunt tam in terrestri, quàm volatili, & natatili genere, ut ipse Aristoteles affirmat. Ita quoque sentiunt Conimbricenses in Tractatione aliquot problematum ad 5 sensus sec. I. probl. I.

Ad alterum dico, quare præmoriuntur: fit hoc, quod spiritus animastici, quia principalis vitæ sedes nempe cor in moribundis maximè affligitur, ad hoc tutandum avocentur, nec membra principalia sibi primario debitos spiritus ad exteriores sensuum officinas transire patiantur: unde licet imaginum radiosarum projectus pari modo in oculorum penetralia æquè ac in sanis contingat, vitaliter tamen defectu spirituum nequeunt percipi anima in majori negotio hinc detracta: unde illos officio suo prius defungi consequens est.

In acutis verò morbis non tantum id ipsum, quod modo dictum, accidit, sed calore nimium prædominante facile humidum illud in oculis adurit, ac depravatur, unde deinde exuperantis malignitatis ac consequenter mortis propinquæ omina certiora à Medicis facile desumi possunt.

Sicut ergo se gerit naturæ Conditor Deus in Megacosmo nempe mundo majori



jori, qui magna cœli lumina velut oculos longè post efformavit, eadem ante ipsius mundi occasum extincturus creditur, ita quoque in microcosmo nempe homine, aliisque animantibus oculos corporis faces post reliqua membra accendit, easdem prius extincturus, quàm alia corporis membra in occasum mortis concidere, & procumbere sinet.

## EROTEMA II.

*Quanam est præcipuè notabilis differentia ocularis fabricæ in diversis vel iisdem specie animantibus?*

**M**aximam sanè ocularis fabricæ diversitatem, notatuque dignissimum discrimen tam in diversis, quàm iisdem specie animantibus licet advertere, indeque vehementer admirari Conditoris pereximiam providentiam, qua non tantum ornatus & decoris gratia hanc pulcherrimam varietatem mundo concedit, sed potissimum, qua singula naturalium animalium ad certos naturæ suæ congruos fines voluntate maximè beneficia sapientissime disponit & promovet; uti satis perspicuè sequentia declarabunt.

Plinius natur. hist. lib. II. cap. 37. Historiam naturæ animalium per singula membra exactissime describens, de oculis ista cum primis recenset. *Oculi pars corporis preciosissima, & qui lucis usu vitam distinguunt à morte. Non omnibus animalium hi ostreis nulli. Quibusdam concharum dubii, pectines enim, si quis digitos adversum hiantes eos moveat, contrahuntur, ut videntes. Et solenes fugiunt admotam ferramenta. Quadrupedum talpis visus non est; oculorum effigies inest, si quis prætentam detrahat membranam. Et inter aves ardeolarum genera, quos Leucos vocant, altero oculo carere tradunt. Nigidius nec locustis nec cicadis esse dicit. Cochleis oculorum vicem cornicula bina prætentata, adimplent, nec lumbricis ulli sunt, vermiumve generi. Oculi homini tantum diverso colore, cæteris in suo cuique generi similes: & equorum quibusdam glauci, sed in homine numerosissima diversitatis atque differentia, grandiores, modici, parvi, prominentes, quos hebetiores putat. Conditum quos clarissime cernere, sicut colore caprinos. Præterea alii contuentur longinqua, alii nisi propè admotam non cernunt; multorum visus fulgore solis constat, nubilo die non cernentium, nec post occasum. Alii interdum hebetiores, noctu præter cæteros cernunt &c. Et paulò inferius: nocturnorum animalium veluti felium in tenebris fulget, radiantque oculi, ut contueri non sit, & capra, lupoque splendent, lucemque jaculantur. Vitulo marino & Hyenæ in mille colores transeunt subinde. Quin & in tenebris multorum piscium refulgent, sicut aridi robustique caudices vetustate, putresque. Non connivere diximus, qui non obliquis, sed circumactò capite cernerent. Chamæleonis oculos circumagi totos tradunt. Cancræ in obliquum aspiciunt, crustæ fragili inclusis rigentes locustis squillisque magna ex parte sub eodem munimento perduri eminent. Quorum duri sunt minus cernunt quàm quorum humidi. Serpentinum catulis, & hirundinum pullis, si quis eruat, renasci tradunt. In sectorum omnium, quibus & testucra operimenta, oculi moventur sicut quadrupedum aures. Quibus fragilia operimenta, iis oculi duri. Omnia talia & pisces & insecta non habent genas nec integunt oculos. - - - Quadrupedi in superioribus tantum genæ volucris in inferiore, et quibus molle tergus ut serpentibus. Et quadrupedibus quæ ova pariunt, ut Lacerta. Struthio camelus alitum sola, in homo utrinque palpebras habet, nec genæ quidem omnibus, ideoque nec nictationes iis, quæ animal generant. Graviore alitum inferiore genæ connivet; eadem nictantur ab angulis membrana obeunte. Columba & similia utraque connivent, & quadrupedes quæ ova pariunt, ut testudines, exocodili, inferiore tantum sine ullâ nictatione propter prædarios oculos &c. Hactenus Plinius satis accuratè mirabiles oculorum proprietates & differentias in diversis animantibus complectens.*

Plinius  
quid de  
oculorum  
diversitate  
serpescit.



plures  
oculi qui-  
bus ani-  
mantibus.

His adjungimus oculos in quibusdam detectos esse, velut in cancris, in aliis verò nunc clausos, nunc apertos: plurimis volubiles esse, piscibus inter orbes immotos: nec enim necessarium illis fuisse videtur, oculos movere in elemento, ubi minus sunt offensionibus obnoxii; ipsi quoque pisces toto corpore in quamcunque partem cum facile se se motitare possint. Oculi plerisque animantibus bini sunt, ut contra unius jacturam alterius subsidio provideatur, tum etiam, ut objecti impressio fortior & certior proveniat. Quod de Cyclopibus unum tantum oculum in media fronte habentibus quidam scripserunt, fabula potius haberi debet, quam certæ fidei historia. Figmentum item Æthiopes quosdam trinos & quaternos oculos habere in pectore. In araneis tamen per microscopia sex & octo etiam oculi deprehenduntur, sed plura de his infra, cum de microscopio agemus. Muscæ res tantum per cancellos vident, nam in earum oculis non nemo per microscopium 300. quadratula sive cancellos numeravit; etiam muscas habere oculos sub alis, eodem instrumento compertum est. Cancros quoque marinos oculos in cornibus, seu tubis quibusdam duris protendere Engyscopium docuit. Bufonum oculos albis scatere vermibus cum nigris capitibus Helmontius tradit in tractatu de peste, qui & tumulus pestis inscribitur, hinc exinde contra pestem validissimum Amuletum idem auctor parandum docet.

Bufonum  
oculi ver-  
mibus sca-  
tent.

Amule-  
tum exin-  
de contra  
pestem  
quomodo  
parandum

Quæ res cum admiratione plenissima & notatu dignissima ipsius verbis referre placet. *Julio mense descrescente Luna veteres bufones capi, quorum oculi albis scatebant vermibus, nigrisque capitibus prominentes, adeo ut uterque oculus totus in vermes transformatus esset, fortassis 50. numero. In utroque oculorum foramine vermes erant de se compacti, quorum capita foras prominebant, & quoties aliquis egredi vel prominere conaretur, statim bufo apposita manu egressum vetabat; hos autem bufones ad vomendum coactos, uti dixi præ suspensione reperi dare excellentissimum Zenexeton sive amuletum, &c. Hæc Helmontius.*

Oculus  
aliter cum  
nervo op-  
tico in ho-  
mine, ali-  
ter in aliis  
animanti-  
bus.

Oculi globus cum nervo optico aliter in homine, ac quadrupedibus, aliter in volucris & piscibus insertus est: nam in histotius oculi compages haud rotunda est, sed juxta anteriorem, posterioremque superficiem depressa, ferè disco similis est; in illis autem rotundior existit. In homine, cane & quibusdam aliis sagacioribus animalibus nervi optici extremitas pupillæ directè obversatur, unde axis opticus oculi cavitatem trajiciens, in nervi optici insertionem incidit, prout Clarissimus Doctor Thomas Willes Tractatu de anima brutorum cap. 15. ex oculi humani & canini anatome compertum scribit. Verum in ore vitulo & nonnullis aliis quadrupedibus, insuper in cunctis piscibus & volucris nervi optici insertio ad infimi speciei circularis cavi latus ab axe ejus distat. Unde Scheinerus errasse convincitur, dum ad finem oculi sui sive fund. opt. lib. 3. part. 2. poris 1. ita universaliter concludit. *Axis opticus non cadit ulla sui portione in nervum opticum: quia axis est perpendicularis ad corneam, & ejus, aliorumque humorum & tunicarum centra trajicitur: extra quæ nervus opticus ad latus in oculi tunicas se se exsinuat.* Sed quia ipsemet fatetur in eodem fund. opt. lib. 11. par. 1. cap. 9. se humanum oculum dissectum nunquam inspexisse, hinc error iste facile videtur illi condonandus. Rationem porro hujus diversæ conformationis tradit Willis loco cita. quæ videri potest.

Alia diffe-  
rentia cir-  
ca oculi  
pupillam.

Alia differentia in variis animantibus circa oculi pupillam cernitur, quæ in homine, cane, & multis aliis quadrupedibus, volucris & piscibus rotunda est, in bove autem, pecore, capra & quibusdam aliis instar majoris rimæ oblongior notatur. In mulierum quarundam oculis geminis quandoque pupillas dari; unde effascinandæ vim obtineant, plurium testimonio compertum est. Imò & equi effigiem in pupillis quarundam pontum incolentium fceminarum exhiberi, quæ aspectu suo pernicioso homines, bruta, segetes, arbores polluant, & ad interitum deducant, asserunt varii, insignes etiam differentias alias, quæ circa oculorum colores in iisdem vel diversis specie animantibus notari possunt, supra cap. 1. retulimus.

Animalia

Cæterum notatu dignissimum videtur, quod animalia, quibus oculi sunt par-

vi cato.



vi cæteris paribus, ea melius distinguere valeant, quæ alia minus: & benè quidem ita comparata sunt ab Authore Naturæ Deo. Nam ea distinguere quodlibet animal debet, quibus indiget; majora autem animalia rebus majoribus indigent, neque opus est, ut minora distinguant cum iis ita separatis nec multum emolumenti, nec damni possint habere. At verò minora animalia & cibo indigent. minori, & ab objectis minutioribus plus damni pati possunt, sic pulices ex. grat. & pedes suos distinguere debent, & poros etiam minutiores carnis humanæ ut aculeos suos ad sanguinem sugendum inferant; Quod autem aquilnæ oculis singulare dicitur esse, eos absque molestia solem contueri posse, evenit, ut ait Plembius in ophthalmogr. à densitate tunicæ reticularis, qualis in aliorum animantium oculis minimè, reperitur, sed semper major raritas retiformis.

parva quæ  
minutos  
oculos ha-  
bent, cur  
melius  
parva &  
propin-  
qua vi-  
deant.

Oculi  
aquila-  
rum.

## EROTEMA III.

*Quanam ocularium partium conformatio ad videndum aptissima est?*

**A** Prior oculorum dispositio, ac constitutio magis idonea ad benè videndum ex diversis dignoscitur. 1. Ex quantitate mediocri, cum nempe oculi optima proportionem capiti conformantur, nec justo majores minoresque existunt. Unde Aristoteles in physiognomicis: *Medies est igitur oculorum status, qui probetur, qui mediocritatem quandam magnitudinis habeant castigatam.* Parvi tamen oculi, si concinni fuerint, minus quam grandes improbandi, cum vis fortior habitet in angusto.

Quantitas  
mediocri

Parvi ocu-  
li proban-  
tur.

2. Ex colore, si fuerit caprinus medius scil. inter glaucum & nigrum, de quo superius cap. 1. Unde etiam Aristoteles lib. 1. de hist. anim. cap. 10. eum pro visus acumine commendat.

Color ca-  
prinus bo-  
nus.

3. Ex situ: nam oculi concavi, in orbes magis reconditi ac profundius, maxime si parvi insuper sint, perspicacia visus pollent, & referuntur ad Aquilas, quibus oculi incavernati sunt. Ratio est, quia spiritus in illis magis congregantur, nec à luce extrinseca facile dissipantur. Hinc naturæ ductu dum contra solem intuemur, aut acrius quid cernere volumus, oculos stringimus, aut manum obtendimus, ad lucis externæ radios arcendos, qui species in ingressu oculorum suffocare, & spiritus intus dissipare solent. E contra exilientes oculi multumque prominentes debilitatem visus inducunt, quia tam species, quam spiritus in luce externa fortius incumbente & rectius penetrante dissipantur.

Oculi  
concavi  
seu pro-  
fundi.

4. A forma & figura partium ocularium: hinc parvam pupillam nacti acutius vident, quam qui majorem ac latiorē adepti sunt: nam spirituum dispendium, quod hinc facile contingit, inde prohibetur. Deinde humore præcipue crystallinus perfectæ utrinque sphaericitatis esse debet, ejus non æquo majoris aut minoris, vel inæqualis, secundum continuationis formam, sed talis, unde species ex moderata distantia allapsas optime colligat, & nixide in retinam disponat.

Parva pu-  
pilla lau-  
datur.

5. Ex sanitate, puritate, & perspicuitas partium diaphanarum; per quas species & formæ rerum trajiciuntur. Unde cornea debet esse nitida, nec peregrino quodam colore infecta; tenuis nec æquo densior, aut (pissior, continua nec ex cicatrice coalita in æqualis. Humores verò debent esse pellucidi, non impuri, crassiores, neque nimium inspissati; in quantitate debita, non imminuti, aut abundantius aucti: quoad temperamentum qualitatum non debent à nimio calore plus esse distenti & inflammati; ob situs rationem nec dislocati, aut quovis modo à statu naturali malè distorti.

Sanitas,  
puritas &  
perspicui-  
tas parti-  
um ocula-  
rium.

6. Ex prompto musculorum officio non præpedito ne oculi ad indebitum cogantur situm præcedentia quacunque de causa inducta velut in stratismo: vel nec eorum motus omnino sistatur, viaque spiritus præcludatur ut in paralyti, &c.

Promptum mus-  
culorum  
officium.

7. Ex moderata puriorum spirituum copia, ne scil. eorum multitudine oculi omnino obtundantur, & obruantur, indeque nimium in caleseat organum ac in-

Moderata  
spirituum  
copia.

flamme-



flammeretur, nec defectu eorum aut inopia tenuitate aut impuritate visus deficiat.

### EROTEMA IV.

*Quomodo officio musculorum motus oculorum quaquaversus perficitur?*

**D**E musculorum numero & nominibus superius cap. i dictum est, hinc quaeritur quomodo oculorum orbis per illos moveantur, atque huc illacque convertantur.


Quid sint musculi.

Notandum 1. Musculos esse partes aliis solidis partibus adnatas, quae constant carne laxiore, seu porosiore, & membrana densiore eam undique vestiente & claudente, nec non nervo qui valvulis in musculorum cavitatem spectantibus, atque ideo spirituum influxum facile admittentibus, regressum verò impediens, est praeditus.

Sic musculi oculum *A* moventes sunt *B* & *C*. eorum nervi *E* *D* & *G* *F*, & quidem nervus musculi *B* est nervus *E* *D* ipsius verò *G*. nervus est *G* *F*, valvulae in nervis liquatae sunt lineolis transversis & obliquis; ut in nervo musculi *B* lineolis *E* & *D*; & in nervo musculi *C* lineolis *G* & *F* quae in utroque nervo versus musculos spectant, uti signum 1. satis ostendit.

Quid motus spontaneus.

Notandum 2. motum spontaneum hoc loco dici motum illum quo oculus à spiritibus animalibus magna vi è cerebri ventriculis per poros à receptione, vel alia causa apertos in nervos & musculos oculi partibus annexos fluentibus, eosque inflando secundum latitudinem contrahentibus de loco in loco instar automatorum hydraulico-pneumaticorum movetur. His praenotatis.



Quomodo fiat motus oculorum

Ad quaestionem respondeo & dico. Motus oculorum officio ita perficitur. Spiritus animales ex cerebri ventriculis progressi in nervos musculorum copiose diriguntur; & quia per nervorum valvulas facilis quidem ingressus datur, cum situs earum non obstitat ingressui aut quicquam hunc impediatur; reditus verò ex iis in cerebrum ob valvularum situm, qui musculorum cavitatem spectat, itaque regressum impedit, mox praeccluditur. Praeccluso sic reditu spiritus in musculis copiosius & fortius immitti, eosdem mox inflando distendunt, expandunt & dilatant: qua expansione quia musculi alias à natura longiores quam latiores, ipsarum latitudo potius augefcit, & ampliatur, longitudo verò contrahitur, unde consequitur partes oculi, quibus musculi sunt annexi, una cum ipsis commoveri, locumque mutare.

Quoniam deinde plures eorum ut supra dictum, ad oculi globum annectuntur, prout igitur aliqui eorum spiritibus immixtis incipit turgere, inde ad se oculum trahit, ac flectit: Si duo pares musculi utrinque aequaliter inflentur, oculus in rectum tentus tenetur; si nullus musculorum ex immixtis spiritibus inflectur & extendatur, oculus totus quiescit. Sed omnia haec planius per figuras & exempla demonstramus.


Ostenditur per figuram.

Sit igitur oculus *A*, cuius duo musculi modo ad dextram, modo ad sinistram moventes, sint *B* & *C*, iique singuli suum peculiarem habeant nervum; dexter quidem nervum *D* *E* sinister verò nervum *F* *G*. Praeterea circa principium, ubi illi sunt conjuncti communi membrana *H* à se mutuo discriminantur, quae circa *D* & *F* tales habent membranaceas valvulas, quae suo situ versus musculorum cavitatem spectante spiritibus, nervos è cerebro ingredientibus liberum transitum in musculos praebent, reditum verò ex iis in cerebrum praeccludant. Adhuc in mediastino nervorum pariete *H* duae aliae sunt valvulae, quarum una



una G spectet ex dextro nervo VE, in sinistram FG, & altera E vergat ex nervo sinistro FG versus dextrum DE. His partibus musculi illi instructi præbent aptum tum quietis, tum motus ad dextram vel sinistram flexi vel ad utramque alternati, vel in rectum tenti instrumentum.

FIGURA IV.



Nam primò, si nullus spiritus per nervos DE & FG in oculi musculos B & C vehementius impellitur, valvulæ omnes connivent, & spiritus, qui pauciores in singulis musculis sunt, eos tendere non valentes, leniter ultro citroque ab uno musculo in alterum per valvularum rimas vicissim fluunt, & refluant; oculumque circa ullam tensionem quietum relinquunt, ut videre licet in Figura 1.

Oculus  
quomodo  
quiescat.

Secundo, si oculi tensio in rectum fieri debet, spiritus per utrumque illum nervum æquali vehementia ex cerebro in musculos B & C copiosius feruntur, utraque valvula G & E clauditur ac impedit, quo minus spiritus ab uno musculo in alterum possint transire: & valvulæ D, F à spiritibus ex musculis versus cerebrum per nervos DE & FG redire conantibus expansæ præcludunt viam, ne spiritus ingressi ex musculis B & C in nervos versus cerebrum reverti queant. Atque ita tenetur oculus à musculis utrinque æqualiter inflatis in rectum tentus, sicut Figura 2. monstrat.

Quomo-  
do in re-  
ctum ten-  
ditur.

Tertio, ut oculus ad dextrum flectatur spiritus paulò vehementius in alterutrum nervum velut in DE, impelluntur, clauditur valvula E, ita ut nullus spiritus ex musculo dextro B, per eum in musculum sinistram C possit transire, & simul aperitur valvula G, ut spiritus in musculo sinistro C existentes suo impetu, quo perpetuò, quantum possunt, ad lineam rectam tendunt, ex eo transeant in musculum dextrum B, eumque cum spiritibus per nervum DE à cerebro vehementius influentibus, inflando dilatent & abbrevient, atque ita oculum A versus dextrum ex C in B inflectant, ut Figura 3. exhibet.

Quomo-  
do ad dex-  
tram fle-  
ctatur.

Quarto, denique dum inflectio ad sinistram formanda est, omnia è contrario accidunt eodem planè modo, quo oculi flexio ad dextram explicata est: unde dilatato & abbreviato musculo C, & opposito musculo B prolongato oculus A sinistram versus ex B in C necessario convertitur, uti in Figura 4. apparet. At-

Dum in  
sinistram  
inflectitur

que



que ita ex hisce jam clarissime patet, quomodo ex vehementiore spirituum in nervum DE vel FG influxu alternatim facto, alternata etiam oculi nunc ad dextram, nunc ad sinistram oriatur inflexio; unde etiam alia quorumcunque musculorum oculis annexorum inflexiones tensiones & motus quicunque spontanei quamcumque versus partem facile cognoscere intelligi possunt. Ita quoque sentit doctissimus Cartesius & Henricus Regius in fund. Phys. cap. 10.

### EROTEMA V.

*Quorundam animantium veluti felium, canum, & equorum, unde in tenebris fulgent, & radiant oculi?*

Respon-  
detur ad  
Quæstio-  
nem.

**A**rtifex naturæ Deus opulentissima sanè varietate in rerum natura providentiam suam ostendere solet, dum quibusdam animantibus mirabilem visus aciem, oculosque peculiari quadam luce splendentes præstitit, veluti perspicue licet advertere in canibus, equis, felibus aliisque pluribus noctilucis animalibus, ut adeò absente solis splendore, & alio quolibet luminis præsidio sublato, sola illo naturaliter indito jubare prælucente in obscuris tenebris de nocte liberè quævis loca pervagari, alimoniam venari, & obvia quælibet objecta discernere possint. Sed merito hoc loco quis quærat, unde nam hoc lumen animalium istorum oculis inditum proveniat, & quomodo profundatur? Ad quod proinde paucis respondeo & dico. Lumen istud ab intimis oculi recessibus per humorem crystallinum & pupillam non prosilire, ut quidam putant. Sed ex ea tantum parte, quæ iris appellatur, foras emicare & fulguris specula exterius projicere. Nam intuentibus felium oculos latum apparet lumen, nigra in medio macula insignitum, quæ pupilla est crystallino humori objecta: hæc autem sola coruscaret, si ab intimis oculi penetralibus foras prosiliret.

Porro ciliis coloratis sive iridi vigorem talem inesse, facit spirituum animalium ingens ibidem confluxus à nervorum propagine, qui ex trunco optico, quem circumligant, inde scleroticum & choroidem subeuntes, itaque ad cilia sive iridem protenduntur eodem subvectus, ubi non secus ac in fungis, sepiâ, ligno putri & piscium squamis cincindelisque lumen quoddam emicare solet, eo quod igneus calor cum humido aëreo ad extremitates colligitur, uti in lignis putridis aliisque accidit, velut in cincindelis ex sanguibus & frigidissimis, eo quod igneæ particulae circa digestionis locum congregantur, & contrahuntur; ita istorum spirituum animalium calidissimorum ad humidum frigidum iridi propinquum percussio quædam accidit, quæ fulgor iste, & emicans inde lumen procuratur.

Ratio da-  
tur cur de  
nocte hoc  
lumen  
percipia-  
tur.

Quod autem hoc lumen maximè noctibus & in obscuris locis jubare suum exerat, ratio est, quia tunc majus lumen absit: ab illo enim interdiu vehementiori & fortiori ex solaribus radiis producto exiguum istud & debile valde quasi exolefcit, & offunditur in magno; noctu verò cum majus lumen non adstat & obstat, aut in obscuris locis istud animantium noctilucorum lumen tantum fulgere, aërque proximus inde ad fines naturæ istorum animantium congruos sublestrari solet.

### EROTEMA VI.

*Anne oculis vis quadam fascinatrix inest, & unde diffunditur?*

Fascinatio  
unde di-  
cta, &  
quid sit.

**F**ascinatio, ut ait Delrio lib. 3. par. 1. quæst. 4. sect. 1, non deducitur (ut quidam opinati) à fando, quod incantationibus inducatur, sed origine Græcanicum est, quia fascino formatur à βασχάνω mutatis duabus literis βασχάειν, significat invidere, quod Cicerone teste usurpabant pro nimium videre. Fascinatio verò quid sit Tostatus quæst. 15. citatus ab eodem Delrio loco supra cit. hoc modo definit: Fascinatio est, cum aliquis quempiam videns ad eum non conjunctus corporaliter

non



nec in eum quidpiam agens cum lædit. Melius Franciscus Valesius apud eundem. Est passio oculis illata & concepta, profecta ex quadam affectione maligna. Porro idem Deltio eam distinguit in Poëticam sive vulgarem, philosophicam seu physicam (quæ propriè contagio seu infectio est) & magicam, quæ dæmonis arte seu maleficio infertur. De altera non quærimus hic, illam enim constat ex pacto vel facto vel expresso dæmonis per visum in certam rem directum fieri posse, non quidem ipsa visione tanquam causa effectrice formaliter ipsum effectum malignum ponente, sed tanquam signo dato, quo dæmon ex pacto effective concurrat, & maleficio operatur. De prioribus ergo duabus vulgari scil. & physica (quarum utraque rursus in amoris seu benevolentiae, & invidiæ seu malevolentiae speciem distinguitur) quæritur, utrum vis quædam naturaliter in sit oculis, quâ inde ipsa visione sive aspectu activo alius ad amorem illiciatur, vel si invidus est aspectus, alter in corpore aut aliis bonis lædi naturaliter possit. Ad quod proinde.

Respondeo & dico 1. Oculis, ut sunt organum physicum pro videndi facultate, aptumque instrumentum res visibiles sensibus percipiendi, nulla inest vis fascinatricis; unde visione qualicunque ut tali nullus ad amorem trahi, aut invido aspectu quovismodo lædi potest. Ita communiter Auctores apud citatum Deltio. Item Kircherus in arte Magne: lib. 3. part. 9. cap. 2. Schottus magiæ natur. part. 4. lib. 2. cap. 2. & omnes ferè Theologi ac Medici. Ratio est: Quia visorium organum ut tale, est solummodò aptum, ad recipiendum radios trajectos & species impressas, & visio quâ visio est actio immanens subjecto; & fit per intro susceptionem, non verò per extra missionem radiorum, ut patebit syntag. tertio, & communiter jam omnes docent; Vis autem fascinatricis est actio transiens, cum malignam qualitatem de subjecto traducat aut transmittat in aliud subjectum: unde illi talis vis non potest competere. Aliud argumentum hoc efficacius & fusiùs deductum vide apud Kircherum loco supra citato.

Oculus ut organum visionis quæ talis fascinatricem vim non habet

Hujus ratio datur,

Quoniam tamen multis experienciis constat, & plurium Auctorum irrefragabilis auctoritas videtur evincere, aliquos aliorum aspectu benevolo ad amorem incitatos & posse incitari: idem aut aspectu malevolo graviter læsos & lædi posse: Respondeo & dico, istam fascinationem seu potiùs contagionem aliter non fieri, quam per spirituum quorundam beneficorum, aut maleficorum propulsionem, vel per vaporum quorundam transfusionem, quæ non tam ab oculis quam aliis partibus corporis fascinantis proferpit, & in alterum ex infecti aëris contagione devehitur. Optimè modum explicat Plutarchus lib. 5. sympos. his verbis: *Nam & odor, & vox, & respirationis fluxus, evaporationes quadam sunt animantium, & partes quæ sensus movent, atque illapsæ afficiunt. Hujusmodi autem longè verisimilius est ex animalibus emanare, ut quorum spiritus propter calorem & motum, veluti pulsam quemdam & concussionem habet: quo spiritu concussum corpus defluxus quosdam assidue emittit, id quod per oculos imprimis fieri par est. Nam cum visus multiplicem habeat motum cum spiritu ipsum igneum ejaculante, mirificam quandam vim disseminat. Quæ ex re multa, tum patitur, tum facere per visum, homini accidit, quippe quem res visæ vertunt, ac modicis tum voluptatibus, tum jucunditatibus afficiunt, quin & amoribus (qui vel maxime aut vehementissimi sunt animæ affectus) principium dat visus. Hinc diffluit, & colliquescit amator, ubi res pulchras intuetur, cœu ad ipsas adeat. Unde haud immerito mirari quis possit, esse, qui existiment hominem per visum pati ac vexari, non autem facere aut nocere. Pulchrorum enim ex adverso aspectus, quodque ex ipsorum oculis exit (sive id lumen sit, sive fluxus) amantes liquefacit, & consumit cum voluptate dolori conjuncta &c.* Ita Plutarchus explicat fascinum amoris; subdit deinde & invidiæ Contagium, quomodo transfundatur à fascinate in fascinatam: sed quoniam hoc melius exprimere videtur Heliodorus lib. 1. Æthiop. Histor. ipsius verba apponere placet: Sic se res habet.

Fascinatio fit per spirituum quorundam beneficorum, aut maleficorum propulsionem,

Explicatur fascini modus à Plutarcho

Fascinum amoris.



Contagi-  
um invi-  
diæ.

Fascinum  
ut fiat  
juxta Kir-  
cherum.

Vnde lip-  
pitudine ex  
solo aspe-  
ctu.

Quomo-  
do specula  
à mulieri-  
bus infi-  
ciantur.

Quid sen-  
tiendum  
de gemi-  
nas pupil-  
las habentibus.

Vnde Ba-  
siliscus &  
catoble-  
pæ visu in-  
terimant.

Miri effe-  
ctus per  
visionem.

Hic aër nobis circumfusus per oculos, nares, halitum, aliosque meatus ad profunda penetrans, & ex qualitatibus exterioribus eo secum inferens, qualis influxerit, talem etiam iis, quæ exdipitur, habitum ingerit. Itaque ubi aliquis livore percitus res pulchras intuetur, circumstantem aërem malefica qualitate replet, ac proprium spiritum acerbatis plenum in proximum quemque contorquet; spiritus autem utpote subtilis, ad spiritum usque & medullas ipsas pervadit, ac plerisque morbus fit invidia, & proprium accepit nomen fascinationis. Ex quibus igitur licet advertere, quomodo contagium fascinationis ab exhalationibus & pravis evaporationibus non tantum per oculos, sed & os ac nares etiam erumpat, ac deinde per vitiatum aërem transferatur in fascinatum. Non igitur organo visorio, ut tale est, vis quædam fascinatrix inest, nec à visione ut tali fascinum ullo modo proserpit; Sed si qua malignitas fascinatrix potius per oculos quam alias corporis partes transfunditur, id hac via accidere posset. Quoniam ut ait Kircherus loco supra citato, in calvaria concavitate duo foramina sunt, unum oculi centro directè oppositum, per quod nervus opticus procedit, alterum ad alterius latus, & inde procedit nervus motivus à secundo conjugio nervorum tractus, & per hoc foramen ex cerebro lacryma manant, ac fluunt, quæ per exteriores oculi partes, & circumferentiam inter tunicam candidam & palpebras stillant maximè ex hircis. Inde igitur etiam vis ista fascinatrix seu potius contagium ex spirituum impulsu & intenta imaginatione collectum, & violentius protrusum foras effluere facile credendum est.

Atque ex dictis hætenus patet 1. quomodo accidat homines solo aspectu sæpe in lippitudinem incidere, ut dum rubentes & malè affectos lipporem oculos inspiciunt, statim similem affectum maleficum contrahant; Nam verum est illud Poëtæ:

*Dum spectant oculi laesos, laduntur & ipsi:  
Multaque corporibus transitione nocent.*

Patet 2. quomodo speculum teste Aristotele, aspectu mulieris immundæ sordescat, & fulgor hebetetur: Quod evenit (ut ait Porta magi. natur. lib. 8. cap. 14.) quia sanguineus vapor non tantum ex oculis sed & ore, naribusque emissus in speculi superficiem propter tersitudinem in unitatem coit, ut quædam clavicula operiatur, & clarè demonstratur, imò si novitium, agerrimè elues, quod ideo in parvo aut saxo evenit, quia in illo serpit, & in profundo descendit, in hoc verò ex partium inconcinnitate dissipatur. At speculum quia pertinax infractum servat, quia frigidum coactò aëre guttulas gignit. Ita Porta.

Patet 3. quid de Triballiis, Illiriis, Bithiis aliisque geminas pupillas in singulis oculis habentibus ideoque fascinandi vim habentibus sentiendum sit? nam quemadmodum geminata pupillæ naturæ vitio accidunt, ita & hoc alterum malum, id est virus quod effascinantes ejaculantur, eodem naturæ vitio obvenit. Ratio enim conjunctionis est, quia sæpe causa noxia illius qualitatis quam malefico afflatu ex se mittunt, coit cum ea quæ geminam pupillam inducit.

Patet 4. quomodo credibile sit basiliscum & catoblepam ex virulento halitu quem oculis, naribus & ore expirant, alios facile inficere & interimere. Quæ, verò de Galgalo visu ictericos sapante, cum experientia non ita testatum faciat, certumque probet, idem est de visu venenum diffundente passim memorantur, mihi omnino dubia comparent, imo potius maleferiatorum hominum deliria, & aniles verius ad focum aut fustum fictas factasque fabulas esse. Ejusdem fidei arbitror ea quæ Schottus loco sup. cit. ex Gutierrio recenset de inventis hominibus, qui marmora effabrè elaborata visu attentiori inspecta in partes dissiliebant. Item; quæ de quodam Valentino Equisio narrat, qui post gravem morbum superatum patinas in mensa appositas solo aspectu in partes findebat: Aut si vera sunt, dæmonis arte procurata sunt. Sed hæc de fa-



de fascino pervisum curioso lectori sufficiant, qui plura de hoc scire desiderat, legat auctores supracitados, aliosque ex professo argumentum hoc tractantes, Præcipue P. Martinum Del-rio in disquisi. magicis. loco ut supra.

## EROTEMA VII.

*An per oculos vis animi interni pateat?*

**N**Ullum theatrum amplius apertum in quo spectare liceat mentis, animi, morumque ac internarum passionum actiones, quam oculus; nullum speculum ita internam hominis constitutionem revelat: unde benè Martialis:

*Est speculum mentis facies oculique revelant,  
Quales sint intus mens animusque viri.*

Martialis.

Quocirca etiam communi fertur parcemia: ex oculis, loculis & poculis, cognoscitur animus hominis. Aristoteles lib. 1. hist. Anim. cap. 10. *Esse quoque in oculis magnam vim non tantum ad animi ingenium, & sensa indicanda, sed etiam ad affectus promovendos satis constat.* Unde etiam in Physiogn. cap. 6. 9. & 10. aliqua indicia produnt Stobæus in sermonibus suis moralibus Serm. 70. inquit. *Qui malignus & dolosus fuerit, is statim & oculis transverse, implacideque intuetur. Qui stolidus est, pupillas & oculos patentes gerit, ut asini & oves.* Ex antiquis Hebræis Philof. lib. de Abrah. Dolorem, inquit anima mæstitia suffusi oculi dissimulant, è diverso illo subridente, hilares, metu invalescente turbantur, agitanturque. Quod si occupetur ab ira exasperatur, & rubescit oculus, in cogitatione ac cura quiescit, eodem obtutu hærens, & quasi cum mente simul intentus; sicut in animi deliquio simul & laxatur & emittitur. Idem accedente amico benevolum affectum sereno tranquilloque affectu nuntiat. Quoties autem in inimicum incidit, statim offensionem præ se fert. In audacia prosiliunt & procurant oculi, in reverentia quieti stant; & ut compendio dicam: ad effigiem animæ factus est visus, ostendens imaginem expressissimam tanquam in speculo, naturam ejus alias invisibilem reddens. Hæc Judæus. Eapropter & Alcuinus, qui vir insignis litteraturæ & Caroli Magni Præceptor fuit, interrogatus. *Quid sunt oculi?* benè respondit: *Duces corporis, vasa luminis, indices animi.* Doctissimus Galenus illa Hippocratis verba citans. *Oculi ut valent, ita & corpus, eadem sic commentatur de morb. vulg. com. 4. Hippocratem dicere arbitror, quonam modo quis ab oculis corporis affectum percipiat, quandoquidem isti maxime firmissimam nobis notitiam exhibent.* Plinius quoque secretarius Naturæ fuisse videtur, lib. 11. Natur. hist. cap. 37. de oculis hunc in modum scribit. *Neque ulla ex parte majora animi indicia cunctis animalibus, sed homini maxime id est moderationis, clementiæ, misericordiæ, odii, amoris, tristitiæ. Contuitu quoque multiformes, truces, torvi, flagrantés, graves, transversî, simi, submissi, blandi, profecto in oculis animus inhabitat.* Hæc ab antiquitate prophana petita sunt: Sed ne quis sacram deesse putet, inde etiam nunc quædam testimonia huic argumento sunt conquirenda.

Adagium.  
Aristoteles.

Stobæus.

Philo. lib.  
de Abrah.Alcuinus  
in disp.  
pupini.Hippocrates.  
Galenus.

Plinius.

Ecclesiasticus certum quendam modum indicare volens, quo interiora hominis quis possit cognoscere, ad rem nostram sic ait, cap. 19. v. 26. *Ex visu cognoscitur vir, & ab occurso faciei cognoscitur sensatus.* Quæ verba Lyranus insignis Paraphrastes hoc exponit modo. *Cordis dispositio magis apparet in facie, in qua magis vigent omnes sensus, quam in aliis partibus, & potissimum in oculis, qui citius immutantur à corde propter humiditatem complexionis, & ideo si in istis appareat magna maturitas, & honestas, judicatur homo sensatus, & è contrario.* Item percelebris Author Paulus de Palatio in eadem verba Ecclesiastici ita scribit. *Sunt oculi ut plurimum testes ingenii fideles, profert se hominis natura per oculos, cum oculus sit lucerna corporis, nihil mirum si lucerna quale sit*

Ecclesiæ.  
Ex 19. v. 26.



*le sit corpus enunciet. Igitur per oculos mores hominis attentus cognoscit.* Item Ecclesiastici, cap. 26. vers. 12. habetur. *Fornicatio mulieris in excellentia oculorum & in palpebris illius agnoscetur.* Proverb. 17. vers. 24. *In facie prudentis lucet sapientia, oculi stultorum in finibus terra.* Plura alia ex divinis literis sacra testimonia compilare possem, ni filo nimium diducto lectori curioso ad alia magis anhelanti tedium parerem. Sufficit ipsius increata sapientiae effatum de hoc ipso nos instruente, Lucæ cap. 11. ubi discrete dicit. *Lucerna corporis tui est oculus tuus. Si oculus tuus fuerit simplex, totum corpus tuum lucidum erit: si autem nequam fuerit, etiam corpus tuum tenebrosum erit.* Aptæ plane similitudine Lucernæ utitur divinum verbum: Nam sicut per lucernam abscondita inquirimus, & ejus luce devenimus in cognitionem eorum, quæ nobis erant occulta. Ita per oculum possumus cognoscere ea, quæ intus in animo, corde, & toto corpore latent. Si itaque lucerna hæc, quæ est oculus simplicitatem ostendit exterius, benè licet cogitare totum corpus interne simpliciter bonum, ac hominem benè illuminatum, qui caveat mala, & animæ inquirat bona. Si verò hæc lucerna ostendat à foris nequitiam, totum hominem internè tenebris vitiorum immersum indicabit, qui lucem gratiæ ac salutis non curet. Proinde benè venerabilis Beda oculos cordium exploratores, ac Bellovacensis in specu. lib. 3. dist. 5. part. 1. *Proditores secreta animæ exterius nuntiantes* appellarunt.

Ecclef. c.  
26. v. 12.  
Prov. 17.  
v. 24.

Christus  
Luc. 11. v.  
34.

Sed his ubertim indicatis cum in fundamento physico moremur, juxta principia physica hujus argumenti rationem aliquam assignare debemus.

Videtur itaque physice satis compertum animam pati à corpore, & corpus ab anima: Nam caula patitur à suo instrumento (unde licet scriba quis sit peritissimus, si tamen malè aptato utatur calamo, informes pinget characteres) cum igitur corpus una cum his partibus organicis sit instrumentum animæ, eo minus rectè constituto animam pati primum est. Exempla clarissima dari possunt ab ebriis & ægrotis maximè acutis morbis laborantibus. Sic enim qui in anima juxta ejus laudabiliores operationes optime sunt constituti, videlicet prudentes, pii, morati, discreti, modesti, omni scientiarum genere probe instructi, cum sunt ebrii, fieri solent impudentes, stolidi, improbi, immorati, immodesti, imò prorsus fatui & desipientes, item qui sano corpore optimæ sunt mentis, dum maligna febre corpus exæstuat, aut phrenesi laborat à mente dejiciuntur, & sæviunt ad terrorem.

Ratio prima anima patitur à corpore.

Et corpus patitur ab anima.

Secunda similia instrumenta habent similes potentias.

Quod verò & corpus ab anima quoque patiat: inde est, quia cum anima sit forma &, corpus materia, motus autem materiæ consequatur motum formæ: ut igitur corpus informetur, ita velut instrumentum aptare se debet. Sic videmus in iratis totum corpus tremere, oculos scintillare, os spumare, faciem ignescere, dentes concuti & stridere &c. manifestum igitur hinc est, ab anima corpus etiam pati. Planissimè etiam consequens est, quod sit mutua quædam corporis & animæ conspiratio & reciproca consecutio: quocirca etiam corporis externa signa velut notæ latentis intus animæ, affectus ejusdem & propensiones prodere possunt.

Deinde physice probabilissimum censetur similia instrumenta habere similes potentias, potentiarumque affectiones & operationes; & quale est instrumentum, talem esse potentiam, potentiæ propensionem & operationem. Hinc fit, quod anima ratione corporis, ut instrumenti id possit & operetur, juxta quod illud est aptum ordinatum ac dispositum. Ubi ergo deinde similis est dispositio etiam similis operatio probabilissimè consequi debet. Cum porrò in aliis animantibus videamus similes dispositiones, & earum operationes noscamus similiter ad nos, in quibus similis dispositio reperitur, transferre possimus. Ita quia videmus in aqualis oculos parvos concavos in orbitam retractos, perspicacia visus valde pollere; benè ominamur in homine, qui similem habet oculorum dispositionem, eum visu perspicaci præditum esse: Sicut è contrario bovi sunt oculi magni prominentes stantes in motu tardi, & animal hoc cognoscimus esse tardum, & stolidum; benè etiam licet ex oculis similibus in homine conjectare, cum







# Tabula Ophthalmoscopica ex inspectione oculorum

## Propensionum atque morum item valetudinis bonorum

Visus & Temperamenti	Signa	Supercilia cilia seu palpebrae.	Significant.	Oculi per se.	Significant.	Oculorum Colores.	Significant.
Visus optimi.	Cilia nigra. Palpebrae rectae magnae crassae. Pupillae parvae. Oculi concavi retracti. Colore caesi, aut caprini. Moderata spirituum copia.	Supercilia densa pilosa.  Ambo conjuncta. Depilia.  Cum expansa Planitie.	Inepte loquaces. Tristes Cogitabundos. Impios fures. deceptores. Lucem veneram sanguinis intemperiem. Imbellicitate m. Tristes ad magna ineptos. Simulatores.	Magni.  Magni fulgidi rotundi. Parvi.	Pigros, ignavos tardos. Fortes generosos. Astutos ingeniosos timidos avaros. Luxuriosos. Curiales fideles. Boni intellectus.	Albi. Nigri. Valde nigri.	Frigidos Mansueti Timidos Dolosos Callidos Simpliciter Stolidos Ingeniosos Audaces Biliosos Fortes.
Hebetioris.	Cilia revulsa procidentia obliquata. Palpebrae tenuiores & breviores. Pupillae magnae. Oculi profluentes.	Arcuata.   Recta.	Arrogantes Audaces. Iracundos. Subtiles studiosos. Inberilles. Timidos. Foemineos. Audaces. Austeros. Derisores. Fatuos. Ignavos. Invidiosos tristes. Superbos arrogantes. Abiectos. Superbos. Inverecundos.	Prominentes. In altum sublati.  Deorsum quasi decidentes. Retorti ad dextram ad sinistram. Stantes fixi. Lati. Sicci.	Stupidos fatuos simplices. Vanos stolidos feroces. Immites implacabiles. Stultos. Libidinosos. Anxios cogitabundos. Deceptores. Humiditatem corporis. Ingeniosos. Optimos. Libidinosos. Temerarios. Insidiatores. Adulatores. Detractores. Lascivos. Timidos. Melancholicos. Lascivos. Effeminatos. Impudentes. Timidos. Verecundos tristes. Perspicaces malefici. Infideles. Proditores. Probos ingeniosos. Gravis optimos. tranquillos. Deceptores. Callidos. Fraudulentos.	Fulvi sive Charopi.  Glauci & albicantes. Glauci & crocei. Glauci sicci. Caesi cum parvis pupillis. Subrubentes.	Ingeniosos Robusti Audaces Animosos Agrestes Robusti Savos. Crudeles Timidos Avaros. Versipellis. Injustos Iracundos Impudentes Stupidos Ebriosos Vinosos. Iracundos
Oculi bene temperati.	Proportio cum capite. Mediocris existentia & mobilitas. Spiritus moderati. Forma eminentior.	Flexa ad Nares. Flexa ad tempora.  Demissa. Elata.	Audaces. Austeros. Derisores. Fatuos. Ignavos. Invidiosos tristes. Superbos arrogantes. Abiectos. Superbos. Inverecundos.	Splendentes. Fulgentes proportionali Ignei splendentes lucidi.	Ingeniosos. Optimos. Libidinosos. Temerarios. Insidiatores. Adulatores. Detractores. Lascivos. Timidos. Melancholicos. Lascivos. Effeminatos. Impudentes. Timidos. Verecundos tristes. Perspicaces malefici. Infideles. Proditores. Probos ingeniosos. Gravis optimos. tranquillos. Deceptores. Callidos. Fraudulentos.	Rubri cum humiditate. Valde rubri & sicci. Cerulei.	Impudentes Stupidos Ebriosos Vinosos. Iracundos
Calidi.	Splendor. A spiritibus turgescencia longior prospectus. Visio exacta in constantia versatilitas paucorum excrementa. impatientia caloris.	Brevia. Oblonga.  Rara comensurata magna.	Superbos arrogantes. Abiectos. Superbos. Inverecundos.	Ridentes. Ilachrymates Gratiosae & diffuse intuentes. Valde aperti. Aperti in somno. Demissi. Concavi retracti cum siccitate.	Insidiatores. Adulatores. Detractores. Lascivos. Timidos. Melancholicos. Lascivos. Effeminatos. Impudentes. Timidos. Verecundos tristes. Perspicaces malefici. Infideles. Proditores. Probos ingeniosos. Gravis optimos. tranquillos. Deceptores. Callidos. Fraudulentos.	Varii. Vaccini. Clari.	Animosos Benemores fideles. intellectuales Indagatores Scientiarum Stolidos Ingeniosos Dociles. Providos. Graves.
Frigidi.	Impressio profundior Rigor. Stabilitas. Minor prospectus. Frigoris impatientia.	Eminentia. Tumida sufflata. Declinantia ad inferius cum rubedine.	Astutum. Callidum. Insolentem. Somnolentos. Vinosos. Potatores. Vinosos.	Cum humiditate. Modestit. Compositi. Obliqui. Meabi. Patuli.	Infideles. Proditores. Probos ingeniosos. Gravis optimos. tranquillos. Deceptores. Callidos. Fraudulentos.	Tenebricosi. Caliginosi.	Benemores dolosos deles per Intemper Invidiosos. Immites. Crudeles.
Humidi.	Grassities. Magnitudo carnis. Turgescencia excrementa multa.	Cum vesiculis tumulentibus. Rubescencia arcuata cum venis sanguineis circa angulos.	Ebriosos. Inverecundos. Mendaces. Callidos. Lascivos. Timidos.	Tremulis.	Callidos. Fraudulentos.	Sanguinei.	Facinorosi Insidiatores Imprudentes Incoppositi Gulosos. Ebriosos Dolosos. Tristes.
Sicci.	Signa. Contraria humidis.	Subtilia. Tenuia.	Cholericos.			Palescentes.	



us & temperamenti eorum, animi quoque passionum,  
vel malæ; vitæ aut mortis inditia exhibens.

Motus oculorum.	Significant.	Pupillæ cum maculis.	Significant.	Passiones.	Significant.	Circa vitam valetudinem morbos & mortem.	Significant.
Oculi mobiles.	Ingeniosos. Audaces. Rapacis magnanimos.	Parvæ.	Astutos. Callidos. Vafros. Ingeniosos. Libidinosos. Simples.	Amoris.	Oculi marcentes. Limi conniventes. placide subintuentes.	Oculi magni cum brevibus superciliis senosif Ricci.	Vitam brevem.
Inquiete volabilis & humidi.	Iracundos. Lascivos. Lufores.	Lata.	Ineptos. fatuos.	Desiderii. five Cupiditatis	Inquieti volabiles humidi.	Distillantes & rubescences.	Maniam præsentem aut futuram phlegmatis abundantii in cerebro.
Versatiles acres cum peluciditate ignea scintillantes.	Veneres. Cupidos. Delitiosos. Rapaces. Crudeles.	Decenter Mediocres.	Bene moratos. Fortes. Beneficos.	Laetitiæ.	Sereni. Rigidi. Quandoque illachrymant.	Lippientes cum capitis dolore per longum tempus.	Cæcitatem.
Mobiles cum turbatione aliqua.	Fraudulentos. Suspiciosos. Infidos.	Equales.	Iustos & probos. Nefarios. Scelestes.	Spei.	Sursum. Flexi.	Rubor oculorum in Febre.	Diuturnam alvi malignitatem.
Versatiles imotis palpebris.	Vanos. Jactabundos. Audaces. Confidentes. Imbecilles. Infirmos.	Inæquales.	Facinerosos. Stultos. Fatuos.	Audaciæ.	Fulvi. minus conniventes.	Cavi fixo in ægritudine. Palpebræ retractæ vix oculum claudentes.	Mortem.
Veloces cum acumine visus.	Timidos. Impotentes. Infideles. Fraudulentos. Ad malum Ingeniosos. Sceleratos. Facinorosos.	Prominentes.	Melius videntes de die quam de nocte	Metus. five Timoris.	Crebro conniventes. Instabiles. Pallentes. Circumquaque videntes.	Obliqui in fabre acuta.	Mortem propinquam.
Moventes se in gyrum.	Infidos. Fraudulentos. Ad malum Ingeniosos. Sceleratos. Facinorosos.	Maculæ citæ pupillam	Malitiosos.	Itæ.	Flagrantes. Ignei. Micantes. Rubescences.	Subsidentis aut cornei nihil videntes.	Mortem propinquam.
Vibrantis quasi exitientis palpitent.	Gloriosos. Leves. Ebriosos. Epilepticos. Stolidos. Lascivos. Dolosos. Iuustos. Infidos.	Maculæ quæ magis variæ.	Varios moribus & vitiis.	Tristitiæ.	Demissi. Illachrymant. Immobiles. Turbidi.	Feroces horridi.	Convulsionem ac mortem.
Vibrantes magni. Parvi.	Epilepticos. Stolidos. Lascivos. Dolosos. Iuustos. Infidos.	Guttulæ rubescences in nigredinem vergentes	Generosos. Iustos. probos. ingeniosos.	Invidia.	Emissitii Torvi. Refugientes.	Illachrimantes lucem fugientes perversi ut unus altero major. Eorum album rubescens aut livescens cum nigris vexis.	Malum ad interitum & mortem.
Turbidi aut lividi.	Stolidos. Lascivos. Dolosos. Iuustos. Infidos.	Nigræ guttæ aut sanguineæ in nigris aut fuscis pupillis.	Valde maleficos.	Odi.	Truculenti. Retracti. Cavi.	Adhærescentia Graminarum five tardium cilia retracta oculi fixi contenter conniventes in colore immutati.	Bonum ab ægritudine. revalescentiam.
In claudendo sursum abeuntes.	Infidos. Audacissimos. Intemperantes. Lascivos. Vanos. Insanientes. Timidos. Effeminatos. Timidos. Fortes.	Pallidæ guttæ.	Dolosos fraudulentos deceptores.			Oculi pleni splendidi lucem sine molestia ferentes.	
Claudentes tremulis superciliis nec rectis palpebris.	Timidos. Effeminatos. Timidos. Fortes. Audaces. Robustos. Pigros ignavos.	Maculæ albæ nigræ aut sanguineæ.	Proditores Nefarios reprobos.			Eminentia circa oculum erumpentes.	
Conniventis crebro.	Timidos. Effeminatos. Timidos. Fortes. Audaces. Robustos. Pigros ignavos.					Album ex nigro aut livido clarescens.	
Minus conniventes.	Timidos. Fortes. Audaces. Robustos. Pigros ignavos.						
Tardi in motu.	Timidos. Fortes. Audaces. Robustos. Pigros ignavos.						
Frequenter moventes sed quasi stantes cum albugine in oculi.	Timidos. Fortes. Audaces. Robustos. Pigros ignavos.						
Parvo immobiles.	Timidos. Fortes. Audaces. Robustos. Pigros ignavos.						







eum & stolidum tardumque in functionibus suis esse: maximè quia causa sæpe quæ in bove est causa stoliditatis & tarditatis conjuncta est cum ea, quæ eidem hos oculos sic adaptavit, sicut in asino causa, quæ tribuit eidem aures longas conjuncta est cum ea, quæ una aptando ita organum cerebri in asino causat stupiditatem, & ignaviam. Cum itaque in homine similes organi rationes videmus, probabiliter operationes animæ easdem informantis secundum eas ita dispositas & ordinatas vix aliter operari posse judicamus.

Facit denique plurimum ad argumenti hujus ampliorem declarationem ipsa ratio temperamentorum, quæ ubi notificantur, etiam convenientes animæ passiones, & propensiones, quas cum iisdem habent, notificari posse consequens est. Dantur autem in oculis indicia sæpe planissima temperamentorum, veluti qui dum calorem cum siccitate apertè monstrant, inde etiam cholericam temperiem sive temperamentum igneum calido siccum præsens testantur. Sicut qui oculos habent à consumptione humiditatis parvos, à caloris activitate mobiles, à densione vaporum vi caloris nigros in pilis & orbiculo interiore, à spirituum fortitudine igneos & flammantes, non aliam temperiem quam cholericam præsentem esse abunde manifestant. Cum porrò juxta primarum qualitarum temperiem in mixto, seu cujusvis corporis temperamentum anima ad certas quasdam operationes & passiones magis propendat: sicut patet cum temperamento Cholericum animum magis inclinari ad iram & audaciam, quam cum alio quodam velut Melancholico, ubi magis ad timorem, odium & tristitiam inclinatur, idcirco iterum consequens erit animæ vim per oculos posse patere: dum enim certum temperamentum ex certis notis ac signis indicare possunt oculi, sicut probavimus, etiam inclinationes & propensiones eidem temperamento convenientes indicare poterunt, adeoque internam animæ vim prodere ac manifestare.

Atque ex his aliisque principiis clarè patet, dari in oculo signa quædam naturalia, ex quibus tanquam Naturæ regulis liceat internam animæ constitutionem naturalem conjectare, & probabiliter judicare. Dixi *probabiliter* nam infallibilia signa nulla dantur: cum enim homo semper liber sit in operando, & per liberum arbitrium possit se determinare ad morale quodvis nullæ ophthalmoscopice notæ dari possunt quæ infallibilem indicent effectum, sed solùm quandam propensionem & affectionem naturalem, quæ ipsa facilè à nobis, ductu rationis, studio disciplinæ aut gratia Dei emendari, aut planè tolli potest. Qui ipsa signa in specie non tantùm ophthalmoscopica, sed totius hominis physiognomica cum rationibus ferè singulorum uberius scire desiderat, legat P. Honoratum Niquesium in physiogn. aut Scottum Magiæ Nat. par. 4. lib. 7. Qui ex priore sua transcripsit: Ejusmodi signa in specie plura tradunt Samuel Fuchsius in ophthalmoscopia, & Guiliel. Gratarolus in physiogn. item aliqua referunt Joh. Bapt. Porta in physiogn. Joan. ab indagine in introduct. Apoteles: & alii, qui videri possunt. Ne tamen avidum Lectoris animum jejunum dimittam, hic tabulam ophthalmoscopicam ex variis auctoribus collectam apponendam duxi, cujus ope facillimè curiosus Lector ex inspectione quorumlibet oculorum eorum in videndo perspicaciam aut debilitatem, item temperamentum, animi quoque propensiones & plura alia, quæ in tabula videre licet probabiliter conjectare poterit.

Tertia.  
Temperamentum.

Tabula  
Ophthalmoscopia

## EROTEMA VIII.

*Vnde tanta Lachrymarum copia per oculos destillatur, seu quanam vera Lachrymarum scaturigo & quis plorandi modus?*

**F**Abulantur poëtæ, ut Æsopus à Themistio in libro de moderatione affectuum relatus, quod Prometheus statuam hominis fabricaturus, cretam, unde illam condebat non aqua sed lacrymis maceravit. Sacra quoque scriptura nos



Tertull.  
lib. de ani.  
cap. 19.

Christianos docet, supremum Artificem corpus hoc nostrum ex terra & campo Damasceno desumpta plasmâsse, ac consequenter lutum illud aquis macerâsse, quæ utique lacrymarum symbolum erant; atque hinc est, quod dum vix nati sumus copiosum lacrymarum imbrem effundere incipimus. Hinc Tertullianus aliquando dixisse fertur. *Mentior si non statim infans, ut vitam vagitu salutavit hoc ipsum se testatur sensisse atque intellexisse, quod natus est omnes simul ibidem dedicans sensus, ut luce visum, & sono auditum, & humore gustum & aëre odoratum, & terra tactum. Ita prima illa vox de primis sensuum vocibus, & de primis intellectuum pulsibus cogitur. Plus est quod de prospectu lacrymabilis vitæ quidam augurum incommodiorum vocem illam flebilem interpretantur.* Sic lacrymæ nobis congenitæ, sic ad primam Mundi portam funestum lacrymarum tributum solvimus, sic auram vitalem caro pretio amarissimi fletus comparamus. Verum non illa tantum vitæ mortalis primordia fletum extorquent: scateret reliqua vita iisdem, ut ex quàm plurimis non unus tantum cum Poëta conqueri possit:

*Totum pene meum vivere flere fuit.*

Quid la-  
chrymæ  
juxta A-  
quapen-  
dentem.

Sed his tanquam vulgo notis relictis ad physica me confero. Quid lacrymæ sint, unde earum tanta copia per oculos defluat, quænam vera earundam scaturigo dici queat omnino non convenit inter Auctores. Anatomicus perinsignis *Aquapendens* qui præ aliis hoc negotium accuratius elucubratus, quem & deinde plures alii secuti sunt, ratur esse excrementum tenue ipsorum oculorum in pinguedine & glandulis tam diu detentum donec suo tempore à naturâ excernatur. Cum porrò oculi partes non admodum magnæ sint, ut ad eò ibidem paucæ guttæ detineri queant, tanti tamen lacrymarum rivi subinde profluant, ut vix cerebrum ipsum, ne dum oculus sufficere videatur, ideo Vir doctissimus hic ait: *eo casu consecutione & sequela vacui ex cerebro etiam pituitam defluere est necessarium à temporibus & faciei partibus illuc similiter vi vacui rapi & influere.* Addit deinde illa excrementa à cerebro submissa, etsi verarum lacrymarum speciem præ se ferant, veras tamen non esse, sed mixtas & adulterinas: veras autem solum eas esse dicit, quæ in oculis tantummodo generantur. Quomodo verò lacrymalis materia in oculis contineatur, ita scribit. *Magnam esse cavitatem cujus quartam partem non opplet oculus, reliquum autem à copiosissima pinguedine ac glandulis quibusdam obsidetur; itaque partim in hisce partim in illa copiam lacrymarum imbibi, absorberi, colligi, ac detineri sicut in spongiis aquam.* Ita *Aquapendens* de lacrymis earumque scaturigine.

Vnde ca-  
rum copia

Quomo-  
do lachry-  
malis ma-  
teria in o-  
culo con-  
tineatur.

Quid la-  
chrymæ  
sint, me-  
lius doce-  
tur.  
Refellitur  
sententia  
prior à  
Plempio.

Verum longè accuratius alii cum Aristotele & Theophrasto inter quos solertissimus *Fortunatus Plempius* lachrymas dicunt esse excrementum cerebri serosum ejusdem naturæ ac est urina & sudor. Quod ut ita se habere evincat Plempius ophthalm. lib. 1. cap. 3. *Aquapendentem* ita submergit: dum ait. *In circumfistente autem pinguedine glandulisque copiam lacrymarum detineri nego ipsi ac pernego. Pinguedo hic neque alibi vel lacrymarum vel alius humoris est receptaculum: nulli enim in ipsa meatus excipiendis iis necessariis. Glandula verò oculorum adeò sunt pusilla, ut quam continerent, lacrymarum copia non sit digna effatu. Seca prostates & testes, aperi renes; in illis seminalem, in hisce serosum humorem animadvertere licebit: at in propositis oculorum glandulis lacrymas quarentis nihil observabunt aliud nisi substantiam quandam unctuosam madorem uvidam, ex qua vix guttam exprimas. Præterea, qui pridie fleverit uberrimè, omne exhausit sine controversia oculorum excrementum tenue: Si igitur idem postridie denno profusissime fleat, unde id excrementum? non enim uno die tantum possunt congerere oculi. Hi omnes scopuli devitantur, dum cerebrum lacrymarum statuitur Scaturigo: quod cum mole vastum sit maximeque in homine, & multo ei opus sit nutrimento, multa etiam supervacua secernit, quæ effuso lacrymarum imbri possint esse satis. Plus dixerim, pace tamen maximi Anatomici *Aquapendentis* qui istud cerebro derogat, & in manifestis natura operibus cacuit.*

Puncta



puncta enim lacrymalia id est, foraminula illa oculorum ciliis insculpta lacrymarum ductus habentur ab omnibus omnino. At quò pervadunt? in communem sinum cerebri ac narium, non in pinguedinem & glandulas. Rima item illa oblonga in osseo oculi thalamo visenda in cerebrum recta ducit: per hanc verò omnium Anatomicorum consensu nocetur serosa cerebri humiditas ad oculos corrivari. Itaque quis non intelligat ex cerebro deduci humorem, non autem ex pinguedine aut glandulis. Videre hic te puto sagacissime lector, quam *Aquapendenti* hic hæreat aqua, siquidem *Plempius* tam argute convincit.

Certè hanc ipsam *Plempii* doctrinam ultra confirmat remissior fractus capitis dolor post lacrymas fusas, qui ante illas gravius illud infestabat, ut proinde non inconcinnè *Poëta* tristis aliquando cecinerit:

-- -- *Est quædam flere voluptas  
Expletur lacrymis egeriturque dolor.*

Ovidius  
lib. 4. trist.  
Elog. 3.

Sic rursus audieram ait serius veritatis tutor à gravissimis viris quosdam in gravibus doloribus animo præfractis lacrymas cohibentes in pertinacissimos capitis morbos incidisse aggregata in cerebro & inundante lacrymarum materia. Quapropter etiam Medicorum prudentiores mandant, ne pueris in terminatione inceptus flectus interdicator, causa quippe ponitur excitandis in tenera ætate convulsionibus epilepticis, aliisque capitalibus agrimoniis. Ex dictis omnibus his patet jam luce meridiana clarius, unde tanta lacrymarum copia per oculos depluere possit; restat nunc alterum lacrymationis modum concernens, quem potentissimo ac nuditissimo suo argumento nobis præscripsit doctissimus Medicus, Professor Oxoniensis, Thomas Willis de anima Brut. cap. 15. de visu, cujus verbis aliquid addere vel demere nefas judicavi: Sic enim ait,

Plempius  
ibidem.

Pueris flectus non interdicens.

Imprimis itaque circa lacrymationem observamus eam in magnis animi pathematibus, scilicet dolore ingente commiseratione, gaudio repentino & similibus potissimum ac fere tantum succedere; quodcumque scilicet anima sensitiva ab objecto aut valde incongruo aut inassueto percussa velut intus nectare aut syrtasin suam, propius contrahere cogitur. Ita cautum est, ut major spirituum copia, quin & uberior sanguinis fluxus ad partes principes, nempe cor & cerebrum, tanquam vitæ præsidia compellantur: spiritus animales adhuc loca velut binos anima fontes sponte prosiliunt, quin & sanguis in utrisque plenius aggeritur; in quantum scilicet vasa sanguifera nervorum, tractu contracta laticem suum, ad hæc loca celerius propellunt, eumque illinc parcius eximunt; dum itaque lacrymationis occasio offertur, statim cordis sinus cum tota vicinia à sanguine ibidem aggesto & (quatenus sero copioso suffunditur) plurimum ebulliente intumescent, ac valde inflantur; hinc & pulmones inferciuntur, ut respirationem non nisi singultuosam edant, atque diaphragma ut horum intumescencia locum cedat, cum systole intensiore ac sæpius repetita, quæ singultus causa est, inferius deprimitur; interea quatenus aer in tracheam pulmonibus & diaphragmate ita distentis, ægre in sufflatur, & vix denuo redditur, flebilis iste in ploratu aut ejulatu sonus efficitur. Huic præcordiorum affectioni, oris & faciei partes in lugubrem aspectum compositæ aptè correspondent; cujus rationem alibi ostendimus esse, quoniam nervi, qui præcordia contrahunt, cum illis qui faciem in risu & ploratu patheticè componunt, sunt intimè affines, & mutua συμπάσσει gaudent. At verò dum hæc in præcordiis, & vultu aguntur, res in cerebro haud minus tum ultro se geruntur; hic enim spiritus in confusionem ac si omnia susque deque habent, atque à nimio sanguinis influxu cerebrum aut inundari aut obrui periclitatur, quod tamen ne fiat, & ne passioni cuiusvis dementia succedat, nervi articularum truncos pluribus in locis circumligantes, eos fortiter constringunt, adeoque sanguinis æstus reprimatur, atque liquor ejus ab initio insigniter rarefactus subito condensatur, & velut deliquetur, proinde ut serositates ejus tanquam fluore exolutæ in oculi glandulos ob hanc rem à natura destinctas deponantur; dein quatenus hæc glandula à nervis, qui ejusdem prosapia sunt, cum istis faciei & præcordiorum patheticis convellantur ac arctè constringuntur serosi humores propter istas animæ passiones ab oculi glandu-

Modus lacrymationis describitur à Thoma Willis.

Quare ploratus lacrymationis ad- junctus.



glandulis imbibiti exinde velut emulgentur, adeoque in lachrymarum imbribus destillant.

Hinc etiam ratio patet, cur à gaudio repentino lachryma quibusdam erumpere soleant, quippe in magna letitia cum admiratione conjuncta anima sensitiva se plurimum expandit & sistas suam amplissime diffundit; deinde quasi dissolutionem timens se denuo statim contrahit; quapropter in tali affectu sanguis ubertim in cerebrum exundans vasa omnia inflat, ac ob plenitudinem distendit; dein post alveum ejus ita intumefactum iisdem vasis illico constrictis fluorem pouitur & quasi deliquescentes serositates suas in prædictas glandulas copiose deponit. Oppido bene; nec quisquam melius. Atque hæc de lachrymis curioso lectori paucis hisce communicanda duxi.

## EROTEMA IX.

*An visus homini perfectissimus præ visu omnium cæterorum animantium.*

**V**ulgo tristissimi sunt illi versus de quinque sensibus in quibus homines ab aliis animantibus superari dicuntur.

*Nos aper auditu, nos vincit aranea tactu,  
Vultur odoratu. Lynx visu, simia gustu.*

Lyncum  
visus.

Lynceus sanè acutissimo visu pollere communiter tradunt Auctores. Quod an verum sit subdubitari potest: nam oculos habent prominentes ut scribit *Albertus Magnus* lib. 22. de animal. tract. 2. cap. 1. atque tales oculos non admodum visus perspicacia præstare scimus. Imò quidam tam perspicaci visu eos præditos fabulantur, ut corpora etiam solida veluti parietes ac muros visu penetrare posse velint; quod certè ingens antiquitatis commentum & somnium reor. Adeo quoque illorum visus decantatur, ut, dum acutus visus describitur, à comparatione Lynceus vocitari soleat, sicut & Poëta cecinit.

*Lynceus ille fuit cæcum qui pinxit Amorem.*

Visus A-  
quilarum.

Præter Lynceus in perspicaci visus acumine præ aliis quibuslibet animantibus laudantur aquilæ, tam robusti creduntur visus, ut solem fixis intueantur oculis absque noxa; tam acuti, ut ex altissimo aëris loco, quo volando penetrarunt, aviculas in terra, lepusculos sub frutice, pisciculos sub aquis conspiciant. *Jul. Scaliger* exercit: 228 testatur se observasse unam saepe numero in sole positam adversus illius radios obtutum attentiores ac diu fixum pertinaciter tenuisse. Idem testatur in Alpibus Vesontiorum ante oculos venatorum, prævenisse unam canes suos, & leporem sustulisse, quem inter vepreta diu multumque speculata multis gyris expectaverat, dum exiret. Pullos adhuc teneros antequam nutrire pergant, hunc in modum an genuini sint, aut degeneres ac spurii probant. Ex ungue suspendunt utpote volare nondum valentes, solisque adversi radios intueri cogunt fixis oculis. Qui oculos vi splendoris perstrictos inflectunt, aut nictatione obnubunt; eos tanquam degeneres, & adulterinos laxatis unguibus in præceps dejiciunt: qui verò constanter adversum solem oculisque immotis aspiciunt, extra suspicionem omnem inter legitimos fœtus annumerant, ac nido reponunt. *Aristoteles* lib. 9. Hist. Animal. cap. 34. loquens de Halæto seu aquilia marina ita scribit. At vero marina illa clarissima oculorum acie est, & pullos adhuc implumes cogit adversos intueri solem. Tum cujus oculi prius lachrymarum, hunc occidit, reliquum educat. Visus igitur aquilarum non tantum in longinquo prospicax est, sed & maximi splendoris patiens, qualis per radios solis efficacissime trajicitur, & à nullo alio animante tolerari potest. Unde autem hoc fiat, voluit *Plempius* in sua Ophthalmograph. lib. 4. prob. 8. his indicare. Est sane visorium Aquila organum, meâ quidem opinione, ignobile, durum & quasi senile, quod ad res procul distitas sit perspicax,

Aquilæ  
pullos su-  
os quo-  
modo  
probant.

Aquilæ  
visorium  
organum  
quale sit.



*perspicax ad propinquas hebes & segne : ob quam rem potis est obtutum in solem de-  
figere, quod nequit homo ob sensorii teneritudinem.* Verum ut ut sit, cum certum  
maneat aquilas tam ad longinqua, quam ad splendida acutissimum visum obti-  
nere, quaeritur nihilominus, an homini visus perfectissimus. Pro quo debite  
resolvendo.

Nota visus perfectio seu praestantia dupliciter considerari potest, vel essen-  
tialiter sive ex ejus essentia vel accidentaliter ex ejus accidentibus hoc est ex  
quadam perspicacia aut acrimonia cernendi, sive ea accidentaliter proveniat ex  
dispositione & aptitudine organi visorii sive aliunde. Essentiam quod attinet,  
illa rursus dupliciter considerari potest, & primo simpliciter secundum partes  
essentiales visionis seorsim consideratas, qualis una est passio, quam habet or-  
ganum visus ab objecto per receptionem specierum; altera verò est actio ipsa  
videndi, quæ est animæ potentia sive facultas, quâ picturam per species in  
organo expressam attentè cognoscit, & discernit. Vel compositè, cum nem-  
pe & passio & actio simul ad perfectam & completam visionem ut essen-  
tialiter requisitæ considerantur. His prænotatis

Notanda  
circa visi-  
onis essen-  
tialem  
& acci-  
dentalem  
perfectio-  
nem.

Dico I. Simpliciter quo ad passionem sive receptionem specierum seu  
picturæ expressionem in oculo non differre visum hominis à visu bruti anima-  
lis, cujuscunque cæteris paribus. Ratio est, quia æquè imago objecti in tu-  
nica retina potest exprimi in oculo hominis, quàm in oculo bruti animalis,  
cum supponatur juxta leges refractionis radios ab objecto foris prolapsos  
ad retinam utrinque tanquam ad communem basim distinctionis penicillos  
suos unite pro distincta pictura formanda. Atque ita arbitror intelligendum  
tubilissimum *Scotum* dum lib. 1. dist. 2. quæst. ultima dicit, tametsi anima  
Aquilæ & anima bovis differant specie, non tamen visivam facultatem in  
hoc & illa quatenus talem perfectionem specie differre. Puto enim quo ad  
solam passionem eum loqui, quæ est pars essentialis visionis, ut prænotatum.  
Itaque visus humanus simpliciter loquendo secundum passionem solam sive  
specierum receptionem essentialiter perfectior non est, quàm in bruto ani-  
mali quocunque.

Ratione  
passionis  
visus ho-  
minis à  
visu bruti  
non dif-  
fert.

Dico II. Simpliciter verò quo ad actionem visivam hominis à visiva faculta-  
te bruti specie differre, & illam hac multò perfectiorem esse. Ratio est: nam  
visiva actio, ut talis est, actio potentia nobilioris, ac sit illa quæ sit ab anima bru-  
ti: unde cum ea potentia sit pars essentialis, qua pictura in retina formata  
ab homine attentè cognoscitur, & discernitur, ita ut animæ rationalis potentia  
multo perfectiori modo hanc actionem producat, & pictam imaginem respi-  
ciat: consequens ergo est visum hominis præstantiorem esse (ita considerando actio-  
nem videndi) quàm in bruto, adeoque visum esse homini perfectissimum.

Ratione  
actionis  
differt.

Dico III. Dum compositè visus consideratur secundum ambas partes essen-  
tiales simul junctas ob rationem prius datam, manet rursus visum præstantiorem  
esse in homine, quàm in bruto animali, quia homo præter passionem dum in  
actione videndi nobilior est, melius attendit, & discernit imaginem expres-  
sam in organo melius differentias cognoscendo. Unde Aristoteles lib. 5. de  
generat. cap. 1. bene docet: acutè cernere duobus modis dici posse: *aut quoniam  
à longe cernimus, aut quoniam rerum differentias cernimus.* Itaque etsi bruta ani-  
malia à longe melius quàm homo prospiciant, certius tamen hic distinctiusque  
rerum differentiam internoscit. Id enim *Aristoteles* 2. cap. affirmat his verbis:  
*homo pro magnitudine minimè ferè omnium animalium procul sentire potest, cum tamen  
differentiarum sensu maximè omnium valeat.*

Visus hu-  
manus  
composi-  
tè sum-  
tus perfe-  
ctissimus,

Dico IV. Quod accidentalem visionem attinet cum hæc in acumine & melioral-  
secutione objectorum ideo consistat, quia accidentaliter ita ex. gr. Aquilæ organum  
est dispositum ut in tali distantia & constitutione melius illas & ab illo objecto pos-  
sit species recipere & pati, quas alius oculus velut hominis non potest, visum Aquilæ  
acciden-

acciden-  
liter visus  
in bruto  
potest esse  
præstanti-  
or quàm in  
homine.



Exem-  
plum acu-  
tæ visio-  
nis ad  
longin-  
qua in  
homine.

Exempla  
acutæ pro-  
piorum  
visionis.  
Sab. lib.  
10. cap. 9.  
Solin. c. 6.

Exem-  
plum con-  
tuentium  
solem.

accidentaliter præstantiorem visu hominis me posse permittere: Sed ideo non erit perfectissimus; quia aliunde rursus aquilæ visus superari potest à visu hominis, qui certa distantia objectum propinquius, acutius videre, & distinguere potest, quàm aquilæ visus, si verum est, quod supra ex *Plinio* adductum est. Deinde similiter dici potest, quod accidentaliter homo etiam unus altero visum perfectiorem habere possit. Adde quod inter homines etiam fuerint, qui aquilinam oculorum aciem adlonginqua videantur superasse. Ita *Cicero* 4. Acad. in scholis quendam nominari tradit, qui provideret mille & octingentis stadiis absentia (quod tamen ego usque hodie nondum credo verum, cum visus humanus ob limbos terræ vel maris ad tantum spatium minimè se possit extendere) *Plinius* lib. 7. Nat. Hist. cap. 21. hunc *Strabonem* vocatum ex *M. Varrone* reddit. Solitum autem Punico bello à Lilybæo Siciliæ promontorio exeunte classe Carthaginis portu etiam numerum navium dicere. Distinctæ verò propinquarum rerum visionis plura habemus exempla. Idem *Plinius* tradit, quod quidam *Cicerone* teste *Homeri* Iliadem adeo minutis in membrana characteribus descripserit, ut nuci inclusa fuerit. Callicratem quoque ex ebore formicas & alia tam parva fecisse animalia, ut partes eorum à cæteris cerni non possent. Mirmecidem verò ex eadem materia quadrigam fecisse, quam musca integeret alis, & navem quam apicula pinnis absconderet. *Hadrianus* Janius lib. 1. animad. Cap. 7. refert quendam *Franc. Alumnum* in denariolo sine notis perscriptisse Symbolum Apostolorum, & principium Evangelii D. Joannis. Item se vidisse cerasi nucleum in modum quas illi exsculptum, quo containerentur quindecim paria tesserarum suis punctis affabrè distincta. Vidi & ego sclopetum minutum ad unius digiti magnitudinem tam artificiosè confectum ut mirari satis non potuerim, habebat seram minutam cum omnibus requisitis ad ignem percussu excitandum, fistulam calybeam quæ in cavitate vix sphaerulam granuli milii magnitudine admittebat ductibus tamen suis apparatus veluti nobiliora sclopetata ad certiores jactum habere solent. Plura alia minuta vidi & dantur hoc tempore passim velut horologia automata in annulis, quæ digitis dum aptantur non tantum perfectè horas indicant exterius, sed etiam debito tempore facta quadam pressione pro sono digitus vellicant ad tempus horarium indicandum. Serulæ item cum suis claviculis inlenticulæ magnitudine & plura alia.

Nec solum aquilis concedendum, quod eorum oculi sint patientes contuitus solaris, si verum est, quod *Plinius* lib. 7. Nat. Hist. cap. 2. scribit, Gymnosophistas Indorum philosophos ab exortu ad occasum perstitisse contuentes solem immobilibus oculis, atque etiam ferventibus arenis toto die alterius pedibus institisse.

## EROTEMA X.

*Quomodo qui visu debilitantur, aut illo planè privati sunt alios sensus habent promptiores?*

**A**dmirabilia planè sunt ac prorsus stupenda quam plurimum eorum exempla, qui defectum passi oculorum suppletum illum largissime in aliis sensibus habuerunt. Ut proinde verissimum sit quod compitis ac triviis notum. *Natura quod demit in uno restituit in altero.* Continere sanè hic me non possum, quin aliquot rerum exempla etsi ab aliis jam decantata huc afferam; & quidem quod recentius, & mihi magis admirandum obvenit illustrissimi Comitum Kenelmi Dygbæi clarissima auctoritate commendatum id meritò principem locum obtinere debet: Refert is tract. I. de natura corporis cap. 28. in hunc modum. *Enim verò mirabilis planè est solertis natura providentia unius sensus defectum alterius sagacitate compensantis, cujus rei illustre documentum quanquam diversum ab eo*

Exem-  
plum cæci  
mirabile  
in Angliæ



ab eo quod jam promissimus olim mihi occurrit in homine cuius acutiores sensus visus dispendium mirum in modum resarciebant. Erat ille oculis usque adeo captus, ut ne solis quidem claritate moveretur: humor quippe crystallinus in utroque oculo penitus deperierat, tam perfecte nihilominus à reliquis sensibus instruebatur, in eis quæ ad oculorum officium pertinebant, ut quod illi ex eorum jactura detractum fuit aliis naturæ dotibus abunde compensari videretur. Quod chartis pictis (hoc est valde mirabile) vel latrunculis tam perite luderet, ut à paucis vinceretur, memoriæ potius vel phantasiæ, quam externorum sensuum commendatio fuit. Quod verò globos missiles dextre torqueret, quod illud ludi genus in quo rotunda argenti alteriusve metalli lamina supra mensam pelluntur, aliosve in quibus ferienda vel attingenda meta proponitur, perfecte calleret, quorum peritia in aliis hominibus vividam oculorum aciem, exactamque manus librationem juxta telluris seu mensæ qualitates juxta loci etiam, in quem jactus dirigatur, situm ac distantiam, fidem omnem superare videtur. In cubiculo Xistove oblongo (quibus aliquamdiu assueverat) directe ambulabat vertens se subinde, postquam ad extrema pervenisset, perinde ac alius quidpiam integro oculorum sensu fruens. Tam libere ac confidenter hinc inde incedebat, mensæque discumbens tam apte se ad aliorum morem composuit, ut qui nondum eum noverunt aliquoties illi assidentes, nullum in eo oculorum vitium suspicari fuerint, quod & ille adducto in frontem galero tegere quantum potuit conatus est. De hospitis jam primo advenientis statim ac cum eo collocutus fuerat, statura totiusque corporis habitu absque errore judicabat. Quin imò quod magis adhuc mireris: cum discipulos suos declamantes audiret ac dirigeret (erat enim filiorum meorum pedagogus, eosque domi meæ instituebat) vel aliquam è tragædiis Senecæ exhibere doceret, gestum eorum situmque corporum ex voce potuit discernere, adeo ut ubi loqui ceperunt, protinus deprehenderet starentne an sederent, aut quænam demum corporum positionem tenerent: quæ illius scientia effecit, ut non minus decenter se dum loquerentur composuerint, quam si intentis in eos oculis gestum illorum actionemque quamlibet visu observasset. Quamquam ea quæ hætenus commemoravimus mira admodum sint, & inusitata, modus tamen quo lumen percipiebat cetera omnia novitate rei videtur superasse, toto corpore præsertim verò in cerebro mutationem quandam persentiscebant, inde solis in orbe nostro præsentia illi innotescebat, nubilum quoque diem à sereno certè novit discernere. Hoc ab eo frequenter præstitum fuisse propriâ ipse experientiâ cognovi, assignato illi periculi faciendi gratia, cubiculo diligenter undique ocluso, quo nec solis radii pertingere potuerint eum caloris diffusionem præsentia admonituri, nec quisquam subintrare à quo calis temporumque mutationes secreto edoceret. Hætenus Dygbeus, quæ sæpe miranda sunt, nec unquam credere possem nisi vir tam illustris scriptis suis celeberrimus ut testis oculatus tam acuratè posteritati transcripsisset: quodque maximè in admirationem me adducit, est, cæcum istum de coloribus veluti in lusu chartarum fieri debuit, tam benè judicare potuisse: verum quia etiam de Comite quodam Mansfeldio scribit Keckermannus in Physicæ visu destitutum solo tactu album à nigro discernere potuisse, jam sisto calamum & ad alia exempla progredior.

R. P. Laurentius Stengelius lib. de monstris cap. 16. §. 10. narrat Anno 1612 Ingolstadii in Bavaria juvenem quendam Arcularium, dum fistulam æneam expoliret, & pulverem nitratum incautius tractaret illo incenso utrumque oculum miserando casu perdidisse, cæcumque factum in hospitalem domum fuisse receptum. Ibi ubi in media senum ac vetularum turba secretus habitaret, lectum sibi & exiguum juxta locum tabulis affabrè circummunivisse, & picturis affixis exornasse. Duo deinde minutiora molendina (quæ piperi molendo idonea forent) cum scalis, cum arca, cum rotis, cum radiis, cum dentibus & axibus, cum omnibus denique rebus perfectissimo molendino necessariis cultro exsculpisse adeo exacte & ad amissim, ut unum illorum dignum fuerit judicatum, quod Monachium ad res principis raras & artificiosas in Pinacothecam transferretur.

Arcularius cæcus in Bavaria.



Cæcus  
statuarius  
Floren-  
tia.

Aldrovandus in Hist. monst. pag. 213. edit : Bon. de insigni quodam statuaria ita scribit. *Nostra ætate Joannes Ganibasius Volaterranus insignis statuarius Florentia Romam profectus. Hic circa annum ætatis vigesimum utroque captus est oculo. Quocirca per decennium in hac arte nil erat operatus, sed deinceps subiit eum cogitatio ingenij denuo in arte statuaria experiendi, & contrectata diligenter manibus statua marmorea quæ Cosmum I. Hetruriae magnum ducem referebat, aliam ex argilla adeo similem expressit, ut omnis rei novitate stupidos reddiderit. Quare jussu Ferdinandi Magni ducis Hetruriae Romam petijt & expressam Urbani VIII. Pont. Max. ex argilla effigiem quam simillimam eidem obtulit. Deinde multas etiam nonnullorum formas effinxit.*

Plura ex-  
empla  
mirabili-  
ter cæco-  
rum.

Plura alia exempla cæcorum ac visu destitutorum prostant apud Auctores, qui visus utpote nobilissimi sensus defectum in aliis mira ac prorsus stupenda sagacitate compensarunt. Ut obiter tantum aliquos commemorem. Sic Dioscorus Stoicus cæcus non modo Philosophiam ac musicam sed Geometriam quoque didicit, & hanc ultimam quoque (quod ferè incredibile videri queat) docuit, præcipiens discipulis ubi, unde & quo linea quælibet esset ducenda. Sic Dydimus Alexandrinus Præsul Cæsariensis à pueritia cæcus Dialecticam & Geometriam didicit, nec non commentaria in Psalmos scripta reliquit, teste Rufino lib. 2. Histor. Eccles. cap. 7. Sic Joannes Ferdinandus natus in Flandria patre Hispano cæcus & inops, teste Philippo Camer. subeis. cent. cap. 37. egregius Poëta, Philosophus & Musicus insignis fuit. Sic eodem teste Nicæsius de Verda Magisterii Philosophiæ gradum, Theologiæ licentiam, Juris utriusque doctoratum, obtinuit, & Coloniae publicè docuit, etsi ab anno ætatis tertio oculis captus & ob id etiam elementorum litterarum penitus ignarus fuisset, tamen nihilominus in omni doctrina tam divina quàm humana adeo profecit, ut admirationi omnibus esset. Plura alia exempla circa eos, qui visum debiliorem habent aut omnino cæci sunt, qui tamen sensus alios nacti sunt promptiores, ubi vis patent.

Causa cur  
natura de-  
fectum  
unius sen-  
sus sup-  
pleat sa-  
gacitate  
aliorum.

Sola jam restat causa indicanda, unde fiat, quod natura ita provida defectum unius sensus aliorum vegetiore sagacitate compenset. Ego quidem nihil aliud dici posse existimo, quam quod anima oculorum defectu jam minus distracta tanto promptius sese cæteris sensibus applicare possit, & spiritus, quos ibidem deberet adhibere copiosius ad aliorum sensuum organa dirigere queat: quò fit ut tantò promptius & efficacius actiones aliorum sensuum perficere possit. Qui aliam causam dare potest, producat; habebit me faciliè annuentem.

## EROTEMA XI.

*Ad quantum spatium liber oculorum visus se potest extendere?*

Veteres  
terra, quæ  
miras fi-  
guras tri-  
buerunt.

Antiqui Philosophi terraquæ miras attribuerunt figuras. Eam similem columnæ censuit Anaximander, tympano bellico Leucippus; cono Cleanthes, scaphio Heraclitus, disco Democritus, Mensæ planæ Anaximenes testibus Aristotele, Plutarcho & Laërtio. Vulgus & sensus judicat eam esse planam, licet non perfectè ob montium ac vallium inæqualitatem. Astronomi & Geographi jam omnes sicut & ratio suadet, censent eam esse sphaerice rotundam non quidem perfectè similiter & mathematicè ob montium ac vallium inæqualitatem, ut dictum, unde eam pomo aureo vel citrio comparant, quod licet sphaerice rotundum sit, non tamen ita perfectè, ut nullas eminentias contineat, quæ tamen respectivè ad ipsam rotunditatem minimè curantur. Nam directa acies oculorum non pergit ultra Horizontem visibilem sive lineam illam ab oculo nostro usque ad punctum terræ vel maris remotissimum, quod ablati omnibus montium & ædificiorum impedimentis directè videre possumus, ut in figura est punctum

Terraqua  
est rotun-  
da.

D. Licet enim globus terraqueus vastus sit & amplus, ut idcirco nobis videatur in planitiem procurrere; nihilominus in remotiori à visu nostro distantia decumbit



cumbit ita ut visum deinceps eludat. Quod manifestum est in mari ubi quanto amplius navis à portu recedit tanto minus de inferiore navis parte comparet. Et qui in mari navigant & portum accedunt, primo omnium montium cacumina & apices turrium conspiciere solent. Verum hoc nunc loco in questione est spatium istud coæquale sphaericitates terraeque velut in mari pacato, quantum sit ad quod nempe visus sive liber oculorum prospectus sese potest extendere.

Hoc spatium aliqui valde extendunt, alii minus. Proclus existimavit esse stadiorum 1000, hoc est 125 milliarius Italicorum sicut  $31\frac{1}{4}$  mil. Germanic. Daniel Barbarus in Vitruvii lib. 8. cap. 3. ad stadia 500 extendit. faciunt hæc milliaria Ital.  $61\frac{1}{2}$  ac consequenter mill. Germ. plus 15, Macrobius lib. 1. in Som. Scip. cap. 15. & lib. 5. Saturn. cap. 14. statuit esse stadiorum 180, quæ faciunt mill. Ital.  $22\frac{1}{2}$ , sive German. plus 5 satis consentienter Alhanseno, qui lib. de corpuse. inquit. *Cum videns est super aequalitatem terra non pervenit visus ejus nisi quasi ad 23 milliaria ab omni parte.* Georg. Philip. Harsdorfferus in secunda parte Deliti. Mathem. part. 2. prob. 5. cum prius computasset prospectum ex monte super æquam terræ superficiem ad unum milliare elevato, & invenisset distantiam milliaria  $51\frac{88}{102}$  deinde quoque computavit, & invenit peracta computatione hominem 6 pedum, in altitudine posse super maris pacati superficiem in navi extendere visum ad milliaria  $8\frac{15}{16}$ . Plempius in Ophtalmo 7. lib. 4. propl. 12. ait. *Nauta nostri parum minuunt, & intra sextum milliare Belgicum (quod intelligo esse 3 mill. Germ.) demum emergere summa vela navium in mari referunt.* Fromondus à Plempio citatus ibidem, in Amustiatibus suis meteorologicis lib. 5. cap. 5. art. 2. ait. Quod oculus sex pedibus (quanta est altitudo justi hominis) à superficie terræ elevatus non ultra tria milliaria Italica sive singulare Belgicum per glaberrimam etiam telluris curvaturam mittere aspectum valeat: Linea enim recta, ut ait convexam terræ superficiem tangens in tertio milliari Italico à puncto contactus sex circiter pedibus à superficie terreni globi discedit.

Ex hinc patet quanta sit diversitas inter Auctores in commensurando hoc spatium, ad quod se visus in superficie æquata Terra, quæ valet extendere, quæ potissimum videtur evenire ex assumtis diversis semidiamentris Terræ, variant enim ut plurimum Auctores in assignatione semidiamentri Terræ. Si cui vacat & libet proprio calculo hoc spatium determinare, is poterit hac praxi procedere. Assumat semidiаметrum Terræ ab Auctore probatiore in milliariis aut mensura famola computatam, eaque milliaria resolvat in pedes ut lubet multiplicando scilicet milliaria semidiamentri Terræ per numerum pedum uni milliario competentem. Habebit peracta multiplicatione semidiаметrum Terræ ad pedes redactam. Inventum hunc pedum numerum quadret, ducendo in se ipsum, eveniet quadratum respondens in triangulo rectangulo ACD lateri AD, item priori numero pedum semidiamentri Terræ addat sex pedes staturæ humanæ vel altitudinem montis in pedibus, si ad illam prospectus determinari desideratur: Et hunc collectum numerum

Varia sententia de spatio ad quod visus sese extendit.

praxis calculandi spatium ad quod prospectus se in terra extendit.



FIGURA V.



etiam quadret, ducendo in se ipsum: habebit quadratum lateris AC, quod recto angulo D subteneditur, subducatur jam præcedens quadratum lateris AD, à quadrato lateris AC, relinquatur per 47 primi Eucli: quadratum lateris CD ex numero quadrati invento CD extrahatur radix quadrata, assignabit hæc spatium in pedibus ad quod visus in D se extendit in Terraqua. Hospedes inventos, si vel in stadia vel milliaria quæcunque reduxeris, habebis in iis spatium extensi visus in superficie cœquata Terræ petitum aliter hoc ipsum inveniri potest per secantes & tangentes, item arcus BD quot gradus aut minuta contineat si ex data aliqua altitudine in superficie Terræ fiat prospectus: sed quia hæc satis per se nota reor, iis neutiquam immorabor.

Quantò  
visus est  
elevatior  
aut res a-  
spectabi-  
lis, tantò  
longius  
visus ex-  
tenditur.

Strabo  
non potu-  
it videre  
naves in  
portu Car-  
thaginis.

Visus ab-  
solute fer-  
tur in im-  
mensum.

Ex his facile est colligere si vel oculus videntis sit editiore loco constitutus vel quod idem est, si res adspectabilis à Terra sit elevatior, quantò elevatio ista major est, quod tantò longius se visus profundat. Unde fit quod in nostris regionibus etiam ad plurima milliaria detur prospectus; quia sunt ut plurimum montosæ, adeoque vel nos elevatiores quam res spectandæ, vel illa nobis. Nullo modo tamen est credibile, quod supra adduxi ex *Plinio Strabonem* illum ex Lylibæo monte potuisse naves à Carthaginis portu solvantes distinctè videre & numerare: Nam 1800 stadia (ad quorum distantiam portus ille distare dicitur à *Plinio*) faciunt milliaria Germanica  $56\frac{1}{4}$  & quia uni gradui in circulo maximo Terræ tribuuntur communiter 15 milliaria Germanica vidisset *Strabo* ille ad distantiam propè 4 graduum, quod est impossibile, maximè cum promontorium illud tam altum non sit. Unde etiam bene *Dechates* in *Geographia* prop. 70 ait. Quæ referuntur de *Caucaso* quod videatur ex ea parte ponti Euxini, quæ profunda dicitur, puto esse ambigua. Idem dicendum censeo de eo, qui ex Lylibæo Siciliæ promontorio naves discernebat à Carthaginis portu solvantes, quod fabulosum est: neque ex eo quidquam concludi potest de Lylibæi altitudine, cum neque à transeuntibus inter Melitam & Siciliam videatur. Ita ille.

Cæterum quod absolute visum attinet, id de se nullo spatio determinatur, in immensum siquidem protendi potest. Hinc stellas etiam remotissimas videmus, & solem, si adhuc ultra stellas existeret, videre possemus; adeo objectum quodcunque quantumvis remotum sit videbimus, dummodo tam illustre & magnum sit,



fit, ut per trajectos radios angulum aliquem in oculo efficere possit. Fit enim visio mera spectrorum visibilium receptione: itaque fiet illa è quocunque spatio, & quantumcunque longinquo, si hæc in vitus sensorium debite immitantur.

Quod autem Plempius loco supra citato ait distinctam visionem duobus circiter stadiis terminari, id est passibus 250, sive pedibus 1250; id non in univ-  
Distincta visio nequit præcise determinari.  
 ersum concedo: Nam oculi varii pene sunt ut facies hominum, nec in physicis videtur quicquam ob naturæ fecunditatem determinandum; cum organi visorii aptitudo in uno melior sit quam in altero, & in eodem melior in una ætate quam in alia, item ratione medii & temporis acutior sæpe visio præstari queat in uno quam in altero. Sic flantibus ventis orientalibus melius & acutius videmus quam flantibus occidentalibus & vespertino tempore, dum humores in Atmosphæra magis concocti sunt, objecta magis adspectabilia comparent, quam tempore matutino, quod plerumque solet esse nebulosum, sed de hoc pluribus infra suo loco.

## E R O T E M A XII.

*Quomodo visus maxime leditur & depravatur.*

**P**atientur hic Medici me ad eorum segetem parumper hic falcem extendere. Visus per se & immediate, non videtur lædi posse, sicut nec ipsa anima, cujus hic est actio potissimum, sed per accidens & mediate dum ejus organum destruitur, imminuitur aut depravatur. Si visus sensorium destruat, ita ut omnino nullæ species ad retinam perungere possint, aut licet illæ appellunt, via tamen spiritibus opticis intercludatur, quo minus actio visiva perfici possit, cæcitas oritur, & visus omnino tollitur. Si ab accidente sensorium ita afficiatur, ut non planè tollatur visus, potest vel solum imminui, ut fit in hebetudine lusciositate seu my-  
Nyctalopia quid sit.  
 opia, & Nyctalopia (qua qui laborant interdum vident benè, vesperi & noctu nihil, unde & nocturna cæcitas à Recentioribus Medicis dici solet) vel potest depravari, ita ut res aliter ac debent, videantur, ut quæ alba sunt compareant flava vel rubra, quæ recta curva, quæ integra dimidia, vel perforata; quæ simplicia duplicia, item cum in oculis araneæ telæ, muscæ, culices, splendores ac coruscationes repræsentantur.

Verum totum hoc visus imminutionis aut depravationis negotium cum ex malis accidentibus veluti morbis partium oculum constituentium, vel ex spirituum opticorum vitio ortum trahat, ut ex novissimis Medicis succinctè docet Gothofredus Mœbius in Epitome instit. Medic. lib. 2. part. 2. cap. 8. eundem secutus ita paucis hoc ipsum, quomodo visus imminui aut depravari possit explicandum duxi.

Visus igitur imprimis imminui aut depravari potest ratione corneæ tunice, cum hæc perspicuitate sua destituitur, vel alieno colore inficitur perspicuitatem amittit si crassior & densior evadit, aut quando deflectionibus ita humectatur, ut pustula vel pellicula obducatur. Quæ dum incrassatur, & densior redditur ob exiccationem vel totam occupat pupillam, & vitium hoc caligo vocatur, vel secundum partem & appellatur Albugo. Hæc macula, si est perfectè alba, & opaca, totamque pupillam obtegat, ut ita nullum speciebus visibilibus transitum permittat, cæcitatem parit: si verò non est perfectè alba & opaca, & adhuc ali-  
Caligo quid sit Albugo unde vocetur.  
 qualem accessum speciebus concedat, visus solummodo debilitatem causat: quod si perfectè alba & opaca non tamen totam pupillam obtegat, visus depravationem & hallucinationem parit, ut res divisa quasi compareat, idem fit ob cicatroces ibidem à vulneribus aut ulceribus relictas.

Ratione humoris Aquæ patitur visus imminutionem aut depravationem, dum humor iste peccat vel *quantitate* vel *substantia modo*, vel *colore*. Primum con-  
Visus defectus ratione humoris aquæ.  
 tingit cum ob vulnus aut ulcus discissa tunica cornea vel ab acri humore erosa effluit, vel ob morbos diuturnos, extremumque senium deficit prout antea plus vel minus deficit cæcitatem, vel imminutionem aut visus depravationem parit.

Modo



Cataracta  
unde pro-  
veniat.

Quibus  
cataracta  
adempta  
requirunt  
perspicilla  
acute con-  
vexa.

Perspicilla  
cataracta  
dicta.

Varii  
modi o-  
pacitatis  
in aqueo  
humore  
explican-  
tur.

Ratione  
pupillæ ut  
visus lædi  
possit.

*Modo substantia* dum aqueus humor crassus aut impurus redditur, aut alienæ substantiæ ei aliquid permiscetur. Cum tantum fit crassus, visum hebetiorem facit, & quæ visui offeruntur quasi per nebulam conspiciuntur, & si sint remotiora visum plane fugiunt, si verò sunt propiora, non satis accuratè videntur. Si verò materia mucosa & crassa ei admiscetur, eaque ita inspissetur, ut perspicuitatem omnem amittat, & pupillæ foramen claudat Hypochysis & hypochyma, latinis suffusio, cataracta vulgo dicta inducitur. Solet autem cataracta plerumque ex humore crystallino exundante & in aqueum effluente ibidemque crescente nasci, quocirca dum oculis huiusmodi vitio laborantibus cataracta adimitur, ut denuo videre queant, requirunt perspicilla acute convexa quæ sint portiones minimarum sphaerarum, ut bene docet *Dechalis* opticae lib. I. propo. 19. Nam humor crystallinus, qui alias ad lentis formam turgere debet, dum ob effluxum magis concidit, & ad planitiem prope adducitur, non poterit penicillos unire ad retinam, sed longe ulterius hoc præstaret, quocirca in oculo mera confusio contingit. Quando autem acute convexa perspicilla præponuntur, suppleant defectum crystallini, & penicillos reducant ad retinam, ut distincte picturam exhibeant. Exemplum etiam *Dechalis* adducit in L. P. *Ludovico Janin* Rectore Collegii Camberiensis. 15. licet per totam alias pene vitam myops fuisset, cum tamen ei talis cataracta adnata, quæ & feliciter rursus adempta fuisset, deinceps ad distincte legendum scribendumque alia perspicilla non potuit adhibere quam acute convexa, quæ erant portiones minimarum sphaerarum. Contingit autem ferè hoc omnibus, quibus cataracta adempta est, ideoque huc etiam perspicilla vocari solent, Cataracta. Sed his obiter indicatis ad præfixum redeo tractum.

Quod si humor aqueus non totus obscuretur aut opacetur, sed ejus tantum pars, consequens est per eam partem speciebus visibilibus ingressum ad oculi retinam non patere, unde imago in fundo oculi minus vivida pingetur, adeoque obscura visio sequetur pro ratione majoris opacitatis. Si huiusmodi opacitas hæreat ad medium oculi seu centrum pupillæ, cum radii magis paralleli, adeoque fortiores ab objectis prolapsi ingredi prohibeantur, imago solum per laterales radios magis refractos adeoque debiliores exprimeretur; unde tota imago cum confusione aliqua in retina hærebit, & debilitas videndi erit semper major è directo circa medietates objectorum. Quod si hæc opacitas hæreat à latere; objectum una ex parte foris magis clarum, & vividum apparebit, quam ex altera; quia imago similiter ex una parte in retina taliter pingetur, cum plures numero radii à singulis objecti punctis ad unam partem quam ad alteram possint pro penicillis formandis concurrere. Cum autem opacitas ad modum annuli circa medium perforata ante pupillam hæserit, idem præstabit quod pupilla angustior: & quanto foramen in medio erit minus, tantò quidem præcisius oculus objecta lucida videre poterit, & minus vividè, unde hic oculus lucida corpora benè videbit, at non ita benè obscurata, & melius cernit de die quam de nocte.

Est quoque & alia species suffusionis quæ notha dicitur, cum nimirum Humore aqueo salvo, vapores è reliquo corpore per arterias ac venas ad oculos feruntur, eosque obnubilant; quod ebriis & his qui ex acutâ aliquâ febre laborant frequenter accidit.

Tandem si *Humor aqueus alieno colore infectus sit*, depravatur visus, ut dictum de colore alieno in cornea, similiter enim colorata videbit objecta, ac ipse fuerit imbutus.

Pupilla uveæ foramen ac oculi quasi fenestra quatuor modis à statu naturali solet recedere: primo si justo plus dilatetur & ampliatur; secundo si magis constringatur, ita ut penè claudatur; tertio si in aliam partem dislocetur; quarto si rumpatur.

Qui latiore pupillam nacti sunt ob uveæ rentionem ab intemperie nimium siccæ, ut aliqui volunt, vel à tumore, vel ab incluso flatu, spiritu aut qualicumque humore aut undecunque proveniente, species visibiles accipiunt in  
retina



retina à singulis objecti punctis prolapsas plures ad penicillos suos concurrentes, unde imago lucidior existit; talesque vident in obscuro loco & de nocte melius, interdiu verò & in luminoso loco hebetius, semper tamen cum hebetudine aliqua, quia in tanto radiorum ingressu vix omnes ad eandem objecti partem spectantes perfecte uniri poterunt, sed alienas sedes invadentes necessario confusionem parient. Contrarium accidit cum pupilla angustior est: nam de die & in loco luminoso melius vident, & semper acutius ob radiorum pauciorum ac minus refractorum perfectiorem concursum: de nocte autem minus, cum lumen sufficiens ad illustrandum imaginis picturam in retina expressam deficiat. *Dislocatur etiam & rumpitur pupilla*: quod dum accidit & sedem suam mutat, ea quæ ad latera potius, quam quæ recta opponuntur, videntur: è directo verò opposita non videntur, donec oculus eo usque motus fuerit, ut rebus visibilibus recte opponatur.

Qualis sit visus eorum qui pupillam latiore aut angustiore habent.

Dislocatio pupillæ.

Ratione humoris crystallini visus læditur aut impeditur, dum is à naturali statu recedit vel secundum substantiæ modum aut qualitatem vel secundum situm. Primum evenit, si humor iste fiat solidior nonnihil, densior & obscurior ut majori illuminationi indigeat, ubi Nyctalopia excitatur. Si verò pelluciditatem vel ex parte vel plane amittat visus debilitas vel cæcitas oritur. Si glaucum colorem acquirat, Glaucoma evenit: quo qui laborant, quasi per nebulam ac fumum se videre existimant. Quod si idem humor ratione figuræ sit globosior, fit ut res propinquæ benè possint videri, non autem ita quæ removentur & longius distant. Tali visu præditi vocantur myopes: si verò sit magis flaccidus, & ad minorem convexitatem vergat adeoque magis quasi complanatus, ut plerumque in senibus contingit, res propinquæ ægrius videntur, melius autem remotiores; & qui talem visus constitutionem habent Presbyta vocantur.

Ratione humoris crystallini quomodo visus lædatur.

Qui vocentur Myopes.

Qui Presbyta.

*Secundum situm* dum humor iste mutatur, ita ut vel ad superiora aut inferiora declinet, res superiores sive elatiores vel depressiores comparebunt, item objectum simplex videbitur duplex sæpe. Si ad latera res magis dextræ vel sinistrae repræsentabuntur: si versus medium vel centrum recedat humor, propinqua rectè quidem & distinctè, at remotiora non satis distinctè sed confuse cernentur; si ultra medium vel centrum versus nervum opticum recesserit, adhuc minus res remotæ apparebunt, & ea quæ videri debent, oculis proxime admoventæ erunt, quod vitium etiam Myopia sive Lusciositas appellatur. Si verò versus anteriora ac pupillam, contrarium evenit, & qui talem situm habent res propinquas minus cernent, remotas autem ab oculis clarius, id quod senibus, iisque præsertim, qui legendo, aliisque negotiis demissis oculis expediendis, per vitam plerumque occupati fuerunt, accidit.

Myopia sive lusciositas.

Humor vitreus cujus moles est maxima, ac quadruplo crystallinum superare dicitur, varie peccare potest, adeoque visum lædere. Primo ratione situs, dum ob confusionem aut alio quovis modo loco suo movetur ac ante crystallinum fertur, vel ipsum humorem crystallinum ob nimiam turgescientiam loco suo depellit, aut claritatem sive perspicuitatem amittit, aut debito densior existit.

Humor vitreus ut peccare possit.

Retina quoque suas habet affectiones, unde visus incommodatur, ac primo ratione situs, dum plus æquo vel ab humore crystallino remouetur, vel ad eum propius accedit; sed hoc jam ante indicatum. Secundo ob raritatem ejus nimiam vel densitatem. Si plus æquo rara est, luminis rerumque illustrium radiationes vix ab oculo sine aversione aut lachrymatione perferri possunt. Si densa nimium difficulter sese optare potest; ad res jam vel remotiores vel propiores æque videndas. Ob raritatem communiter læditur ab excellenti lumine veluti solari vehementius, sicut & ipse damno meo compertus sum, dum semel incautius Eclipsim solarem observare volui, oculum ita destruxi, ut quaqua versum deinde aspicerem semper in quocunque objecto grandem maculam ex atro è medio

Retinae affectiones incommodæ.



tandem in flavum exterius colorem cum striis implexis variis desinentem observarem. Duravit hæc passio per mensem & ultra, paulatim tandem evanuit. Quod aliunde non accidit, quam quod per solares radios retinæ fundus in parte aliqua fuerit quasi ambustus. Quod si ejusmodi ambustiones in pluribus retinæ locis contingant, plures ejusmodi maculæ exterius in objectis comparent.

Ex vitio  
spirituum  
opticorum  
ut visus  
lædatur.

Spirituum opticorum vitio visus læditur si ii deficient, vel cerebro læso ob frigidam intemperiem ob compressionem, & obstructionem iis via præcludatur. Sic per multam & nimiam sanguinis emissionem visus mirum debilitatur. dum una cum sanguine spiritus educuntur, ut benè indicat Plempius lib. 4. ophth. prob. 73. *Nimirum uberi ad visionem acrem opus est spiritu, hic pro vehiculo habet sanguinem, atqui excuso vehiculo, etiam id quod vehitur excuti, deturbarique necesse est. Certe per largas sanguinis evacuationes oculos spiritibus orbari ipsis nostris oculis est manifestum.*

Nervi op-  
tici quali-  
ter lædi  
possint.

Frequentior etiam ac præcipuus nervorum opticorum affectus, est eorum obstructio, læsioue visionis inde consequens dicitur Græcis Amblyopia id est obscuritas, obfuscatio seu hebetudo; visus & Amanerosis, id est visus abolitio seu cæcitas, barbaris dicta *gutta serena* quod est absolutum visus impedimentum nullo in oculis vitio apparente. obstructionis ejusmodi causa est vel crassus humor quilibet in meatus eorum illapsus, vel saltem vapor crassus. Alter eorum nervorum affectus est resolutio seu paralalytis, ad quam visus quoque sequitur ablatio quam efficit crassior vapor, aut pituitosus humor substantiam eorum irrigans ac nimium humectans. Tertius est angustia, quæ fit à labe vel ab humore aut tumore extrinsecus illis accubante ac comprimente. Tumor ille potest esse inflammatorius vel non inflammatorius: ita doctissimus *Platerus* observavit cæcitatem aliquando provenisse è tumore globoso instar strumæ in cerebro nervos comprimente. Quartus est *Disruptio* eorundem nervorum, quæ fit à causa externa violenta ut à vulnere, ictu, casu &c. Quintus est, convulsio, quæ angustat nervos; ideoque viam spiritibus impedit, causas habet quas convulsio quælibet. Unde in magnis convulsionibus sæpe cæcitas relicta fuit, nam in istiusmodi convulsionibus omnes corporis partes adeoque & oculi contorquentur, ita ut sic convulsi admodum exserti, & inflexi appareant, attracto sic nimirum & exserto nervo optico illis adnato, illoque simul contorto, & læso oculos visione privari contingit.

Visus læ-  
sio ex pro-  
lapsu oculi.

Denique visus læditur, aut omninè perit ab oculi prolapsu seu procidentia, diciturque Græcè *Epieismus* id est expressio, & proptosis, estque situs præter naturam oculi extra cavum suum recessum. Ita verò oculi aliquando prolabantur, ut in genas propendeant turpi admodum spectaculo. Et quibusdam ita propendentibus oculis visus adhuc perstat; plerisque læditur. Causæ hujus procidentia possunt esse variae. Imprimis illa omnia quæ violentia quædam oculum extra antrum suum exprimere nata sunt, ut est vehemens inflatio, ac fortis spiritus suppressio. Veluti sæpe hoc accidit tubicinibus & strangulatis, violente vomitentibus ac fæces excernentibus. Secundo resolutio musculorum & nervorum oculum moventium: Fitque ob humores copiosos ad oculorum musculos fluentes; atque hoc habet ortum à casu alto interdum maxime in iis, qui partes circa oculos habent molles & laxos. Sæpe etiam ingens & dirus capitis dolor hujus causæ originem præbet. Tertio tumor aliquis magnus interna oculi parte consistens hunc prolapsum efficere potest.

Atque hæc sunt quæ de visus læsione, imminutione aut depravatione ex ejusdem organi sensorii destructione aut mala quacunque affectione dicere decreveram, qui hæc & plura alia uberius investigare desiderat, Medicos, Ophthalmicos consulere poterit: hic tantum curioso lectori tabulam, in qua plura, quæ visum acuunt, roborant, & confortant, aut quomodolibet lædunt, debilitant, imminuunt siue depravant, dicto citius videri poterunt, coronidis loco subicere placuit.

Tabula



Tabula rerum Naturalium quæ in specie  
comprimis Visum acuunt, roborant ac confortant, aut  
eundem debilitant, lædunt, imminuunt & depravant.

	Visum acuunt, confortant, ro- borant.	Debilitant, imminuunt, depra- vant.
Ann. partes.	Ver.                      Æstas.	Autumnus.                      Hyems.
Tempus.	Diurnum.                      Vespertinum.	Matutinum.                      Nocturnum.
Aëris di- spositio.	Temperies grata sicca tranquilla serenitas maximè post pluvias. Nubes raræ albæ rubescentes. Ven- ti moderati sicci.	Intemperies humida, æstuosa, aut nimium frigida. Caligo. Nebula Pluviæ, Nubes densæ, Nimbi, Ni- ves Venti, validi turbines.
Venti.	Orientes.                      Septentrionales.	Australes. &                      Occidentales.
Influxus Australis.	Natus in prima domo habens ♀ aut ♀. aut ☾ in corde m.	Natus tempore & hora Eclipses vel habens in prima domo ☉. ☿. ☾. ♂. Si ☾ vacua in pleiadibus aut à ♂ aut ☿ hostiliter percussa cæcitatem causat. Aliàs ♀ in ☿ & ☿ item ☿ in ☿ vi- sum debilitat.
Ætates.	Juvenilis. Virilis ad annum circi- ter 45, inde Visus incipit deficere.	Infantis, Puerilis, senilis, decre- pita.
Animi Pa- themata si- ve Passiones.	Lætitia. Hilaritas moderata. A- mor. Audacia. Spes. Concupis- centia ardens. Invidia.	Tristitia. Melancholia. Ira vehe- mentior. Timor. Pusillanimitas.
Corporis Actiones.	Labores & Exercitia moderata ablutio oculorum cum frigida aut aqua tepida. Frontis fricatio. In- tuitus in viridia. Helicanthari si- ve aureo-viridis scarabæi crebrior aspectus.	Balnea frequentiora. Venus im- modica. Pollutiones crebræ. Vigi- liæ nimix. Ploratus. Sternutatio crebra. Vomitus frequens. Lar- ga narium hæmoragia. Copiosi- or sanguinis effusio. Obtusus fi- xus ac continuus. Labor immodi- cus, somnus pomeridianus.
Potus.	Aquæ limpidx claræ.	Cerevitiæ lupulo nimium condi- tæ. Vini intemperantior.
Cibi.	Tenues, boni succi, Carnes Fice- dularum, Picarum, Hirundinum, Anserum, Avium rapacium, Vi- perarum. Lupi & Hædinæ. Particula Radicis Valerianæ sub lingua tenta. Ruta in cibo & potu assumpta.	Crassi, viscosi, acres, flatulenti, acetosi, panis calens. Legumina omnis generis. Barbi fluviatiles, cancri, farcimina omnia. Capi- ta gallinarum, Lacticinia. Ova in butyro frixa.
Facultates.	Retentrix. Naturalis, coctrix, vi- talis animalis.	Expultrix. Generatrix.
Colores.	Viridis, cæruleus, flavescent, græ- Purpureus. Cyaneus. Roseus.	Rubeus, flammæus nimium splendi- dus & lucidus. Albus, niger, fuscus.
Odores.	Suavis. Fragrans. Aromaticus ex- hilarans.	Fœtidus, Narcoticus, Acris.
Sapores.	Aqueus. Pinguis, dulcis, acutè gra- tus, temperatè salus.	Acerbus. Austerus. Amarus. Ve- hementior acris, salus, Acidus.



	Vitum acuiunt, confortant, roborant.	Debilitant, imminuunt, depravant.
Herbarum.	Fœniculi. Chelidonii majoris.	Cæparum, porri, Allii.
Radices.	Valerianæ. Malvæ ☉ ingrediente in effossæ & appensæ ad tollendum Epiphoram. Hieracii amuleticè appensi. Anemonis Radix empla- strata: Aconiti. Pardalianchis.	
Plantæ	Euphrasie vino immersæ.	Lactucæ crebrius commestæ.
Folia.	Chelidonii majoris. Fœniculi. Anisi. Hieracii. Rosmarini. Rutæ. Centaurei minoris. Salviæ. Majoranæ. Betonicæ. Serpilli. Pimpinellæ.	Nasturtii. Brassicæ.
Flores.	Potentillæ. Betonicæ. Cichorii ☉ ingred. ☿ collecti. Cyani. Eu- phrasie. Chelidonii. Calendulæ. Tormentillæ. Satureiæ. Hieracii. Asteris attici. Rosarum. Scabiosæ. Calthæ. Borraginis Rosmarini. Portulacæ.	
Semina.	Anisi. Fœniculi. Rutæ Sileris montani. Raparum. Raphani. Grana nigra Herbæ pacis, seu A- coniti salutiferi. Hyoscyami se- men cum farina impositum.	Lentium, Fabarum & omnium ferè leguminum Nasturtii. Anethi. Cannabis. Sinapis.
Fructus.	Solani. Halicacabi sive Ceraso: Ju- danor: item 5. aut 7. grana Juniperi manè & vesperi commesta.	Nuces juglandes. Avellanæ. Castanæ. Tuberæ. Fungi.
Liquores.	Hieracii. Euphrasie. Betonicæ. A- nisi. Chelidonii: verbenæ. Rosa- rum. Cychorii. Rutæ oleum Myrr- hæ. Succini. Serapini. Oppopona- cis. Quinta essentia Chelidonii. Sal Absynthii. sanguis hirundinis, aut columbæ præsertim sub ala dextra oculis illitus. Sicut & fel Gruum: perdicum. Nocturæ cujus & pin- guedo salutaris.	Acetum. & omnes liquores acres. acetosi nimium constringentes & exasperantes.
Succi.		
Olea.		
Salia.		
Ligna	Guaiacum. Santalum.	Fumus ex quibuslibet lignis præ- sertim viridibus & resinis omni- bus nimium effumantibus. Occæ- cat fumus ex pulvere Euphorbii, piperis, calcis vivæ, cineris fermen- torum, & Arsenici sublimati præ- paratus.
Gummi	Aqua rosacea in qua Thus	
& Resina.	ex vigesima accensione extinctum.	
Aromata.	Nux moschata. Macis. Nux Indica. Cariophylli. Cinnamomum. Xyloaloës.	Zingiber. Piper.
Lapides.	Smaragdus. Sapphirus. Achates Iris Beloculus.	Calx viva. Gypsum Pulvis quilibet exasperans Oculis injectus.



## SYNTAGMA II.

*De proprio & adequato Sensibili Visus objecto.*

**E**Xplicato visus organo, quod est oculus naturalis nunc ejusdem objectum à quo ad sensationem faciendam immutatur, aggredimur. Solet autem ab omnibus philosophis & opticis duplex statui; proprium scil. sive adequatum quod uno solo visu adequatè percipitur, nec ab alio aliquo sensu externo attingitur. Et commune quod pluribus sensibus substat velut visui, auditui, & tactui. Proprium item visus objectum duplex est; Lux nempe & color: hæc enim duo visu percipimus solo. Lucem aliqui dicunt formale, & colorem materiale objectum; non quod color revera in se & verè non percipiatur, sed quod sine lumine tanquam actu informante non videatur, lumen autem ipsum formale, quod in se & sine alio per se informet potentiam visivam. Unde etiam solet dici primum sensibile visus objectum, sicut color secundarium. Porro objecti communis species Aristoteles lib. 2. de ani. cap. 6. enumerat quinque, quæ etiam in Scholis communiter pro talibus recipiuntur, & sunt: Motus, Quies, Numerus, Figura, Magnitudo. Alii numerant novem ut patet ex his versibus:

Objectum  
visus du-  
plex, pro-  
prium &  
commune

Objecti  
commu-  
nis quin-  
que sunt  
species.

*Sunt objecta novem visus communia: Quantum,  
Inde figura; locus, sequitur distantia, situs,  
Continuumque & Discretum, Motusque, quiesque.*

De communibus hisce visus objectis cum potius per discursum cognoscantur, & modo tantum visionis ipsorum sensus contingere videatur, hoc loco nihil agemus, sequenti tamen syntagmate pro nata occasione aliqua proferemus. Hic tantum assumimus proprium visus objectum Lucem scil. & colorem, & quæ de his judicamus scitu digniora, atque ad explicandum oculum artificialem magis idonea, in medium proferemus.

## CAPUT I.

*De primario visus objecto seu Luce, quid sit?*

**D**E Luce & Lumine varia commenti sunt Auctores tam antiqui, quam moderni, ut haud difficulter accadat in ipsa Luce tenebras incurrere, & cæcutire in prima scaturigine claritatis & forte omnis illustrationis. Sic verius certè lucis beneficio fruente ipsam lucis præstantiam sentimus magis, quam quid sit intelligentia contingamus. consideratio ipsius res plurimum subtiles, & altæ speculationis in se continet, quæ tamen cum extra instituti nostri limites cadant, hic perstringere non libet; pauca solum delibasse sufficiat.

Solet à plerisque aliter Lux & Lumen intelligi: nam Barthol. Anglicus de rerum proprietatibus lib. 8. cap. 40. ait. Lumen est defluxus quidam sive irradiatio defluens à substantia Lucis. Lucem autem dicit ipsam fontalem substantiam super quam lumen enititur. & cap. 42. Lumen differt à Luce sicut species à genere: omne enim lumen Lux est, sed non è converso omnis lux est lumen: nam lumen est defluxus quidam à substantia lucis in aëre vel, in alio diaphano corpore receptus, & undique circumfusus. Joannes Schottus in Marguri philos. lib. 10. tract. 2. cap. 7. distinguens lucem à lumine sic ait. Lux est qualitas in corpore lucido nata moveri ad motum ejus in quo est, in suo esse independens ab aliquo extrinseco. Lumen autem est lucis imago & primaria ejus derivatio. Et paulo infra: Lumen est qualitas à luce genita, cujus subjectum corpus manifestius diaphanum seu transparens. Cardanus de subtilitatibus lib. 4. de luce lumine: Lumen inquit, est lucis similitudo, quæ claritatis in se & caloris substantiam adeo habet annexam, ut prope nihil sit aliud. Avicenna ait: Lumen est qualitas quam corpus non translucens à lucido mutat: & 6. natur. lucem dicit qualitatem, quæ

Differen-  
tia inter  
Lucem &  
Lumen.



Lux ex  
mente Re-  
centiorū  
quid sit.

est perfectio translucentis secundum quam translucens est. Aristoteles de anima cap. 7. text. 69. solum nobis luminis definitionem tradit his verbis. Lumen est actus perspicui, ea ratione, qua perspicuum est. Quem locum exponunt Conimbricenses: Lumen est actus, quo formaliter perspicuum constituitur actu perspicuum sive illustratum. Inter Recentiores Franciscus Aquilonius lib. 5. opt. Athanasius Kircherus de Luce & umbra & communiter Auctores ajunt: Lux est qualitas fulgenti corpori congenita, lumen verò aspectabilis qualitas à luce prognata, & per diaphanum medium longe lateque diffusa, estque omnis vitæ activitatisque principium, fons & origo. Henricus Regius in funda: phys. cap. 12. omnino discrepat ab omnibus hactenus citatis, Sic ait: Lux est celerrime iterata pressio corporum lucidorum, qua perpetuo globulos æthereos undique circum se ad lineam rectam per intervalla corporum diaphanorum premunt. At lumen est impulsus, quo globuli ætherei à luce per intervalla corporum diaphanorum in momento propelluntur.

Ex allatis auctorum definitionibus conficitur, non esse idem lumen & lucem, sed distingui latiusque patere lucis acceptionem, quam luminis. Item hinc patet quanta in ipsa luce caliginis, quanta inter Philosophos circa illius naturam assignandam dissensio. Dum alii ut accidens & qualitatem, alii substantiam & corpus enunthant.

Quid lux  
& lumen  
secundum  
Thomam  
Willis.

Ego dilucidè magis de luce, si differere hoc loco aliquid debeam, ipsam imprimis lucem distinguendam censeo cum Thoma Willis de ferment. cap. 10. in Ætheream & Elementarem. Lumen autem esse illustrationem à quavis illarum derivatam, proinde etiam duplex. Illa est, quæ à sole & syderibus profluit; estque rursus judicio meo distinguenda: alia quippè dici potest propria, & prima per se à sole tantum dimanans: alia mutuata, & participata, quæ à solis fulgore aut aliis syderibus communicatur, & sic mutuata, & participata ab ipsis rursus propellitur, uti in luna aliisque tam erraticis quàm fixis omnibus stellis communior sententia tenet. Elementaris, quæ & sublunaris tantum à corpore ignito in flammam accenso procedit. *Videtur autem, ait Willis loc. cit. quod utraque tam æthereæ, quàm elementaris sint tantum flamma in majorem dimensionem accensa, & in systasin tenuissimam dilata: etenim sensu constat, quod à sulphureis (e. gr. lucerna) effluvia tenuissima seu corpuscula minutissime divisa perpetim dimanent, quæ in orbem diffusa, & rectis lineis velut è centro ad circumferentiam ex porrecta usque in magna congerie quæquæ versus expanduntur, totumque intra spheram activitatis suæ spatium radio luminoso complent, flamma particula quæ à corpore lucido primo discedunt, aliis ponè sequentibus prorsum adiguntur, atque hoc demum ab aliis, & sic è continuata serie particularum flamma usque succedentium lucis radiis efformantur, & in omnes partes confertissime diriguntur.* Lucis verò propagationem & diffusionem instantaneam penè sic describit. *Horum motus (nempe radiorum) est admodum pernix ut instar virgule aquarum cum impetu erumpentium ictu oculi citius medium pertranseant, & velut ejusmodi aquæ si propè fontem motus succiditur citissime evanescant.* Ita ille.

Lucis de-  
scriptio.

Ex quibus colligitur lucem esse substantiam corpoream ab igne æthereo vel Elementari prognatam tenuissimam, purissimamque sui dilatione maximè fecundam, quæ summa mobilitalis & perniciosissima efficacia omne sibi à natura concessum intra spheram activitatis suæ spatium virtute luminosa celerrimè complet. Et talem quidem virtutem celerrimæ diffusionis illi competere haud mirum videri debet, cum ignis omnium rerum maximè activus sit, ut patet luculenter in pulvere nitrato, qui mox accensus momento in latissimum & amplissimum spatium se dilatat, cui tamen sæpe maxima renitentia contrarii fortissimè obnititur, nihilominus cum impetu celerrime ac velocissime omnia perfringit. Potius Luci utpote purissimæ substantiæ, & cui nihil omnino in rerum natura contrarium accidit, celerrima motio & sui



sui diffusio concedenda est, Illa tamen propagatio, fateor non tam instantanea putanda est, quin omnino nullam penitus moram insumat, talem tamen existimo, quæ omnino sit insensibilis, ut ita visus hanc motæ lucis moram ejusque successionem minime dijudicare queat: acciditque nobis in judicio de motæ lucis successionem, & progressu, quod cæco in judicio de successionem soni (sicut benè Derkennis & Digbæus explicant) Hic enim si solas aures adhibeat magistras, nequibit discernere sonus an successivè & cum mora propagetur, an non, quia nimirum destituitur sensu, qui percipiat ante v. g. flammæ eruptionem è sclopo quam sonum. Ita nos nequimus oculorum ministerio judicare an prius sol e. g. oriatur, quam lux oculos feriat.

Nec dicas admissa lucis corporeitate futurum, ut duo corpora intimè naturaliter sibi præsentia fiant, adeoque se mutuo penetrent: nam ita solum contigua fient, ut exitativè adhuc discreta maneant, nec intimè se penetrent. Neque enim ullum in natura corpus tam solidum & continuum, quin non innumeris poris omnino insensibilibus pervium sit, atque intra porulos dictos subtilissimæ substantiæ aëreæ aut æthereæ corpuscula contineat, quæ tam bellè ab optimè omnium ordinatrice Natura informata sunt, ut digniori facile substantiæ, qualis lux est, locum cedant. Profecto nullum corpus solidius, & magis videtur esse continuum vitro, quod ultimus ignis effectus est, à quo non datur regressus, quodvè à sale fuso & materiæ terrestri secundum minimas particulas unito, & mediante igne tam fortiter conjuncto constat, ut omnium maximè cohæsitum, & compactissimum dici possit. Nihilominus constat experimentis variis illud porosum esse. Nam teste Magnano phil. nat. cap. 16. propos. 2. num. 7. illud penetrat Mercurius: Si enim Mercurius aqua stygia non communi, sed optima solvatur, ampullæ vitreæ poros transsudat. & cap. 20. propo. 9. num. 6. ait. Lixivium Lauri transire poros vitreæ phialæ, ita ut hæc tota exterius madeat eo humore, qui ad gustum exploratus deprehenditur, esse sal ipsius lauri. Addit salem ipsum communem, fictile vitrificatum, plumbo imbutum pervadere, ac erumpere foras. Sic Casp. Schottus tech. curi. lib. 4. cap. 5. §. 2. narrat tincturam ferri è vitro probè occluso ad Magnetis frustum non procul inde locatum medietate solum relicta transfugisse per poros ut amici amplexu frueretur. Nil dicam de effluviis magneticis, quæ experimento facilè tentando vitrum optimè occlusum transeunt, ferrumque quaquaversus trahunt: sunt autem effluvia hujusmodi haud spiritualia, sed materialia quæ propter vitrum ipsum permeare non possunt, nisi poros illi concesseris. Idem de aliis qualitatibus materialibus dici potest.

Sed hanc lucis corporeitatem, qui nequit intelligere, aut penitiorem fusio-  
 fioresque explicationem desiderat: is legat ea quæ Derkennis, Kenelmus Dyg-  
 bæus, Cartesius, alique Recentiores satis doctè & solidè perscripserunt. Argu-  
 menta enim quibus sententia hæc stabilitur (ne in re aliena fims multus sim) hic conquirere præter institutum foret: neque enim hic litem ulli intendó: utrumvis, dicas, aut sentias: Lux corpus vel qualitas, substantia vel accidens sit. Mihi sane præplacet eorum doctrina, qui de luce magis splendidè, imò præclarissimè tanquam de substantia corporea maximè perfecta, quam de inerti aliqua qualitate, aut manco quodam accidente philosophantur. Sicut & Augustinus de luce sensit D. Augustinus lib. 2. de lib. arbit. scribens *lucem in corporibus primum tenere locum*: & super gen. ad cit. *Lux est substantia corporea summè simplex in genere corporum, summè multiplex in efficacia, summè mobilis, & absoluta penetrationis, & minimæ resistantiæ, & summè disparia & contraria generans, & concilians, summè convertibilis, omnis naturalis motionis principium & origo summè perfectibilis, summè jucunda, summè communicabilis: unde luce in corporibus nihil est utilius, nihil convenientius, nihil pulchrius, nihil velocius, nihil subtilius, nihil impassibilis, nihil virtuosius invenitur.* Sic ille. Certè Athanasius Kircherus Vir in omni litterarum & disciplinarum genere versatissimus, intimus & sagacissimus Naturæ scrutator,  
 cum

Corpora  
quæcunq;  
innume-  
ris poris  
repleta.



Kircherus  
de radiis  
lucis du-  
bitat quid  
sint.

cum exitatem radiorum luminosorum explicandam suscipit in Art. mag. lum. & umb. lib. 2. part. 1. cap. 3. utrum scil. accidentia sint, num substantia aut corporeum quid sibi ipsi & omnibus aliis accidentariam lucis naturam asserentibus tantos obijcit, & obtrudit scrupulos in contrarium, ut à quoquam doctissimo vix posse resolvi videantur. Vide eum loc. citat. unde etiam dubius quid sentire debeat, vix audet asserere. Quo circa ita tandem concludit. *Ego sanè vi luminis raptus continuæ ratiocinationis impetu huc usque devolutus, quid in tam perplexo negotio dici debeat, nescio: unde & in re adeo ardua, ego nihil facile quicquam determinaverim, ne novam philosophiam mundo obtendentes in priori libro assertis contradicere videamur.* Hinc vides non temerè omninò, aut cæco quodam rationis impetu eo doctiores Philosophos adduci, ut lucem statuant ad primæ categoriæ album evehere, cum qui profundè omnia rimantur, & naturæ intimos recessus perscrutantur, magnis de corporeæ lucis substantialitatè concitentur & implicentur scrupulis, quos evolvere se non posse ingenuè fatentur.


## C A P U T II.

*De fecunda Lucis radiatione & ejus directâ per diaphanum medium ejusdem rationis profluentia.*

Q Uo in præsentî negotio Luminosæ radiationis explicandæ ordinatius procedamus, cum ea, quæ nunc dicturi sumus, ad instituti nostri scopum principaliter conducant; visum fuit definitiones quasdam, item Hypotheses & axiomata notiora præmittere.

### Definitiones.

- I. Luminosum corpus dicitur, à quo utcunque lumen profunditur.
- II. Diaphanum corpus quod lumini pervium, umbræ tamen & lucis æquè receptivum.
- III. Opacum corpus est, quod lumini impervium.
- IV. Lux est effluxus à corpore luminoso per se primo afficiens visum. *Secundum alios.* Est qualitas fulgenti corpori congenita.
- V. Lumen est collustratio à luce prognata & per diaphanum medium longè lateque diffusa.
- VI. Splendor est lumen à terfo politoque corpore répercussum: & est tenuioris essentia quam lumen, sicut lumen tenuioris quam lux.
- VII. Lumen primum dicitur quod immediatè à corpore lucido promanat, lumen secundum quod à lumine primo, tertium quod à secundo, atque ita deinceps.
- VIII. Lumen perfectum dicitur illud, quod ab omnibus partibus luminosis procedit.
- IX. Quod verò à parte tantum, imperfectum.
- X. Radius luminosus recta est luminis profluentia.
- XI. Plures radios in idem objectum incurrere dicimus, cum duo luminaria in unam actionem concurrunt. Plures enim radii ab utroque simul in eandem objecti partem procidunt, quam ab altero tantum.
- XII. Compingi dicuntur Radii, cum minores partes rei objectæ intercipiunt: Sic e.g. si radii AD, BE & CF in objectam lineam DF perpendiculariter incidant; in lineam verò GH oblique. Dicuntur radii ad objectum DF densari seu compingi ad GH verò deduci, & distrahi quod spatia DE & EF spatiis GE & EH sint minora. quam ob rem impensius illustratur linea DF quàm GH.



XIII. Pyra-



- XIII. Pyramis luminosa est figura luminis à corpore fulgido ad unum aliquod punctum collecti.
- XIV. Pyramis illuminationis est figura evibrati luminis, quod à puncto corporis luminosi ad superficiem corporis illustrati diffunditur.
- XV. Umbra est lumen imminutum majoris quod circumstat, luminis comparatione.
- XVI. Umbra prima est absentia primi luminis, secunda secundi, & sic deinceps.
- XVII. Umbra plena & perfecta dicitur ad quam nullus radius corporis luminosi pertingit.
- XVIII. Umbra diminuta seu imperfecta dicitur ad quam aliquis radius à luminoso dirigitur.
- XIX. Color est lux opacata.

## HYPOTHESES ET AXIOMATA.

- I. Id omne à lumine collustratur ad quod luminosi radii pertingunt sive ad quod linea recta à luminoso perducere potest.
- II. Id collustratur magis in quod vel plures radii vel compactiores cæteris paribus incurrunt. Dixi *cæteris paribus*, quia oportet ut illuminantium corporum æqualis sit nitor, par illuminatorum distantia & si quæ alia ad rem præsentem faciant.
- III. Lux compressa fortior est quam disgregata, & consequenter illuminat vehementius longiusque diffunditur.
- IV. Lux adlita luci in eodem subjecto magis subjectum illuminat, nam lumen lumini non obsistit; sed luminis accessu lumen augetur.
- V. Lux major minorem suffocat, obliterat aut ita extinguit, ut visus minorem discernere non valeat, sive lumen majus obscurat minus.
- VI. Lux in suo genere oculum plus movet quam ullus color.
- VII. Lux colorata luci simpliciter coloratæ in eodem subjecto superaddita coloratius, simili colore subjectum efficit, nec speciem mutat aut confundit.
- VIII. Lux colorata cum certa specie coloris superaddita in eodem subjecto luci coloratæ cum diversi coloris specie à priore, mutat speciem coloris, & confusionem inducit.
- IX. Lux afficitur superficiebus occurrentium quorumcunque corporum.
- X. Lux opaco corpori illapsa reflectitur, in medio verò diaphano frangitur, & quidem si densius fuerit diaphanum ad perpendicularem, si verò rarius à perpendiculari.
- XI. Lux per colorata transiens undique afficitur & in superficie & in profunditate.
- XII. Lux effectum suum attingit lineis brevissimis.
- XIII. Omnis profluentia luminis est secundum lineas sensibiles latitudinem habentes.
- XIV. Sublato lumine umbra inducitur, accessu verò luminis umbra propellitur.

## PROPOSITIONES.

*De directa luminis profluentia.*

## PROPOSITIO. I.

**L**umen non tantum à centro sed ab omni parte extrema superficiei corporis luminosi profunditur. Ratio est, quia omnes partes luminosi sunt ejusdem naturæ cum centro, ergo habent eandem virtutem sui diffusivam.

## PROPOSITIO. II.

*Lumen rectis lineis evibratur.* Ratio est, quia natura compendio studens semper agit



peragit lineis brevissimis, hoc est rectis, ut affectum suum tanto efficaciorē proferat, quanto breviorē intervallo conficit.

## PROPOSITIO. III.


*Lux radiosum effluxum suum circumquaque in sphaera modum diffundit.* Cum enim naturalia agentia cum necessitate quadam naturæ in proprias actiones ferantur, ut sublatis impedimentis non possint non agere in omne illud spatium, quod eis natura concessit; hinc in omnem partem medii circumfusi, quousque tandem positis à natura terminis finiantur, necessario agent. itaque lumen cum amotis omnibus obstaculis nempe à diaphanis corporibus radiosum effluxum suum dispergit, in omnem partem medii per sphaeræ modum diffundet. Nec enim est ratio, cur radiis suis potius in hanc partem, quam in alteram tendat. Aut cur radios alicubi subtrahat, alibi emittat. Ergo in omnem partem, ergo in sphaeram diffundet.

## PROPOSITIO. IV.

*Quodlibet punctum objecti luminosi propagat lumen intra sphaeram diffusionis in totum medium, & totum objectum in quodlibet medii punctum.* Patet ex præcedenti & ex prima hujus. Eadem enim est natura partium, quæ totius. Et constat experientia: Nam si extra cubiculum obscurum, objectum luminosum applicetur, diffundet radios per angustum foramen in chartam ritè oppositam, totiusque luminosi corporis imaginem obverso situ depingit cum tota sua figuratione & distributis ordine omnibus partibus: quod haud fieri posset nisi radii ab omnibus luminosi partibus allaberentur. Et si pars aliqua objecti tegatur, vel auferatur, tunc pars imaginis conformis à qua ad tectam lucidi partem potest duci linea recta, desinet ætulum comparere: Caterum verò partium imagines remanebunt.

## PROPOSITIO. V.

*Radii à luminoso corpore profusi alii æquidistant, alii sese intersecant, alii in diversa abscedunt.* Sit enim corpus luminosum K, cujus duo puncta A & B connectat recta AB. Cum itaque quodcunque punctum corporis luminosi profundat radios suos rectos versus quamcunque partem ut ex præced. constat, necesse est radios omnes ex A & B profusos facere cum recta AB angulos aut rectos aut acutos aut obtusos, exceptis solum illis, qui cum AB utrumque in directum protenduntur. Qui igitur radii faciunt angulos rectos, ut AC & BD sunt paralleli per 28. prim. Eucl: qui acutos ut AF & BE, tandem convenient in aliquo puncto scil. I. per 13. axio. lib. I. Eucl. & ulterius protracti intersecant sese in dicto puncto I. per II axio. ejusdem. Qui verò obtusos ut AG & BH semper magis ab invicem discedent: quia non possunt æquidistare alioquin efficerent duos angulos rectos aut æquales duobus rectis per 29. lib. I. Eucl. neque possunt concurrere, alioquin efficient duos angulos minores duobus rectis per convertum axioma 13. cit. ergo.



Corol-



## Corollarium.

Si itaque in medio repleto lumine assumatur quodcunque punctum, reperiuntur in illo uniti vertex duorum radioforum conorum vel Pyramidum, quorum unus basin habet in corpore luminoso, appellaturque conus rectus, alter in corpore posito post illud punctum è directo corporis luminosi, appellaturque conus everfus. Sic AIB exhibet conum rectum, & EIF conum everfum. Hi duo coni circa vertex vocantur etiam penicilli, ob similitudinem quam habent cum penicillis pictorum: Sed de his uberius infra.

## PROPOSITIO. VI.

*Lumen propè luminosum fortius est, quam in ulla parte remotiori.* Patet experientia: & ratio est quia conjunctum lumen efficacius excellentiusque est disperso, juxta commune axioma: vis unita fortior, & juxta axi. 3. hujus. Lux compressa fortior est quam dilgregata. Quomodo autem lux propè luminosum sit magis compressa, quàm remotior patet ex sequenti.

## PROPOSITIO. VII.

*Lumen longius à luminoso provectum sensim languescit.* Patet ex præcedent: & constat experientia. Ratio etiam videtur esse: quia ut dictum propo. 3. hujus lumen in sphaeræ modum undique diffunditur. Si itaque è centro sive corpore lucido rectos undique radios ad circumferentiam protensos animos concipias, adverte eos quo longius à medio progrediuntur, eo semper intervallo ampliori ab invicem divaricari, è converso autem eò semper arctius constringi quò ad centrum propius accesserint, quoad in unum tandem omnes conveniant, sequè mutuò complectantur. At ut modo in præced. dictum lumen conjunctum, fortius est disperso, & è converso dispersum segnius, & debilius est conjuncto. Quia itaque lumen quo longius à lucido provehitur tanto semper amplius dispergitur, consequens est etiam tanto plus deficere, & profluxu languescere. Hæc ratio, ait Kircherus in art. Magnet. lib. 1. part. 2. propos. 19. Et si ex necessariis concludere videatur, nobis tamen omninò non satisfacit. Unde adfert aliam secutus Aquilonium in opt. lib. 5. qui & genuinam esse causam dicit istam. Ait enim sic: *Ratio genuina videtur esse, quod universis agentibus quorum actio extra effunditur commune sit, ut ipsorum effectus sensim decreascent: ejus verò causa, quod illorum vis certo termino definatur. Hinc namque consequens ut in proximo spatio tenuior qualitas exciteetur, quàm in ipsa sit effectrice causa. Nam si semper in quovis spatio æquale lumen produceretur, ejus progressionis nusquam futurus esset status finisque agendi. Unde in immensum actio progredieretur: hinc ergo in quovis spatio intra actionis orbitam assumpto obscurius semper lumen existit, quàm in proximè antecedente.* Ita Aquilonius.

## PROPOSITIO. VIII.

*Æqualibus spatiis inæqualia sunt luminis decrementa.* Sequitur ex præced. probatur experientia quoniam qui ad lucernam aliquid operis faciunt cum æqualibus spatiis removentur semper obscurius vident. Alias rationes fufius demonstratas vide in opti. Aquilonii lib. 5. propo. 6.

## PROPOSITIO. IX.

*Æqualium spatiorum, quæ longius absunt, minora efficiunt defectuum momenta.* Cum enim nequeant æqualibus spatiis fieri decrementa æqualia ut proximè dictum, fient ergo inæqualia: ergo vel majora vel minora: non majora, hinc enim multa absurda sequerentur, & graviora, quàm si æqualia, ut maximè apparet, in luminaribus intervallo disjunctis, in quibus ad medium interjecti spatii lumen non modo æquale profunderetur, verum etiam continuò augesceret, quòd longius à vero abest, cum experientia doceat lumen ad medium usq; perpetuò minui.



Deinde brevissimo activitatis termino luminis perfusio definiretur; si quidem vix dum à lucido corpore decilum præcipiti cursu ad interitum prolaberetur: videmus autem lumen habere sphaeram activitatis amplissimam, igitur necesse est, ut remotioribus minora fiant decrementa. Vide Aquilonium lib. 5. Oph. Propo. 7.

## PROPOSITIO. X.

*Lumen aequalibus spatiis proportionalibus decrementis languescit.* Probat hoc, Aquilo. propo. 8. lib. 5. ex communi illo axiomate: effectus debet esse proportionatus suæ causæ; id autem vel maximè in iis agentibus, quæ vim suam foras exerunt, cum æqualis prorsus virtuti esse nunquam possit, sed tanto semper minor, quanto causa cum ex se se tum ex longinquitate spatii, quo actionem producit, redditur imbecillior, originem ducat. Quanto igitur hoc infirmius tanto ille remissior: non secundum æqualitatem, sed pro rata agentis potestate. Vide Aquil: loc. cit.

## PROPOSITIO. XI.

*Lumen uniformi difformitate decrescit.* Sequitur ex præcedentibus. Nam quia spatiis æqualibus inæqualiter decrescit lumen, & decrementa quidem sunt minora semper usque dum omnino deficiat; item quia proportionales sunt hi defectus in spatiis æqualibus, manifestè sequitur radios à lumine profusos sive ipsum lumen uniformiter difformiter decrescere.

## PROPOSITIO. XII.

*Quo lumen est virtute excellentius ac efficacius tantò longius provehitur.* Patet experientia, & ratio suadet. Cum enim lumen minus efficax & debilius à majori, magisque efficaci & fortiori portione aliqua superetur; ea sanè portio non erit otiosa, cum omnes partes luminis sint ejusdem naturæ, & omne lumen sit sui diffusivum: aget igitur atque in proximum diaphanum luminis aliquid transfundet quo illud impensius illustrabit, quàm sola pars minus efficax & debilior. Hoc itaque excellentius lumen in proximum deinceps medium majorem iterum effectum producet, atque ita continuata traductione acutius lumen aliud semper acutius gignet, quousque ad terminum defectionis perveniat; ubi cum ea etiamnum portio relinquatur, qua minus efficax lumen à magis efficaci vincatur, poterit hæc naturæ longè ulterius etiamnum lumen profundere, quousque ipsum quoque intreat. Igitur lumen efficacius longius provehitur quàm debilius ac minus efficax.

## PROPOSITIO. XIII.

*Luminarium æquè efficacium & virtute luminosa æquè potentium quod est majus, longius lumen profundit.* Ratio est: nam quod est majus plures habet partes ejusdem rationis, quàm quod est minus: sed quia omnes partes luminarium eandem habent rationem se diffundendi ut ex 1. prop. hujus constat, unde singulæ suum lumen producent; igitur quo majus est lumen cum plures partes effundant suum effectum, jam potentius lumen producent. Est autem in præcedenti probatum potentius lumen longius provehi. Ergo

## PROPOSITIO. XIV.

*Singula partes luminosi corporis ad extremam usque virtutis suæ sphaeram lumen protendunt.* Ratio est quia eadem est natura partium quæ totius. Et patet experientia; si enim pars una luminosi corporis obtegatur, brevior fieri illustratæ sphaeræ diametrum manifestè deprehendimus igitur pars aliqua luminis ab extremo sublata est: & illa pars, quæ sublata est dependebat ab illa parte obrecta (nihil enim ab alio sublato tollitur, si minimè dependet) cum igitur hæc circa extremum sit, illa diffundet eo virtutem suam. Ergo




## PROPOSITIO XV.

*Lumen momento temporis totam virtutis suæ spheram complet.* Ratio est; quia nihil est illi contrarium, quod propagationem & diffusionem remoretur. Deinde summa hæc velocitas potest illi à natura competere, ut unice appropriata sit: cum enim in tota rerum natura nihil luce sit subtilius, & tenuius; hæc ideo dignitas velocissimæ propagationis illi præ cæteris videtur debuisse conferri: adde quod cum omnibus sit benefica, ut tanto citius beneficam suam virtutem communiret, utilissimè in hunc finem Auctor naturæ tantum velocitatis prærogativam eidem concessit.

Verum ut supra cap. præced. indicavi etiam admitti posse, videtur, istam profusionem luminis non esse tam instantaneam quæ absque ulla omnino mora contingeret: talem tamen moram illam non esse, quæ sensu percipi queat, uti à simili supra probatum est.

Sed objicies: si cum mora aliqua licet insensibili dicta propagatio contingit, & tempore aliquo quantumvis exiguo & insensibili posito ergo luminoso corpore in A dum propagatur ejus virtus per distantias B, C, D, E, F, &c. cum per B in C venit duplam distantiam, utique jam duplum tempus requirit, ad punctum D, triplum, ad E quadruplum, atque ita deinceps, adeoque necessario tempus tandem sensibile fiet, quod experientiæ reclamatur.



Et & dico sicut lumen ut supra dictum est, eo quod radii, quo magis à centro removentur & protenduntur, latius divaricantur, sit debilius magisque languescit, ac quo longius profunditur eò amplius deficit, donec in ultimo terminæ suæ spheræ finiatur; ita è contrario luminis motus semper magis & magis crescit, nam radii, qui ad centrum seu propè luminosum propinquiores via arctiori incedunt, tunc aliquantulum licet insensibiliter se invicem retardant, & impediunt: inde autem magis digressi dum campum latiore, & virtutis suæ exerendæ majorem libertatem acquirunt, magis magisque præproperant atque accelerant motum, quò magis à centro ipso digrediuntur: unde lucis beneficæ maxima fecunditas concipi potest. Contrarium igitur potius dicendum erit: nam in spatio A, B, tacta aliqua licet insensibili morula, dum deinde lumen propagatur in C, quia jam duplum spatium minori morula duplo velocius incedit, in spatio CD triplo, in DE quadruplo velocius, adeoque semper magis ipse motus prout radii longius evibrantur. Lux itaque

Lucis motus quomodo propagatur.

*Crescit mota magis quantum distantia crescit.*

Sic facillè concipitur quomodo ferè in instantia temporis radios in longissimum spatium trajiciat ac velocissimè propagetur. Atque hoc non tam mirificæ ejus activitati, subtilissimæ mobilitati, quàm etiam medii, omni contraria renitentia liberi, præpollentiæ adscribi debet. Quod autem in aliis corporibus motis, & in spheram agentibus idem non contingat, obstat illorum plus foetulentæ & materiata temperies, atque etiam contrariorum motum retardantium resistentia, quæ in lucis propagatione locum non habent.

## PROPOSITIO XVI.

*Dependentia luminis à corpore luminoso non est tanta, ut statim amoto luminoso pereat, nec tanta etiam independentia, ut eodem amoto diu perseveret.* Quod enim lumen amoto luminoso non diu perseveret, quotidiana probat experientia, & ratio suadet: nam cum radii Lucis sint substantiæ maximè mobilis, subtilis, imò tenerrimæ, ut facillè deficiente intrinseca virtute depereant, unde necesse est à continuo causæ influxu ita dependere, ut eo obsepto vel sublata de medio cau-



sa ipsi confestim intereant. Quod verò etiam lumen aliquandiu independentèr à luminoso perseveret; Probatur I ex Alhazen lib. 1. prop. 1. cap. 1. qui sic ait. *Qui aspexit corpus jucundum album super quo oriebatur lux solis, aut lux diei fortis, si moratus fuit aliquandiu in tali aspectu, & deinde convertit visum ad locum obscurum, invenit in ipso formam illius lucis.* Simile quid contingit, quando quis per foramen in loco obscuro aspicit cum aliqua mora lucem diei extra existentem, & deinde convertit visum in locum obscurum &c. Sic ad nivium solisque aspectum ita lucem imbibimus, ut locum umbrosum ingressi cæci reddamur, ob radios lucis in oculo copiosius impressos.

Lapis  
phospho-  
rus.

Ejus signa

Præpara-  
tio ad lu-  
cem imbi-  
bendam.

Probatur II. experimento lapidis phosphori seu luminaris in agro Bono-  
nienfi reperti, qui certa ratione præparatus lucique expositus ita eam imbibit, ut  
in locum obscurum delatas conceptam, conservatamque lucem non secus ac  
vivus carbo diffundat. Signa lapidis hujus Kircherus in Arte magnet. lib. 3. part. 3.  
cap. 4. q. 2. ita describit. *Est hujusmodi fossile massa quadam Gypso sulphurea selenitica multum Arsenici, Antimonii, Chalcanti admixtum habens, & gypsum quidem calx in quam facillimè resolvitur: graveolentia sulphur, diaphaneitas selenitem, vis caustica & philotrica seu pilorum deterfiva Arsenicum, Antimonium ad vomitus concitativa facultas, chalcantum denique mordacitas satis superque demonstrant.* Præparationem autem additum effectum præstandum subjungit his verbis: *Ita autem ad lucem imbibendam præparatur. Lapis vel integer si purus sit, & melioris nota in furnulo ad id constructo calcinatur, vel si impuriore partes ad mixtas habeat, in pol- linem tenuissimam redactus ororum albumine vel etiam aqua communi à quibusdam etiam oleo lini in unam massam redigitur, quæ si post primam calcinationem lucem non conceperit, toties hujusmodi calcinatio repetenda est, donec optatum effectum consequaris, quem efflorescentia quadam minutissimi roris grana referentes, quas ad superficiem sudare videtur, & in quibus maximè Virtus lucis conceptiva sine alterius rei permix- tione residet, significant.* Hac igitur ratione præparatus lapis scriniis quibusdam sive arculis ad id præparatis imponitur: Si itaque suffocatum lucis splendorem amicis ostende- re desideres, lapidem cum theca solis diurno splendore, vel si non fulgeat, diurna luci aut etiam crepusculina, nec non si noctu igni valido facibusque accensis expones (ex omnibus enim hisce lucem attrahere ac in se derivare potest, etsi cum proportionem quadam ita ut lux quo fuerit eminentior, tanto copiosiori, efficaciorique lumine lapis quoque in tenebris coruscaturus sit) luci expositos lapides aliquantisper, puta quadrantem horæ ad perfectius & intimius fœturam lucis in concipiendam theca clausos in obscurum mox de- feres, apertoque scrinio videbis illos lucem non secus ac carbones accensos de se diffun- dere, quæ tamen non perpetuò durat, sed pro bonitate lapidis aut conceptæ lucis abun- dantia nunc plus nunc minus durat, quæ duratio tamen horam nunquam, nisi denuo luci exponantur, excedere solet, sed paulatim flaccescente extinguitur: experientia ta- men docet, ipsam clausa in tenebris pixide diutius lumen conceptum conservare. Ita ille loco citato, & alibi in Art. lucis & umb. lib. 1. part. 1. cap. 8. de hoc lapide in pe- culiari libello tractat Fortunius Licetus, & Nicolaus Zucchi in opt. phil part. 1. cap. 7. sec. 6.

### CAPUT III.

*Explicatur motus seu propagatio Lucis ad occursum corporis opaci vel diaphani diverse rationis.*

Quidquid  
movetur  
ad lineam  
rectam  
tendit.

Notandum I. quidquid movetur naturaliter, id tendit, ut motu suo secun-  
dum lineam rectam procedat, quod ex axioma 4. inter præliminaria pro-  
nuntiata deducitur, & constat ipsa experientia non tantum in motu recto sed  
etiam curvo. Vide Regium cap. 1. pag. 17. in fundam. phys.

Motus ab  
ejus deter-  
minatio-  
ne distin-  
guendus.


Notand. 2. in corporum motibus motus recte est distinguendus ab ejus de-  
terminatione, nam motus mutui nunquam adversatur, sed determinatio deter-  
minationi quam maxime contraria est, quia hæc se mutuò destruunt, isti verò se  
mutuò



mutuo nunquam tollunt vel imminuunt, adduco experientiam. Nam sint duæ pilæ quatum una major, altera minor, ponatur minor quiescere, aut saltem tardius alterâ incedere: Major autem celeriter in parvam quiescentem, vel tardius saltem procedentem adversa determinatione impingat, tunc certè quietem vel tarditatem motus illius nec non ejus determinationem motu celeriore & contraria determinatione immutabit. Si verò duo corpora dura æqualia æquè celeriter sed contraria determinatione in se mutuo impingant, illa æquali motu servato, determinatione utriusque in contrarium mutata, à se mutuò in contrarias partes resiliunt. Unde in motibus corporum sola adversitas à determinatione oritur.

Notand. 3. Sicut motus originem trahit à corpore movente, ita determinatio motus à situ corporis, moventis vel obvii, nam pro vario situ corporis moventis diversimodè vel perpendiculariter vel obliquè determinatio contingere solet. Unde determinatio dicitur mobilis versus certum terminum directio. Licet autem corpus obvium sit immobile, sola tamen resistentia corporis mobilis determinationem mutat, ut patet in pila projecta in terram quiescentem, quæ inde resilit contraria determinatione motus incepti.

Notand. 4. Dupliciter autem habet se determinatio respectu situs: alia enim simpliciter contingit, alia compositè. Simplex est determinatio, qua mobile simplici modo corpus objectum sive obvium petit: ut dum corpus A, per lineam directam AB in corpus ipsi diametraliter oppositum EF simplici descensus modo dirigitur: unde per directam viam BA nunquam in obliquam aliquam BC vel BD vel aliam progreditur. Composita est cum mobile versus corpus obvium fertur modo composito, ex motu scilicet progressivo laterali secundum longitudinem per lineam CG & ex motu descensorio secundum altitudinem GB.




Notand. 5. in determinatione composita cum mobile corpori alteri occurrat motumque suum servat, unam suæ determinationis partem ex lege immutabilitatis Naturæ semper servat integram, & secundum illam movetur altera mutata. Ratio hujus est, quia corpus obvium tantum uni hujus determinationis parti adversatur, nempe descensoriæ, cum huic corpus obvium solummodo situ suo sit oppositum. Et mobile quidem si hinc ulterius non possit progredi, reflectitur, si verò possit, refrangitur.

Quid de  
termina-  
tio.

In deter-  
minatio-  
ne com-  
posita una  
pars tan-  
tum mu-  
tatur, mu-  
tata altera






Sic ex. gr. mobile C duas habet determinationes in obliquo descensu secundum lineam CB, unam nempe lateralem, quæ motu suo semper in latitudinem versus G D, seu dextram versus tendit, & hæc non est contraria ipsi obvio corpori EBF, ut patet. Altera autem determinatio quæ est descensoria qua mobile C descendit à CG in EB est opposita & contraria ipsi corpori obvio EBF, unde procurrens Cad B punctum scil. contactus, quo primo obvium corpus EBF ostendit, illic necessario invenit resistantiam, ex qua mutatur descensoria priore laterali manente immutata. Iam si CB impingens ad B potest ulterius pergere vel non potest. Si non potest: mutatur descensoria in ascensoriam, & cum laterali determinatione, quæ in motu suo secundum latitudinem non impeditur, cum illi nihil adversetur, ascendit versus D. Quod si verò mobile C incidens oblique linea CB in obvium corpus EF puncto B impingens ulterius progredi possit, tunc manente iterum laterali determinatione integra, quia illi corpus obvium nullo modo adversatur, sola determinatio descensoria mutatur ob resistantiam vel minorem vel majorem, qua vel facilior vel difficilior transitus permittitur, quibus casibus tunc motus descensoria acceleratur, aut retardatur, interim laterali determinatione in suo motu non impedito. Hinc fit dum motus descensoria acceleratur, ut mobile C ex B non recta BI procurrat sed tendat in H: sin verò retardetur, fertur ex B in K. quod idem est ac in ultimo casu à perpendiculari AL recedit & in priore casu ad perpendicularem BL accedit.

Sed quia ab hac diversarum determinationum tendentia omnium mobilium oblique motorum corporum motus, ac appulsus ad obvium aliud corpus habitudo dependet: insuper tota reflexionum & refractionum doctrina fundatur, eaque quæ præcedit. Syntag. I. Cap. V. de refractione diximus, valde illustrantur, & stabiliuntur, lubet hoc loco paulò planius id ipsum in sequenti diagrammate demonstrare.

FIGURA. VI.



FIGURA VI.



Sit ex. gra. mobile corpus sphaericum C, quod intelligatur obliquè moveri linea C e B, ibique in oppositum corpus E B F impingi. Erit determinatio lateralis C G D, & descensoria C, a, b, sive d, e, f, aut G, I, B, omnes enim æquales. Jam si ponamus mobile C descendere in B spatio duorum momentorum: absoluto primo momento erit in e nempe concursu d e f, & a e i. Nam a e i dividit bifariam totum spatium descensoriæ determinationis versus corpus oppositum E B F; & d e f similiter totum spatium lateralis progressus versus G B ut patet in figura. Fingamus itaque imprimis oppositum corpus E B F, ad occursum ex C in B non permittere primo transitum, habebimus tunc tres casus. solvendos; quorum

I. Casus. Mobile corpus C, in puncto B, à quo necessario reflectitur in motu progressus æquali persistit, nec inde minuitur nec augetur. Hinc itaque fiet ut mobile C resiliendo æqualiter ascendat sicut descendit: Nam quia lateralis determinatio nunquam mutatur, quia illi nihil adversatur, progressus illius uno momento à puncto reflexionis erit in linea L m n, similiter quia ex hypothesi neque descensoria, quæ nunc ascensoria ex sola mutatione facta est, etiam æqualis in progressu manet ut erat antea, erit ipsius quoque mobile C uno

K

momen-

Tres casus  
circa cor-  
pus mobi-  
le ab alio  
obvio re-  
flexum  
explican-  
tur.  
I. Cum  
motus ab  
obvio  
corpore  
persistit  
æqualis.



momento à puncto reflexionis in linea  $imM$ : unde in concursu tam lateralis lineæ quam ascensoriæ, nempe in dicto momento erit, & similiter secundo momento ob similes progressus mobile  $C$  tandem veniet in  $D$ , fietque angulus reflexionis  $DBF$  æqualis angulo  $CDE$  ut in figura vides.

2. Cum motus augeatur,

II. Casus. Ponamus jam quod mobile  $C$  ut antea quidem spatio duorum momentorum descendat ex  $C$  in  $B$ , sed ibi tunc nempe in puncto  $B$  ipsius motus augeatur, & quidem duplicetur, adeo ut uno momento tantum elevetur & ascendat, quantum duobus antea descendit; quod idem est ipsius motum esse duplicatum. Erit igitur determinatio ascensoria uno momento post factam in puncto  $B$  reflexionem jam in linea ascensoria  $GLD$ , & quia lateralis determinatio manet, nec mutatur ipsius progressus æquali ut antea spatio unius momenti determinatio lateralis erit in  $Lmn$  adeoque concursus ambarum determinationum in puncto  $L$ , unde mobile  $C$  hoc modo ex acuto in puncto  $B$  ipsius motu dirigetur in  $L$ , facietque angulum reflexionis  $LBF$  maiorem angulo incidentiæ  $CBE$ .

3. Cum motus minuitur.

III. Casus. Ponamus iterum quod mobile  $C$  rursus duobus momentis veniens in  $B$  reflectatur ibi, sed ita ut motus ejus minuatür adeoque inter duo momenta non altius ascendat, quam uno momento descendit, sistetur igitur corpus  $C$  duobus momentis post factam in  $B$  reflexionem & dirigetur in  $M$ ; nam & determinatio lateralis manet ut antea, ac spatio duorum momentorum illic cum ascensoria in puncto  $M$  deprehenditur, unde veniet hoc puncto mobile corpus  $C$  spatio quatuor momentorum ex  $C$  in  $M$ , fietque angulus reflexionis  $MEF$  minor angulo incidentiæ  $CBE$ . Ex hisce casibus licet totam reflexionum naturam cognoscere: quia tamen ordinarie vix solet accidere, ut in puncto incidentiæ aut reflexionis motus deinceps augeatur aut minuatür, hinc ordinarie solet angulus reflexionis esse æqualis angulo incidentiæ, unde uno illorum cognito alter etiam motus erit. Sed jam & refractionum naturam in eodem digrammate demonstramus.

Angulus reflexionis æqualis angulo incidentiæ.

Ponamus quod corpus oppositum  $EBF$  mobili  $C$  permittat ingressum, & transitum, habebimus iterum tres casus: aut enim medium oppositum diversæ rationis à priori æqualem motum adhuc permittet, nec impedit (quod haud unquam tamen contingit) aut ob fluiditatem suam retardabit, aut ob stabilitatem accelerabit: singulos casus breviter ita expono.

Tres casus circa corpus obvium aut refractivum  
I. Cum à corpore refractivo motus continuatur æqualis,

I. Casus. Quo si mobile  $C$  descenderet spatio duorum momentorum ex  $C$  in superficiem  $EBF$ , & in puncto ingressus non mutaretur, neque augetur aut retardaretur ejus motus fieret ut duobus aliis momentis necessario prolabi deberet in  $K$ , ratio est, quia cum ex hypothesi motus perseverat æqualis, nec ab opposito corpore aut retardatur aut acceleratur, manebit etiam determinatio descensoria æqualis, ac duorum aliorum momentorum à puncto ingressus  $B$  provolvetur in lineam  $IhlOK$ . Et quia aliunde determinatione laterali nihil adversatur, ut ipsa æqualiter procedens deferat corpus ad lineam  $DM$  q  $MK$  & quia in  $K$  ambæ concurrunt, ibi locus erit, quo corpus  $C$  à puncto ingressus  $B$  spatio aliorum duorum momentorum provolvetur. Unde ex  $C$  per  $B$  directe veniret in  $K$  spatio quatuor momentorum. Verum hic casus in obliquo ingressu ad corpus aliud obvium distinctæ rationis nunquam contingit: quia necessario aut obvium corpus erit stabilius & accelerabitur motus, aut erit fluidius & retardabitur motus, ad alios duos casus procedamus.

II. Motus acceleratur.

II. Casus. Ponamus  $C$  mobile ad  $B$  spatio duorum momentorum pervolvi, sed in puncto ingressus  $B$  ita accelerari motum, ut uno momento possit tantum descendere, quantum descendit ante ingressum spatio duorum momentorum essetque jam motus duplo major. Quia igitur duobus momentis ante ingressum corporis obvii descendit ex  $G$  in  $B$ , cui ex determinationis descensoriæ constructione æqualis  $BKI$  erit, itaque in linea  $IhlOK$  jam punctum determinationis descensoriæ: & quia laterali determinationi nihil adversatur, hinc illa æquali motu procedens intra unum momentum ab ingressu  $B$ , procedet ad  $LmnpO$ , quia igitur







minationem, nempe ex laterali & descensoria quarum descensoria vel in ingressu retardatur ut in CBK ob fluiditatem; vel ob stabilitatem majorem diaphani acceleratur, ut in CBH, altera laterali manente immutata, cum corpus diaphanum illi non sit oppositum, adeoque ejus progressionem nec juvet, nec impediat.

**Lumen re-  
fractum  
duplex.**


Hinc iterum duplex fit lumen refractum, velenim accedit ad perpendicularem  $ABL$  ut contingit in radio  $CBH$ , quia ipsius propagatio ex ingressu in diaphanum stabilius acceleratur, hincque angulus refractus  $LBH$  est minor angulo incidentiæ  $CBG$ , vel lumen refractum recedit à perpendiculari  $ABL$  ut fit in radio  $CBK$  ob diaphanum fluidius magis progressionem ejus retardans: hincque fit angulus refractus  $KBL$  major angulo incidentiæ  $CBG$ .

**Lumen  
rediens  
quid sit.  
Est duplex  
recipro-  
crans vel  
deflectens**

Lumen rediens est, quod à re lucida profectum ab occurrente corpore, per quod transire non potest, resilit, ac redire in prius medium cogitur. Estque imprimis duplex ex duplici incurfu seu incidentia, unde vocatur vel reciprocans, vel deflectens. Illud est quando perpendiculariter incidit, velut ex *A* in *G B*, indeque eadem via quâ incidit, redit, & reciprocatur incursum. Causa hujus est, quia simplex & unica descensoria determinatio adest *A G B* absque aliqua laterali, unde à corpore opposito *E B F* illa indirecte mutatur in ascensoriam, nec potest ullâ ratione alio deflecti cum laterali, cujus hoc officium esset, determinatione careat. Deflectens autem erit cum obliquè lumen incidens per aliam etiam obliquam viam deflectitur: ut fit in radio *C B* à puncto reflexionis *B* mutato in *B D*. Oritur hæc deflexio ex composita determinatione, nempe descensoria *G B* & progressiva laterali *C G D*, quia hæc manet immutata, illa verò in ascensoriam mutata necessario versus *D* propellitur.

Lumen  
radiens  
deflectens  
est triplex


Lumen rediens deflectens triplex est: vel enim æqualiter deflectitur à perpendiculari  $AB$  facitque angulum æqualem angulo incidentiæ, ut videre licet in radio  $BD$ , quia nimirum à puncto reflexionis radius luminis nec retardatur nec acceleratur, unde æquali perseverante motu in utrisque determinationibus similiter ascendit, quomodo descendit.



Si verò motus acceleretur in puncto B reflexionis, tunc magis, prout magis augetur motus, ad perpendicularum inclinatur, ut patet in B L ex obliquo ingressu C B. Estque angulus incidentiæ C B E minor angulo reflexionis L B F. vel si propagatio luminis retardatur lumen rediens deflectit magis à perpendiculari A B, ideoque minus accedit ad ipsum, fitque angulus reflexionis M B F minor angulo incidentiæ C B E; Ratio horum in diversa mutatione descensoriæ posita est, altera interim laterali determinatione, cui corpus E B F nullo modo oppositum aut contrarium est, in æquali motu suo perseverante: Vide quæ diximus supra. Sed ecce diversas has luminis divisiones hætenus propositas unico intuitu in sequenti schemate licet advertere.

Dire ·





Advertendum etiam hoc loco, quod radius aliquis lucis quando obliquè in-  
cidit in corpus oppositum faciens angulum  $CBE$  minorem tanto celerior sit mo-  
tus determinationis, & tardior motus descensoriæ; unde plus in latus quam in op-  
positum corpus dirigitur. Cum verò angulus  $CBE$  est æqualis angulo  $CBG$ ,  
æquali motu determinatio utraqùe procedet: item si angulus  $CBG$  minor, &  $CB$   
 $E$  major, determinatio descensoria celerius altera laterali dirigitur.

Ex dictis efficitur, radios lucis artificiosè posse diversimode flecti aut re-  
fringi, adeoque plures radios ad unum punctum posse cogi, item eodem posse  
dispergi, lumenque dissipari, sicut & lumen posse augeri ac immipui, aliaque mul-  
ta naturæ miracula recludi; proinde utilissimè tam catoptrica quam dioptrica ad  
radios lucis artificiosè excipiendos tota occupatur in corporum oppositorum for-  
ma, figura & situ adoptandis, quibus admiranda maximè naturæ spectacula pro-  
ducat, ipsaqùe natura etiam in oculi structura non magis providè quàm utiliter  
videtur observâsse, tam diversis partibus oculum componendo, figuris disponendo  
locis distinctis quasvis ordinando, ut lucis radios & objectorum species apertissime  
possit in fundo Retinæ colligere.

Radii lu-  
ci artifi-  
ciosè pos-  
sunt diver-  
simode re-  
flecti aut  
refringi.

## CAPUT IV.


### *De natura & proprietatibus Luminis ex occurssu diaphani diversæ rationis refracti.*

**D**E motu ex propagatione luminis ad occursum corporis diaphani diximus  
præcedente capite lumen in ingressu diaphani refringi: nunc aliqua circa re-  
fractionem istam scitu digniora prosequimur, ut refracti luminis natura tanto  
perspicacius innotescat.

## DEFINITIONES.

- I. Refractio est radii per duo diversa diaphana propagati incurvatio in puncto  
quo is ex uno in aliud transit. Ut si radius ex  $F$  incidat in  $E$  non penetrabit  
diaphanum subiectum per lineam  $EH$ , quæ in unam cum  $EF$  rectam con-  
veniat; sed frangetur in puncto  $E$  & subibit per aliam lineam velut  $EG$  aut  $EI$   
pro ratione densitatis aut raritatis.





- II. Medium refractivum est, in quod radius luminis incidens non recta in scopum, sed fractus alio reverberatur, tantoque restringitur amplius, quanto medium fuerit densius, tanto minus, quanto medium fuerit rarius.
- III. Punctum refractionis est punctum superficiei corporis diaphani in quo fit refractionis radii incidentis. ut est E. idemque est incidentiæ punctum.
- IV. Superficies refractionis dicitur illa superficies in qua continentur lineæ incidentiæ & refractionis; sive simul sunt radii incidentis FE & refractus EG: qualis est AEB.
- V. Radius FE & quicunque alius ferit secundum diaphanum, dicitur incidens, ejusque linea erit linea incidentiæ.
- VI. Radius EG refractus dicitur & linea ejus erit linea refractionis: quamvis potius totalis ex FE & EG constans radius refractus dici deberet.
- VII. Axis vel perpendicularis incidentiæ est in primo diaphano recta ad superficiem refringentem perpendicularis in puncto incidentiæ erecta. ut ED.
- VIII. Axis seu perpendicularis refractionis est eadem, sed infra secundum diaphanum producta velut EC.
- IX. Angulus inclinationis inter lineam incidentiæ & axem incidentiæ comprehenditur ut est FEO.
- X. Angulus refractus linea refracta ex axe refractionis continetur ut est CEG.
- XI. Angulus refractionis est inter lineam refractam & lineam incidentiæ intra secundum diaphanum productam ut angulus GEH.
- XII. Refractio ad perpendicularem est radii ad perpendicularem in puncto refractionis erectam convergentis incurvatio, unde radius EG dicitur refractus ad perpendicularem EC. quia ad ipsum à puncto refractionis E convergit. Angulus enim refractus CEG minor est angulo inclinationis DEF.
- XIII. A perpendiculari refractionis dicitur radii ab eadem perpendiculari divergentis incurvatio ut radius IE à perpendiculari EC divergit. quatenus angulus CEI major est angulo inclinationis DEF.
- XIV. Determinatio motus luminis est ejusdem versus certum terminum directio.
- XV. Determinatio simplex est, qua lumen unico simplici modo corpus objectum petit.
- XVI. Determinatio composita est, cum lumen composito modo versus corpus obvium fertur nempe modo progressivo laterali secundum longitudinem, & descensorio vel ascensorio secundum altitudinem.
- XVII. Determinatio descensoria vel ascensoria est luminis directio secundum altitudinem.
- XVIII. Determinatio lateralis, qua secundum latitudinem lumen propellitur.



## PRONUNTIATA.

- I. Natura semper agit per lineas brevissimas.
- II. Operationes naturæ ad perpendicularem sunt fortiores.
- III. Refractio non potest fieri nisi ex radio ad planum obvium inclinato vide Maianum lib. 4. perspe. loc. propo. 1. cor. 1. 2. Unde omnis refractio fit ex composita determinatione motus nunquam ex simplici.

## PROPOSITIONES.

## PROPOSITIO I.

*Lux perpendiculariter ex uno diaphano incidens in aliud quodcunque diaphanum non refringitur ullatenus saltem sensibiliter, oblique autem incidens è raro in densum refringitur ad perpendicularem, at è denso in rarum à perpendiculari. Ratio & causa superiori cap. est explicata.*

## PROPOSITIO II.

*Radius lucis oblique incidens in medium densius eo magis refringitur ad perpendicularem, quo densius est medium; incidens verò oblique in rarius eo magis refringitur à perpendiculari, quo ipsum rarius est. Ratio est: quia radius in densius incidens tanto plus accelerat motum, quanto ipsum densius est; Ergo tanto plus ad perpendicularem accedit: & radius incidens in rarius medium tanto plus retardatur, quanto ipsum rarius est, ergo etiam plus refringitur à perpendiculari.*

## PROPOSITIO III.

*Angulus ad perpendicularem refractus eo minor est, & è contra refractus à perpendiculari eo major, quo in pari inclinationis angulo major est inter utrumque diaphanum differentia secundum raritatem ac densitatem. Sequitur ex præcedenti. Nam quo densius medium eo radius magis ad perpendicularem refringitur, & quo rarius est medium radius à perpendiculari plus recedit: Sed quo propius accedit ad perpendicularem radius eo angulus refractus est minor, & quo plus à perpendiculari recedit, eo angulus refractus est major, ergo quo densius est medium eo angulus refractus est minor, & quo rarius est medium, eo angulus refractus est major: ergo secundum differentiam quæ est inter densitatem & raritatem diaphani angulus ad perpendicularem minor, & angulus ad perpendicularem major est eodem inclinationis seu incidentiæ angulo servato. Quod erat demonstrandum.*

## Corollarium.

Quanto etiam angulus refractus dum ad perpendicularem radius accedit, est minor tanto major fit angulus refractionis; & quanto major fit angulus refractus in medio rariore cum radius à perpendiculari recedit, tanto etiam major fit angulus refractionis, angulo tamen refracto semper angulum refractionis superante, cum hic sit pars illius.

## PROPOSITIO IV.

*Lucis quemadmodum incidentis ita refracta rectæ sunt lineæ. Ratio est, quia natura semper agit per lineas brevissimas hoc est rectas. Idque experimento facile comprobabitur, si intra vas quoddam, medio in aëre tria notentur puncta v. g. trium stylosum cuspides, sic disponantur, ut recta per ea visualis incedat linea, ac deinde vas ipsum aqua oppleatur, donec ea puncta mergantur, tunc enim ut prius in eadem recta linea sub aquis conspiciantur, quod esset impossibile, si pars lineæ visualis quæ sub aquis est, curva esset: Est autem eadem ratio de linea lucis quæ de linea visiva.*

PROPO-



## PROPOSITIO V.

*Lux quanto densiori medio obliquius illabitur, tanto majori angulo refringitur, & quanto directius, eo minori angulo refringitur.*


Rem melius ostendo & explico in exemplo. Incidat lux in superficiem corporis refringentem  $BAC$ . Dico quo obliquius incidit in punctum  $A$  tanto majori angulo in denso refringi. Ponamus enim medium refractivum esse duplo densius rariori, ex quo lux incidit: debet igitur juxta principia præced. cap. Lux in ingressu immutari in motu suo secundum descensoriam determinationem & uno momento quale spatium in raro secundum descensum persolvit, similiter uno momento in denso jam duplum spatium ejus quod persolverat in raro, percurrere, quia motus secundum descensoriam determinationem acceleratur, ut duplo citius in denso transcurrat laterali, interim determinatione semper in immutata, quia huic nihil obstat, nec corpus diaphanum ullo modo opponitur, ut superiori cap. ostensum.

Incidat itaque radius aliquis lucis obliquitate  $GA$  & uno momento temporis perveniat ex  $G$  in  $A$ , quia itaque lateralis determinatio non immutatur, sola autem descensoria quæ ob medium duplo densius raro etiam duplo magis acceleratur, ita ut jam uno momento in denso duplo plus spatii percurrat, quam prius in raro. Fiet igitur ut radius lucis qui secundum lateralem determinationem supra in raro uno momento spatium 4 loculamentorum emensus est usque dum veniret ex  $G$  in  $A$ , in ingressu densi totidem & non ultra nec infra uno momento hic quoque procurrat, quia ut dictum non immutatur. Item quia radius incedens ex  $G$  in  $A$  secundum descensoriam determinationem antea in raro tantum duorum loculamentorum spatium uno momento confecerat, ut patet in figura ex  $G$  scil. in  $B$ , jam duplo majus spatium in ingressu  $A$  uno momento percurrere debeat, quia motus duplo plus secundum descensum acceleratur. Percurret ergo radius lucis  $GA$  in diaphano densiori, & uno momento intra ipsum complebit jam spatium 4 loculamentorum. Unde in concursu lateralis & descensoriæ determinationis erit punctum  $O$  quo sistetur intra unum momentum radius  $GA$  ex  $A$  refractus  $AO$ . Lux igitur oblique incidens linea  $FA$  refrangetur in duplo densiori medio linea  $AO$ , eritque angulus refractus  $OAE$ .

Sumamus jam alium radium priori adhuc magis oblique incidentem, nempe  $FA$ . Et hic uno momento perveniat ex  $F$  in  $A$  quia itaque motus ejus in ingressu diaphani densioris duplo plus acceleratur, etiam duplo plus spatii secundum descensum in denso illo intra unum momentum percurrat, laterali determinatione semper in immutata: quia itaque in raro tantum unum loculamentum secundum descensoriam uno momento motu suo persolvit, hoc est  $FO$ , secundum lateralem autem 4 loculamenta transiit usque dum veniret ex  $F$  in  $A$ . igitur in ingressu duplo densioris diaphani inter unum momentum secundum descensoriam jam duplo plus spatii hoc duorum loculamentorum percurrat, & quia



FIGURA VII.



lateralis non mutatur, hinc inter idem momentum secundum latitudinem iterum 4. loculamentorum spatium pervader. Unde sequitur quod locus in quo intra momentum in denso sistetur radius lucis ex FA incidens, sit in concursu lateralis & descensoriae nempe N, eritque AN radius refractus respondens incidenti FA, & angulus refractus NAE, sed ut vides hic angulus NAE major est priori: OAE: (nam hic ab illo includitur,) item ille ex radio magis ob-



gis oblique incidente nempe  $FA$  procedit ; hic autem  $OAE$  ex minus oblique incedente nempe  $GA$  pervenit ergo verum est quod fuit propositum lux quanto medio densiori obliquius illabitur, tanto majori angulo refringitur, quod erat demonstrandum. Similiter probabo radium  $GA$  magis oblique incidentem ipso  $HA$ , refringi angulo majori  $OAE$  in denso quam sit angulus  $PAE$  qui ipsi  $HA$  respondet, Item radium  $HA$  incidentem obliquius quam  $IK$  refringi angulo  $PAE$  qui major sit angulo  $QAE$  & sic deinceps.

Alterum quoque in propositione propositum patet, quòd enim directius lux incidit, tantò etiam sit angulus refractus minor, ut patet in  $MA$  cui respondet angulus  $TA E$ ; quia autem  $MA$  directius incidit quam  $LA$  etiam angulus  $TA E$  minor est angulo  $SA E$ , qui respondet radio incidenti  $LA$ , & sic etiam hic  $LA$  qui directius incidit quam  $KA$ , hinc etiam angulus refractus  $SA E$  minor est angulo  $RA E$  ipsi  $KA$  respondente.

### Corollarium I.

Hinc patet quod quòd obliquius lux incidit, tantò plus progrediatur in latitudinem, quam descendat, & quòd directius, tantò plus moveatur lux secundum descensum, quam progressum lateralem : angulo autem incidentiæ obliquo ad 45 gradus quod æqualis sit motus tam descensorius quam lateralis.

### Corollarium II.

Patet etiam lucem ex directiori incidentia prope perpendicularem esse magis compactam & compressam, quia radii propius uniuntur, cum anguli refracti sint minores: è contra lucem refractam ex obliquiori incidentia magis distrahi, & dispergi cum anguli refracti sint majores.

### PROPOSITIO VI.

Si radius aliquis lucis, ex medio rariore angulo aliquo incidat in densius & in puncto ingressus frangatur: ex eodem autem denso per lineam refractam regrediatur per punctum ingressus, eodem angulo quo incidit, frangetur in egressu ex denso in rarum.

Quia enim per propo. 3. hujus eo minor est angulus ad perpendicularem refractus, & contra eo major refractus à perpendiculari quo in pari inclinationis angulo major est inter utrumque diaphanum differentia secundum raritatem ac densitatem; sequitur reciproco lucis progressu, in quo non nisi una est differentia diaphanorum (utpote in quo sunt eadem diaphana) unam esse & eandem dictorum angulorum ad ipsa diaphana rationem reciproce: ita videlicet ut quia in hypothesi differentiae diaphanorum præcedentis propositionis angulo inclinationis  $MAD$  in raro respondet in denso angulus refractus ad perpendicularem  $TA E$ . Huic eadem si reverse id fiat angulus inclinationis in denso respondere debeat in raro angulus à perpendiculari refractus  $MAD$ , idem qui prius erat inclinationis: si enim responderet major aut minor, non esset eadem proportio hujus anguli inclinationis in raro, & hujus refracti in denso ad hanc raritatem & densitatem, quæ est hujus anguli inclinationis in denso & alterius refracti in raro ad hanc eandem raritatem & densitatem.

Bene tamen notandum, quod additum fuit supra in propo: (angulo aliquo incidat) quia ut Emanuel Maignan. perspec: hora: lib. 4. propo: 2. monet, & propo: 3. coroll: 2. evincit, fieri potest ut aliquis radius egrediatur ex denso in rarum, qui tamen reciproce non ingrediatur eadem via in densum, ac consequenter non est universaliter verum quod communiter asseritur idem esse iter lucis & intrantis & exeuntis. Porpositione etiam tertiâ ostendit quacunque facta diversorum diaphanorum combinatione quamvis in raro nullus sit inclinationis angulus, quo incidens radius non refringatur in denso, tamen aliquis in denso est inclinationis angulus quo incidens radius non refringitur in raro, sed ipsomet denso ex quo incidit. Hoc nempe contingit quando radio aliquo maxime obliquo sive ultimo incidente ex raro, qui pene congruat cum radio anguli recti: & quia hic in denso frangitur ad perpendicularem, necessario aliquid spatii relinquitur inter refractum & radium rectum.




rectum. Si itaque intra hoc spatium ex denso aliquis radius incidit in rarum, non potest intrare rarum, sed denuo in ipsum densum revertitur. Vide ipsum loco citato.

PROPOSITIO VII.

*Anguli qui fiunt ad punctum refractionis ex lineis partim directis, partim refractis in continuum productis semper inter se sunt aequales.*

Sit linea directa  $F A$  quæ frangatur in puncto refractionis  $A$ , & tendat linea refracta  $A G$ : producat jam directa  $F A$  in  $I$ , & refracta  $G A$  in  $H$ . Dico angulus  $F A H$  &  $G A I$  esse æquales. Sunt enim ex lege sectionis ad verticem  $A$  per 15. primi Eucli. anguli oppositi æquales.




PROPOSITIO VIII.

*Si radius lucis è quovis raro in simile rarum cujus ambae hinc inde superficiem utrique raro contigua plana sint ac invicem parallela transmittatur; angulus secundo refractus à perpendiculari erit aequalis angulo primæ inclinationis, & radius secundo refractus æquidistabit incidenti producto.*

Radius A B incidat ex primo raro in densum 2 & refringatur linea B C inde redeat per punctum C in rarum 3 simile primo & refringatur à perpendiculari linea C D dico angulum secundo à perpendiculari retractum nempe M C D esse æqualem angulo A B I primæ inclinationis, et si producaturs radius D C in O esse parallelum A B N.

Constituatur enim ad puncta B & C in denso 2 perpendicularis IBK & LCM. Quia igitur lux per A B facientem cum E angulum incidens puncto B refringitur linea BC reciproce per C hujus linea B A refringetur, quoties per C B incidit, & consequenter sicut angulus inclinationis A B I in raro ad K B C in denso refractum ad perpendicularem K B I, ita reversè inclinationis angulus K B C ex denso parit in raro angulum A B I refractum à perpendiculari I B, sed quia etiam E B F & G C H ex hypothese sunt parallela, & I B K item L C M ex constructione ad easdem sunt perpendiculares, sequitur per 29. primi Eucl. angulum E B C





totum & H C B. totum esse æquales. Abiectis jam æqualibus E B K & L C H remanebunt per axio. Eucl. etiam reliqui anguli nempe K B C & B C L æquales: sicut ergo ex inclinatione C B K ex denso in rarum ut prolatum profuit angulus A B I à perpendiculari refractus, ita etiam B C L æqualis ipsi C B K ex eodem denso in simili raro pariet angulum refractum M C D æqualem ipsi A B I: quod erat primo demonstrandum.


Alterum in propositione sic ostendo, quia A B I & M C D anguli æquales ex demonstratis, etiam complementa eorum E B A, & D C H æquantur. Porro quia etiam ut ostensum K B C & B C L anguli æquales sunt, additis utrinque angulis rectis ipsi nempe A B E & K B C recto E B K, item ipsi B C L & D C H recto L C H. Erit ergo totus A B C æqualis toti B C D, ergo si utrinque producantur A B in N, & D C in O per 28 primi Eucl. erunt rectæ A B N & D C O parallela; quod erat secundo ostendendum. Pater igitur propositum.

## PROPOSITIO IX.

*Si radius lucis è primo aliquo diaphano raro in tertium densum propagetur per secundum densius quidem primo, sed tertio minus densum, quodque insuper ambas quibus utrinque continguum est superficies habeat planas ac invicem parallelas, angulus refractus in tertio diaphano æqualis erit ei, qui fieret sublato secundo, & retento primo cum eodem prima inclinationis angulo.*

Sint tria ordine diaphana plana signata numeris 1. 2. 3. velut aër, aqua, vitrum, sibi invicem contigua & parallela. Secundum quod continetur inter parallelas E F & G H sit densius primo super E F existente: & tertium quod infra G H ponitur, sit densius medio vel secundo diaphano. Si igitur radius aliquis lucis A B angulo aliquo A B I incidat in E F & puncto ingressus B refringatur in secundo diaphano angulo K B C: deinde rursus pergat in tertium diaphanum adhuc densius & refringatur angulo M C P. Dico angulum M C P refractum in tertio diaphano æquè minorem esse angulo incidentiæ A B I & ad perpenpicularem M C L æquè accedere, quam si densum secundum non transiret & immediate radius A B incidisset in puncto C angulo eodem A B I super rectum G H.

Nam quia per 3 hujus densitas secundi diaphani quò major est densitate primi diaphani, eò angulus refractus K B C minor est angulo inclinationis I B A: & similiter quò major est densitas tertii diaphani densitate secundi eò angulus refractus M C P minor est angulus L C B (quod idem K B C æquali ipsi L C B ob parallelas, utique in præced. propo. demonstratum) sicut itaque densum 3. ad 2. & 2. ad 1. ita angulus refractus M C P ad B C L & K B C ad I B A, ergo etiam ut composite M C P & B C L simul ad K B C & I B A simul. Quia itaque K B C & L C B æquales sunt; sublati utrinque æqualibus erit etiam angulus M C P ad I B A ut densitas tertii ad secundi & secundi ad primi diaphani, H O C radius A B ita producet per medium secundum linea B C radium refractum in tertio C P ac si sublato secundo medio incideret radius A B linea O C,



Confir.



Confirmatur ab exemplo ex tabulis refractionum. Vitel. lib. 10. propo. 8. Ponamus enim radium ex aëre in aquam, & per aquam in vitrum transire: quia itaque aqua densior est aëre, & vitrum densius est aqua, radius juxta propositam doctrinam incidens aliquo angulo inclinationis per aquam in vitrum eundem refractum producet, quam si omitta aqua eodem primæ inclinationis angulo immediate ingrederetur vitrum: quod verum ostenditur ex tabu. cita. nam sumpto radio inclinationis 80. grad. ex aëre in aquam producit 50. grad. & inde sumpto inclinatio. angulo 50. ex aqua in vitrum producit refractus 42. min 50. atqui etiam si radius ex aëre immediate in vitrum ingrediens angulo 8. inclinationis 80. grad. idem angulus refractus 42. mi. 30 producit ut ante; ergo patet quod fuit propositum.

### Corollarium I.

Quod juxta hanc & præcedentem in refractione composita contingit angulo. refracto in tertio diaphano, suppositis superficiebus secundi planis, ac invicem parallelis idem; servata propositione continget, licet illæ superficies non sint planæ, nec parallelæ, vel nequæ planæ nequæ parallelæ: quia quomodocunque disponantur vel figurentur tria diaphana diversa, semper eandem retinent diversitatem, vi cujus semper in eadem ratione refringunt cæteris paribus.


### Corollarium II.

Hinc patet, si sciatur refractione trium diaphanorum conjunctive positorum ordine ut in propositione dictum, quomodo fieri etiam possit duorum extremorum diaphanorum sibi conjunctorum refractione: ex. grat. scitur qualis sit refractione radii ex aëre in aquam, & ex aqua; deinde in vitrum, dico etiam scire posse, qualis refractione sit ex aëre immediate in vitrum: unde si quis nunquam experientiam fecisset refractionis radii, ex aëre in vitrum, sciret autem radiorum refractiones ex aëre in aquam, & ex aqua in vitrum, posset tamen æquæ scire hinc refractiones ex aëre in vitrum. Sumpto enim aliquo quocunque angulo inclinationis, si inquiratur refractione radii prius ex aëre in aquam, & inde in vitrum, erit angulus refractus ultimo inventus in vitro etiam respondens prædicto angulo inclinationis immediate in vitrum prolapso.

### PROPOSITIO X.

*Radii lucis ex uno in aliud quodcunque diversum diaphanum quocunque angulo incidentis, licet fiat refractione; pars tamen aliqua reflectitur, & quidem servata æqualitate angulorum incidentiæ & reflexionis.*

Sit ex. grat. crystallus A B quæ sola exposta excipiat radium ex aëre incidentem C D qui ad perpendicularem D F refringatur linea D G, & rursus exiens in aërem refringatur linea G H à perpendiculari G X. Dico pri-





mo neque totum CD refractè crystallum ingredi per DG neque totum DG refractè ingredi aërem per GH: Sed aliquid ipsius CV reflecti per DE, & similiter aliquid DG reflecti per GI, qui iterum non totus per IK refringatur, sed rursus aliquid ejus reflectatur per IL &c. Constat enim experientia radio incidente CD aliquid reflecti linea DE, & cum etiam constet experientia refringi DG certum igitur est reflexum DE esse aliquid ipsius CD, ac consequenter quod totus CD non abierit totaliter in refractum DG. Eadem ratio est in omnibus radiis quocunque angulo in quodcunque diaphanum incidentibus, unde partim intrant, & refringuntur, & partim emanent, & reflectuntur.

Deinde si crystallum AB minime plumbo terminatum exponas soli in obscuro præsertim cubiculo, ut lumen in adversum parietem reverberetur: cernes non tantum unicum radium E, sed plurium seriem nempe E K O S &c. Quorum primus E vividior inter eos, reliqui autem pro ut magis recedunt, ita magis debilitantur. Proinde cum ex unica incidentia non possit esse nisi unica reflexio evidens est lucem K non posse esse à radio CD immediate sicut Lux E, nam contra leges reflexionis fieret angulus TDK tali reflexione major angulo incidentiæ CDT, cum tamen deberet esse æqualis: item ex facta hypothese, cum nullus radius in crystallum derivetur quam CD, necesse igitur est Lucem K (idem judicium est de O & S aliisque similibus) ab eodem CD esse alio aliquo modo quam purè reflexe: potest autem esse refractè & reflexe simul: nempe si Lux K per lineam refractionis IK oriatur ab ea parte radii CD, quæ in crystallum transit scil. DG, quæ ipsa neque effluat tota per GH in subiectum aërem; sed secundum aliquid sui reflectatur à puncto incidentiæ G in I, ac ex ipsa demum GI incidente sit refracta IK. Similiter Lux O prodibit per lineam NO, non ex IK, sed ex GI, quatenus videlicet hæc non tota exit, per I in IK, sed aliqua sui parte reflectitur in LN & hinc refracta NO: & ita de PQ, RS & aliis. Quoniam igitur nullus alius modus excogitari posse videtur, quo lucula E, K, O, S, ab incidente radio CD ortum ducere possint, quam iste assignatus: isto autem admisso sequitur radium sive in aëre in crystallum, ut CD sive ex crystallo in aërem DG & GI, & IL &c. incidat, parte una sui reflecti, licet alia refringatur. Et quia idem in aliis quovis modo combinatis diaphanis locum habet, universaliter verum est, quod radii lucis, quando ex uno in aliud diaphanum quodcunque incident, secundum partem aliquam refringuntur & secundum aliquam reflectuntur; quod primo erat ostendendum.

Quod verò etiam istæ reflexiones, quibus in crystallo primo reflectitur DG in GI secundo GI in IL tertio IL in LN &c. fiunt ad communem legem æqualitatis angulorum incidentiæ & reflexionis, ostendit ipsa experientia: nam linea ES in pariete complectens uno ordine & æqualibus ab invicem discretas spatii luculas E, K, O, S æqualis est lineæ crystalli DR: quando ambæ ejusdem crystalli superficies AR, GB & parallelæ invicem sunt, & parieti ES æquidistant; alias enim nunquam sunt æquales. At stante dictarum superficierum parallelismo impossibile est, ut sint invicem æquales ES, DR nisi anguli incidentiæ YGD & reflexionis YGI sint quemadmodum invicem, ita & cum angulo primùm refractò FDG & cum alio inclinationis ZIG, & ita de aliis, æquales. Id inquam, absque eâ conditione esset impossibile, quia aliàs refracti radii IK, NO, RS, non essent invicem & cum reflexo DE paralleli (adeoque nec E, S, esset ipsi DR) quia enim per 8 hujus angulus à perpendiculari secundo refractus XGH æqualis est angulo primæ inclinationis TDC, angulus tertio refractus VIK ut sit æqualis, tum dicto primæ inclinationis angulo TDG, tum etiam refractò XGH: nec non angulo primæ reflexionis TDE: supponit angulum tertiæ inclinationis ZIG æqualem esse angulo secundæ inclinationis FDG: & ita de aliis. Cum itaque ut demonstratum est angulus primo refractus FDG, & tertiæ inclinationis ZIG sint invicem æquales, & ob parallelas eisdem æquales sint angulus secundæ inclinationis YGD, & secundæ reflexionis XGI: sequitur ipsos YGD,




YGD, YGI & pariter invicem: æquales & ita de aliis. Sic cum Maignano placuit propositum demonstrare. Quomodo autem radius, qui è denso in rarum tali angulo incidit, ut in illud non progrediatur (quod fieri posse supra prop. 6. ex eodem Maignano notavimus) secundum aliquam sui partem in eodem denso refringatur, & reflectatur videri potest Maignan. prop. 6. perspec. hora; lib. 4.

## CAPUT V.

*De reflexi Luminis natura, variisque proprietatibus.*

## Definitiones.

- I. Lumen reflexum dicitur quod à re Lucida profectum ab occurrente corpore per quod transire non potest, resilit ac redire in prius medium cogitur. Unde reflexio radii est illius ex medio diaphano quo venit à corpore opaco ad reflectendum apto in idem medium reverberatio ac repulsio.
- II. Corpus reflectens dicitur, quod radios à luminoso profusos in se progredi prohibet, in idem autem medium diaphanum, unde venerunt, repercutit. Aptitudinem majorem ad hunc effectum acquirit ex partium suarum extremarum politarum majori æqualitate & continuitate.
- III. Corpus speculare sive speculum & omne corpus sive ab arte seu Natura politum. Politio autem corporum est partium superficiei politi corporis perfecta continuitas sine ulla pororum inæqualitatis, asperitatis aut divisionis sensibilitate.
- IV. Linea incidentiæ dicitur juxta cujus directionem radius à luminoso profusus rectus in superficiem corporis politi incidit. Talis est linea AB.
- V. Linea reflexionis est illa juxta cujus directionem radius rectus in superficie corporis politi receptus & propter opacitatem ulterius in directum progredi non permissus in medium diaphanum reflectitur, uti repræsentat BE.
- VI. Punctum incidentiæ est punctum superficiei corporis reflectilis, in quo Linea incidentiæ incidit in superficiem: & idem est punctum reflexionis, quoniam ab ipso Linea reflexionis incipit. ut videsse punctum B.
- VII. Perpendicularis seu normalis Linea dicitur, quæ à puncto incidentiæ educta ad planam corporis reflectentis superficiem est ad angulos rectos. Ut est KBM in politis autem corporibus convexis aut concavis hujus lineæ normalitas ex lineâ convexam & concavam politi corporis superficiem contingente ad quam orthogonaliter erigitur pensanda est. Uti eadem KBM respectu concavæ IBK & convexæ GBF.
- VIII. Superficies reflexionis dicitur superficies imaginaria continens lineam incidentiæ & reflexionis, ac perpendicularem à puncto contingentiæ super ipsam superficiem corporis reflectilis productum. Talem in figura repræsentat superficies EBA in qua sunt rectæ, AB, BE, BK. Si imaginemur CD vel HBI, vel FBG esse speculum & superficiem EBA super ipsum erectum.
- IX. Cathetus incidentiæ est Linea illa quæ ex puncto aliquo corporis luminosi radiantis ducitur normaliter ad planum superficiem speculi (etiam productum si opus est) ad planum contingens per peculiare convexum aut concavum in puncto incidentiæ ut est recta AB respectu rectæ CD contingentis tam speculum ABI quam speculum FBG in puncto B.





- X. Cathetus reflexionis est linea quæ ex quolibet reflexæ lineæ puncto ad planam speculi superficiem, aut ad planum Contingens in puncto reflexionis speculare sphericum normaliter ducitur, ut est  $E C$  respectu Lineæ  $C D$ .
- XI. Superficies incidentiæ dicitur illa superficies imaginaria supra speculum erecta, quæ terminatur catheto incidentiæ & radio corporis luminosi seu Linea incidentiæ, ut est in fig.  $A B D$ .
- XII. Angulus incidentiæ dicitur ille quem subtendit Cathetus incidentiæ, aut quem lineæ incidentiæ una cum linea quæ est communis interseccio superficie reflexionis & ipsius speculi, plani causat aut plani speculum sphericum in puncto incidentiæ contingens, Talis est angulus  $A B D$ .
- XIII. Angulus reflexionis est quem subtendit Cathetus reflexionis, aut quem constituit linea reflexionis una cum prædicta comuni sectione, ut est angulus  $E B C$ .
- XIV. Triangulum incidentiæ fundat radius incidentiæ una cum suo catheto super speculi planum aut planum speculare sphericum contingens, ut est,  $A B D$ .
- XV. Triangulum reflexionis fundat radius reflexionis cum suo catheto, ut  $E B C$ .
- XVI. Linea superficie reflexionis est super quam duplex Triangulus incidentiæ & reflexionis fundatur, ut  $C B D$ .

### Pronuntiata, & Postulata.

- I. Natura semper agit per lineas brevissimas.
- II. Radiatio luminis fit secundum lineas rectas.
- III. Lux contracta & compressa fortior est distracta & dispersa.
- IV. Radius incidens in corpus sphericum sive concavum, sive convexum, perinde incidere intelligitur, ac si incideret in planum contingens in puncto incidentiæ illam superficiem sphericam.

## PROPOSITIONES.

### PROPOSITIO I.

*Luminis reflexi sicut incidentis rectæ sunt lineæ.* Quia scilicet ut pronun. 2. dictum natura semper agit Lineis brevissimis & patet experientia. Si enim ex loco à reflexo lumine illuminato ad punctum incidentiæ in speculari corpore moveatur, quodcunque objectum secundum lineam rectam, semper illuminatur: Sin verò non ita promoveatur, non item semper illuminatur: quod signum est reflexionem fieri secundum rectas lineas.

### PROPOSITIO II.

*Radii perpendiculariter in corpus speculare incidentes reflectuntur in se ipsos, obliqui autem incidentes à perpendiculari digrediuntur & deflectunt.* Constat experientia, rationem etiam dedimus & explicavimus cap. 3. hujus syntag.

### PROPOSITIO III.

*Radii lucis obliqui incidentes in quodcunque corpus speculare reflectuntur ad angulos æquales angulis incidentiæ.* Ratio & causa fuit explicata eodem cap. 3. in hypothesisi tamen quod motus lucis à corpore speculari opposito, ut ordinariè & communiter fit, in puncto incidentiæ nec acceleretur, nec retardetur. Atque etiam hoc verum est non tantum in planis corporibus specularibus, sed etiam sphericis cavis & convexis: nam per post. 4. radius quomodocunque incidat in cujusvis figuræ corpus, perinde est ac si incideret in planum contingens sphericum sive cavum, sive convexum. Et quia etiam anguli contingentiæ sunt æquales, ut colligitur ex 16 tertii Eucl. unde æqualibus vel additis vel abjectis per communem notionem erunt etiam anguli toti vel reliqui æquales.

Corolla-



## Corollarium I.

Si radius aliquis incidat, ut faciat angulum incidentiæ rectum, reflectetur in se ipsum.

## Corollarium II.

Nullus radius obliquè incidens potest in seipsum reflecti. Aliàs enim anguli incidentiæ & reflexionis forent inæquales.

## PROPOSITIO IV.

*Quò luminis radius obliquius incidit in corpus specularè, eò minores fiunt anguli incidentiæ & reflexionis, & quò directius eò fiunt anguli, utrinque æquales majores.*

Nam quò obliquius incidit radius eò magis inclinatur ad ipsum corpus specularè, unde angulus inclinationis sive incidentiæ fit minor, & quò directius incidit, radius jam magis elevatur, & angulus magis extenditur & fit major: & quia per præced. angulo incidentiæ semper æqualis est angulus reflexionis. Patet propositum.


## Corollarium.

Ergo quò altius fuerit luminosum eò major fit angulus reflexionis ac magis ad perpendicularem radii reflexi accedunt, ac per consequens fortior est reflexio, nam operationes ad perpendicularem sunt fortiores, item lumen hoc modo resiliens impensius collustrat, quia lux magis comprimitur, & contrahitur; adeoque efficacior existit. E contra quò depressius est luminosum, fit angulus reflexionis minor, & radii reflexi magis à perpendiculari recedunt, adeoque lumen distrahitur magis; hinc debilius efficitur.

## PROPOSITIO V.

*In omni reflexione à quocunque speculari corpore facta, ea linea, quæ angulum sub lineis incidentiæ & reflexionis contentum, super lineam quæ est communis sectio sup. reflectei tum speculi, tum reflexionis, vel superficiæ in puncto incidentiæ speculum contingenti, æqualiter & bifariam dividit necessario perpendicularis est.*

Incidat radius AB in puncto B super lineam EBF sive hæc sit ipsa superficies speculi plani EBF, sive planum cavum speculum GBH, aut convexum IBK contingens in puncto incidentiæ B, ac inde à puncto incidentiæ surgat radius reflexus BC, faciatque angulum reflexionis CBF æqualem angulo incidentiæ ABE: dico si angulus ABC contentus linea incidentiæ AB, & linea reflexionis BC bifariam secetur ex puncto B per lineam DB, hanc esse perpendicularem.



Nam per 3. hujus quia angulus reflexionis in quocunque corpore speculari æqualis est angulo incidentiæ, erit etiam angulus reflexionis CBF æqualis angulo incidentiæ ABC; item in cavo speculari angulus reflexionis CBH æqualis angulo incidentiæ ABG, & in convexo angulus CBK æqualis ipsi ADI per postul. 4. hujus & prop. 3. hujus ejusdem. Deinde quia ex constructione & suppositione hac propositionis facta etiam anguli ABD & DBC sunt æquales erit per axio. 2. primi Eucli. etiam totus Angulus DBE æqualis toti DBF. Atque ita per defin. 10. primi Eucli. linea DB erit necessario perpendicularis. Ergo cum linea DB à puncto incidentiæeducta sit ad planam corporis reflectentis superficiem & ad angulos rectos; atque in convexis & concavis ad contingentem corporis speculæris superficiem necessario per 7. defin. hujus erit perpendicularis, quod erat demonstrandum.

M

Corol-



## Corollarium I.

Ergo etiam anguli supra lineam incidentiæ, & lineam reflexionis, qui scilicet continentur linea incidentiæ & perpendiculari, item linea reflexionis & perpendiculari sunt inter se æquales.


## Corollarium II.

In omni etiam reflexione superficies reflexionis necessario erecta est, super speculi superficiem: nam quia superficies reflexionis est superficies illa, quæ continet lineam incidentiæ, lineam reflexionis, & perpendicularem; & cum hæ lineæ omnes sint supra speculi superficiem, necessario etiam superficies reflexionis erit erecta super speculi superficiem.

## PROPOSITIO VI.

In omni reflexione punctum corporis radiosi, punctum reflexionis, terminus reflexionis, seu locus lucis reflexæ perpendicularis & utriusque Catheti in eadem reflexionis superficie existunt.

Sit enim superficies speculi cujuscunque  $ACB$  in cujus punctum  $C$  incidat radius  $E$ , qui reflexus tendat in  $F$ . erectæ quoque perpendiculari  $CD$  æquidistantes ducantur  $EG$  &  $FH$ , quæ sint catheti incidentiæ & reflexionis Orthogoni ad eandem speculi superficiem cum perpendiculari  $DC$ . Dico punctum corporis radiosi  $E$ , & punctum reflexionis  $C$  terminum reflexionis seu locum lucis reflexæ  $F$  una cum perpendiculari  $DC$ , & cathetis  $EG$  &  $FH$  esse in eadem superficie reflexionis.



Nam cum in omni reflexione superficies reflexionis super speculi superficiem sit erecta ut patet ex defin. 8 hujus & corol. 2. præced. cumque hæc tria puncta nempe corporis radiosi  $E$ , reflexionis  $C$  & lucis reflexæ  $F$  eo quod similiter terminentur: in eadem quoque sint superficie necesse est: ergo etiam perpendicularem necessario esse, & medium quidem in eadem reflexionis superficie per præced. & definit. 7. & 8. hujus concedendum est. Patet igitur punctum corporis radiosi, punctum reflexionis, punctum lucis reflexæ, seu terminum reflexionis, una cum perpendiculari, in eadem esse superficie reflexionis. Cum deinde etiam catheti incidentiæ & reflexionis jungantur & copulentur lineis incidentiæ & reflexionis, & quidem cathetus  $GE$  linea incidentiæ  $EC$ , & cathetus reflexionis  $FH$  linea reflexionis  $FC$  ac in eadem superficie terminentur: sunt enim ad basin superficiæ reflexionis normales per defin. 9. & 10. hujus & ad lineas incidentiæ & reflexionis terminantur, ac super eandem superficiem constituent triangula quæ una cum linea incidentiæ seu subtensa, & superficie communis sectionis seu basi, item cum linea reflexionis seu subtensa, & eadem superficie seu basi in uno puncto incidentiæ & reflexionis concurrunt per defi. 14. & 15. hujus: Quod si autem catheti non forent in eadem superficie reflexionis sed terminarentur in alia superficie ver. grat. in punctis  $I$  &  $K$  essent  $IG$  &  $KH$  parallelæ & non parallelæ ad perpendicularem  $DC$ , adeoque Anguli  $AGI$  &  $BKH$  æquales rectis & rectis minores, quod foret absurdum, imo impossibile patet ergo in omni reflexione punctum corporis radiosi, punctum reflexionis &c. quod erat demonstrandum.

## Corollarium.

Hinc sequitur in speculis quibuscunque unum quodque punctorum conspectorum in catheto sua incidentia videri. Cum enim uniformis situatio puncti rei visæ quod est  $E$  respectu superficiæ cujusque speculi, à qua ejus forma reflectitur, fiat solum secundum cathetum suæ incidentiæ, & centrum visus seu locus formæ reflexæ sit in eadem reflexionis superficie, necessario ibidem videbitur.

PRO-




PROPOSITIO VII.

Linea vel locus lucis reflexæ sive locus in quo visu constituto cernitur luminosum in speculis planis invenitur in linea perpendiculari à puncto luminosi infra communem sectionem superficiæ speculi & reflexionis protracta.

Punctum corporis luminosi sit A, communis verò sectio superficiæ reflexionis & speculi plani sit linea BCD ad quam ducatur perpendicularis AB & producaturs infra in E, fiatque BE æqualis ipsi BA. Dico quomodocunque ex E per lineam BCD producaturs ECF in illa supra CF videri objectum seu punctum luminosum E: sive quod visu constituto in quocunque puncto lineæ CF semper ad ipsum fiat reflexio & videatur forma puncti A

Producatur enim ex puncto E linea ECF secetque in C lineam BCD, item ex A ducatur AC fient duo tri- angula ABC & ECB per 4. primi Euclid. æqualia: nam quia ex constru- ctione AB & BE æquales, item BC: communis; anguli ABC & CBE etiam æquales utpote recti, erunt ergo & reliqui anguli æquales nempe BCE ipsi BCA, & BE ipsi BA ac reli- quum latus EC æquale ipsi AC, to- tumque triangulum triangulo æquale per dictam 4. primi Euclid. porro quia etiam angulus FCD æqualis ipsi BCE



per 15. prim. Eucl. & ipsi BCE æqualis BCA ex demonstrat: ergo per commu- nem notionem sive Axi. 1. primi Euclid. etiam ipsi ACB erit æqualis FCD. ac consequenter per 3. huius erit angulus FCD reflexionis æqualis ipsi ACB an- gulo incidentiæ: adeoque visu constituto in linea FC videbitur objectum A, at- que ut propositum, ex perpendiculari protracta &c. invenitur locus lucis reflexæ &c. Quod erat demonstrandum.

Similiter demonstrabo si ex E producaturs per G linea EGH & ducatur deinde AG videri objectum A in linea HG, esseque HG lineam reflexionis, in qua visu constituto videatur punctum A atque ita verum est, quomodocunque ex E producaturs linea aliqua secetque lineam BD semper illa quæ supra educitur à puncto intersectionis erit linea reflexionis & punctum intersectionis erit punctum incidentiæ & reflexionis. Patet igitur propositum.

Corollarium I.

Hinc sequitur I. lumen reflecti ab uno tantum incidentiæ puncto ad unam tantum lineam reflexionis, ac in eadem tantum lineam reflexionis visum consti- tutum ad idem incidentiæ punctum directum videre objectum seu punctum cor- poris luminosi: nam si visus aspiciens idem punctum incidentiæ ex alia linea ten- deret ex. grat. ex I in C non videbit objectum A quia anguli forent incidentiæ in- æquales.

Corollarium II.

Sequitur II, eandem esse distantiam loci imaginis à superficie speculi plani sub speculo, quæ est puncti visi ab eadem superficie supra planum speculum ex- istentis: ut in præcedenti figura lineæ AB & BE æquidistant, tum à superficie speculari BCD tum à puncto reflexionis per lineas, AC & EC æquales, qua- rum una supra, altera infra extenditur: atque etiam hinc patet ratio, cur nobis stantibus ad ripas fluminum, fontium aut stagnorum cacumina rerum in oppo- sita ripa apparentium tantum infra aquam quantum supra eminere & recta linea descendencia extendi videantur.



## Corollarium III.

Sequitur III. Lineam à centro visus ad locum imaginis inventum recta protractum esse æqualem lineæ incidentiæ & reflexionis simul sumptis ut lineam F C E, esse æqualem lineis F G & C A simul. Nam demonstratum est per 4. primi Euclid. lineas E C & C A esse æquales, adjecta igitur utrisque æqualibus communi F C per communem mentis notionem seu axio. 2. primi Euclid. erunt rursus æquales. Ergo F C & C A simul sumptæ lineæ nimirum reflexionis & incidentiæ æquales erunt toti lineæ ad locum usque imaginis seu formæ visæ protensæ, scilicet F C E æquales: quod erat demonstrandum.

## Corollarium IV.

Sequitur denique 4. in speculis planis res visas apparere in concursu catheti incidentiæ & radii reflexi protracti per punctum reflexionis seu incidentiæ. Sic enim objectum sive res visa A videtur in E concursu scilicet catheti A B E & lineæ reflexionis F C E per punctum reflexionis C protracti in E.

## PROPOSITIO VIII.

*Non possunt simul duo puncta ejusdem luminosi seu rei vise ab eodem puncto reflexionis in speculo reflecti ad idem punctum: vel è duobus punctis ejusdem speculi reflecti forma unius puncti ejusdem luminosi seu rei vise ad idem punctum.* Vel enim perpendiculariter incidunt radii vel oblique: si primum: certum est per 13 undec. Euclid. non posse à duobus punctis extra superficiem existentibus ad idem punctum superficiem duci duas perpendiculares, vel è contra ab uno puncto extra ad duo puncta superficiem ejusdem, duci similiter duas perpendiculares. Si oblique incidunt radii atque impossibile est, ut patet ex Corol. 1. præced. & ex 3. hujus quia anguli incidentiæ & reflexionis non forent æquales.


## PROPOSITIO IX.

*Ab uno puncto reflexionis cujuscunque corporis specularis ad diversa loca, possunt plura puncta luminosi reflecti, & à diversis punctis luminosi possunt radii reflecti ad unum locum.*


Sequitur ex præcedentibus, & ratio est, quia sicut diversi radii possunt in idem punctum specularis corporis incidere secundum diversos angulos, ita etiam possunt reflecti secundum diversos similes angulos, adeoque ad diversa loca reverberari: & sicut ab uno puncto luminosi possunt radii diversi incidere in diversa puncta specularis corporis oppositi, ita ab iisdem diversis punctis in diversa loca deflecti possunt, servata semper angulorum incidentiæ & reflexionis æqualitate. Ac è contrario ex diversis punctis luminosi possunt radii diversimode incidere in speculum, ita ut tamen in unum punctum juxta angulorum conformitatem reflexi conveniant, patent omnia tum ex natura radiationis luminosorum uti propositum, prop. 1. cap. 2. hujus & ex propo 3. præse. cap.

Hinc ab uno puncto luminosi potest magnum aliquod spatium in opposito pariete reflexè illuminari juxta magnitudinem corporis reflectentis, prout nempe plures radios, ab eodem puncto delapsos recipit, & eosdem repercutit & patet in figura 1. ubi speculum D C B ab uno puncto A radios illaspos A B, A C, A D, in parietem oppositum reflectit, & quidem radium A B ex B in G radium A C ex C in F, & radium A D ex D in E,





Item scitur ratio quare ab uno puncto speculi nihilominus possit majus spatium in opposito pariete reflexe illuminari, nam ut in fig. 2. vides radii diversi A D, B D, C D, à diversis punctis A, B, C luminosi reflectuntur ab uno puncto D in diversa puncta E, F, G, ita ut radius incidens A D reflectatur in E linea D E, incidens B D linea D F, & radius C D linea D G, sicque uno puncto D majus spatium E F G reflexe illustretur.



Sic etiam omnia luminosi puncta possunt radiare in unum punctum, illudque intensius illuminare, uti patet in prima figura supra si luminosum foret E F G, radiaret reflexè puncta diversa E, F, G, omnia in unum punctum A.

#### ROPOSITIO X.

*Lumen reflexum semper est minus illustre, eodem non reflexo atque in directum nullo obstante profluxo.*

Patet experientia: nam corpus specularé quantumvis nitidissimè & perfectissimè politum adhibeas, quo radios lucis acceptos reflectas semper advertes reflexum lumen esse debilius illo non reflexo. Hoc tali experimento comperies verum: Si enim in obscurum cubiculum per angustum foramen lumen intromittas, & mundæ imprimis chartæ directis radiis illabi permittas: Si deinde per speculum quantumvis perfectissimè politum eosdem radios lucis exceptos in chartam æquè mundam reflectas: videbis manifeste lumen hoc reflexum esse priore obscurius & minus illustre. Ratio videtur esse, quod corpus specularé quantumvis perfectè politum sit, sive à natura sive ab arte, nunquam tamen omnimodam ac perfectissimam suarum partium extremarum continuitatem sine ulla pororum inæqualitate, asperitate aut divisionis nota habere possit. Hinc fit, ut radii licet omnes illabantur, quidam tamen poros ingrediantur & dispareant aut certè si resiliant, propter partium extremarum aliquam licet inconspicuum inæqualitatem



tem alio insensibiliter dispergantur, sicque totale lumen nunquam, prout directe prolabitur, ad certum petendumque locum debite reflectatur.

## PROPOSITIO XI.

*Lumen incidens in Corpus speculare non simpliciter opacum, sed secundum quid Diaphanum saepius reflectitur, notabiliter autem bis in utroque scilicet Diaphani termino.*

Per speculare corpus simpliciter opacum intelligitur corpus politum lumini omnino impervium quod nullos radios sensibiliter intromittit; uti sunt specula calybea, marmor laevigatum &c. per speculare verò secundum quid, Diaphanum intelligitur quod à prima superficie ad alterum usque ubi plumbo terminatur, Diaphanum est, ideoque intra se recipit lumen. uti sunt specula crystallina & vitrea.

Dico itaque Lumen incidens in corpus speculare velut vitreum aut crystallinum saepius ac pluries reflecti, magis tamen sensibilibus bis. Ratio prioris constat ex propo. 10. cap. praecedentis, ubi demonstratum radios Lucis non omnes ingredi Diaphanum, sed aliquos reflecti, & eos ipsos qui ingressi sunt, & ingressu tracti, inde iterum ad alteram superficiem reflecti, qui ipsi radii reflexi intus in vitro non omnes sursum egrediuntur, sed denuò aliqui reflectuntur, alii in Medium alterum transeunt &c. constat igitur Lumen incidens in speculare secundum quid Diaphanum, saepius reflecti, quod erat primò demonstrandum.

Quod autem posterius attinet notabiliter & sensibilibus bis lumen in ejusmodi speculari reflecti constat experientia, & ratio est, quia primis radiis fortioribus à luminoso prolapsis duæ potissimum superficies obstant, prima scil. exterior diaphani seu vitri aut crystalli, secunda interior ejusdem plumbo terminata. Hinc in talibus speculis duplex objectum studiose intuentibus apparet, saepe etiam triplex ob rationem in priori parte datam. Patet itaque propositum.

## CAPUT VI.

*De umbra in individuo Lucis comite, ejusque cum primis lex lucis in obscura trajectu cum luce habitudine, natura & proprietatibus.*

**E**X lumine tandem umbras ingredimur, ne tamen omninò in cæcas tenebras prolabamur lucis fulgorem haud dimittemus, sed semper luminis aliquid in umbrarum scrutinio propè continebimus. Luminis equidem trajectum in obscura umbrosaue loca cum primis explicare hoc capite intendimus: hunc enim ritè scire & probè intelligere pro studio tele dioptrico maximum confert lumen. Quo verò citius umbras egrediamur quædam supponendo potius quàm latius demonstrando placuit proponere, cum ea vel ab aliis demonstrata sint, vel per modum axiomatum facile ab omnibus admittantur. Definitiones huc pertinentes videri possunt capite II. hujus Syntagm.

HYPOTHESES  
SCIALOGICÆ.

- I. Radius umbrosus cum radio luminoso à quo procedit in directum extenditur.
- II. Umbra semper in adversam luminis partem projicitur.
- III. Unum idemque corpus opacum tot de se fundit umbras, quot luminariibus opponitur.
- IV. Corpus opacum quò plures radios luminis intercipit, eò ampliorem producit umbram.
- V. Majus opacum corpus majorem progignit umbram, minus minorem exteris paribus.

VI. Umbra




VI. Umbra cum multiplicatur, obscurior redditur.

VII. Cum plures umbræ concurrunt umbra secunda obscurior est, quàm prima, tertia obscurior quàm secunda, & sic deinceps.

VIII. Umbra propinquior opaco obscurior est, quàm ea, quæ remotior.

Fit hoc non ideo præcisè quod majus & excellentius, solummodo lumen excludat, ut putat Vitellio, sed potius ideo, ut sentit Aquilon. lib. 5. opt. propos. 65. ex accidenti quia scilicet circa luminolum corpus diffusus aër luminis quodammodo est particeps, à quo proinde in remotiores ab opaco corpore partes non minima portiuncula derivatur, qua cum viciniore destituantur, inde magis obtenebrescent. Sit enim luminolum  $AB$  corpori opaco  $CD$  æquale sitque umbra perfecta id totum quodquod radiis  $CE$  &  $DF$  continetur: circum verò luminolum sit aër diffusus  $GH$ , hic quoniam tum propter ingenitam aliquam densitatem, tum propter vapores quibus distenditur portiunculam aliquam luminis retinet, ejusque particeps sit spatium  $CEK$  &  $DFK$ , perspicue colligitur remotiores partes  $CEK$  &  $DFK$  minus quam  $CKD$  obumbrari: nam  $CEK$  &  $DFK$  spatium nempe intimam umbram  $CKD$  circumcingens solo lumine directe in corpus opacum incidente destituitur, non autem illo quod aër circumfusus profundit: ut  $CKD$  utroque privatur.




## PROPOSITIONES DE LUMINIS TRAJECTU.

### PROPOSITIO I.

*Lumen per angustum foramen in obscurum locum intromissum radiis in foramine decussatis intus propagatur.*

Ratio est, quia radii à quolibet lucidi puncto profluunt secundum lineas rectas, hinc quia foramen est minus, quàm objectum lucidum foris positum, ut illud per tantillum foramen transeat, fieri nequit nisi per radios rectos in ipso foramine mutuis sectionibus decussatos: ex quo deinde fit, ut situs totius objecti lucidi in opaco corpore interjecto eversus conspiciatur.



Sic lumen  $AB$  per angustum foramen  $C$  intromissum radiis  $AC$  &  $BC$  in puncto  $C$  intersectis, & decussatis deinceps rectis  $CD$  &  $CE$  propagatur.

Corol.



## Còrollarium.

Hinc sequitur duplices conos seu pyramides luminosas in ejusmodi trajectu per angustum foramen exoriri. Unus conus erit directus, qui basin habet in ipso objecto luminoso, apicem verò in puncto intersectionis seu decussationis C ut conus A B C; alter verò in puncto eversus, qui basin habet in opaco intersecto ut D E apicem verò in eodem puncto C.

## PROPOSITIO II.

*Luminis per angustum foramen in obscurum locum intromissi perimetris tantò erit major in opposito intus opaco, quantò hoc à foramine magis dimovetur, & tantò minor quantò vicinius opacum foramini collocatur.*

Patet ex natura radiationis, quæ ut ex præc. colligitur in modum conici vel pyramidis propagatur. Sic in præcedentis propositionis figura perimetris luminis intromissi erit major in D E quàm in H I, quia D E magis removetur à puncto intersectionis C; & perimetris L K posito opaco plano in eodem loco viciniori ipsi foramini & intersectionis puncto G minor est perimetro I-H & multo minor quàm D E.

## PROPOSITIO III.

*Lumen à puncto Lucido per orbiculare foramen trajectam conici figuram, per multilaterum sive polypleurum verò foramen transfusum pyramidis figuram induit.*

Sequitur ex natura radiationis: nam quia à puncto velut centro radii profluunt in orbem, & ii solum intrant, qui à puncto lucido intra foraminis peripheriam prolabantur, ejusque ambitu velut basi continentur: prout igitur foraminis ambitus fuerit rotundus aut angulosus seu multilaterus etiam lumen immissum conformabit. Unde punctum lucidum est vertex, & foramen est basis quædam media, quæ lumen in trajectu ad certam formam pro hac vel illa foraminis figura conformat: sequitur igitur quia foramen circulare seu orbiculare cum fuerit, lumen rotunda illa figura in conici formam conformatum transfundi: & si foramen fuerit polypleurum ipsum lumen tali ambitu conceptum pyramidis forma conformatum trajici.

## PROPOSITIO IV.


*Lumen ab uno individuo puncto per foramen transmissum in eadem distantia ab opaco plano exceptum æquè impensè nitet: à pluribus autem punctis vel integro corpore lucido profusum intus circa medium impensius quàm in ambitu vel extremitatibus nitet.*

Ratio prioris partis est: nam quia luminis augmentum oritur à plurium radiorum concursu, lumen verò ab individuo puncto prolapsum per amplum licet foramen transmissum indirecte oppositum planum trajectum cum tantum singulis punctis plani oppositi singulos radios apponat, nec plures aut pauciores, fit ut totum planum oppositum in omnibus suis partibus æquali lumine perfundatur. Deinde quia & propinquitas ad luminis augmentum facit in eadem distantia ut ponimus, cum planum opponatur, æquè omnes partes erunt propinquæ, ideo non videtur, cur una pars auctiori quàm altera lumine perfundatur. ergo &c.


Ratio posterioris est, quia ut supra cap. 2. ax. 2. hujus dictum illud magis illustratur, in quod plures radii luminis incurrant. Cum igitur in medium plures radii incurrant, quam in alias partes maximè exteriores sequitur & impentius nitere lumen circa medium, quàm circa ambitum seu partes externas. Sic medium C K D impensius illustratur, quod scilicet omnium partium luminosi corporis radios excipiat: quare G H portio obversi plani apprimè illustratur. Hinc verò deinceps versus E & F quò longius proceditur, eò semper planum E F illuminatur minus, siquidem puncta à G & H remotiora pauciores radios à luminoso recipiunt, quousque tandem in E & F solum imperfecti luminis decrementum terminetur. Quod palam fiet, si in eodem schemate inter puncta

G &amp; E






G & E signetur punctum aliud quodcunque M, ab eoque per foraminis extremitatem D ad luminosum corpus recta ducatur M L, erit namque L M extremus radius eorum omnium, qui à portione luminosi corporis B L ad signum M pertinent: quare nullus à portione L A ad signum M radius luminosus affulget: quo circa non æquè lumen participat M atque G minusque E quàm M quippe E solius puncti B radium suscipit. Atque ita de cæteris punctis à G versus E: item ab H versus F remotiora existant; pauciorè semper lumine ad illa prout remotiora fuerint derivato.



## PROPOSITIO V.

*Radii qui ab extremitatibus corporis luminosi per oppositas foraminis extremitates procidunt, inter foramen & corpus luminosum se mutuò secant.*

Sit luminosum A B expositum foramini C D per cujus oppositas extremitates C & D ab extremitatibus luminosi A & B decussati procidunt radii A C & B D: dico radios A C & B D inter foramen & corpus luminosum in puncto scil. E se mutuò secare. Nam radii A C & B D cum utrâque dimetiente foraminis scilicet D C & luminosi corporis A B constituunt duo triangula se mutuo adversis mucronibus respicientia ut A E B, & C E D, quorum bases A B & C D cum maximè distent necesse est ipsos vertices inter utrumque medios existere. Est porro radiorum A C & B D intersectio in E communis utriusque trianguli vertex, illa igitur inter foramen & corpus luminosum cadet, quod erat demonstrandum.



## Corollarium I.

Hinc patet quod si corporis luminosi A B atque foraminis F G dime-  
N tientes



tientes fuerint æquales, erit E punctum intersectionis seu vertex amborum triangularum exactè medius; quod si major fuerit luminosi dimetiens foraminis dimetiente uti AB est CD erit punctum intersectionis E propius foramini CD. Si verò dimeties luminosi AB minor fuerint dimetiente foraminis HI, erit E intersectio radiorum luminoso propinquior.

### Corollarium II.

Hinc etiam patet quod lumen illapsum plano post foramen directè in quacunque distantia obverso ambitu foraminis semper sit majus. Nam quia radii in E se intersecant, inde digressi semper magis & magis divergunt, ac per modum conii seu pyramidis semper amplius dilatantur quousque in opaco plano intus opposito terminantur. Ut videre licet in figura si CD ponatur esse foramen, & FG planum oppositum erit luminis FG ambitus ipso foraminis CD ambitu majus.

### Corollarium III.

Hinc patet tertio, quod si pari etiam intervallo à foramine distent, hinc corpus lucidum, illinc directè planum oppositum, erit lumen plano exceptum corpore luminoso majus. Nam quia radii à luminosi extremitatibus ante foramen, se mutuo intersecant per 15. prim. Eucl. erunt anguli AEB & HEI æquales: & ex hypothesi quia planum directè opponitur ipsi luminoso, erunt etiam angulus A æqualis ipsi I, & angulus B æqualis H per 29. primi Eucl. ergo per 4 sexti Eucl. quia æquiangula duo triangula AEB & HEI, etiam latera quæ circa æquales angulos erunt proportionalia, & homologa erunt latera quæ æqualibus angulis sub-tenduntur: ut igitur AE ad AB sive IE ad IH sed IE major est AE. Nam quia ex hypothesi ID æqualis est DA & DA major est AE per axi. 9. prim. Eucl. erit etiam ID per communem notionem major AE, ergo adhuc multo major erit IE ipsa AE. quapropter per 4. sext. Eucl. etiam IH erit major AB. Itaque lumen exceptum plano opposito in IH erit majus ipso luminoso AB in facta hypothesi quod erat demonstrandum.

### Corollarium IV.

Patet quarto, formas per foramen transparentes inversas videri & rebus subinde æquales, alias majores & minores existere.

### PROPOSITIO. VI.


*Et si lumen totum per foramen quaecunque transmissum semper ipso foramine majus sit; perfectum tamen lumen in oppositum intus planum per idem foramen transmissum ab æquali luminoso æquale est, à majore minus: & à minore majus.*

Prior pars patet ex coroll. 2. præced. -- posterior inde patet: nam quia perfectum lumen juxta defin. 8. cap. 2. hujus Synt. supra dicitur illud, quod ab omnibus partibus luminosi procedit; ab omnibus autem partibus in luminoso per foramen ipsi æquale semper lumen per modum cylindri transfunditur, etiam lumen perfectum intus in opaco opposito exceptum erit æquale luminoso, ut vides in figura ubi luminosum AB æquale foramini CD perfectum lumen collocat in opposito plano in EF æquale ipsi foramini & luminoso. Cum deinde luminosum erit minus foramine, quia lumen constans radiis ab omnibus luminosi punctis per foramen latius diducitur, & dispergitur, ac per modum calathi transfunditur, erit tunc lumen intus in opaco opposito exceptum majus ipso luminoso. Sic si luminosum sit NO erit lumen perfectum intus exceptum PQ. Quando autem luminosum ponitur majus ipso foramine, quia lumen ab omnibus luminosi partibus radiosum in conii modum convergit, & congregatur, erit etiam lumen perfectum intus exceptum minus ipso luminoso. Sic si luminosum sit, GH, erit perfectum lumen intus IK luminoso minus. Aliam horum demonstrationem vide in Aquilo. lib. 5. opt. propo. 92.

FIGURA. VIII.



## FIGURA VIII.



## Corollarium I.

Hinc patet perfectum lumen in obscurum locum per foramen trajectum à radiis indecussatis provenire; imperfectum autem à radiis quomodocunque ante vel post foramen decussatis.

## Corollarium II.


Si luminosum majus sit foramine, & planum obversum longius à foramine dimoveatur, fieri potest, ut perfectum lumen illud non attingat. Nam quia lumen tunc convergit & in unum punctum velut terminum coit, si planum post illud punctum collocetur, perfectum lumen eo non pertinget. Sic polito luminoso majore GH lumen perfectum terminatur in L: Si itaque post L ponatur planum oppositum nullo perfecto lumine perspicuum fiet.

## Corollarium III.

Hinc patet quomodo, si lumen per plura transeat foramina, lumen perfectum ab imperfecto secernatur, adeoque nitidius lumen excludit debiliore imperfecto transfundatur: nam quia circa medium semper perfectum lumen existit, & imperfectum circa ambitum, quo plura ordine foramina transit, exterius lumen seu imperfectum, quod à radiis decussatis provenit, tantò amplius arcetur & excluditur solo perfecto liberè progressu. Ut patet in figura, ubi luminosum AB projicit lumen perfectum radiis ACEG in I & BDFH in K: imperfectum autem quod radiis trajicitur Aac, & B ab, decussatis in a excluditur à foramine EF; similiter lumen A d e & B d f radiis provectum in d decussatis excluditur à foramine GH: etsi IK etiam sit foramen, lumen quod radiis Ahg & BKh in K decussatis prolapsu per IK transfundi prohibebitur. Unde quò plura foramina transit lumen, intus locus eò magis obscuratur. Cùm imperfectum lumen, quod ad latera aliàs solet impingere; ab ingressu arceatur, nitidius verò perfectum secreto &




FIGURA IX.



secluso imperfectiori immittitur, & quia umbris obscurioribus immersum, eò magis redditur perspicuum.

FIGURA X.



## PROPOSITIO VII.

*Lumina quorumcunque corporum lucidorum per idem foramen quantumvis parvam distincta penetrant nec permiscantur.*


Sint tria luminosa A B C, quæ lumen per foramen D in oppositam tabulam E F G transfundant: concurrent quidem omnia lumina simul in foramine D, sic tamen ut non permisceantur, sed distincta penetrent, ac singula proprio tramite pergant, A quidem in G; B in E, & C in E. Quare sublato luminari A cessat intus in op-



in opposito plano lumen G; & obducto B, tollitur F; & prohibito C, abscedit E absque ulla reliquorum luminum noxa aut diminutione. Igitur tria lamina, cum in D conveniunt, distincta penetrant, ac unumquodque propria integritate servata suam carpit viam, & recto pergit tramite. Nec absque ratione, nam

FIGURA XI.

Fig. XI.



quia lumina rectis lineis deferuntur, ut Optici omnes docent, & ipsa experientia demonstrat, impossibile est ea commisceri: nam ut commisceantur necesse est, ut se invicem mutuo invadant: id autem fieri nequit, nisi à recto tramite deflectant, aliàs enim unumquodque suo loco remaneret, nec posset alterius sedem occupare, quare nec permisceri. Deinde distincta lumina non aliter se habent, ac radii à distinctis luminosi ejusdem partibus prolapsi, sed hi non permiscuntur, ergo nec lumina; est enim eadem ratio: nam ita agunt duo luminaria distincta, quemadmodum duæ unius luminaris partes, quod omnibus homogeneis commune est: nihil siquidem interest, sintne conjunctæ luminosi partes, an verò solutæ. Igitur lumina quorumcunque corporum lucidorum per idem foramen distincta, penetrant: quod erat probandum.

### Corollarium.

Hinc patet quomodo coloratorum etiam corporum simulacra distincta per angustum foramen in obicurum locum transferantur, ibidemque imagines objectorum extrapositorum distinctè cum omnicolorum apparentia præsententur, inversæ quidem, cum, ut in figura patet, quodlibet lumen directo tramite foramen intret, idemque iter intus rectum continuet donec in opposito plano terminetur.

### PROPOSITIO VIII.

*Quantò foramen, quo lumen in obscurum locum intromittitur, majus est, tantò pluribus in eodem punctis radii decussantur, & plures eversa pyramides in unam intus communem superficiem ordinantur: è contra quantò foramen minus, tantò paucioribus punctis radii decussantur, paucioresque eversa pyramides in eandem superficiem collocantur.*

Ratio est, quia in quovis foraminis puncto decussatur integra totius objecti luminosi forma, ita ut quodvis foraminis punctum sit vertex communis duarum pyramidum unius scil. directæ, cujus basis est in superficie luminosi, & alterius eversæ, cujus basis est in superficie opaci interjecti cursum radiorum præci-



dentis: propterea quia omnia objecti lucidi puncta radiant in orbem, necessario igitur in quovis puncto foraminis radiorum aliquorum concursus continget, ut patet supra ex coroll. propos. 5. cap. 2. unde interfecabunt se, ac duplices pyramides directæ & eversæ provenient. Tot igitur pyramides eversæ in opacum interjectum dirigentur, quot sunt intersectionum puncta; & quoniam in majori foramine plura, ideo etiam plures pyramides eversæ intus collocantur.

Notandum tamen, quod licet in communi superficie opaci obversi omnes illæ pyramides bases suas collocent, non tamen ad easdem partes, ut basis uniuscujusque alterius basi congruat, sed prout puncta in foramine differunt, etiam bases suas intus distrahent, & distendent, sed hoc ipsum melius patet in figura.

Sit objectum luminosum A B, quod radiet per foramen majus C D: in puncto itaque imprimis C erit concursus radiorum A G & B F, & C erit vertex duarum pyramidum unius A C B directæ, & alterius F C G inversæ, quæ inversa collocat basin in superficie oppositi plani in parte F G. Item in puncto intersectionis E, ut vides in figura, erit vertex duarum pyramidum A E B directæ, & H E I inversæ: quarum hæc basin format in parte H I. Iterum si cogitetur punctum foraminis D, ibi quoque verticantur pyramides duæ, A D B recta, & K D L inversa: locus basis inversæ erit in oppositi plani parte K L. Atque ita de reliquis punctis in foramine discurrendum. Unde patet, quod licet in communem superficiem omnes inversæ pyramides suas bases collocent, non tamen ad easdem partes, sed quod hinc atque illinc distrahantur, adeoque invicem confundantur. Vide figuram.

FIGURA XII.



Fig. XII.

## Corollarium I.


Hinc patet I. cur majus foramen in obscura camera impensius quidem lumen, & lucidiorem objecti imaginem, sed perturbatiorem, magisque confusum in opaco obverso exhibeat, è contra minus foramen lumen obscurius, sed imaginem objecti forinsecus positi ordinatiorem intus & distinctiorem repræsentet. Nam quia quodvis luminosi punctum secundum capacitatem totius foraminis in opacum planum intus oppositum se diffundit; hinc si magnum est foramen, plures radii à quovis puncto transfunduntur, & plures radiosæ pyramides in superficiem oppositi plani bases suas ordinant, quo fit, ut quidem lumen sit impensius, ipsæ



ipsæ autem bases pyramidum inversarum magis distrahantur, adeoque una alterius ambitum ingredatur, unde perturbatio & confusio necessario oriri debet, præsertim si objecti foriensecus positi & irradiantis partes homogeneæ non fuerint. Quando autem minus est foramen, ac instar unius tantum puncti aut duorum existit, tunc neque diversorum objecti punctorum in eandem partem corradatio (cum non nisi unus aut alter tantum radius à quovis puncto immittantur) neque pyramidum inversarum ab iisdem punctis profusarum in diversas partes distractio possit accidere; hinc lux quidem minor in pictura seu imagine, sed major luminosi præcisio, ordinatio, & distinctio obtinetur. Sed de hoc infra.

### Corollarium II.

Hinc patet II. quare si inter objectum luminosum & foramen loci obscuri propè ipsum foramen lamella aut aliud quodcunque opacum corpus ex una aliqua parte apponatur, sicque ipsum foramen arctetur, tota irradiatio intus in opposito plano excepta nonnihil obfusceretur, ipsaque imago nonnihil contrahatur. Nam quia in quovis puncto foraminis decussatur totius objecti luminosi forma, ita ut punctum quodlibet foraminis sit vertex communis duarum pyramidum directæ scil. & inversæ ut dictum prop. 8. hujus. Jam quando vertex istarum pyramidum ab aliquo opaco intercipitur, radiorum eversorum rursus inciditur, ac necessario illorum lumen in opaco intus plano opposito aboletur. Constat enim ut lux à luce superaddita augetur, ita ex ablata jam imminuitur. Quare si ejusdem integræ pyramidis eversæ aliqua radiatio sistitur, necessario augmentum luminis in opposito plano deficit. Ita sit objectum luminosum  $AB$ , foramen  $CD$  constans aliquot punctis, fiatque totius objecti luminosi alia radiatio ad  $C$  alia ad  $D$ : sintque pyramides directæ  $ACB$ ,  $ADB$ ; eversæ  $ECF$ , &  $GDH$ . Item sint aliæ duæ pyramides directæ  $AIB$  &  $AKB$ : eversæ verò  $EIH$ , &  $GKF$ . Si itaque vertex communis  $C$  ab opaca lamella insidetur, deficit pyramis  $ECF$ ; & si vertex  $I$  aboletur, extinguitur  $EIH$  pyramis: si  $C$  &  $I$  simul tolluntur, evanescunt tot eversæ pyramides, quot inter  $C$  &  $I$  possibilia sunt puncta. Hinc itaque facile obscuratio residuæ picturæ  $GKF$ , ejusque sub incisione trepidatio, nec non contractio intelligi potest: Etenim quando lamella punctum  $C$  extremitate sua contingit, continuo intercipitur tota pyramis  $ECF$ . & sic communi portioni tantum decedit, quantum pyramis  $ECF$  habuit. Quòd, si lamella ultra  $C$  progrediatur versus  $D$  statim imminuetur basis  $EH$ , ex  $E$  incipiendo versus  $G$ , donec lamella proximè ad  $D$  pervenerit: tunc enim lucebit sola pyramis  $GDH$  distinctè quidem, sed non impensè, quia basim suam  $GH$  sola absque alterius consortio constituit. Quod si lamellam extra foramen inducas in axem ejusdem ad punctum  $I$ , auferetur pyramis  $EIH$ , remittereturque speciei vigor & magnitudo, quæ procedit utrinque ex  $E$  versus  $G$  & ab  $H$  versus  $F$  deficiet.



PORISMA.



## P O R I S M A.

*De Majori & impensiori collustratione corporum.*

Impensior  
collustra-  
tio fit ob  
4. causas.

**E**X iis, quæ de Lucis & Luminis natura per diversa capita tractavimus, facile licet colligere obvia quævis corpora quatuor præcipuè de causis impensius illustrari: vel propter lucidi collustrantis magnitudinem, vel ob ejusdem propinquitatem, vel propter fulgoris excellentiam, vel propter directum radiorum incursum. Nam quoad primam, certum est, quo uberius est luminis profusio, illic amplior est objecti corporis illustratio, at à majore luminari major radiorum affluentia profunditur: impensis ergo majus luminare rem quæcunque propositam illustrabit. Luminare siquidem majus plures habet partes à quibus cum singuli radii procedunt, consequens est ut major luminis profluxus devivetur unde major illustrationis effectus.

Secunda per se patet, cum enim quò longius lumen provehitur, eò semper deficiat magis, sensimque languescat; quò itaque propinquior erit suæ originidefluxus luminis, eò lumen erit magis illustre; corpus itaque propinquius luminis impensius illustratur.

Tertia patet ex ipsa causæ essentia: etenim omnis effectus suæ causæ naturam æmulatur, tantumque accipit, quantum illa suapte vi potest: at quia lumen auctius ipsum quoque est efficacius, igitur quoad luminis apprimè est particeps, exquisitius ea quæ objiciantur illuminat.

Quartam quod attinet, inde cum primis liquet, quia si propius ad normam accedit radiorum illapsus radii minimo spatio à se dissident, adeoque constipatiores sunt, ac consequenter impensius illustant: quando autem obliquius incidunt radii, eo majori intervallo distrahuntur; unde etiam experientia constat, quod charta lucernæ exposita longè clarius niteat ex directo, quam obliquo radiorum illapsu. Item quando opacum illustratum reflectit lumen illud, quod directè incidit in medium ante se constitutum revertitur, quo fit ut lumen ipsi opaco longè excellentius incumbat, quàm dum oblique incidit, tunc enim radii reflexi alio abducuntur, & ad latus discedunt, unde jam minus lumen ipsi opaco incumbit, adeoque minus illustre redditur. Denique radii quò propius ad normalem radium accedunt eò sunt breviores, & quò longius abscedunt, uti in obliquioribus irradiationibus contingit, eò sunt longiores, & consequenter languidiores; nam lucis radii, quò longius provehuntur, eò sensim magis languescunt & debilitantur.

## C A P U T VII.

*De Colore, Quid sit? & quomodo fiat?*

Diversæ  
sententiæ  
de colore.

**P**Rout è subtilissimæ Lucis ac purissimi Luminis scrutinio haud æqua ut supra vidimus provenit omnium sententia; sic & in coloris genesi natura, taliumque studio quisque aliter suum colorat sensum, ut quis verum aut vero similis quid offerat haud mentis sit humanæ cognoscere. Diversas veterum philosophorum sententias de colorum natura commemorat Plutarchus primo de placitis cap. 15. Alexander lib. 1. natura quæst cap. 13. Cæteris omissis Pythagoras, ut qui ad quantitatem & mathematicas rationes omnia referebat, censuit colorem nil aliud esse, quàm ipsam corporis superficiem, eo potissimum adductus argumento, quod cum color sectilem habeat naturam, nec tamen corpus. sit aut linea, necessariò erit superficies; non quævis tamen sed extima, quæ se palam in conspectum eat. Plato verò certum quoddam coloris genus absolute lumen esse dixit, dum eum veluti flammulam quandam fulgoresque è singulis corporibus emicantem partes habentem visui ad sentiendum accommodatas definivit. Quæ sententia etiam placuit Avempaci & Alpharabio, ut videre est apud Averroëm conc. 65. Aristoteles lib. 2. de anima cap. 7. text. 67. de colore sic ait. Color autem  
omnis



omnis motivus est ejus, quod est perspicuum actu, & id est ipsius natura. Aliam ex eodem Lib. de sensu & sensibili; cap. 4. definitionem coloris referunt Auctores, quod color sit extremitas perspicui in corpore terminato. Sensus est: quod color sit visibile existens in corpore terminato & opaco non potens movere visum, nisi sit in extremitate perspicui in actu, hoc est, luminis. Aristotelem sequuntur communiter auctores & dicunt colorem esse qualitatem in extremitate corporis terminati seu opaci, quæ perspicuum tangit non per inhærentiam, sed per qualitativam contingentiam. Avicenna & Albertus putant colorem materialiter esse dispositionem quandam ad suscipiendum lumen ex permissione in corporibus ortam; formaliter autem ipsum lumen ut alio atque alio modo terminati corporis superficiei admiscetur; itaque nocte & in tenebris colores in corporibus non esse nisi materialiter, formaliter tunc solum cum adest lumen.

Porro ex Recentioribus plures colores nil aliud esse docent, quàm lucem diversimodè opacatam aut inumbratam, ut vult Kircherus de lucē & umbra vel variè reflexam aut refractam, cum scilicet lux ad objecta opaca quæ asperas nacta superficies innumeris porulis ac eminentiis prædita nunquam aliter atque aliter lucis radios impactos reflectunt, aut sub ingressos retrin-  
gunt: inde verò cum gyris & verticibus, dum in oculum reflectuntur, diversimoda colorum phænomena apparere faciant. Ita Kenelmus Digbæus tract. 1. cap. 29. Ubi singulorum colorum genesim ex diversâ superficierum constitutione describit. Sed placet hic clarissimi Viri Thomæ Willis hanc eandem sententiam lib. de ferment. cap. 15. stylo suo politissimo describentis verba ipsa adducere: sic enim ait:

*Cum lucis radii à corpore luminoso recta pergunt sine coloris aut cuiusvis imaginis apparentia medium solummodò diaphanum sive lucidum constituent. Cum iidem radii corpori solidiori occurrunt, haud recta pertranseunt; sed vel refracti immerguntur, vel denuò reflectuntur, & resiliunt, velut cum pila in parietem projecta motu continuato in alias partes juxta incidentiæ angulos repercutitur. Lucis radii ab aliis corporibus reflexi inque oculum illapsi rerum visibilium imagines & colorum varietates representant. Cum enim corporum visibilium sint asperæ superficies porulis & eminentiis innumeris prædita: hinc lucis radii densissime iisdem impacti & ab omni parte juxta omnes inclinationum & directionum modos reflexi quousque pergunt, circumquaque in conorum apices quàm plurimas coeunt, in quibus radii à toto objecto, velut basi prodeuntes totius imaginem sive simulachrum referunt. Atque hujusmodi imaginibus medium undiquaque est confutum ut ubicunque ponatur oculus, ejusdem rei licet non prorsus eodem modo, imaginem cernat. Quatenus verò ejusdem lucis radii cuilibet corpori impacti & circa superficies ejus asperas & inæquales variè refracti & distorti; inde in oculum velut cum gyris & verticibus reflectuntur, diversimoda colorum phænomena apparere faciant. Enimverò colores & rerum imagines ex sua natura non existunt, sed velut spectra tantum aliunde scilicet ex radiis lucis apparitiones suas mutuuntur. Cum nox obscura inferiori huic mundo tenebras altas inducit, res, nisi quod factum percipiuntur, phasēs suas omnino amittunt: quando sol hemispharium revisit, nova prodit rerum creatio, & tota simul Atmosphæra multiplici & subita progenie scilicet infinitis corporum simulachris & colorum apparentiis oppletur itaque lux haud tantum illustrat medium, ut visio peragatur, uti nonnulli volunt. Verum & ipsa creat visus objecta eademque in oculi penetralia imò ad intimos cerebri recessus introducit, &c. Sic ille.*

Recentiores de cent coloribus nati esse quàm lucem.

Thomæ Willis sententia de colore.

Ex quibus intelligis, quomodo colores supposita lucis corporeitate pro  
diversa



diversa lucis reflexione in superficie solidiorum corporum & refractione in rari-  
rioribus diaphanis enascantur.


Natura  
coloris  
juxta Hen-  
ricum Re-  
gium.

Henricus Regius in fundam. Physic. cap. 12. quem supra quoque dum lucis habitudinem ad occursum corporis opaci exponeremus, secuti sumus, coloris naturam & genesis ita describit: *Color est luminis-secundum globulorum ejus aethereorum processus & circumvolutionis proportionem modificatto. Dum enim radii luminis à re lucida propelluntur, globuli illi aetherei, qui radios istos constituunt, vel aequaliter vel inaequaliter diversa proportionem ob variam corporum occurrentium constitutionem protruduntur, & circumvolvuntur. Atque ex illa varia eorum processus & circumvolutionis proportionem omnes modificationes Luminis, sive colores originem ducunt. Hec modificatio oritur vel ex sola radiorum reflexione, ut fit in radiis à corpore aliquo opaco reflexis; vel à refractione sola, ut in prisma vitreo, vel reflexione & refractione simul, ut fit iride & nubibus.*

Quomodo autem talis modificatio lucis secundum dictos processus & proportionem circumvolutionis globulorum æthereorum contingat, subdit exemplum in vitreo primate trigono hoc modo.

*Sit prisma MNP fulcro perforato DP incumbens, radii solis ABC in superficiem istius Prismatis ad quadraginta vel triginta gradus inclinatum. MN perpendiculatiter incidentes penetrent obliqui ad alteram ejus superficiem NP circa foramen DE ex. grat. unius pollicis latitudine patet, & umbram circa foraminis utramque partem D & E radius transeuntibus DF, EH, exhibet: certum est per experientiam radios oblique per foramen illud ex vitro in aërem tum transeuntes retractum iri, & ad superficiem albam HGF provenientes ab H usque ad F varios colores hoc ordine ibi exhibituros Primo loco circa H colorem caruleum & violaceum; Deinde viridem; tertio seu medio loco circa G album; quarto flavum; quinto circum F rubrum.*

FIGURA XIII.



**Sed**



Sed ut hujusmodi colorum genesim ritè ad mentem Auctoris percipias, adverte, duos esse motus in globulorum processu, unus est ipse motus rectus seu processus per lineam rectam, qui tamen in præsentì casu ob diaphanum trigonum refringitur: alter motus ipsorum est circularis, quo in processu continuo circumvolvuntur, unde & circumvolutionis motus dicitur. Jam quod dictos colores attinet: eos scilicet variari, nec eosdem similesque ad PHGF appellere causa est, quod globuli dum incidunt in prisma N M P ad sinistram D N umbram faciunt continentem globulos æthereos tardè motos secundum processum, per lineam rectam & celeriter motos motu circumvolutionis, contra ad E vel versus E P contrarium contingit, uti globuli ætherei motu processus per lineam rectam celerius protruduntur, motu verò circumvolutionis retardato. Et hoc ipsum sic ostenditur, si cogitetur globulus 1. 2. 3. 4. ab V in superficie aquæ Y Y obliquè versus X descendere, eamque puncto suo 3. contingere: dum itaque latere suo 3. superficiem illam primò contingit, non nihil retardatur, manente eadem celeritate in globuli parte 3. & hinc necessario, secundum ordinem characterum 1. 2. 3. circumrotatur, eaque circumrotatio multò celerior evadit, quam ejus progressio: Maxime si globulus S tardius ipso motus circa partem globuli 3. 2. ipsi subjectus ipsius progressum retardet. Globulus verò Q supra ipsum circa partem 4. 1. circumrotatus & celeriter motus ipsum vehementius propellat: atque ita ejus circumrotationem progressu multò celeriore efficiet: contingit itaque hoc modo, quò ad D N motus circumvolutionis globulorum celerior sit motu progressus in directum.

Contrarium verò contingit ad E P: Nam dum globuli illi qui sunt circa E versus E P habeant umbram, in qua globuli ætherei tardius moventur & à sinistra versus D N, quia ut dictum globuli ætherei celeriter moventur; ideò multò tardius circum centrum suum ab ista parte circumvolvuntur, quam ad lineam rectam, idque eo planè modo quo globulus 1. 2. 3. 4. ab V in superficiem aquæ Y Y obliquè versus X descendens eamque puncto suo 3. primo contingens valde tardè se secundum ordinem numerorum 1. 2. 3. 4. circumrotat, si à parte 1. subjectum habent globulum R tardius ipso motum, & eo hujus rotationem impedientem; à parte vero 3. ipsi sit oppositus globulus T, qui celeriore ipso habeat motum, ita atque globulum, 1. 2. 3. 4. secundum ordinem prædictorum numerorum se rotare conantem celeriore suo motu retineat, atque ita ejus circumvolutionem progressu multò tardior reddat.

Unde intelligis quod quo luminis radii per foramen D E transeuntis magis ad umbram sinistram D accedunt tantò major sit ejus globulorum motus celerior in circumvolutione, tardior verò in progressionè: quanto vero magis accedunt ad umbram dextram E radiorum globuli tardius circa centrum volvuntur, & celerius ipso motu circumvolutionis procedant per lineam rectam. Item quod si globuli qui in medio istius luminis circa G existunt, retardationem & accelerationem circumvolutionis ab umbra dextra & sinistra accipiant, atque ideo æquales circumvolutionis & secundum lineam rectam progressionis motum habebunt.

His ita explicatis singulorum colorum productionem & ortum, ortusque causam in ejusmodi diversorum motuum ad invicem habitudine & proportionè sitam esse asserit. Quando in appulsu radiorum luminis æqualis æthereorum globulorum motus circumvolutionis cum motu progressionis eorundem secundum lineam rectam contingit, fit color, uti pingitur ad G. Albus igitur color, nihil aliud est, quàm

Singuli  
colores  
quomodo  
fiant.



luminis modificatio, in qua globuli ætherei æqualiter circum volvuntur, circa centrum proprium, & æqualiter procedunt secundum lineam rectam.

Ruber color qualis est circa D, est luminis modificatio, in qua globuli ætherei multò celerius circumrotantur, quam procedunt.

Flavus, qualis pingitur paulò remotius; est luminis modificatio, in qua globulorum circumrotatio est paulò adhuc celerior quàm processio.

Cæruleus ut videtur circa H oritur à globulis tardius circumvolutis quàm ipsi procedunt.

Viridis qui paulò remotius ab H videtur versus G à circumrotatione globulorum quæ processu paulò priori est tardior.

Violaceus qui prope cæruleum spectatur supra H & ad naturam rubri accedit ex eo oritur quod quidam globuli luminis, ibi in tardos umbræ globulos inclinando impingentes, atque ideo illuc sese rotare nequeunt per resultum rotationem in contrarium faciant: neque ita à globulis vicinis ab altera parte eos exteriori motu in sequentibus celerius circumrotentur, quam procedant.

Nigredo quæ inter colores etiam numerari solet, est certa dispositio insensibilium partium corporis, à qua impulsorum globulorum æthereorum motus sistitur: atque hoc patet ex tenebris, & profundis foraminibus, quæ ideo nigricant, quia nulli ab illis radii resiliunt.

Difficultas maxima in colorum quorumlibet causis assignandis.

Hinc collige, quanta sit difficultas coloris naturam tum perscrutandi, tum originem ejusque varietatis causam assignandi: quàm implexum, & intricatum negotium aliquid saltem philosophicè concipiendi, conceptum verisimiliter proponendi: quanta inter plerosque sapientes sentiendi diversitas, ut meritò hic illud Aristotelis 2. Metaphy: cap. 1. dici possit.

*Quemadmodum vespertilionum oculi se habent ad lumen diei; ita intellectus animæ nostræ ad ea, quæ omnium sunt manifestissima: profectò nihil manifestius est coloribus, quos ubivis, quotidie, omni tempore contuemur, aspiciamus, iisque oblectamur; quid tamen sint unde proveniant, unde eorum tum grata venustas, tum magna varietas, hic in ipsa luminis præsentia tenebris obvolvitur, & cæcutimus.*

Veruntamen cum communis hic naufragii locus sit, & vadum periculis plenum, faciliusque nihil sit, quàm syrtes incurrere: patieris saltem & ratem mentis meæ, priusquam ad scopulos umbrarum elidaris, conceptus meos ex parte exonerare, ut quid putem dici posse supposità etiam lucis corporeitate, quid colores sint, quæ eorundem genesis, propago, varietas, ipse pervideas, sequens caput mecum ingredi.

## C A P U T VIII.

*Quid verius colores sint, quæ eorum genesis & propago asseritur.*

Quod color sit effluvium ignis elementaris in mixto &c.

**E**Xistimo, verius dici posse colorem esse simile effluvium ( prout de luce diximus ) ignis elementaris in mixto à commixtorum elementorum umbris tinctum, & ab ætherei ignis actione luminosa suscitatum, qua momento in orbem quaquaversus extenditur. Sicut enim lucis radii ab igne æthereo, hoc est, ignea lucis substantia perpetim dimanant ( unde lux quasi solis ignei color dici potest ) & quaquaversus in orbem diffuunt, suoque effluxu luminoso rectis lineis velut à centro ad circumferentiam exporrecti usque in magna congerie corpusculorum minutissimè divisorum quaquaversus expanduntur, totumque inter sphaeram activitatis suæ spatium luminosa radiatione complent. Sic ignis elementaris qui in mixtis opacisque corporibus residet simile effluvium parat, quod etsi de se tenue, & debile admodum pro majori minorive ignis quantitate, ut vi aut indole propria emergere nequeat, cum intus aliorum elementorum crassiusculis particulis, & non sine renitentia quadam



quādam una colligatis arte compressum, prout illarum fæculenta, crassa & opaca plus minusque hypostasis fuerit, constringatur: aptum tamen & in motum promptum, utpote ab igne activo elemento genitum, facileque ad effluxum stimulatū egreditur, unaque ex umbris opacarum aliarum elementarium particularum tinctum cum sine aliqua violentia abstrahatur varios ita Chromatismos, rerumque simulachra oculo quovis loco constituto apparere facit.

Quod verò lucis æthereæ appulsu effluvium hoc colorigerum tam subito & expedito officio exhibito foras producat, ut expansione sua spatium liberrimum amplissimumque amplectens aërem amotis intrinsecè: in mixto obstaculis citissimè subeat. Hoc non tam ignearum particularum genio, quo fœculentioris terræ utpote inimicæ & destructivæ particulas naturaliter fugiunt, quàm ipsius lucis amicæ similisque naturæ radiationi plus activæ utpote à majori & puriori ignis substantia derivatæ adscribi debet: Cum dicente Platone & Aristotele unum quodque naturaliter affectet id à quo perfici, refugiat verò id à quo destrui possit. Et juxta communem in ore omnium sententiam, cum simile simili gaudeat, ac Natura natura delectetur, ut dicebat Democritus: Hinc ignis æthereus cum elementari sibi simili gaudens non tantum amico libenter confortio jungi petet, sed etiam cum quæ sub eodem genere sunt, apta sunt ad se mutuo afficienda, ita ignis ille cœlestis effluviis lucis emanatis ad ignem in corporibus opacis, quæ ut dictum ex 4. elementorum commixtione cohærent, ad similes emanationes, dilatationes, & difflusus afficiet, amico suo complexu provocabit, adjuvabitque. *Lis enim & amicitia maximi sunt stimuli motuum in Natura, & claves operum, hinc corporum unio & fuga:* ajebat Ceber.

Accidit ferè res ista haud aliter, quàm solet in pulvere pyrio nitrato, qui pro bellicis tormentis adhibetur. Hic enim pulvis granulatus videtur nullius virtutis, aut efficacis dum interim tamen ignis particulis non otiosis sed exaltatis, in motum promptis turgat. Et quia corpuscula sulphurea terreis carbonum, salinisque nitri obvoluta, & velut arte compressa usque emicare nituntur, verum intus constricta vi aut indole propria emergere nequeunt: quàm citò autem corporis alterius sulphurei, seu ignei scintilla, ignisque modici favilla contigerit, statim referatis claustris, & effracto carcere cum impetu profiliunt, & latissimum aërem subeunt, sic ut minimum granulum in accensione dilatatum quinies milies majorem se prius in accenso locum occupet; ut Willibrordus Snellius tradit. Ita colorum causa videtur sopita in opacis dum lucis æthereæ alteriusve luminis affluxus deest: mox verò, ut quisunque à lucido corpore radius affulserit, momento prodit colorum cohors, inque situm quaquaversus aërem suas phases seu corporum simulachra diffundit. Hoc solum discriminis potest notari, quod in pulvere nitrato accensione facta tota vis pyrobolaria particularis igneis una omnibus in motum concitis, & violenta nimium abstractione à reliquarum partium compage præscindatur; unde durare haud potest, sed continuo evanescit: Aliter autem in colorum apparitione contingit, quæ sicut flamma à suo fomite extenditur, aut instar virgulæ aquarum à fonte dispergitur: Cum nempe particularum effluentium motus continua ferie producat, ita ut quæ primitus abscedunt, ab aliis ponè sequentibus adigantur, donec confertissimæ in omnem partem dirigantur. Tandem cum propè fomitem aut fontem motus succiditur, momento difflusus sistitur & perit. Igitur tenuissimi radii colorigeri ab igne elementari tanquam principali causa in mixto non aliter quàm fomite aut fonte continua dimanatione dependent, nec nunquam prohibentur, nisi cum amoto extrinseco luminari fomes aut fons succiditur. Ubi tunc altis obductis tenebris momento omnis colorum scena disparet, & evanescit. Porro hoc loco non est negligendum inquirere, unde tanta colorum varietas, & mira diversitas sit: pro quo

Notandum I. Tria cum primis in universo corporum genera naturam ordinasse lucida scil. diaphana & opaca: lucida in se continent lumen & de se pro  
O 3 scindunt

Quomodo accedente lumine colores appareant

Explicatur generis colorum à simili.

Vnicum granulum pyri pulveris quantum spatium occuperet si accendatur.

Triagenera corporum in natura







temperie in mixto immediate gignuntur aut quos formæ singulæ speciales propriæ naturæ indices ex se producant. Qui deinde formis à quibus proveniunt, ita adhærent, ut nulla vi è corporum substantia eradi possint; nisi formæ ipsæ una depereant. Talis generis colores sunt albedo in creta & cerussa, rubedo in minio, cinabari & aliis. Flavedo in croco, curcuma; nigredo in carbone, color cæruleus in Indico &c.

II. Genus est illorum quos dicunt intentionales & notionales, suntque velut exuvix quædam ab elementari igne in mixto translucente ope luminis magis illustri prævisæ, & per perspicuum quaquaversus in orbem, quo radii lucis feruntur dispersæ: Nam quemadmodum à corpore lucido per se lumen emanat, ac trans medium Diaphanum fertur, ita ab igne insidente mixto, & coloribus corporeis inde formatis colores alii velut exuvix decidunt, ac luminis ope feruntur, quocunque radii penetrant. Sunt verò subtilissimæ essentix & tenuissimæ, neque diutius perseverant, quam illustrantur ab adventitio lumine: vocantur intentionales seu notionales, quod sint velut imagines rebus visu dignoscendis idoneæ.

III. Genus continet colores phantasticos seu apparentes, inde sic vocatos, quod præter lumen nullam aliam veritatem habere putentur. Conveniunt cum mediis seu secundi generis coloribus, quod perspicuum requirant, ubi contingunt: à primi generis vero, quod aliud nihil sint, quam lux ipsa ipsaque lucis soboles nec unquam à lumine secreti subsistere aut cerni queant. Hujus generis colores apparent in iride, vitris trigonis & aliis: sed quod & hi colores sint veri, dicetur infra.

Alia divisio colorum fit in simplices & compositos, quorum primo sic dicuntur, quod ex ipsis mixtione cæteri manifeste gignuntur: dividuntur rursus in medios & extremos. Hi dicuntur tales quod contrarii sibi atque ad eodè totum ut ajunt diametro distiti: veluti sunt color albus & niger. Ex his albus, quia luci simillimus, imo lux perfecta nobilior est nigro tenebris analogo: medii colores tres sunt, flavus, rubeus & cæruleus, quorum rubeus æquè distat ab extremis, unde perfectè medius est, cæteri non æquè distant.

Compositi colores sunt, qui ex simplicibus inter se commixtis oriuntur: uti ex albo & flavo fit subalbus, ex albo & rubro incarnatus; ex albo & cæruleo aqueus; ex flavo & rubro aureus; ex flavo & cæruleo viridis, ex flavo & nigro fulcus; ex rubro & cæruleo fit purpureus; ex rubro & nigro fit rubeus; ex cæruleo & nigro subcæruleus. Sed melius ad unicum intuitum ordo tum simplicium quàm compositorum colorum patet in sequenti Figura & Tabella compositionis colorum appolita.



## Tabella Compositionis Colorum.

Colores simplices.	Colores simplices.				
	Albus.	Flavus.	Rubeus.	Cæruleus.	Niger.
	Albus.	Subalbus.	Incarnatus.	Aqueus.	Cinereus.
	Flavus.	Flavus.	Aureus.	Viridis.	Fuscus.
	Rubeus.	Aureus.	Rubeus.	Purpureus.	Subrubeus.
	Cæruleus.	Viridis.	Purpureus.	Cæruleus.	Subcæruleus.
	Niger.	Fuscus.	Subrubeus.	Subcæruleus.	Niger.
Colores ex simplicibus compositi.					

Sed hic notandum tres esse compositionis modos, quibus ex simplicibus aliqui componuntur.

Tres modi compositionis colorum  
I. Realis.

I. Modus dicitur realis & fit in ipsa materia, cum nempe materiae coloribus imbutæ inter se commiscetur: hic enim ex ipsis coloribus pariter commixtis unus fit ex omnibus cinnus, quem re ipsa compositum nominamus: uti si auripigmento Indico commiscetur & inferatur, color compositi varius erit, nempe ex flavo & cæruleo mixtus. Item si croco vel auripigmento cinnabarium aut minium commisceas, efficies aureum vel aurantium &c.

II. Intentionalis.

II. Modus compositionis fit in medio pervio aut diaphano, & dicitur compositio intentionalis, cum scilicet colores intentionales in medio congregiuntur. Ut, si picturæ flavæ indicum quod quadamtenus perspicuum est tenui litura inducatur; neuter quidem color re ipsa commiscetur, tamen alter per alterum transpareat. Unde fit, ut in medio perviæ flavæ coloris intentio, quæ Indicum penetravit, cærulei coloris intentioni permixta colorem viridem repræsentet, compositum quidem secundum intentiones non autem re ipsa. Idem evenit cum crocus aut curcumæ radix cæruleo panno affricatur. Nam qui ante cæruleus erat, nunc viridis apparet: sic si vitra diversi colores committas veluti flavum & rubrum unum super alterum objecta illico aureo quodam colore transsplendent. Cæruleum vitrum cum viridi pavonaceum colorem præsentat: si vitrum flavum & cæruleum subjectæ chartæ appolueris tota amenissimo virore luxuriabit. Hac compositione maximè utuntur pictores, cum aliquid sub aquis aut velut per caliginem transparens repræsentare volunt, aqueum enim & nebulosum colorem rei prius depictæ inducunt.

III. Notionalis.

III. Modus compositionis fit in oculo seu organo visorio, diciturque notionalis, cum nempe nec colores realiter, nec colorum intentiones in medio commiscetur, sed singulorum colorum distinctorum intentiones distinctæ per medium deferuntur, solum in oculo quoad sensum conveniunt, ita ut ex omnibus mixtus quidam color resultet à singulis per se communi notione receptus: accedit talis compositio cum charta diversis colorum maculis respersa aut pannus è subtilibus filis diversi coloris intextis confectus inspicitur.

Ad colores simplices quales alii referuntur.


Præter jam nominatos colores tam simplices quam compositos, sunt alii, qui ad ipsos referuntur: ut ad album refertur candidus, seu candor niveus, lacteus, albidus, subalbidus, pallidus, suppalidus, & lividus argenteus. Ad flavum pertinet luteus, citrius, rufus, mustelinus, ferrugineus, pullus, roanatus, fonatus, regius, leonatus. Rubeo subsunt roseus, vinosus, rutilus, rubicundus, coruscus, sanguineus, gilvus, ipadiceus, igneus, flammeus cæruleo competunt cæsius, seu

FIGURA XIV.



FIGURA XIV

Fig. XIV





Composi-  
torum co-  
lorum ac-  
cidenta-  
riæ diffe-  
rentiæ,

glaucus, plumbeus, venetus. Nigro competit praeunius à gemma illius coloris dictus. Sicuti simplices ita etiam compositi suas habent accidentarias differentias: ut ad aureū pertinent palearis, aurantius, croceus, fulvus. Ad viridem spectant ærugineus, herba-  
ceus, prasinus, cymatilis seu marinus. Sub purpureo sunt rosaceus, balasius, ame-  
thystinus, puniceus, violaceus, baphicus: inter quos primum obtinet locum, qui pro-  
prius est conchylii ad movendum aspectum vivacissimus: deinde qui ex cocco ba-  
phica seu granotinctorio, tum qui ex coccinilla vermiculo Indiano provenit: & qui-  
dem omnes istæ colorum differentiae non tantum ex lucis per umbras modificatio-  
ne diversa & igneis diversi modè exaltatis, aut ab aliis elementaribus obumbratis par-  
ticulis, quàm mixtilium præcipuè colorum proportionem obveniunt: herbaceus  
enim plus habet flavi coloris, quàm ærugineus, & puniceus plus cyanei, quàm ame-  
thystinus: croceus plus rubedinis quàm fulvus: atque ita in cæteris, quorum nomina  
haud exprimi possunt: unde & plerique jam nominati à rebus in quibus vel primò in-  
venti sunt, vel plurimum excellunt, vocabula sunt sortiti. Sed hisce paululum digre-  
diamur, & conceptum mystalogicum exponamus, quo hætenus dicta illustremus  
& confirmemus.

## CAPUT X.

*Conceptus Mystagogus, quo per analogiam variarum rerum cum coloribus hætenus  
dicta comparantur, illustrantur & confirmantur.*

Quid py-  
ramidalis  
figura.

**N**on potui hoc loco subticere conceptum analogicum, quo per comparisonem  
variarum rerum cum coloribus institutam omnia ea, quæ hætenus proposuimus,  
(ne temere à nobis conficta putentur, sed ut potius cum miro quodam naturæ consensu  
occultioris scientiæ principiis innixa credantur) dignanter illustremus & confirme-  
mus. Inspice igitur schematismum appositum, in quo cum primis vides omnes colores  
tàm simplices quàm compositos uno triangulo æquilatere comprehendi & totam ana-  
logiæ figuram pyramidis formam exhiberi. Quo indicatur totum mysterium colorum in  
igne situm esse; nam sicut ignis triangularē ac pyramidalem figuram affectat, ita co-  
lorum genesis probissimè ex igne, qui ut supra dictum ex mixti compage diversimo-  
dè translucet, deducitur. Sic benè Alcinosus Platonicus citatus à Kircherō in œdip.  
Ægypt. Tom. 2. clas. 7, sect. 2. cap. 2. §. 2. consentit his verbis: *Materia enim quatenus  
pyramidis figuram suscepit ignis extitit, quod hæc omnium maximè secundo & dividendo  
sit accommodata paucioribusque triangulis constet, atque idcirco rarissima.*

Quid per  
triangu-  
lum indi-  
cetur.

Per triangulum, quod omnes colores tàm simplices quàm compositos comple-  
ctitur; ostenditur completa & perfecta ipsorum ratio (quia terminus completæ per-  
fectionis numerus est) qua omnium colorum genesis & propaginem ternario com-  
prehendi significatur: ac sicut triangulum æquilaterum prima est figura, inter regu-  
lares, in quam omnes aliæ superficies resolvi queunt; ita colores principale quid, in  
mixto & opaco quovis sunt, quo omnes corporeæ superficies visu discernuntur.

Tres an-  
guli tria-  
teri quid  
significent

Per tres angulos trilateri cum rebus adscriptis intelligi posset illud ternarii myste-  
rium ab Aristotele lib. 1. de cæl. cap. 1. relatum: *Tria sunt omnia, & ipsum ter in omnem  
partem se diffundit.* per tria porro intelligit cujuslibet rei principium, medium & finem;  
cum nihil in natura perfectum sit, quod inter hos limites non contineatur. Princi-  
pio respondet color albus, qui est lux pura, omnis coloris augmentum & prima basis;  
color verò niger est finis omnium colorum, ubi in tenebras omnis colorum luxuries  
concidit. Medium porro continet diversas eorum complexiones, differentias, & mix-  
turas; nam sicut medium ab utroque extremo participat aut dependet; ita tota colorum  
varietas ab extremorum colorum coniunctione procedit. Id ipsum hoc declarant melius  
numeri adscripti: nam ad album ponitur monas, ad nigrum dyas ad apicem verò triangu-  
li trias propter tres medios colores simplices inter extremos album & nigrum. Nam  
sicut monas sive unitas, ut agebat Trismegistus in Pimandro: omnium principium radix &  
origo, absque principio verò nihil: ita albedo seu lux pura omnium colorum pri-  
ma radix & origo est. Et rursus sicut monas bonitatis symbolum priscis fuit, ita al-  
bum & lux pura, bonum, illustre, splendidum, venustum in coloribus suæ virtutis &  
efficaciæ significat. Item sicut unitas in omni numero reperitur; ita bonitas & ve-  
nustas



nustas lucis ad omnem colorem, quo probe in sua ab aliis differentia subsistat, requiritur. Econtra dyas seu binarius est initium omnis multitudinis numericae portae variationis, sic nigredo seu tenebrae omnem inducunt colorum diversitatem: dicitur etiam dyas contrarietatis dissidii, inaequalitatis, & dissimilitudinis principium: sic per nigri seu opaci extremi coloris contrarii omnis inaequalitas & dissimilitudo colorum mediorum & compositorum provenit. Et sicut Pythagorici teste Plutarcho bonum unitatis, finiti, quiescentis, recti, imparis, quadrati, aequalis, dexteri, splendidi; malum verò binarii infiniti, in motu versantis, curvi, paris, altera parte longioris, sinistri, tenebricosi nominibus indicabant. Unde etiam Bovillus lib. de 12. numeris de dyade cap. 2. sic ait: *Hac quoque de causa ipsius dyadis numerum Theologi plerique respuere solent: vel quod primus ab unitate deficit, sitque totius varietatis dux, dissidii & divisionis initium: vel quod nulla lege finiri, nullius rationis loco frenari possit immensa ejus fusio, ac prima ab summo unitatis apice ad ima excursio: idcirco & ipsam dyadem Theologi ei angelica cohorti adscribunt; quae (ut sacer Dyonisius inquit) malitiae manus dedit, & quae (ut sacra canunt eloquia) suum reliquit principatum.* Sic pari modo nigredo quidquid in coloribus malum, turpe, defectuosum, absurdum, umbrosum, opacum, tenebricosum, & quovis modo vitiosum est, causa, radix, fons & origo dici debet. Rursus sicut Monas ut dyas sunt partes & radices quorumlibet numerorum consequentium tam simplicium quàm compositorum, tam parium quàm imparium, ut ita omnes ingrediantur & in unitatem & binarium quivis numerus resolvi queat: Sic omnis colorum tam mediorum simplicium quàm compositorum ortus ab albo seu monade & nigro opaco, umbroso seu binario producitur in hos factu rite analysi resolvi potest, quia in quovis colore reperiuntur; nam lucidi & umbrosi seu opaci mixtura omnis coloris principium est.

Ipsam hoc ternarius in apice positus innuere videtur, qui propter tres medios simplices, qui inter extremos album & nigrum mediant, ideo supralocatus, quod ita à vertice omnes sub se numeros comprehensos esse facile percipiat. Quid trias notet.

Sicut proinde ternarius sive trias continet in se 1. & 2. ambos extremorum colorum numeros, & nihil aliud est: ita tota varietas colorum, quae illi subest, aliud nihil est quam albi & nigri, lucidi & opaci, ignis & terrae elementarium particularum compositio, nexus, temperies & commixtio. Sicut etiam 3. non est tantum 1. & non est tantum 2. sed 1. & 2. simul faciunt; ita nullus color sive medius simplex sit, sive compositus, alius non est tantum lux, nec quid opacum tantum, sed ex combinatione umbroso quid genitum & productum. Unde etiam sicut album, ut dictum, est bonum, & nigrum est malum, ita colores in media area sunt indifferentis naturae; pro ut plus minusve lucis aut opaci, boni malive immixtum includunt.

Inscripta quoque distinctis angulis exhibentur diversorum corporum genera: nam sicut supra diximus esse tria corporum genera, quorum alia lucida, alia opaca, alia diaphana. Ita lucida conveniunt albo, opaca nigro, diaphana reliquis mediis quibusvis: lucida siquidem nil tenebrarum habent, iisque contraria sunt: sed contra opaca nil lucis: diaphana nec lucem nec opacitatem habent, utrumque lumen admittunt nec recipiunt: ita omnium colorum natura satis est, ut quanto plus accedunt, ad album tantò plus lucidi participant, & quò magis ad nigrum, tantò plus habeant opaci: mediis verò in trigono omnes tantò sunt magis aut minus diaphani, quanto plus aut minus lucis aut opaci continent. Tria corporum genera inscripta quid significent.

Pari ratione se habent elementa cum colorum propagine: nam ut diximus album seu lucem puram imprimis causat ignis in cuiusvis mixti compage latitans; qui colorè tantò magis ad album accidentem mixto conciliat, quanto vel ipse in mixti compage auctior, purior, aut magis ad extremas partes corporis evehctus aut exaltatus est. Ac sicut ignis est dilatare, se diffundere, emanativam virtutem suam quaqua versus dispergere, ita in mixto hoc praestat, ut effluvium colorigerum undique dispergat, dissipet, diffundat. Quanto autem ignis terrae sortibus in mixto magis obrutus, fœdatus, obumbratus, offuscatus, tantò minus effluere potest, aut effluvium si quod emittit, ex cohaesione aliarum terrestrium particularum fœdatum est, unde res magis nigrescunt, hinc igitur sicut ignis competit albo, sic



terra nigro, aliis verò coloribus competunt elementa media aër & aqua, quorum illud rarius, hoc densius, etsi de se diaphana sint, hocque conferant mixto, sunt tamen magis aut minus ex umbris seu terræ particulis una commixtis facta: pro ut enim res à rubeo colore magis ad illum evehitur, tantò de aëris particulis in mixti compage latere argumentum datur, per quas ignis elementaris liberius transparenere potest: unde bullæ aquæ albescent ob aërem inclusum, quæ illo excluso atrescunt; item prout res à rubeo colore ad nigrum vergit: aquearum particularum mixti poros magis constringentium & compingentium, unde ignis lucis, colorisque faber effluxum suum difficulter evibrare potest, argumentum est: ac ubi trajicit una cum terræ sordibus ope aquearum conglutinatæ & constrictæ factum admodum & obscurum opacumque effluxum emittit, unde res magis nigrescere, & sordescere conspicitur.

Quid res  
reliquæ  
notent ex-  
plicatæ.

Reliquas porrò res iisdem angulis adscriptas quod attinet hæc haftenus dicta & explicata analogicè magis comprobant & confirmant. Nam ut angeli boni sunt spiritus lucis & angeli mali sunt spiritus tenebrarum, & homo qui est medius inter ipsos, ab iisdem bene & male afficitur, ad bonum aut malum attrahitur, prout his aut illis consentiendo magis addictus fuerit. Haud aliter eo res colore imbuitur, qui nigro aut albo, luci vel tenebris magis appropinquabit.

Idem à simili comprobatur vita animalium, quæ sana comparanda est luci aut albo, & quantò animal est sanius tantò vitalia sunt melius constituta: in quolibet defectu, qui est medius status inter vitam & mortem causatur morbus, qui quantò verò morbus ingravescit magis, tantò à beneficæ lucis usu & statu sanitatis declinat magis ad mortem donec in ipsas umbras & tenebras concidat. Analoga sunt itaque album & vita, nigrum & mors, colorum mediorum & morborum varietas. Similia alia multa adduci possunt uti in composito humano anima, unio corpus, in solari die ortus meridies & occasus &c. Sed hæc indicasse sufficit. Vides igitur quàm concinnè, affabrè & eleganter per analogiam adductarum rerum ea quæ superius tradita sunt illustrentur, peregre regie comprobentur.

Mysteriū  
trinæ co-  
lorum  
composi-  
tionis ex-  
ponitur.

Nunc restat, ut aliquod adhuc in Triangulo nostro Mystagogo proferamus, simplicitatis & trinæ compositionis colorum in ipso inclusorum mysterium, quod tale est. In basi æquilateri trianguli vides parvorum triangulorum ejusdem generis ordine consequentium seriem, hæc simplices colores sub se continet loculamenta trigona sunt ordine quatuor, quibus inscripti etiam numeri arithmeticè progredientes 1. 2. 3. 4. qui simplices etsi sint, si tamen colligantur in unam summam faciunt denarium, numerum, universalitatis indicem, ipse denarius in superiori loculamento trigoni positus reperitur, ut ostendatur universam colorum varietatem à simplicibus oriri, & omnis compositionis ex iisdem modos in dicto trigono concludi. Supra triangulajam dicta immediate succedunt tres ordine series aliæ non jam triangulorum sed rhomborum, quo area seu superficies duplici triangulo æquilatero æquivalet ut consideranti patet, ad indicandum tres illos compositionis colorum modos supra relatos. Series prima succedens notata tribus numeris 5. 6. 7. indistinctis loculamentis deputatur compositioni reali, quia omnes res corporeæ trinam habent dimensionem in longum, latum, & profundum, quod per tria loculamenta cum distinctis numeris indicatur. Per secundam seriem intelligi potest intentionalis compositio, quæ ut dictum in medio diaphano contingit, quod ipsum hic per mediam seriem inter duas alias compositionum series positam denotatur, per supremum Rhombum indicatur compositio rationalis, quæ sicut colores realiter & intentionaliter distinctos relinquit solummodo verò in organo visorio componit: ita hic omnes colores quidem distincti in trigono ponuntur, qui omnes tamen apice communi colliguntur, conteguntur, & concluduntur. Et sicut simplicium colorum, à quibus omnes compositi ortum trahunt, numeri 1. 2. 3. 4. distincti quidem inferius collocantur, uniuntur tamen in supremo loculamento per denarium, qui eosdem complectitur.

Atque hic est conceptus ille Mystagogus res analogas coloribus optimè ostendens



dens, quem te latere nolui, judica ut vis. Reliquam analogiam inferius in tabula subjectam quod attinet, cum ea communis jam dudum ab Auctoribus aliis referatur, ulteriore expositione non indiget, sed nunc ad rectum instituti nostri tramitem revertamur.

## CAPUT XI.

*De Propriis facultatibus colorum quibus obtutum varie afficiunt proprietatibus & affectionibus quibus amicam ineunt societatem aut fugiunt, aliisque effectibus &c.*

Certum est experientia colores diversimode visum afficere, nam potentia visiva in quarundam rerum aspectu mire delectatur & recreatur, in quarundam verò fatigatur, cum dolore quodam debilitatur, destruitur, unde constat colores diversas habere facultates, proprietates & affectiones, quibus pollent ad visum bene vel male afficiendum, quas hoc capite in medium proferemus.

Diversi-  
mode vi-  
sus affici-  
tur à colo-  
ribus.

I. Albedo habet facultatem diffusivam respectu visus & spiritus sensibilis disgregativum, & ideo si fuerit nimis magna & diutius ab oculo inspecta, ostendit, corrumpit, disgregat, & destruit visum, facit oculos lachrimari, imò ipsum organum visorium dissolvit, ac universam videndi facultatem evertit. Quod luculenter testatum facit Aquilon. lib. 1. opt. propos. 40. ex Galeno lib. 10. de usu part. his exemplis militum imprimis Xenophonis qui per multam nivem iter facientes non levem jacturam oculorum acceperant; deinde illorum, qui à Dionisio Siciliæ Tyranno ex obscurissimo carcere in splendidissimam domum calce illitam & lævigatam adducti subito occæcati fuerunt, minime ferentes repentinum luminis atque exquisiti candoris occursum.

Albedinis  
vis in sen-  
sorium vi-  
sus.

Quomodo autem albedo visum dissipet, disgreget & vitiet? Rædet Aquil-  
onius albedo visum dissipat tum quia ejus aspectu pupillæ ambitus arctissimè stringi-  
tur, sic ut nequeant rerum species in propriam visionis officinam libere comme-  
are; tum quia exquisita albedo dum oculi cavitatem implet, ceu lumen quoddam  
aliarum rerum turmas minus per se efficaces ita offuscat, ut illas velut obvolutas  
obrutasque ab aspectu surripiat, oportet enim cavum oculi liberum esse tum lu-  
mine, tum colore ut sensus vigeat: nam si lumine vel colore pars illa oculi præter  
naturæ modum sit affecta, omnia confusa quadam luce, vel tenui colore resper-  
sa conspiciuntur: quod sanè accidit insignis objecti appulsu. Sin autem interna  
illa oculi collustratio etiam vires patientis organi excedat, non modo videndi  
actum dissipari contingeret, verum etiam instrumentum ipsum dissolvi, ac univer-  
sam facultatem everti, animam denique ipsam nimia luce lucis usura privari. Sic  
ille. Aliam rationem vide infra Syntag. 1. Cap. 8.

Quomo-  
do albedo  
visum dis-  
greget.

II. Albedo est omnium colorum incrementum: nam omnes colores sui admixtione auget, illustrat, elevat ac magis attolit, quod pictoribus bene notum, & usu communissimum.

Albedo est  
omnium  
colorum  
incremen-  
tum.

III. Est fundamentum omnium colorum aptissimum, nam in nullo melius colores fundantur quàm in albo, eo quod omnis tinctura expers puritate sua aliis coloribus non obsit, sed potius juvet, extollat & evehat: imò volunt album quan-  
tò est candidius & auctius quod substernitur, tantò fortius colorem superindu-  
ctum aut illitum inhærere. Quod autem colores quidam velut Gummigutta cœ-  
russæ non admodum probè inducatur, melius autem cretæ albæ, hujus causa non  
in ipsam cærussæ albedinem, sed aliam in ea contrariam & inimicam facultatem  
conjici debet.

Albedo est  
omnium  
colorum  
aptissimū  
fundamē-  
tum.

IV. Nigredo contraria ratione colligit & congregat visum firmatque, nam ejus aspectu oculus quodammodo obtenebrescit, verum ut recte annotavit Alber-  
tus Mag. lib. 2. de ani. tract. 4. cap. 9. etiam suo modo aspectui officit, quatenus  
longiore ejus intuitu spiritus sese in intima abdunt, ac nimia frigiditate partes o-  
culi coguntur & constipantur, hanc ob causam quosdam vidimus obscuro car-

Nigredo  
congregat  
visum.



cere paucorum annorum tantam hebetudinem oculorum contraxisse, ut vix quicquam perspicerent. Et patet experientia facile obvia, cum enim è subterraneis cellis aut quovis alio loco obscuro, ubi aliquandiu morati sumus, egrediamur ad lucem, illam præ dolore vix sustinere possumus.

Obfuscan-  
do depri-  
mit.  
Est firmæ  
adhæren-  
tiæ.

V. Nigredo omnes colores obfuscando deprimit, & quibuscunque admixta fuerit, sua opacitate obscurat, confundit, deiecit, & mortificat.

VI. Nigredo est color firmæ adhærentiæ, nec facile deletur; & res illo imbutæ vix alium admittunt aut recipiunt colorem: nec ulli aptè subijcitur, cum omnes in se ut fundamento inductos depravet & vitiet.

VII. Colores quo distinctiores juxta se positi sunt, eo se exhibent magis illustres, sic albus color in cæruleo & atro illustrior apparet: nam contraria juxta se posita magis illucescunt.

VIII. Omnis color super lucidum inductus attollitur, qui verò super opacum inducitur magis obscuratur & obfuscatur.

Rubedo  
disgregat  
visum.

IX. Rubeus color æquè disgregat visum ut albus, & propter igneæ naturæ similitudinem oculos quasi accendit; quamobrem ejus aspectus & frequens usus iis qui ophtalmia laborant noxius esse comprobatur. Hinc & pannorum venditores pannos rubeos solent suspendere ante lucem, ut videntes alios pannos coloratos propter rubedinem spiritum visibilem disgregantem minus valeant colorum discernere veritatem. Hinc etiam galli indici & gallinæ objecta rubedine irascuntur, ob fulgorem ipsorum debilibus oculis adversum.

Rubedo in  
albo colo-  
re magis  
accendit.

X. Color rubeus in subjecto albo magis rutilat & oculos fortius accendit, illustriorque apparet. Nam medium ad præsentiam unius extremi habet se per modum alterius extremi: & quia extrema contrariantur sibi, sic contrariis juxta se positis se invicem extollunt. Hinc Leones teste Lucretio lib. 4. de nat. à rutilanti cristæ rubediæ in gallis albis gallinariis maxime conspicua dicuntur terrerisicut & ab igne & flammis.

Flavus &  
cæruleus  
color aspe-  
ctum at-  
temperant

XI. Color flavus & cæruleus suapte vi aspectum attemperant. Testatur Galenus lib. 10. de usu part. exemplo illorum, qui in albis coriis depingunt, à quibus visus offendi solet. Hi enim, inquit, colores fuscus & cæruleos juxta ponunt, in quos dum subinde oculos convertunt, recreantur, & à labore ac fatione relevantur, quod non aliunde, quam ex arcana quadam facultate provenire existimandum est.

Viridis  
color ma-  
xime con-  
fortat vi-  
sum.

XII. Color viridis maxime omnium delectat & confortat visum propter concursus flavi & cærulei: nam luciditas ignea, quæ in flavo est temperata delectat visum, obscuritas etiam terrea, quæ est in cæruleo, cum non sit in extremo, modiciter spiritum visibilem aggregat & confortat. Et ita nullus color est ita delectabilis visui sicut viror. Hinc teste Isidoro de lapid. pretios. Smaragdus oculos scalpentium gemmas & metalla maxime reparare, & confortare dicitur. Hinc etiam ipse auctor naturæ oculorum saluti maxime consulens, ea omnia quæ crebrius in aspectum cadunt, velut herbas, plantas, gramina, arbores, viridi amictu voluit involbre.

Cæruleus  
color con-  
fortat vi-  
sum.

XIII. Sicut inter compositos maxime præcellit viridis, ita inter simplices cyaneus seu cæruleus præstat cæteris simplicibus ad visus oblectamentum, & confortationem. Unde & cælum cæruleum est, ut ad sui aspectum & contemplationem homines alliciat.

Extremi  
colores  
extollunt  
vel depri-  
munt me-  
dios in  
commix-  
tione.

XIV. Extremi colores cum mediis omnibus tam simplicibus quam compositis amicum ineunt societatem: videntur tamen speciem illorum, quibus commiscuntur non immutare, sed extollere, vel deprimere.

Compositi  
ex duobus

XV. Colores compositi, qui ex duobus simplicibus trium mediorum componuntur, suaviores & gratiores sunt iis ex quibus constantur. Unde ab Aristot. lib. de color. dicuntur flammei, & à Plinio lib. 35. cap. 6. floridi. Causa videtur esse quod inter simplices ex quibus fiunt, medii existant. Nam simplices ex

grat.



grat. flavus & rubeus extremi quodammodo sunt, flavus quidem æquo pallidior, at rubeus quam par est obscurior: inter quos mediocritatem obtinet aureus flavo obscurior, & lucidior rubeo, proinde utroque flavo nempe, & rubeo jucundior. Sic rubeum inter & cæruleum medius consistit purpureus iisdem, è quibus conflatur, suavior. Demum qui ex flavo & cæruleo componitur nempe viridis omnium tam simplicium, quam compositorum longe gratissimus, quod excluso pernicioso rubore è duobus tantum consurgat, quorum neuter visui adversatur.

simplicibus trium mediorum gratiores sunt, quæ sunt hi ex quibus componuntur.

XVI. Color compositus, qui ex trium simplicium mediorum permixtione paratur, est omnino ingratus, invenustus, & velut cadaverosus; uti *Plinius* loquitur austerius. Ubicunque igitur tres isti medii simplices, flavus, rubeus & cæruleus conveniunt, miscellam pariunt austeram, luridam, ingratham & invenustam. Hinc viridis cum rubeo non commiscendus propter trium mediorum simplicium miscellam flavi scil. & cærulei in viridi, & rubei per se: sic austerè miscetur aureus cæruleo propter eandem causam, quia flavus & rubeus cum sint in aureo, accedente cæruleo austeram commixtio producit. Item ingrata fit mixtura ex purpureo & flavo, nam purpureo inest rubeus & cæruleus, addito flavo mixtio trium simplicium ingrata conflatur.

Color compositus ex aliquo trium mediorum ingratus existit.

XVII. Colores qui alios componunt, & ii qui ex his immediate componuntur, juxta se positi ordinatim procedunt, & grate se extollunt & elucidant aut deprimunt & obumbrant. Ratio est, quia cum medii colores temper sint gratiores, ab uno mediante ad alium proximum æque mediantem proceditur: Si colores istos flavum, aureum, rubeum, & purpureum si juxta se ordine dicto pingas, grate inumbrabis: nam à flavo proceditur ad medium aureum, inde ad rubeum, qui æque mediat inter aureum & purpureum quam aureus inter flavum & rubeum. Hinc intelligis, quod cum colores ita subjecto aliquo appingi debent, ut sensim lumine affuso aut imminuto se prodere debeant, ea colorum appositio seu conjunctio facienda est, quæ in trigono colorum supra tradito in inclusis minoribus triangulis ab angulo basis ad verticem ascendendo & à vertice ad basim rursus descendendo procedit. Sic e. gr. vis colorem viridem exaltando seu magis elucidando terminare, ut sensim affuso majori lumine se perdat: debes à verticali angulo viridis coloris descendere ad angulum basis, ubi flavus ponitur: inde rursus ascendere ad angulum verticalem ubi ponitur subalbidus, illumque assumere, atque iterum deinde descendere ad album. Ubi terminando viridis perditur, è contra si viridem terminare velis deprimendo & magis inumbrando, ut sensim in umbras se demittat & perdat: à viridi descendendum est ad cæruleum, à cæruleo iterum ascendendum ad subcæruleum, inde tandem rursus descendendum ad nigrum, ubi terminatur & perditur. Juxta hanc colorum invicem habitudinem sequentem construxi tabulam, in qua unico intuitu patet omnium colorum ordinata appositio ad quosvis probe elucidandos & evehendos, aut inumbrandos & deprimendos: facillimèq; discitur luminis & umbrarum differentia quibuslibet coloribus competens. Atque hoc scenographicæ seu pictoriæ artis haud leve secretum est, scire probè omnibus coloribus suos umbrosos defectus aut lucida incrementa per aliorum colorum juxta positorum gradus apponere. Scio multos pictorum hic hallucinari, qui in differentiis luminis aut umbrarum ponendis graves committunt errores, quos omnes evitarent, si ea, quæ hic dedimus, observarent.

Colores alios componentes juxta se positi grate se extollunt.

Arcanum exponit pro pictoribus.



Tabula exhibens Colores juxta ponendos  
pro differentiis luminis & umbræ in quovis  
colore.

Albus.	Subalbus.	Flavus.	Aureus.	Rubeus.	Purpure°.	Cæruleus.	Subcærule°.	Niger.
Albus.	Subalbus.	Flavus.	Viridis.	Cæruleus	subcærul.	Niger.		
	Albus.	Incarnat°	Rubeus.	subrube°.	Niger.			
	Albus.	Aqueus.	Cæruleus	subcærul.	Niger.			
	Albus.	Subalbus.	Flavus.	Fuscus.	Niger.			
		Albus.	Cinereus.	Niger.				
Color								

*Sic lucem ingreditur* *& sic perditur umbris.*

Quiaam  
colores se  
distinguan-  
t aut se-  
parent.

XVIII. Colores qui mediata & proxime in commixtione non concurrunt, distinguunt se aut separant invicem tantò quidem magis, quantò minus deinceps alter in alterius compositione reperitur, aut ab illo remotior existit. Ratio est, quia si non conveniunt in compositione signum est alium mediare, unde jam se habent per modum extremorum, extremi verò maximè semper discrepant, ergo distinguunt se & separant. Sic in trigono superius posito omnes imprimis simplices juxta positi se distinguunt, nam cum simplices sint, neuter habet aliquid in se, quod & in alio sit. Item subalbus, aureus, purpureus, subcæruleus juxta se positi jam distinctius se sistunt, quam si apponerentur iis, ex quibus immediate componuntur, & quidem subcæruleus juxta subalbum magis distinguit, quàm juxta purpureum vel aureum, quia ab illo remotior, quàm ab his. Similiter incarnatus, viridis, & subrubeus, sicut & aqueus & fuscus, quia in communi compositione immediate non communicant, se juxta positi distinctè illustant. Omnium autem maximè albus & niger, quia remotissimi, & omnino se excludunt.

Color re-  
flectens  
quid præ-  
stet.

XIX. Color reflectens in superficiem alterius corporis refert in illa superficie tincturam ex proprii coloris cum corporis coloribus colorati reflexis conjunctam. Sic color flavus reflectens in chartam albam jam subalbum reflexum colorem præsentat: ita rubeus in eandem chartam albam reflectens colorem ex albo & rubeo commixtum hoc est incarnatum repræsentat. Similiter si color flavus in superficiem cæruleam reflectat, reflectetur color tincturæ viridis atque ita de cæteris.

Color per  
diaphanū  
colora-  
tum trans-  
lucens.

XX. Cum color aliquis per diaphanum coloratum translucet, neuter color per se videtur & discernitur, sed mixtus quidam, qui ex objecti radiantis, & diaphani colorati permixto colore componitur. Ita si per vitrum flavum aspicias pannum cæruleum, nihil cærulei aut flavi adesse perspicies, sed pannum viridem videbis. Similiter si duo aut plura diaphana diversorum colorum objecto etiam differentis coloris opponas, miscella ex omnium colorum commixtione composita transparebit. Vide Kircherum in art. Mag. Luc. & umb. lib. I. part. 3. cap. 4.

Colores  
apparētes  
in colora-  
tam su-  
perficiem  
inciden-  
tes com-  
mixtio-  
nem novi  
coloris ef-  
ficiunt.

XXI. Etiam colores apparentes cum in superficiem coloratam incidunt, miscellam ex colorati objecti & coloris apparentis commixtione compositam præsentant. Sic si vitrum trigonum opponas radiis solaribus, & colores apparentes ex refractis radiis causatos dirigas in subjectum coloratum velut flavum, ubi aliàs comparere solet cæruleus color, jam gratè virescens exhibebitur, sicque alios omnes aliquatenus immutari videbis. Imò si artificiosè ipsos transparentes colores ex pluribus diaphanis causatos in superficie objecta commisceas inter se, tunc alii & alii compositi colores resultabunt. Unde si duo vitra trigona ita disponas, ut solares radii in vitris refracti, indeque colorati in unam communem superficiem dirigantur.



ditigantur, æquè miscellas realibus coloribus communes produces. Sed quia modo de coloribus apparentibus afferre pauca incepimus, ne quid eorum omittamus, quæ maximè scire convenit, & operis hujus instituto omninò congruere videntur, nunc serio argumentum hoc de ipsorum ortu, natura & causis assumamus & studiosè disquiramus.

## CAPUT XII.

*De colorum apparentium in diversis diaphanis genesi, natura & causis.*

**T**anta est colorum multitudo, tam superbus & varius eorum luxus, ut rectè quis dixerit, nullibi naturam magis prodigam copiosius aut majori ambitione opes suas commendasse: haud equidem contenta fuit omnes plantas, herbas, flores, gemmas, lapides, metalla, animantes & denique penè omnia propriis, iisque diversis, colorumque sæpe multiplicium varietate pictis amiculis superbè integere: sed in iis quoque corporibus, quæ nuda fere, negatis colorum tegumentis ita exponit, ut omnia interiora aspectui prostant, nihilominus tam grato varioque colorum luxu, ut lusu superbit, ut omnium oculos attrahant, animosque admiratione tanta percellant, quanta in nulla rerum naturalium excellenti dignitate magis. Porro cum supra de illorum colorum, qui corporibus congeniti & proprii sint, ortu & genesi aliquantulum sensus & sententia sit prolata. Postulare nunc ratio operis videtur ut subtilioris ordinis colorum phenomena in nudis istis hoc est diaphanis luminique perviis corporibus sagaci industriâ indagemus, eorum ortum seu genesim, & causas studiosè disquiramus.

Meminisse igitur oportet supra jam dictum esse triplex genus colorum communiter assignari, primum quidem permanentium seu verorum & realium, secundum intentionalium & notionalium, tertium phantasticorum seu apparentium, quorum hoc genus ita dicitur, quod præter luminis lulum & illusionem apparenter institutam nullam aliam veritatem habere credatur: & quia potissimum istiusmodi colores in corporibus diaphanis per luminis refractionem contingere solent, ideo nunc explicandum, quomodo hoc accidat: verum aliqua præmittimus notanda.

Triplex  
genus co-  
lorum.

**Nota I.** Nullum corpus perfectè diaphanum dari, sive quod ita lumini pervium, ut omni omninò opacitate suarum partium careat: cum enim quodcunque diaphanum sit corpus mixtum, utique de terræ opacitate æquè ac aliarum elementarium partium commixtione plus minusque habebit, prout magis minusque pellucidum seu diaphanum erit. Confirmant hoc omnium diaphana: nam si quis duo vel vitra etiam mundissima, vel crystallæ clarissima, vel selenitem unum alteri superponat, opaciora efficientur ambo: luminis enim penetrationi plus officiant duplicata, quàm simplicia, & plus triplicata quàm duplicata, & sic in infinitum. Quæ omnia benè ad oculum demonstrat selenites, qui quando è terra eruitur, nil nisi luxum vel terram opacam refert, sola superficie coruscus & specularis, at cum eum in minutissimas laminas diffideris, nihil eo magis diaphanum repereris. Ex hujusmodi massa lapis specularis, cujus longitudo palmum, latitudo palmum dimidium, crassities duorum granorum hordei latitudinem æquabat, 120. laminas quandoque se excidisse meminit Kircherus art. mag. lum. & umbr. lib. 1. part. 3. cap. 3. quorum unaquæque ita limpida & diaphana ut nullum vitrum aut crystallus ei comparari potuerit, aëri exposita ob nimiam substantiæ suæ exilitatem penè reddebatur invisibilis, nec umbram faciebat soli exposita. Quæ tamen omnes laminæ simul conjunctæ ita ex additione partium umbras multiplicarunt, ut corpus penè opacum dixisses in umbram tenebris proximam terminatum. Ex hoc unico experimento Kircherus ait sufficientem causam dari, imo apodicticam ipsius cœrulei coloris in cœlo: cum ipsum cœlum sit summè diaphanum, infinita tamen illa superficieum multiplicatione & constipatione opacatur, & licet ista opa-

Nullum  
datur cor-  
pus perfe-  
ctè dia-  
phanum:

Selenites.

Q  
citas



cititas tandem in atrastenebras defluat, illæ tamen non videntur, sed cærulea opacitas quæ proxima tenebris at nobis prior, & de se sufficienter opaca ut visum terminet, hinc in eo aspectus sistitur. Pari modo licet aquæ fluminum sint limpidissimæ & purissimæ, profundiores tamen nigricant, & ob multiplicium superficialium constipationem opacitatis rationem induunt. Secundum igitur gradus quosdam opacescunt diaphana: æther omnium minime; aër paulo minus, aqua magis & adhuc magis crystallus & vitrum, maximè verò lapides pretiosi, & inter lapides pretiosos unus alio magis opacus.

Incidentia  
luminis  
normalis  
aut obli-  
qua.

Nota II. Radii luminis in corpora diaphana impacti, prout ipsorum incidentia fuerit normalis, aut obliqua respectu diaphani, ita citius aut tardius transire permittuntur. Cùm enim radius normaliter incidens sit omnium fortissimus, & non sit ratio, cur in unam aut alteram partem in ingressu frangatur, libere transit via directa. Cùm autem oblique aliquis radius incidit in diaphanum densius, progressus ipsius retardatur, & refringitur ad perpendicularem, prout superius fuse explicatum; atque rursus in ingressu ex densiori diaphano in rarius, si oblique inciderit, juxta leges refractionis, à perpendiculari recedet. Si verò normaliter æque libere via recta cœptum iter prosequetur.

Luminis  
constipa-  
tio.

Nota III. Ex hac luminis retardatione & refractione dum oblique inciderit, sequitur lumen constipari, & quidem amplius dum oblique incedit, & diutius moratur, quam dum directe & normaliter pergit. Nam si normaliter per lineam brevissimam incedit citiusque egreditur: Oblique autem ingrediens frangitur, adeoque amplius retardatur, sic plus constipatur, & quò diutius immanet, eò magis comprimitur. - Sed quò magis constipatur, ac unitione suarum partium constringitur eò plus opacescit, & accedente elementarium particularum in diaphano latentium opacantium tinctura amplius fœdatur, & obscuratur, quo vehementius oculos jam ferire, & visivam potentiam plus commovere potest. His prænotatis facile erit apparentium colorum essentiam, causam, ortumque assignare.

Colores  
apparen-  
tes quid  
sint.

Dico itaque colores illos apparentes, de quibus hîc nobis est sermo, aliud nihil esse quam lucem ex constipatione magis terminatam, opacarumque elementarium particularum in diaphanis latentium tinctura fœdatam & obscuratam. Nam lux integra & perfecta in maxima tenuitate & raritate consistit, quo fit ut radii dissipentur, nec ita colligantur aut uniantur, ut ullum colorem præsentent, visumque terminent. Quando autem lux constipatur, sicque radii ipsius magis uniantur (quod accidit in diaphano densiori, dum ad perpendicularem refringantur) jam aptiores ad visum terminandum redduntur, & quia præterea diaphanum opacitate elementarium suarum particularum non caret, fit ut dum inibi retardantur ab umbrosis diaphani partibus magis obscurentur, prout parum aut amplius sive diutius immorantur: unde ipsos radios fœdari, & ab opacitate dictarum particularum diversimodè tingi necessario contingit, qui proinde ita fœdati & umbris tincti colores diversos repræsentant, prout tum radii illi à tenuitate & raritate sua plus aut minus recesserint, ac insuper etiam plus aut minus ab opacitate diaphani participando fœdati fuerint.

Apparen-  
tium co-  
lorum di-  
versitas  
unde ve-  
niat.

Oriuntur igitur colores apparentes ex diaphano densioris medii, non quo vis, sed illo quo radii lucis retardantur & constipantur, atque in transitu ab opacitate diaphani fœdantur & obscurantur. Unde si idem diaphanum normaliter ingrediantur, quia citius permeant ut supra notatum, non constipantur nec inumbrantur, fit ut nulli colores appareant. Quando autem oblique ingrediantur cum plus retardentur, & sic amplius uniantur & constipentur magis, fit ut ab umbris diaphani magis fœdentur & obscuriore colore inficiantur. Item si oblique quidem ingrediantur, citius tamen egrediantur ob diaphani minorem crassitiem, & sic viam abbrevient. Retardantur quidè parumper, atque sic constipantur, sed minus opacantur, quia fœdas umbras citius deserunt, quam saturatius tingantur. Si verò oblique per longiorem viam ob diaphani majorem crassitiem incedant, & plus retardentur, jam & obscurius & saturatius tingentur. Unde tota istorum colorum diversitas facile cognosci poterit. Verum ut hæc in exemplo clarius demonstramus, sumamus prismam Trigonū, quod aliqui



aliqui haud ineptè paradisum stultorum vocare solent, illudque cum colorum suorum causa & genesi juxta dicta exponamus; ejusmodi enim trigona colores maximè raros, varios & aspectui summè gratos exhibere solent, ut ipse fateor, me pulchrius aliquid, oculis gratius, rariusque in rerum natura, vix ullibi advertisse.

Si itaque prisma vitreum triangulare, uti figura prima  $XYZ$  repræsentat ad radios solares intercipiendos soli opponas ita, ut angulus aliquis solidus respiciat ipsum solem (quo fit, ut radii oblique in ambas superficies continentes hunc angulum incidant) planities verò prismatis opposita dirigatur versus locum umbrosum; duplici tum loco jucundissimos colores repræsentari videbis, uti in secunda figura; locis  $TSR$  &  $OPQ$  Pingentur verò colores hoc ordine ad  $R$  &  $O$  extremitatibus respectivè ad ipsum prisma; color rubeus post rubeum nempe inter  $R$  &  $S$  seu  $O$  &  $P$  puniceus in medio utrinque nempe  $S$  &  $P$  apparebit flavus, post flavum inter  $S$  &  $T$ , sive etiam  $P$  &  $Q$  viridis, tandem in extremis locis scil.  $T$  &  $Q$  cæruleus. Si item vitreum prisma apponas oculis, omnia objecta tunc iisdem coloribus mirabiliter picta videbis, ita ut res vilissimæ omni colorum genere adornata contpicias. Pro diversa tamen applicatione ad oculos aliquando objecta non colorata, nec ullo modo in figura aut colore immutata videbis, sed inversa tantum inferiora scil. superiora quodæque visu jucundissimum. Accidit hoc cum objecta normaliter vitrum penetrant, & per radios inde reflexos oculum afficiunt. Contingit idem in primate soli ita opposito, ut planities aliqua ejusdem non autem angulus soli obvertatur, unde fit, ut radii normaliter ingrediantur, & tunc etiam nullos colores exhiberi experieris.


Quod porrò colorum istorum originem concernit, quomodo ope refractionis & eo modo quo asseruimus oriantur, demonstramus. Sit igitur prisma  $XYZ$  soli  $ABCDEF$ , angulo aliquo solido  $X$  oppositum, ut patet in figura secunda; incidat verò ex radius  $A$  in prisma in puncto  $M$ , intrabit diaphanum non quidem recta  $Me$  sed quia diaphanum est densius, ad perpendicularem a  $M$   $b$  refringetur; incedet igitur ab  $M$  in  $N$ ; & quia in  $N$  iterum egreditur ex medio densiori in rarius non procedet recta  $MNf$ , sed quia rursus redit in aërē, utpote diaphanum rarius à perpendiculari a  $N$   $b$  discedet, ibitq; ex  $N$  in  $f$ , sed in  $O$ , deferetq; colorē secum à refractione & umbris causatum. Quoniam igitur  $MN$  brevis est transitus, adeoque retardatio & constipatio radii solaris minor hoc loco quidem deberet colorem omnium minimè fædaturum, maximè verò luci propinquum producere, albo scil. & luci simillimum; quia tamen angulus solidus  $Y$  umbrosa sua obscuritate radium transeuntem non parum obfuscet, hinc non albus, neque flavus sed mediocriter fædatus rubeus scil. color producit, talis scil. qui ex retardatione & constipatione modica quidem sed haud exigua umbrosi anguli propinqui obscuritate tingitur, unde intensissimo colore rubet.

Item radius  $C$  incidens in puncto  $K$  dum prisma diaphanum densius oblique ingreditur non procedet ex  $K$  in  $c$ , sed ob densitatem medii frangetur ad perpendicularem a  $K$   $b$  procedetque à  $K$  in  $N$  linea profundissimā: inde rursus egrediens quia rarius medium occurrit, non perget ex  $N$  in  $h$ , sed plus recedet à perpendiculari a  $N$   $b$ , ibique ex  $N$  in  $Q$  coloremq; maximè fædum obscurumq; deferet cæruleum ideo, quia radius  $C$   $K$  in medio profundissimo progreditur linea  $KN$  ubi prisma maxime latum est, hinc omnium maximè retardabitur & constipabitur binorum etiam angulorum solidorum  $XZ$  propinquis umbris valde obtuscantibus tingetur colore umbroso ad nigrum proximè accedente, hoc est cæruleo, talis ergo prolabetur a  $KN$  in  $Q$ : uti figura monstrat.

Iterum radius solis  $B$  incidens in prisma trigonum oblique in puncto  $L$ , naturaliter quidem deberet progredi ab  $L$  in  $d$ , sed densitate medii impeditus, inde magis ad perpendicularem a  $L$   $b$  accedens progredietur in  $N$ , ubi rursus egrediens, si recta procederet, pergeret in  $g$ , sed quia rarius medium rursus ingressus ab  $N$  pergit in  $P$ , deferret verò colorem flavum; ideo, quia nempe in profunditate media inter angulos utrinque ingreditur, ubi quidem mediocris retardatio & constipatio radii solaris contingit, verum quia ab angulorum umbris utrinque æqualiter remotus



FIGURA XV.



incedit & si quam fæditatem inducant, illam propinquioris radii recipiunt, atque ad medietatem prismatis sua constipatione venire prohibent; hinc ille radius minus fædatur, solummodo modica obscuritate à diaphani opacis particulis in transitu contiguus inficitur, adeoque sola flavedine tingitur, croceoque tantum lascivit amictu. Quod reliquos attinet colores puniceum scilicet & viridem, primi non sunt sed ex dictis compositi, mediantque inter explicatos, unde participant de proximis utrinque causas habent tum refractionem aut retardationem in transitu profundiori, aut minus profundo, tum etiam solidorum angulorum umbras radios in transitu obfuscantes & fædantes, ut explicatum.

Colores  
apparētes  
quid sint  
clarius  
edicitur.

Pater igitur causa istorum colorum apparentium in prisma triangulari, sicut in omni corpore diaphano anguloso, quæ alia non est, quam refractione, retardatio & constipatio radiorum lucis in transitu diaphani ex umbris tum ipsiusmet diaphani, cum maximè angulorum solidorum obfuscatione fædatorum: sive ut clarius rem totam eloquar: colores istiusmodi apparentes sunt lux per densius medium diversimode latum refracta, ac per umbras tum à partibus elementaribus opacis ipsius diaphani, tum maximè angulorum solidorum corpus diaphanum complectentium projectas modificata, & tineta.

### Corollarium. I.

Colores  
apparen-  
sunt rea-  
les.

Hinc patet I. colores istos veros & reales dici debere non tantum apparentes seu phantasticos, cum eandem cum realibus veris coloribus originem habeant & causam.

### Corollarium II.

Causa co-

Patet II. causa colorum in ocularibus lentibus convexis Telescopiorum, qui tum circa



circā marginē vitrorum tum etiam medium apparere solent: cū enim lentes ejus-  
modi sint latiores & profundiores magisque prohiberent circa medium, ut patet in  
CD Figur. 3. ad marginem verò velut A & B angulose convergant sintque tenuiores,  
fit ut radii hinc minus; illinc magis profundum diaphanum transeunt & ob ejus-  
dem densitatem refracti colore tingantur ex solidæ illius convergentiæ umbris  
partim fædato partim, ipsiusmet profundioris diaphani opacis particulis tincto. Hinc  
in extremitate circulus seu annulus rubeus comparet, qui intus flavescit, in medio  
cæruleus color ob profundiorē radiorum fractorum transitum enascitur.

lorum in  
lentibus  
Tefediop-  
triciis.

## Corollarium III.

Hinc patet III. colores in iride eandem habere originis suæ causam, quæ in  
prismatis trigoni coloribus explicata est. Nam radii solares, ubi in roridam nu-  
bem incidunt, ibique refracti nubem diversimodè densam ingrediuntur simili mo-  
do tum ab ipsis opacis umbris aquarum roridarum, minus magisque profunda-  
rum, tum etiam à confinio obscuro & umbroso atræ nubis tinguntur, per interio-  
rem verò nubis superficiem multa opacitate & umbris præditum impacti ad ocu-  
lum spectaturis reflectuntur.

Colorum  
iridis cau-  
sa.

## CAPUT XIII.

*De variis colorum apparitionibus & phænomenis in quorundam  
corporum immutatione conspicuis, ac mirifico quorundam  
miscibilium Chromatismo experimenta  
varia.*

**H**oc loco nequiquam omittere potui experimenta varia, mirabiles colorum  
apparitiones & phænomena ostendentia; ac licet ea fortè parerga videantur,  
& instituto nostro minus congrua; nihilominus tamen quò tum studioso lectori  
fastidium curiosorum problematum interjectu sublevetur, tum clavis ad altiora  
Naturæ arcana referenda porrigatur, hic reticere nolui. Sunt enim verè curiosa  
ac mirifica, quæ cujusvis animum in admirationem inducunt; utque colorum scru-  
tinium accuratius pervestigari possit, altiores magnis ingeniis speculationes sub-  
jiciunt.

I. Si quis intensè admodum casu vel ex proposito solem intueatur, & dein-  
de visum in objecta obscura seu umbrosa divertat: is primo omnia videbit alba,  
mox flava, deinde rubea, postea viridia, denique cærulea visu scil. per colores istos  
naturali proportionē ex luce in tenebras seu nigrum ordinatim procedente, do-  
nec proprio statui restituatur.

Phænome-  
non ex in-  
tuitu solis

II. In loco quodam qui perfectissimè claudi possit, ita ut nulla ex parte ali-  
quid lucis affulgeat, relinque fenestram chartaceam, in qua imagines quaslibet,  
seu potius umbras rerum depinges: sit autem fenestra ita soli obversa, ut ab eo-  
dem illustrari possit. Hoc facto fixis oculis chartaceam fenestram intuerē aliquam-  
diu, donec fundus oculi imaginem ejus perfecte imbiberit. Occlusa deinde fe-  
nestra in tenebroso loco pone ob oculos chartam candidam, & ecce mirum di-  
ctu, in ipsa charta primo intueberis velut auroram quandam consurgen-  
tem, croceo primum, deinde rubeo, mox puniceo, omni denique colorum ge-  
nere depictum orbem, adinstar iridis pulcherrimæ videbis, deinde figuram fene-  
stræ cum imagine appicta inversam, quæ tandem in cæruleum colorem pulcher-  
rimum rubro intenso mistum degenerabit. Imago verò quæ primo in lucido cir-  
culo nigra, modo flava, subinde recta, & nonnunquam inversa comparebit.  
Omnia denique in tenuissimam umbram tandem vergent, & consumtis ita spiriti-  
bus & simulacris rerum evanescentibus imago tota disparebit, oculosque subter-  
fugiet. Hoc experimentum primum à Josepho Bonacursio se didicisse scribit  
Kircherus de Lum. & umb. lib. 2. par. 2. cap. I. ubi etiam omnia jam relata quomodo


Experi-  
mentum  
imagine  
in charta  
depictæ.



Cistula  
pro hoc  
experi-  
mento.

contingunt, clarè demonstrat. Hoc ipsum etiam experimentum ibidem omnibus curiosis naturæ indagatoribus observandum commendat. Ad expeditam præxim hujus phænomeni exhibendi, potest formari cistula quædam velut repræsentat A B, quæ ab una parte chartaceam fenestellam C cum icone habeat, intus tota sit obscura benèquè occlusa. Ex altera verò parte sic concinnari potest, ut oculos inspectoris ab omni lucis ingressu prohibitos solos admittat, ut monstrant loca G & H. intus autem charta F candida rigidaque aptari sic potest, ut circumvolvi pro libitu possit velut vides in D & E suoque interposito fenestellam C totum tegat, adeoque omnia intus obscurentur. Hac cistula ita parata facile & expedite quovis loco contra solem phænomenum explicatum curiosis oculis poteris exhibere. Vide figuram.

FIGURA XVI



Lignum  
Nephriticum.

III. Ligni cujusdam candidi Mexicani genus est, quod indigenæ Coatlicue & Tlaparalli vocant, à nostris vero Medicis Nephriticum dicitur, eo quod contra Nephritim seu renum & vesicæ vitia medicam habeat virtutem; hoc lignum aquam in omne genus colorum transformare solet hoc modo. Lignum assulatim & minutim concisum in limpidissima aqua fontana maceretur, vel ex hoc ligno torreo paretur vasculum, in quod aqua limpida fontana fundatur. Videbis brevi temporis spatio aquam in opaco vasculo intense cæruleam colore floris buglossæ tingi, & quò diutius in eo steterit, tantò intensiorem colorem acquireret. Hanc deinde aquam, si vitreæ sphæræ infuderis, lucique exposueris, ne ullum quidem cærulei coloris vestigium apparebit, sed instar aquæ puræ fontanæ limpidam, claramque aspicientibus se præbebit. Porro si phialam hanc vitream versus locum aliquem magis umbrosam direxeris, totus humor gratissimum virorem referet: si adhuc umbrosioribus locis, subrubrum, & sic pro rerum objectarum conditione uti si variorum colorum pannis, aliisque rebus diversimodè obscuris objeceris, mirum dictu, semper novos eosque varios alios colores induet. In tenebris magis obscuris vel in vase opaco rursus posita cæruleum suum colorem resumet. Refert. hoc Chamæleontinæ naturæ portentum Kircherus de Lum. & umbra lib. 1. part. 3. cap. 4. causam verò hujus tam exoticæ colorum permutationis tradit idem lib. 10. de lum. & umbr. part. 2. cap. 4. aitque à sale ammoniaco, quod omnia colorum genera in se continere dicitur, quove hoc ligni genus valde turget, provenire.

IV. Accipe



IV. Accipe salis communis, salis ammoniaci duplum primi, vitrioli Romani & Cyprii, hoc est, viridis & carulei, aluminis Tolfici vulgo della Rocca tantum ex uno quantum ex alio, misceantur omnia simul, ponanturque in balneo vaporatorio, & mox ubi liquefactam salium misturam vaporare senties, accipe imagines quascunque æri incisas, & vaporis expone, & colores salibus, vitriolisque naturaliter insiti vaporis permixti imagines mox omni colorum genere tingent, qui tamen colores non semper & ubique, nisi tunc potissimum cum luci fuerint expositæ, comparent vesperi autem ad candelam, aut interdiu ad umbram nec ullum coloris vestigium demonstrant. Artificium hoc ut scribit Kircherus de lum. & umb. lib. 10. par. 2. cap. 4. in Francia primo inventum.

Imagines æri incisæ  
miros colores referre possunt.

V. Obvia est cuilibet & facilis experientia in eliquandis metallis, ubi videre licet varios & jucundissimos colores: e. gr. in stanno dum primum ad ignem liquefcit & concidit, colorem habet album vel argenteum, aucto verò magis calore sequitur flavus color in superficie, inde aureus, postea perfectè massa colligata rubescit, mox purpurascit, demum caruleam cuticulam desuper acquirit, tandem hac cuticula nimium exusta nigrescit. Sic omnes hos ordine colores ostendit. Puto causam hydrargyro, quod in omni metallo lateret, adscribendum, ut mox patebit.

Experimentum colorum in liquefactione metallorum.

VI. Si argentum vivum vapore plumbi congelatum cochleari æneo positum carbonibus accensis calefeceris, tanta mox in liquefactâ materiâ comparebit colorum varietas, ut nulla major in mundo concipi possit, ita lucidorum, ut nulli eorum, quos apparentes vocant, iis comparari possint. Ex hoc experimento concludit Kircherus de lum. & umb. lib. 1. part. 3. cap. 5. argentum vivum omnium metallorum semen esse, quorum omnium in se potentia, & virtute continet colores calore in actu deductos.

Argentum vivum miros colores exhibet.

VII. Argentum vivum & salem Ammoniacum simul terito, & in matraccio calore arenæ sublimato, hoc facto acquies pulverem album, qui deliquio solutus aquam limpidam fontanæ æmulam præsentat, hæc æri aut cupro illita argentea apparet, & vasis æneis leviter affricata eadem velut perfectè deargentata reddit. Si aquam pares ex argento vivo sublimato cum sale Ammoniaco per deliquium, & in hac æs ferrumve restinguas, argenteo colore donabis. Ait Kircherus si quis laborem insumere velit & sublimationem identidem repetere sublimata, deinde aqua regia solvere, solutumque digerere; habebit is magnum in natura secretum ovum videlicet physicum, cujus vitellus in medio rubet, aqua circumstans pro albumine est, quæ tingitur illo, sicut vitellus rubeo. Item si salem Ammoniacum & ovi cortices simul tritureris, & ex iis aquam chymico organo exceperis, in eaque æs ignitum extinxeris, miram suscipiet albedinem. Si ex antimonio extrusum argentum vivum, super æs projiciatur vel defricetur, eximiè dealbatur. Quod non facit fossile & metallicum item sume aquæ fortis unciam semis, Mercurii scrupulum unum, tartari albi, & salis parum pone omnia simul in vase super calidos cineres, probeque commisce, fiet pulvis, cujus affricatu quovis metallum argento simile facies. Aliter salem ammoniacum alumen, & sal nitrum pari pondere commisce, & modica argenti scobelima quæ sita igni admove, ut infervescant: ubi fumare desierint æs respersum pulvere, vel oris saliva madefactum, vel paulatim adjectum digitis fricando tractabis; argenteum colorem conciliabis. Idem præstabis, si argenti pusillum forti aqua solvas, tartari tantum mergas, & ammoniaci salis, dum strigmenti crassamentum imitetur, inde in orbiculos digeras, & inarescere finas. Si his æs aut aliud consimile genus digitorum fractatione crebra ac salivæ complexu imbueris argenteum videbitur. Sed ejusmodi argentata ab acris velut aceto, urina, succo limonum & similibus custodienda. Alia via rursus ejusmodi dealbationem institues: pulverem ex calce Tartari, Alumine & Arsenico albo calcis lixivio dilutis resiccatisque in æs liquefactum conjicies, & habebis quæsitum. Itidem si aquæ fortis unciam sumas, & in ea denarium optimi argenti prius malleo attenuatum, deinde in partes minutim concisum injicias, & ad ignem in vasculo idoneo, donec in aquam resolvatur, argentum

Experimentum aquæ ex argento vivo & sale Ammoniaco præparatæ.

Ovum physicum ut parandum.

Metallum argenti nitore affricere.



gentum penas. Hoc facto auferas ab igne, addasque tartari albi contriti tantum, ut totam aquam imbibere queat, acquies massam, qua cum aliquod aerum confricatum fuerit argenti nitorem induet.

Aureum  
colorem  
metallis  
inducere.

VIII. Poteris & aureum colorem ex tempore metallis inducere, parata prius aqua hoc modo. Accipe salis petrae, aluminis Roccae libram unam, Tuliae & Gelaminae libram semis cinabaris uncias octo, vitrioli Romani uncias decem. Omnia tere & pone in organo distillatorio, & per 6 dies totidemque noctes in igne æquè intenso relinque, fiet aqua, quâ si quodcunque metallum illinas aureum induet colorem. Alia praxi non tantum metalla, sed & lapides aureo colore donabis, quæ talis est. Accipe salis ammoniaci, Calchanti albi ana partes quatuor, salis lapidei & æruginis ana partes tres. His in tenuissimum pulverem reductis annulum lapidem vel quidvis igni contumax ita obrue, ut à dicto pulvere plane tegatur; postea sic in ignem per horam impone, & extractum recenti urina immerge, ablue & deterge.

Lapides  
deaurare.

Plumbum  
nigrum in  
candidum  
converte  
re.

IX. Plumbum nigrum in candidum hac arte convertes, Ex arsenico albo, calce tartari, sale gemma, & ammoniaco fiat pulvis, quem aceto perfusum septem dierum spatio macerabis, maceratumque ad siccum coques, ejus pollex supra liquefactum plumbum projectus dabit magnum in fingendis argenteis vasis subsidium.

Stanno ar-  
genti co-  
lorem in-  
ducere.

X. Stanno argenti colorem sic inducere potes. Eliquetur stannum in vase ferreo: si liquatum est adde cuique libræ unciam Reguli de Antimonio, & dimidiam unciam rubri Arsenici, item duas uncias olei communis, hæc ligno bene misceantur, & tamdiu in igne permittantur donec oleum penitus consumptum sit: his factis farinam injice & obrue, ac permitte ad ignem donec etiam hæc combusta sit, tandem effunde & projice in virgulas, habebisque stannum argento simillimum, unde quoque folia ad argento res obducendas malleari possunt. Sed missis istis, quibus plures libri abunde scatent ad magis miranda colorum transmutationis miracula procedamus.

Mira ex-  
perimenta  
per com-  
mixtionē  
variorum  
liquorum  
diversos  
colores ex-  
hibendos.

XI. Vir Clarissimus Thomas Willis in libello de ferm. cap. II. experimenta verè mirifica hæc tradit. *Solutio, ait, saturni cum aceto destillato facta tanquam aqua communis pellucida apparet: huic si oleum tartari instar aquæ limpidam adjicias, mixtura statim lacte similis albescit. Si Antimonium cum nitro calcinatum aquæ fontana incoquitur, colatura videtur limpida, & ferè inodora, quæ tamen acido quovis perfusa colorem illico croceum cum pessimo fœtore acquirit. Aqua communis Mercurii sublimati infusione imbuta, ab oleo tartari instillato statim flavedine tingetur. Solutio stanni calcinati salis tartari deliquato commissa cærulea evadit. Infusio gallarum limpida solutioni vitrioli permixta fit atramentum. Huic si spiritum vitrioli aut aquam stygiam adjicias liquor nigricans instar aquæ fontanae fit denuo pellucidus, hunc oleum tartari rursus in atramentum reducit. Quodque magis mirum est: si charta cum vitrioli infusione limpida scribas, & literas quascunque exaraveris: quod ita scribitur brevi evanescit, nec characteris vestigium aliquod relinquitur: veruntamen si infusio gallarum charta illinatur, protinus litera, velut atramento scripta legenti prostant: quas tamen penna spiritu vitrioli intincta uno illitu prorsus delet: atque statim alia liquore tartari imbuta denuo reddet. Tinctura violarum cærulea oleo vitrioli suffusa purpurascit: cui si guttas quasdam spiritus cornu cervi addas color ille purpureus in viridem mutatur. Lignum Acanthinum, è Brasilia petatum aquæ communi infusa tincturam grate rubicundam vino rubello similem deponit. Huic si parum aceti distillati infundas, liquor instar vini albi limpidus apparet: gutta quadam olei tartari colorem valde purpureum reducunt: dein si spiritus vitrioli infundatur, instar vini Hispanici pallide flavescit; si plumbi salem deliquio solutum adjicias mixtura illico lactescet. Hæc sunt phænomena revera valde curiosa & rara, quæ ipsiusmet verbis idcirco integre referre placuit.*

Rationem porro istorum exoticorum & verè mirabilium chromatismorum quod attinet, cum satis doctè & probè subnectat, ideo hic quoque libuit appo-

nero:



nere: ait enim. *Hujusmodi phenomenon ratio si inquiratur, omnino peti debet à particulis minutis intra poros cujuslibet liquoris contentis; quæ quo ad situm & positionem ab alio liquore infuso diversimode alterata radios lucis variè transmittunt, multifariam refringunt aut reflectunt, adeoque diversas colorum apparentias faciunt. Cum enim radii lucis ferè recta pertransseunt, sit color instar aquæ fontanae limpidus: si transit parum refringantur, liquor citrinescit; plus adhuc refracti ruborem inducunt: si incurvantur adeo ut non denuò emergant, opacitas aut nigredo oritur: sin ab extrema liquoris superficie statim reflectuntur albedinis phasin creant: atque hoc ritu circa alios colores eorumque apparentias variè philosophari licebit, quorum diversitas & subita alterationes in liquidis à precipitatione imprimis dependent. Quippe prout particula in liquore contentæ ab alio infuso modo propius adiguntur, ut se invicem complacent, modo in alias ordinationum series ordinantur sit diversimoda colorum representatio: etenim liquor hujusmodi corpusculis sive atomis minutissimè contractis imprægnatus videtur quasi acies militum statis ordinibus collocatorum, qui prout stationum ordinarum series modo contrahunt, modo dilatant, modo dextrorsum aut sinistrorsum invertunt, pro multiplici artis tactica apparatu diversissime apparent. Cum duo pellucidi liquores simul commisti atramentum conficiunt: ideo est, quoniam particula in utrisque contenta invicem approximantur, & velut clausis ordinibus collocata radiorum lucis transitum inhibent: cum ab alio liquore infuso atramentum hoc denuò clarescit: ideo est quoniam infusi nova corpuscula particulas priores attiguas ab invicem dispartiunt ac in ordinum clausorum aperturas adigunt. Ita ille.*

XII. Lignorum quorumlibet aliorumque combustibilium fumus licet sit ater, sibi tamen albet, argenti vivi sulphure mixti rubet. Suffumigium ex sulphure colores vegetabilium mutat in candidos; sic si florem cujusunque coloris fumo sulphuris suffumigaveris, ex tempore candidum reddes: etiam manus admodum nigra dum sulphureis flammis aut alia quævis sordida superposueris ex fumi nitore albescent, & nitiora fiunt. Coralla per se rubra igne albescent; cerussa è contra, quæ ex plumbo & aceto fit, per se alba, ustulata fit minium & rubescit. Cupri tinctura insigni viriditate conspicua injecto sale ammoniaco evadit cyanea. Fictilia si æris squamæ super porphyrite lævigatæ admiscueris aquam infecta rufo colore æris instar apparent: ad ignem fornacis exposita viridia efficiuntur. Zaffara cruda tingit fictilia subnigro colore, igne percocta in cœruleum præstantissimum mutantur.

XIII. Ad vini præstantissimi colorem in aqua ementiendum ita procede: faccharum album, quale communiter in esculentis adhibetur, super arduos carbonem in ferreo cochleari colliqua, & tamdiu coque, donec inspissetur, & tenacissimum instar picis nigra reddatur. Dum calidum adhuc effunde super stanneam orbiculum mensalem, ut refrigeretur, & serva ad usum. -- Notandum autem quod si faccharum sic tostum primo durum & friabile sit, deinde tamen in loco humidiori collocatum facile duritiem remittat, & prope fluidum reddatur, unde quomodo asserves attendendum est. Hujus materiæ si vel pauxillum aquæ injeceris, ac commovendo miscueris, mox (ut facillimè colliquescit) aquæ præstantissimum vini optimi colorem absque ulla impuritate, aut alieno quocunq; sapore adducet. Hoc modo solent quidam in convivii & largioribus comotationibus aliis imponere, dum aquam vini colore tinctam ita ipsi bibunt & sobrii manent, alios autem fortiori potu vini pene ad decubitum inebriant. Quod si vino pallenti aut minus colorato similiter pauxillum hujus materiæ injeceris, nobilissimo colore omnes arridebit. Quantum autem requiratur ad majorem aliquam vini quantitatem ita tingendam experientia melius addisces, si in minori aliquo vasculo prius probam instituas. Dicunt aliqui ad unam amphoram nostræ mensuræ Franconicæ requiri duas uncias hujus præparatæ materiæ: ab alio didici, qui dimidiam libram sufficere aiebat, ad integrum plaustrum ita tingendum. Si vinum valde palleat, possunt adhiberi  $\frac{3}{4}$  unius libræ, aliter idem præstare poteris hoc modo, dum panis siligineus fermè coctus in furno, exime panem unum, & sume de interiori ac rariori

R

polenta,

Fumus va-  
riorum  
combusti-  
bilium  
quos co-  
lores effi-  
ciat.

Vini præ-  
stantissimi  
ementien-  
di praxis.

Alia præ-  
xis.



polenta, & inde forma parvos orbiculos, melleque inunge. Dum denuo superaffer-  
culum vel cupream aut ferream tabulam mitte rursus in fornacem, ut optimè co-  
quantur, & omninò indurescant. Quo facto eos exime, & serva ad usum. Horum  
orbiculum, si unum vel alterum aquæ purissimæ vel pallido vino injeceris, similiter  
præstantissimi vini colorem acquirat.

Artificia  
varia tin-  
cturarum  
præcipuè  
pro ther-  
moscopiis

XIV. Artificia varia tincturarum in usum potissimum pro thermoscopiis hæc  
esse possunt. Tincturam rubram similitudine Carbunculi lucentis ita parabis. Acci-  
pe gummi laccæ, cui in aqua limpida dissoluto nonnihil aluminis vulgò di Roc-  
ca adjunges, deinde totam misturam indes vesicæ vitreæ, quod *Materacium* Chy-  
mici vocant: quam deinde cineribus calidis impones, & in intensissimam rube-  
dinem adinstar rubini convertetur. Cui si nonnihil olei tartari infuderis, tunc  
colorem obtinebis, quem vulgo vocant incarnatinum. Si ad similitudinem sma-  
ragdi tincturam parare velis. Accipe syrupi violacei partem unam intra phia-  
lam; cui si aquam limpida super affuderis, & huic nonnullas guttas olei tar-  
tari addideris, habebis peracta præcipitatione tincturam smaragdino colori simil-  
limam, id est gratissimè viridem. Ut tincturam acquiras saphyrino colori similem.  
Accipe calcem vivam in vase cupreo, ac in aqua limpida dilutam. Huic ad-  
junge nonnihil salis ammoniaci, quod ubi horis 12. circiter consistere per-  
miseris, tandem liquorem totum in saphyrum colorem cœruleum, & ultra-  
marino haud absimilem degenerasse comperies. Ut verò colores hi splendidio-  
res fiant, per chartam Diaphoreticam prius transcolandi sunt.

Imagi-  
nes quæ-  
cunque ut  
marmor  
appingen-  
da.

XV. Imagines quascunque perpolito marmor, aliisque lapidibus appingere  
miraratione docet Kircherus in mundo subter. Tom. 2. lib. 8. sect. 1. Pinget ait, quam-  
cunque volueris imaginem in charta hac colorum apparatu: misceantur colores, qui  
minerales esse debent, vitriolo, sale aquis diluto, & petroleo distillato prius cum non-  
nulla portione aluminis chartam sic pictam pone inter duas tabellas marmoreas ad  
lavorem exactum dedolatas, & commissuris cerâ ac pice oblitis, ne humiditas acce-  
dere possit, has condes in loco humido & menstruo aut etiam bimestri aut trimestri  
spatio peracto dissolve tabulas & invenies in tabula alterutra imagines ad vivum de-  
pictas, nulla parte distorta, vel intra ipsum fundum tabulæ aliquousque coloribus pe-  
netrâsse comperies: eundem successum habebis, si vel solo atramento vitriolo probe di-  
luto picturam delineas. Idem ibidem mirabile arcanum tradit, quo figura quævis in  
marmore depicta totius lapidis soliditatem penetrat. Artificium primario consistit  
in præparatione colorum, sic ergo ad eos tibi præparandos procede. Accipe aquæ  
fortis duas uncias, aquæ fortis sive regię itidem duas uncias, salis ammoniaci unciam  
unam, spiritus vini optimi drachmas duas; auri tantum, quantum novem tuliis emi-  
tur; argenti depurati drachmas duas. Hisce comparatis argentum calcinatum jam  
phialæ impone, & 2. drachmis aquæ fortis super affusis exhalandum relinque, & ha-  
bebis aquam, quæ tibi colorem cœruleum, & nigrum postea dabit: deinde phialæ  
imponere aurum calcinatum, & super affusa aqua forti usque dum exhalârit, seponere;  
deinde sal ammoniacum una cum spiritu vini affuso, relinque, donec exhalaverit  
spiritus, & habebis aurei coloris aquam, quæ diversos tibi colores dabit, atque hac  
arte ex reliquis mineralibus diversas colorum tincturas extrahere poteris. His ita-  
que peractis, duabus hisce aquis pinges quamcunque volueris imaginem in marmore  
candido mollioris substantiæ, & singulis diebus renova aquarum superadditione  
figuram, & cum tempore comperies picturam totius lapidis soliditatem penetrâsse,  
ita ut sectas in quodcunque volueris partes semper ex utraque parte eandem tibi  
figuram exhibent. Quæ res uti rara & insolita est, ita maximam quoque admiratio-  
nem spectantibus parit.

Experimē-  
tū curiosū  
circa colo-  
ris permu-  
tationem.

XVI. Experimentum curiosum permutationis colorum obiter mihi aliquando in-  
notuit, quod facillimè quivis advertere poterit. In folio chartæ vel alio plano, quod  
illustri ac vivaci aliquo colore sit imbutum velut esse potest color igneus ut est minii  
figura quædam excisa alterius coloris aliquantulum obfuscati (qualis esse potest  
cœruleus) agglutinetur aut superpingatur, ita tamen ut hæc figura mediam  
folii



folii partem non excedat; reliqua permittatur vacua. Dum exposito hoc folio chartæ lucis aut solis radiis, aut illustris candelæ flammæ, ut vides in C; oculo D fixo & obfirmato intuitu aliquandiu intueri figuram illam excisam A. Deinde mox converte oculum ad vacuum reliquæ chartæ partem B; & videbis aliquandiu eandem figuram ibidem expressam, sed converso plane modo; Quod enim in A erat cœruleum, hic in B erit intense rubeum aut flammeum, & quod erat ibidem in A illustre & intensum flammei coloris, hic in B erit obfuscatum coloris cœrulei. Sed hæc indicasse sufficiat, nunc ad alia.

FIGURA XVII.



Fig. XVII.

## CAPUT XIV.

*De coloribus seu tincturis à vegetabilium corporum substantiis artificiosè secernendis.*

**A**Rs est non minus utilis, quam jucunda, quæ tincturas sive colores compositorum substantiis congenitos artificiosè referat, abstrahit, ac ad usus secretiores artificium traducit. Sic enim licebit flores maxime conspicuos, herbas, plantasque ex ipsismet propriis coloribus abstractis genuinè ad vivum in chartis abumbrare: sic pannos, subtilesque telas sericas aliisque generis tincturis maximè illustribus afficere, vitrum quâ vivacissimis coloribus ad ementiendos quoscunque lapides pretiosos tingere, sic aquas distillatas colore ex ipsis herbarum floribus abstracto, eoque gratissimo, & minimè noxio artificiosè possumus imbuere. Quomodo autem hoc fieri, tincturæque à subjectis vegetabilium resolveri queant, cum rem haud ingratam me præstiturum putem, hoc loco explicare conabor. Sed prius quid de ejusmodi tincturis dicat Porta lib. 10. cap. 15. videamus. *Tinctura* (ait) *colorata rei purior, efficaciorque pars extracta, nobilissimaque sui compositi; extrahitur verò ex gemmis, lapidibus, plantarum floribus, radicibus, seminibus & cæteris: in hoc ab essentiis diffidet, quia præcipue materiei ex qua extrahitur, colores adsciscit, artificiosè à suo misto segregatur, solertia & diligenti manus ministerio potius quam labore, destillatione segregatur pinguedinis & materiei expers sub pellucidi coloris facie colorem solvendo gemma vel florum mentitur, ab aliorum elementorum mistione libera solum aërem puritate & perspicuitate amulatur,*



*absque ulla impurioris materia accessione, sed purissima substantia ut multorum annorum spatio nil facium in sui vasis fundo deponat, sed perpetua perspicuitate, subtilitate & virtute perennet, artificiose saphyri mistura separatur, remanet excolorata materies & inutilis utet in aliis rebus.* Hæc Porta. Ex quibus verbis intelligis, quid per tincturas seu colorum separationes hoc loco velimus: metallorum porro, gemmarum, lapidum pretiosorum tincturas, quia secretioris & altioris sunt studii hic non tangemus, solum vegetabilium tincturas seu laccas ut vocant varias describemus, qua scil. via praxique à cujusvis compositi colorati compage resolvendæ sint, sed ut rem, ab ovo quod ajunt, ordiamur:

Duo cum-  
primis  
magna  
solventia  
seu men-  
strua  
ignis &  
aqua.

Scire cum primis decet ad quorumvis corporum solutiones, eorumque compagem referendam duo cum primis magna aut prima solventia seu menstrua velut claves penetrationis in naturâ dari. Sunt verò ignis & aqua: quorum ille si proximè & immediate adhibeatur, corporum compagem omninò dissolvit & destruit, principia ab invicem abigit, & velut in auras dissipat, superstitè solum terra cum pauxillo salis. Si verò mediatè adhibeatur, compagem corporum distendit, dilatat, particulas quasdam educit, relictis aliis, ut in distillationibus & operibus chymicis aliisque artificiosis solutionibus videre licet.

Aqua non ita promptè quomodocunque applicata destruit corpora, verum partes aliquas è subjectis elicit, easque in sinu suo excipit, atque pro variis usibus firme retinet, cum verò non facile quævis corpora posset penetrare, sed sæpe debeat intacta relinquere, varii excogitantur modi, quibus menstruum aquæ possit acui, ut ita quibuslibet corporibus dissolvendis & referendis eorum particulis idoneum reddatur. Etenim pro ratione corporum quæ dissolvere, & partium quas in se debet suscipere, quibusdam velut armis instrui debet, quibus subjecta quævis referare, & particulas modo has, modo illas occupare possit.

Menstru-  
um aquæ  
acuitur  
duplici  
acumine.  
Naturali.

Acuitur autem aquæ menstruum duplici cum primis acumine, simplici nimium seu naturali, & artificiali seu composito.

Primus acuminis modus simplex & naturalis, quo aqua simplex corpora dissolvenda subit hic est, ut particulis igneis seu caloris adventitii spiculis instruat: sic enim cum incidatione quadam in corpora profundius adigitur, atque ex intimis eorum recessibus ramenta quædam velut minutias delibat: Hinc solemus materiam resolvendam aquæ incoquere, aut saltem tepidæ infundere: qua ratione particulæ quædam ad egressum promptæ, nec ita firmiter affixæ intime licet coherentes compagem laxatis poris deserunt, & in aquam excidunt, cujus proinde complexu foveantur & retinentur. Ita per coctionem tincturæ quæ non tam alte latent, nec adeo firmiter adhærescunt, per simplex aquæ menstruum solius caloris adventitii spiculis instructum provocantur. Exemplâ cum obvia sint, opus non est hic in medium proferre.

Artificia-  
li.

Alter acuminis modus est artificialis quo menstruum aqua efficitur vel spirituosum una cum ignearum particularum vehiculo, vel salis acredine munitur, vel una spiritus, calētis & salis acris acumine simul instruitur. Menstruū aquæ spirituosū cum ignis complexu efficitur, quando è corpore spiritus & ignis turgido liquor clarus & limpidus exstillatur, prout è vino aliisque corporibus fermentatis & ad exaltationem perductis, qui corporibus vegetabilium adaptatus facile corpora subit, & partes omnes sua subtilitate penetrat, & quia caloris insuper particulas haud segnes aut minus actuosas una secum advehit, fit ut illo tanquam altera naturæ in resolvendis corporum particulis clave instructus, nempe alterius principii solventis scil. ignis acumine munitus particularum quarundam sibi proprietate magis conjunctarum aliis interim intactis, resolutiones perficiat: quas ita referatas complexu suo fovet & retinet. Hic liquor ita resolutis particulis imprægnatus cum denuo ignis applicatione in suas partes evaporando aut distillando resolvitur, fit tunc ut avocantibus spiritibus & levioribus principiis particulæ ante segreges factæ velut gravior sarcina, ob terrestrem nimium gravitatem in fundo relinquantur; sicque partes



partes prius extractæ solæ jam & liberæ deponantur. Sed hujus solutionis practice instituendæ exemplum ponamus in extrahenda tinctura è foliis rosarum.

**Extractio tincturæ è foliis rosarum aliorumque florum per menstruum spirituosum aquæ vitæ.**

Praxis extrahendi tincturam è variis floribus.

Accipe rosarum folia præsertim rubrarum, & in capillares & minutissimas artes (abjectis tamen luteis aculeis) forfice dissecas: divisas in aquam vitæ projice & illico sanguineo colore tingetur. Post tres horas illas tolle, & alias projice quoad usque aqua coloratissima fiat. Aquam deinde transfunde, & igne fac evaporare, ut in aërem resolvatur, subsidet in fundo tinctura sanguinis quam serva, similiter in aliis floribus, foliis, herbis, plantis, radicibus resolutionem tincturæ facere poteris.

Alia praxis.

Alia praxis priori haud multum difformis tincturas per menstruum spirituosum resolvendi & extrahendi innouit: non quidem beneficio spiritus vini, sed alterius spiritus ex heris, plantis, aut floribus quibuscunque elevati, ac in coloratum vegetabile propinquum elati; ubi dum colorati laxas ex tempore particulas subit ac subtilitate sua penetrat tinctisque particulis sociantur à frigidi loci constitutione, deinde condensatis una cum tinctura sibi firmiter connexa delabitur, atque colorum miscella gravis distillare cogitur. Omnes enim chymicè extracti spiritus dum ascendant albiunt, & infusione ac conjunctione materialium quæ tinctura continent, tinguntur. Fit autem practice hoc pacto: materia distillanda inditur cucurbitæ non nimis altæ sed satis amplæ (altitudo enim vasis artificem detinet, quem amplitudo iuvat) & imponitur alembicus magnus colorato vegetabili oppletus, qui spiritus ascendentes facilius capiat, & in humorem resolvat. Postea pro ratione rei elevandæ ad calorem adæquatum ponitur opposito receptaculo humorem delabentem accipiente, omnibus juncturis probè clausis ignis adhibetur eò usque quò omnis in alembico tinctura vegetabilis colorati extracta sit. Exemplum ponimus in extractione tincturæ rosarum.

**Artificium tincturam ex rosis & sua ipsamet aqua extrahendi.**

Tinctura ex rosis ope propriæ aquæ.

Rosis recentibus imple cucurbitam ad tertiam partem, illamque in balneo marie pone aqua adhuc frigida: postea alembicum rosarum rubrarum foliis, quibus aculei lutei decerpti sint comple, cucurbitæquè impone, & appposito receptaculo juncturisquè lutatis ignem accende. Tunc humor ascendens alembicum occupat, atque ex rosis tincturam extrahit, condensatusque in aqua, in receptaculum destillat roseis: tamdiu verò continuatò colore perge, donec nulla aqua transcendat amplius & rosæ in alembico albescant. Hæc praxis inservit ad quasvis æquas distillatas suo è floribus extracto colore artificiosè tingendi.

Cum aliquando tinctura vegetabilium altius latet, nec spiritu vini sufficienter prolicitur conducit menstruum aquæ vitæ spirituosum aliis salinis acribusquè speciebus additis fortius imprægnare, quo tinctura secretius latens, ac firmitus astricta potentiori virtute protrahatur.

Quomodo menstruum aqua salinis & acribus speciebus acendum.

Hujus modi exemplum habes in arte vitæ. Antonii Neri. lib. 7. cap. 119. in extractione tincturæ ex granis Kermes, quæ ita perficitur.

**Lacca ex granis Kermes.**

Laccam ex granis Kermes extrahendi praxis.

Recipe aquam vitæ quæ primo destillaverit, & in lagenam ejusdem mitte libram unam aluminis benè pulverati, ut dissolvatur. Postea uncia una granorum Kermes in mortario æneo contusorum & per cribrum transactorum ut nihil superfit. Omnis hæc materia servetur vase vitreo, quod collum habeat minimè angustum, agiteturque bene, & aqua vitæ mirum in modum tingetur. Hoc peracto stet per quadriduum, & effundatur in vas terreum vitro obductum. Deinde recipe aluminis Rocæ uncias quatuor, easque in aqua communi dissolve, atque hanc aquam solutionis effunde in vas illud, quo aqua vitæ granis Kermes tincta servatur, & super vase terreo per manicam ut vocant Hypocratis seu tibiale lineum



extensum super capaci lebate aut cacabo cola, & aqua vitæ transibit coloris omnis expers relinquendo tincturam in manica. Quod si coloratior aliquando transierit, coletur denuo & clara evadet. Hæc lacca cochlearibus parvis ligneis & puris è manica solvitur, & segmentis lini excipitur, exceptam sic & latius aliquantò extensum positis ordine lateralibus, impone ut citò & benè siccescat: etenim diuturno humore situm contrahit, & colorem reddit illepidum. Quare si lateres plus humoris imbiberint substituendi erunt recentes alii, tantò enim citius siccescit. Siccata jam lacca auferatur à segmentis lini & color erit pro pictoribus aliisque artificibus optimus. Sicquè exiguo labore quantitatem laccæ granorum Kermes majorem & nobilissimam habere poteris. Hic est modus Antonii Neri ut ait Pisis à se inventus.

Menstruum salinum, quod salis acredine acuitur in extrahendis vegetabilium tincturis majoris censetur efficacis, quia particulis magis acutis & penetrativis constat, tincturas etiam ab aliarum particularum admixtione secretiores prolicit, unde easdem puriores, magisq; venustas educit. Constat autem menstruum hoc è salibus tartari, aluminis aut herbarum, plantarum liquorumq; incineratione factis & deliquatis, qui ab igne etiam valde acuuntur, majoremque penetrativam virtutem acquirunt. Cum item menstruum ejusmodi tincturas extractas complexu non admodum forti contineat, sed facile demittat & præcipitari sinat, decantato salino latice, & per repetitam sæpius fontanæ limpidæ affusionem omni acridinis vinculo sublato tinctura omnino venusta & elegans producit. Exemplo extractionis tincturæ è floribus genistæ ope hujusmodi menstrui rem optime declarabimus.

Extractio tincturæ è floribus genistæ beneficio menstrui ex sale Alkali calce & alumine.

Quomodo ex floribus genistæ tinctura extrahenda.

Ex soda vitrariorum & calce facies lixivium modiocriter potens in hoc lixivio ad lentum ignem recentes genistæ flores ita coque, ut lixivium omnem florum tincturam attrahat, id quod cognosces, si flores extracti albicantes & decolores, & è contra lixivium instar elegantis Trebiani flavum sit. Exemptis tunc floribus lixivium in vasis fictilibus vitriatis toco ad bulliendum admove, eique tantum aluminis Roccæ superaddito, quantum ab igne dissolvi poterit. Deinde ablatum ab igne lixivium in vas aqua limpida instructum effunde, & color flavus fundum petit: quo facto quiescat aqua, decanteturque, atque alia recens affundatur, & ubi tinctura resederit iterum decanteretur, idque tantisper fiat donec sat lixivii & alumen omne à tinctura ablatum sit. Laccam in fundo relictam super segmentis lini candidi extende & lateribus recens coctis aut lapidibus calcariis in umbra siccabis, habebisque Laccam optimam. Simili modo ex omnibus herbis & floribus ejusdem coloris Laccam & colorem poteris ope lixivii extrahere.

Laccæ pictoris faciendæ artificium.

Libet hic insignem modum proferre, quo Lacca coccinea pro pictoribus valde elegans è granis Kermes elicitur ope magisterii in tomentum prius translata tinctura, à quo per lixivium artificiose rursus abstrahitur & præparatur. Sed quomodo tomentum & magisterium rite parari debeant, præmittendum.

Præparatio Tomenti pro Lacca coccinea.

Recipe libram unam tomenti albi tenuioris, eamque per diem integrum in frigida detine, exemptamque benè exprime, ut unguinosum illud quod, tondendo recipit, dematur, & postea alumine illam infice eo qui sequitur modo. Recipe aluminis Roccæ uncias quatuor, tartari crudi pulverati & in cacabum parvum cum mensuris aquæ missi uncias duas: ubi bullire aqua coeperit, tomentum injice, idque per dimidium horæ spatium ad lentum ignem coque, & ablatum postea ab igne per horas seu refrigerare permitte. Exemptum deinde tomentum aqua limpida lavabis, & ubi per bihorium steterit exprimes siccari permittes.

Magi-



## Magisterium quo cocci color extrahitur.

Recipe mensuras frigida quatuor, fursurum frumenti libras quatuor, pyrethri orientalis & xani Græci ana drachmas duas : omnibus in cabacum missis admoveatur ignis donec aqua tepesciat, & manus ferre calorem ejusdem possit. Inde aqua auferatur ab igne, & cacabus panno tegatur, ut calorem quam diutissime seruet, quiescendo per horas 24, quibus exactis lixivium decantetur in usum ut sequitur.

Quomodo  
cocci  
color ex-  
trahendus

## Laccam coccineam ex granis Kermes valde elegantem præparare.

Recipe ollulam puram, in eandemque mitte mensuras tres frigida, ut unam magisterii, & ubi jam bullire cœperit, adde granarum Kermes in mortario aneo confusorum & per cribrum transmissorum, ut supra dictum unciam unam. Postremo recipe aliquantulum tartari crudi, idque in mortario illo aneo funde & tartarum omnem fundo mortarii & pistillo adhaerentem tincturam in se recipiet. Hoc tartarum cum cribratis granis kermes permixtum in aquam, ubi bullire cœperit mitte, ibidemque ut aqua tingatur per tantum spatium, quantum recitando *Miserere mei &c.* sufficiat relinque. Postea recipe alumine, ut supra, infectum tomentum ubi per dimidiam horam in frigida steterit, & aqua in ollula bene tincta fuerit, idque expressa bene aqua mittatur in ollulam, & bacillo bene vertetur, ut prompte tincturam suscipiat. Per dimidiam horam in eo statu permaneat, ita tamen ut leniter bulliat. Postea auferatur ab igne ollula, exemptumque dum ligno puro versatur tomentum in vas frigida plenum projiciatur, & sub finem dimidia horæ aquæ omnis derivetur, submittendo recentem frigidam: qua iterum derivata tomentum exprimitur, & in loco à pulvere immuni ad siccandum seponitur, sed extensum, ne vel situm contrahat, aut alias invalescat.

Elegans  
lacca cœ-  
cinea è  
granis  
Kermes.

Advertatur ut ignis semper oppido lentus sit, fortior enim ignis tincturam reddit nigram.

Postea lixivium facies hoc modo: cineres sarmentorum, aut cujuscunque alterius mollioris ligni (alii roboreos vel alterius durioris ligni cineres adhibent: quales tamencunque adhibeantur, lixivium ne sit fortius quam ut lingua degustatum eandem leviter pungat) telæ cannabinæ duplici impone affusamque senim frigidam percolare in subjectum vas permitte, & quidquid percolatum fuerit, denuò cineri ad percolandum affunde, postea quiescat lixivium purum atque limpidum reddatur, quibus exactis decantetur in vas aliud removendo quidquid est terreste, quia bonum non est.

In hoc lixivium, dum friget, mitte tomentum illud cocco tinctum, & cura, ut ad ignem bulliat maximè moderatum: ea enim ratione lixivium rubro colore tingetur, & tomenti tincturam assumet. Primo ergo nonnihil tomenti recipe atque bene exprime, & si quidem caloris expers fuerit aufer lebetem ab igne, hoc enim est signum assumisse tincturam tomenti coccineam.

Postea libiale lineum vel ut vulgo manicam Hyppocratis super capaci lebere vel cacabo suspendes, & per hoc tibiale tincturam omnem percolabis ipso etiam immixto tomento: & ubi lixivium omnem percolatum fuerit exprime tibiale simul & tomentum, ut omnem tincturam habeas, & in vertendo illud à pilis lava ut purum evadat nitidumque.

Peractis his recipe aluminis roccæ pulverati uncias duodecim, easque in vitrum grande frigida plenum mitte, ibique tamdiu retine donec alumen omne solutum fuerit & ubi jam illud in aquam abierit manicam à pilis optimè mundatam super duobus baculis ita extende vel quâ parte orificium ejus pater superiora, qua pyramidem exit inferiora, & subjectum vas spectet. Postea aquam omnem alumine infectam in lebetem vel ollam qua cocci tinctura continetur effunde, & statim tinctura beneficio hujus aquæ quodam quasi coagulo à lixivio separabitur. Ergo lixivium & tincturam omnem ex ollula  
pura



pura in manicam effunde, & lixivium transibit porum, & limpidum, remanente in manicâ cocci tinctura; vel si omninò aliquid coloris secum traxerit, denuò in manicam redeat, & confectum erit negotium. Deinde globulos tincturæ manicæ adhærentis ligula lignea pura movendo misce, positisque ordine lateribus recens coctis super segmentis ligneis ut supra dictum desicca. Notandum si color magis quam decet plenus & satur sit, plus aluminis Roccæ, si dilutior, aluminis minus addendum esse, & laccas efficies ad votum optimas. Hanc modum sæpius à se practicum scribit supra citatus Antonius Nerus in arte vitra: lib. 7. cap. 117. eodem modo docet idem Auctor ex ligno brasiliensi & rubea laccas parare; ut subdit. cap. 118.

### Laccam valde pulchram ex ligno brasiliensi & rubia parare.

Lacca ex  
ligno Bra-  
siliensi.

Si ex his speciebus seorsim & unaquaque earum per se laccam extrahere volueris eandem plane ut de granis Kermes dictum ratione procedas tingendo aquam hæc vel illâ specie, ita ut minus aluminis in lingulas ligni & rubiæ uncias quàm granorum des. Etenim tinctura granorum altius latet, quàm quæ ex ligno brasiliensi & rubia extrahitur; cum ratione ergo dandum est alumen id quod praxis docebit. Præterea in singulas tomenti libras plus ligni brasiliensis & rubiæ dabis, minus enim quàm granæ Kermes tincturæ habent: & hac ratione laccam pro pictoribus pulchram, & minore quàm ex granis impensa habebis: ex rubia præsertim, quæ laccam præbet pulcherrimam, & coloris speciosi.

Porrò placet hic aliquas regulas seu cautelas subnectere quarum directione in tincturis diversorum vegetabilium feliciori successu obtinere poteris obtentum.

Regule si-  
ve cautela  
in praxi  
observan-  
da.

I. Colores magis perspicui solutionem aluminis tantum requirunt, à sale enim acriore destruuntur.

II. Quorum tinctura altius latet plus aluminis dandum est, quàm quorum minus latet: sic ut dictum supra ad tincturam è granis Kermes eliciendam plus aluminis requiritur, quàm è ligno brasiliensi.

III. Tartarum uni rubri sal continet quàm vini albi magis acre & copiosum, adeoque ad usus hos optimum.

IV. A tartaro tamen flavus color non probe elicitur, unde ad illum è vegetabili extrahendum non adhibeatur.

V. Dum igne colorata coquantur ut tincturam magis gratam & venustam deponunt, ignis oppido lentus adhibendus non fortior; nam hic tincturam obscuriorem magisque nigricatem prolicit.

VI. Extractio tincturæ quæ fit mediante spiritu vini seu aqua vitæ colorem reddit minus venustum & elegantem, imò sæpe emortuum, quàm quæ lixivio paratur, nisi in exigua quantitate, & moderato B. M. calore fiat. Calor enim magis vehemens calores extractos magis obscuros & nigros, ut jam dictum reddit.

VII. Lixivium ex quorumcunque liquorum cineribus paratum non debet esse fortius, quàm ut lingua degustatum eandem leviter pungat.

VIII. In decantatione cum sal lixivii & alumen à tinctura rursus secernitur, tantò magis elegans & pulcher fiet color, quantò tincturam à sale lixivii & alumine communi aqua fontana limpida magis purgaveris. Omnis autem ablatis salis & aluminis signum erit cum aqua decantata omnis falsedinis fuerit expers.

IX. Ad exsiccandas laccas seu tincturas cum præstet eas citius quàm tardius exsiccari, lapides calcarii magis probantur quàm lateres recens cocti, quia citius imbibendo humorem exsiccant: quod & constans pictorum & ex coctorum praxis confirmat.

X. Omnis flos, herba, vel planta quæ recens trita chartam aut panniculum lineum colore suo non inficit huic operi non est apta. Quare priusquam flos aut herba assumitur ad probam examinetur: ut verò facile sciri queat, quæ planta vel



vel flores colorem promptè largiantur, & consequenter pro extrahendis tincturis sint aptiores, sequentem tradit catalogum D. Christoph. Merret in lib. Anto. Neri de art: vitr. cap. 110, quem proinde his lubuit adnectere.

### Nomina plantarum quibus tinctores utuntur.

*Lignum Nephriticum*, & tres illius plantæ species quam *fusticks* Angli vocant, plantæ tincturam præbentes quæ à tinctoribus usurpantur, pro flavo & viridicolore, *Campegiana* & *Sylvester*, duo scilicet granorum & baccarum minorum genera quæ ex India occidentali ad nos devehuntur, & eundem quem *Coccum infectorium* colorem, sed minus illustrem præbent, ideoque cocci vices ob eunt: *Papaver erraticum*, *sumach*, *Glycyrrhiza*, *curcuma*, flores *carthami* *Anotto*, quod ex fuco marino tinctorio, urina & adipe fit, & venustum colorem coccineum præbet, *Genista tinctoria* pro flavo.

### Plantæ quibus tinctores non utuntur.

*Crocus*, *phalangium*, *traefcanti* quod plenum & elegans cœruleum reddit: *Cy- Alia plantæ quas tinctores non adhibent,* anus, quo illustris tincturum cyaneus constat: *Alga marina tinctorum* diversa à fuco; *Hyacinthi colchicum nostrum purpureum*: *baccifera triplex* rubeum profundum exhibens: *Heliotropium* in cuius succo panniculi tincti colorem illum exhibent, quem vulgo Tura-sole vocamus: *Blattaria* flore cœruleo & flavo: *Convolvulus Americanus* folio contracto.

### Plantæ succum coloratum habentes.

*Tithymallus*, *Sonchus asper*, *Densleontis* folio hirsuto, *Hirci barba periploca*, *Rapunculus*, *Lactuca* &c. quarum pars maxima si in sole siccetur, flavescit. At *Hypericum*, & *Androsceum* rubentem succum in capite gerunt: *Chelidonium majus* & *felfel Alpini*, flavescentem præbent. Plantæ succum coloratum habentes.

### Plantæ quarum baccæ colorem exhibent.

*Solanum hortense* & lethale, utraque *Bryonia*, *Ruscus*, *Polygonatum* *Aconitum* *bacciferum*, *Rubus idæus*, *Cerasus ferax*, *Spina cervina* pictorum *succus viridis*, *Nuces juglandes*, *Bezetta seu Toran solis Bezedini*: quæ tamen hoc habet peculiare, quod aquæ colorem suum immersa communicet, ægre vino, neutiquam spiritui vini. *Amaranthi Balaustia*, *semen Heliotropi tricoloris*, quod primo affricu viridem, inde cœruleum, & postremo purpureum colorem reddit teste Libuvio, *fragmenta Alaterni* teste Glutio nigrum: *flores cichorei*, *flores scabiosæ*, *indica Chrysanthemum creticum*, *Nasturtium indicum*, &c. Plantæ quarum baccæ colorem exhibent.

### Plantæ quarum folia colorem producant.

*Stramonium*, *Arbor tinctoria virginensium* cujus tolia si manu fricentur viride dabunt omnium maximè saturum. *Folia Acunthi*, *folia Peti genuini*, *flores Nigellæ Hispanica* ut ut cœrulei, si manu charta vel panno linteo fricentur, elegans viride præbent. Hæc ex prænominato D. Merret loc. cit. ubi quoque promittit, alibi se prolixè & specialiter de iis plantis, quæ tincturas præbent, acturum, & ad certas classes redacturum. Plantæ quarum folia colorem producant.

## CAPUT XV.

### Varia Quæstiones circa lucem & tenebras resolvuntur.

**H**oc loco curiosè libet quædam de luce & tenebris adhuc indagare. Sit ergo.

### QUÆSTIO I.

*Cur solem intuentibus & deinde claudentibus oculum solis adhuc imago perseverat?*

**R**espondet Cartesius Diopt. cap. 6. num 4. hoc aliunde non procedere nisi quod capillamenta nervi optici in solito motu concussa & agitata non tam subito residunt, quàm alias, dum objecta minus fulgida & perspicua cernuntur.

S

Existimo



Lucis radii in retina collecti eam adurunt.

Existimo ego quod à fortiori lumine per penicillos in retinam delato capillamenta illa infestentur, & aliquo modo adurantur, unde oculus maculam acquirit, quæ ita cito non aboletur. Unde etiam.

## QUÆSTIO II.

*Quam ob causam fixo oculo in discum solis oculus postea videt in objecto alio non unam, sed plures maculas eum representantes.*

Causa cur plures maculæ indeantur.

**R**espondeo. Si figatur oculus in discum solarem, oculus ex illius radiorum violentia patitur maculam figuræ illius in se, nec tam faciliè aboletur ob eandem figuram fortius & acutius propter efficaciam & vehementiam radiorum solarium impressam, unde aspiciens in aliud objectum, ut puta parietem, ipsa macula adhuc in oculo perseverans tunc in pariete videri putatur, quia species parietis debiliores in retina depictas ad eum retinæ locum, in quo macula impressa perseverat ob suam præcellentiam illas suffocat, & diluit. Sed cur unus tantum discus solis, qui maculam impressit, attamen plures maculas disgregatim exhibent; causa est, quod ex facili oculorum motu eadem macula in pluribus retinæ locis disgregatim imprimitur, adeoque retinæ fundus non unica, sed multiplici impressione offenditur, quocirca plures maculæ in opposito pariete cernuntur.

## QUÆSTIO III.

*Cur exquisitum lumen diutius spectatum visus organum labefaciat.*

**A**liquibus placet hæc ratio, quod vehementioris luminis appulsu pupilla supra modum constringatur. Unde dolor consequitur ac tandem vires fatiscunt. *Aristoteles* vero lib. 2. de anima cap. 12. text. 123. dicit, quod sensibilis exuperatio superet vires, ex quo fit, ut ratio instrumenti dissolvatur, non secus atque concentus nimia fidium extensione. Unde etiam *Aquilonius* lib. 1. opti. prop. 36. ad hanc quæstionem respondens ait. *Apta organi compositio, quàm propria functio postulat, non solum in figura idonea, sed etiam in exquisita quadam primarum secundarumque qualitatum symetria, ac moderatione, quàm instrumenti rationem appellat Philosophus, consistit. Hanc verò cum excellens sensibile penitus aut ex parte labefaciat, fit ut facultas ipsa organo insidens pariter vitetur.* Ita *Aquilonius*. Melius *Vopiscus*, *Fortunatus*, *Plempius Ophthalmogr. lib. 4. probl. 4. sic respondet.* Dico solam lucem inter visibilia visorio organo perniciem afferre: lucem inquam, vel propriè dictum, qualis soli, & ignibus nostratibus inest; vel communicatum, qualem fortiuntur colores, maxime albor. Nec verò hæc posterior lux magnam quoque habet nocendi potestatem, nisi altera ei extrinsecus adlocietur. Ut si vel nix vel candicans aliud quidpiam ob solis illustrationem resplendescat, tum demum acquirit efficaciam visum offendendi. Sciendum autem insuper est, lucem bellum gerere cum materia, ad quam appellit: nititur enim eandem sibi assimilare more aliorum agentium naturalium. Itaque materiam adoriens in qua rerum essentia consistit, res illas interimit. Id fit extenuatione & inflammatione, ut fiant omnia lux. Quod si in materiam quamlibet lux id exerceat; ergo etiam in oculum: quin eò in ipsum magis, quò tenerior est, delicatiorque particula. Ob quam teneritudinem lucis in retina tunica facta illustratio est actio non tantum superficialia, ut cum parieti creta affricatur, aut lumen ei allabatur, verum etiam qualitativa penetrans, & insinuans se in ipsius retinæ corpus ac spiritus: argumento, quod oculi subtrahit à splendore viso, imaginem ejus retineant, & circumferant satis interdum diu. Unde colligo, qui retinam hanc tunicam teneriorem & sensibi-



fenfibiliorem nacti sunt, minimè lucis occursum perferre posse : quibus contra eadem est durior, & sensus obtusioris, hosce firmiori acie constantiusque lucem intueri ; ut aquilis esse reor, quæ fixis oculis solem aspiciunt : item philosophis illis fuisse ( Si Plinius vera narrat lib. 7. cap. 2. ) qui à primo solis exortu ad occasum usque perstantes, & alternis pedibus fervidæ arenæ insistentes, solem toto die immotis oculis contuebantur. Repeto ergo, ac dico, lumen oculis illapsum rarefacere retinam atque inflammare : imò si sol fixo obtutu adspiciatur, periculum est, ne etiam comburatur : radii nempe in crySTALLINO refracti, & in retina collecti revera urendi vim habent. Hoc monstravit nuper humor crySTALLINUS bubali oculi, per quem refractis radiis solaribus haud secus ac per vitrum ustorium pulvis pyrius accensus est. Ita Plempius loco citato per optimè.

Cur aliqui lucem melius sustineant ac alii.

Lumen retinam rarefacit & inflamat.

## QUÆSTIO IV.

*Cur ictus in oculo acceptus scintillarum effulgentium & plurium lucularum apparitionem exhibet?*

**R**espondet *Cartesius* Diopt. cap. 6. num. 3. Juxta sententiam, quam tenet cum sensationes non fiant nisi per motus ; sit verò sensationis vivæ motivum lumen, & differentia variorum motuum sint colores ; quod inde hoc fiat, quia in ista percussione ita vehementer commoventur capillamenta in fundo oculi, qualiter solent aliàs commoveri, cum intensissimum ignem aspiciunt. Facetè admodum ad hujusmodi rationem *Plempius Ophth. lib. 4. prob. 21. Mirificus profecto explicandi modus, si hæc sententia & explicatio in vulgus dimanet, nullam putabit injuriam vel vim ei factam, cui pugnus in oculum adactus est. Dicit enim percussor se non aliter affectisse oculum percussæ quam si candelam, ignem aut faciem ejus oculo admovisset. Quod cachinnus dignum est.* Sed melius dicendum est, ejusmodi lucularum ignearum apparitionem ex spirituum, potissimum qui ad iridem per ciliares processus devehuntur, excitato per violentam percussam nem disturbio originem trahere. Nam spiritus animales cum vi ignea foeti admodum sint, flammigantes & luculentiores natura sua ( ut vult *Galenus lib. 1. de sympt. cap. 2. & lib. 7. de Hipp. & Plat sent. cap. 4. ac 7. item com. 4. in 6. epid. text. 28. & passim optimi quivis Medici* ) vehementius commoti ubertim in humorem aqueum profiliunt, aut forsitan etiam foras per corneam, itaque talem parastasim favillarum fulgetri instar emicantem exhibent. Unde bene *Fromondus in meteorol. com. lib. 6. cap. 2. art. 4. pugno, inquit in oculum impacto scintilla quedam exiit. Spiritus enim animales impetu dissilientes tunicas & humores oculorum tenuiter saltem illustrant.* Similiter de compressione & celeri motitatione oculorum, cum subito ignem comparere faciunt, ratiocinari possumus : nam dum spiritus coarctati sese mutuo impetunt, vel rapidè commoti, ex mutua ista impetitione, aut rapida commotione quasi ignescentes facilè flammulas vomere possunt. Qui que hos spiritus ob cerebrum calidius tenuiores & lucidiores habent, scintillationes ejusmodi crebrius, quam alii experiri solent ; imò etiam quibusdam obtingit placidè noctu evigilantibus, sicut & mihi sæpius accidisse scio nullo eorum quæ modò dicta sunt interveniente, subito tales ignearum lucularum fulgores comparere. Quare autem ejusmodi flammulæ de nocte & in obscuro potissimum compareant, in causa est eorum teneritudo, quæ ad lumen diurnum, & in lucido aliis speciebus potentius organum visorium moventibus nequeunt præminere. Sicut nec de die stellas cælo quantumvis sereno videre possumus, quas tamen ex obscuris locis, aut in absentia solaris luminis præcellentioris optime spectare valemus.

*Cartesii ratio. Facetè expoditur.*

Spiritus animales sunt causa hujus apparitionis.

Etiā in compressione & celeri motitione oculorum flammulæ unde compareant.

Quare potissimum noctu vel in obscuro hujusmodi apparitiones fiant.



## QUÆSTIO. V.

*Cur ii qui angustam pupillam nacti interdum acutius, noctu verò hebetius vident; & contra qui latam pupillam habent interdum & in lucido oculo debilius noctu verò aut in obscuro loco melius cernunt?*

**R**atio hujus etsi jam superius insinuata sit, eam tamen uberius profero: quia dum pupilla nimium arctatur, spiritus visorii minus effluunt, & lux imperfecta una cum speciebus ingredi solita amplius arcetur, unde nitidior imago in cavitate retinæ depingitur. Quando autem pupilla latior est, & spiritus visorii facilius diffuunt, & lux diurna imperfecta specierum noverca una cum ipsis ingreditur, illasque obruens plusculum suffocat. Quod de nocte non accidit, cum lux illa omnino modica, nec tam vehemens, sed admodum debilis ipsis obesse vix possit, unde latitudo pupillæ potius prodest, quia plurimum radiorum homogeneorum conos, à luce imperfecta valde debili minus infestos trajici permittit, & ita pictura ex multiplicum conorum superpositione satis perspicua in retina disponitur. Quando autem pupilla arctior & angustior est, plures similium radiorum coni excluduntur, & una cum ipsis lux perfecta, quæ species in aspectum proferre debet; unde pictura haud sufficienter illustris debite percipi non potest. Sed hoc ipsum melius declarabitur infra.

## QUÆSTIO. VI.

*Quare aliqui vident in tenebris & crepusculo & paucaluce melius, quam in pleno lumine, & alii contra?*

**P**raeter causam laxioris aut arctioris pupillæ præcedenti quæstione explicatam alia est, cur aliqui in modico lumine melius cernunt, quam in pleno & valde illustri, & alii contra interdum melius, quam de nocte, ac in obscuro à partium ocularium substantia, quantitate & qualitate prognata: Nam ii qui paucam humiditatem in humoribus obtinent, eandemque claram, mundamque: item corneam, aliasque tunicas diaphanas valde perspicuas, non possunt ita bene videre de die, & in magna luce, quia lux vehementior & fortior una cum radiis objectorum subintrans multa sua & illustri claritate ac nimio fulgore retinam occupat, & species ibi depictas confundit, diluit & obliterat, ut rectè discerni non possint. Ideo tali ocularium partium compositione præditi luce modica velut crepusculina & nocturna melius vident. Contra verò si humiditas major & copiosior in humoribus, eademque magis spissa & immunda, præsertim si glacialis debito auctior, spissior, ac immundior & tunica cornea minus perspicua sive pellucida sit: accidit tunc ut lux immodica atque vehementior diurna speciebus alias infesta ex tali partium ocularium constitutione plus opacetur, & inumbretur, ac ita ejus vehementia corrigatur. Ideo ejusmodi partium ocularium compositione præditi melius cernunt de die, quam de nocte, cum hic lux per se debilis etiam à partium plus opacantium constitutione minus efficax ad species luculenter detegendas efficitur.

## QUÆSTIO. VII.

*Cur ii qui pupilla nigra præditi sunt, sub luce diurna clarius vident, qui verò pupilla glauca, casia, aut alias fulgida instructi interdum non ita clare, nocte verò melius cernunt?*

Ratio  
Thomæ  
Willis.

**D**octissimus Thomas Willis de anima brut. part. i. cap. 15. Hujus rationem opinatur, quod pupilla nigra præditi sub luce diurna clarius vident, utpotè in quantum



tum oculo velut in camera prorsus atrata imago maximè perspicua redditur, noctu autem parum, aut vix omnino objecta discernunt. E contra observamus, pupilla cæcia, glauca, aut alias fulgida instructos, interdum non ita clarè, noctu autem longe melius, quam priores perspicere; quia nimirum color iste pupillæ fulgidus oculi claustrum velut cameram opticam nonnihil illuminat, propterea ut radii pauciores etiam è tenebris illic collecti imaginem vitibilem constituent. Sic ille. Verùm ratio ista mihi non probatur, quia fulgidus ille color natura omninò fortior luce specierum propria valde debili, quæ in oculum provehuntur, speciebus infestus illas potius extinguet, & deluet, quàm in aspectum proferet. Omnis enim lux pura fortior est, & coloratum admodum tenue, ut est in speciebus, obliterat & diluit: Et omnis lux dissimilis, quæ species ipsas ab objectis non præcindit, nec una cum ipsis inde profluit, sed præcis modo supervenit, iisdem officit, præsertim si purior illis fuerit. Aliter igitur opinari debet. Quocirca hanc rationem produco. Quod causa illa, quæ denigrat pupillas etiam nonnihil attrit & obfulecet humores ac tunicas, unde tales qui imminutos admodum humores nacti, ut præced. quæst. resolutum, melius videbunt de die, quam de nocte ob rationem ibi datam. Qui verò lucidioris alicujus coloris pupillas habent, argumentum præbent opinandi etiam humores & tunicas maximè pelucidos minidosque obtinere: unde tales, ut præced. quæst. dictum, melius de nocte videbunt, quam sub luce diurna magis illustri.

Ratio Willis  
hæc impro-  
batur.

Alia ratio  
melior as-  
fertur.

### QUÆSTIO VIII.

*Vnde quidam homines noctu & per tenebras æquè ac interdum  
& per lucem videre solent?*

**N**Octurnis quibusdam animalibus veluti noctuis, vespertilionibus, felibus soricibus, muribus, gliribus ac aliis pluribus in nocturnis tenebris vitum constare, vulgo est compertissimum; in humano etiam genere quosdam simili videndi acie donatos esse testimonia suadent probatissima. Sic de *Alexandro* traditur eum per tenebras æquè ac lucem vidisse. Visum adeo aciem habuisse dicitur *Galenus*, ut post somnum patefactis repente palpebris magnam ante oculos lucem crebro viderit, ut ipse de se scribit: *lib. 7. Hippoc. & Plat. Plac. cap. 4. Plinius & Suetonius* conscribunt *Tiberio Cæsari* eam fuisse naturam, ut expergefactus noctu paulisper haud alio modo, quàm luce clarà contueretur omnia, paulatim tenebris sese obducentibus. *Asclepiodorus* Philosophus in nocte lucerna nihil adjutus libros legebat. Idem solemine sibi juveni fuisse scribit *Cardanus. Comumbricenses* lib. 2. de Anim. cap. 7. quæst. 9. narrant, civem quemdam Brigantinae urbis sua ætate noctu adeo clarè accuratèque videre solitum, ut minutissima quæque distingueret. *Thomas Willis* de anima brut. part. 1. cap. 15. scribit se novisse quemdam cerebro calidiori præditum, qui post uberiores vini generosi potum in nocte atrata sive profundis tenebris literas distinctè legere potuit: simile est quod scribit *Cornelius Gemma* lib. 8. *Cosmocris. cap. 7.* novisse se quemdam, qui noctu externo lumine non adhibito literas legebat. *Antonius Merindolus* Medicus & Professor Aquensis *part. prior. theor. de spirit. cap. 3.* narrat *Joannem Leraud.* eruditum pharmacopolam Salon Petreæ habitantem sibi testatum esse; se ante aliquot annos per unum & alterum mensem singulis noctibus talem passum esse affectum, ut ab hora penè undecima ad primam post mediam noctem, aut circiter hunc tempus propriis oculis effunderet, à quo totum cubiculum ita illuminaretur, ut ipse quæcunque in cubiculo continerentur, liberè posset intueri. Quo casu principio perterritus cum præceps ad lectum confugeret, & se totum sub stragulis occultaret, non solum ibi eodem lumine proprium corpus & linthea illustrata advertebat, sed aliquando libros secum etiam includens, illos legebat. Atque id evidentius, & in longius tempus patiebatur, cum in latus sinistrum lienem comprimendo de-

Exempla  
eorum qui  
in tenebris  
viderunt.

Exemplū  
memora-  
bile.



cumberet, minus verò quando in dextrum. Plura ejusmodi noctilucorum hominum exempla passim apud Auctores occurrunt. Sed hic nunc causa quaeritur.

Causa assignatur  
copiae spirituum animalium

Respondeo & dico sicut supra Syntag. 1. cap. 6. erot. 5. dixi aliquibus animalibus veluti felibus, equis & canibus ex oculis fulgorem quemdam projici, qui aliunde non proveniat nisi à copioso spirituum animalium confluxu ad iridem per nervos propagato cujus emissit radiis proximum aërem, & res in eo positas subluſtrent, atque easdem sic cernere queant. Ita quoque accidere quibusdam hominibus potest. Unde si talis fulgor & spirituosum luminis Jubar quorundam oculis sive à natura inditū sit, aut aliquando data causa superveniat; non secus ac dicta animalia per tenebras & in obscuro visibilia propinquiora conspicient. Quod etiam tantò efficacius probatur hujusmodi lumen emissitium ab animalium spirituum in cilia sive iridem propagato confluxu provenire, quia clausis in somno palpebris spirituum istorum copia amplius colligitur, & dum arctè nimium continentur, facile spiritus effervescent, & quasi accenduntur, unde post somnum repente palpebris patefactis, quā data portarunt, ignemque intus conceptum radioſo tramite fulgoris instar profiliunt, itaque res obversas, ut visu discerni possint aptè subluſtrant; sicut *Galeno* accidisse modò retuli, & pluribus aliis post somnum contingere compertum est. In eo quem clarissimus *D. Thomas Willis* post vini generosi potum in profundis tenebris litteras legere potuisse, narrat, ratio manifestior habetur; nam quia cerebro calidiore præditus scribitur, & deinde ex vini calidioris potu magis calefactus ex eodem cerebro spirituum jam calidiorum in uberiori copia & majori effervescencia ad iridem propulsio fiebat; unde fortius lumen ejiciebat, itaque litteras magis, ut legi perfacile possent, illustrabat. Cujus exotici visus rationem similiter ipse *Willis* doctissime subnectens ait: *quod spiritus animales velut accensi, adeoque ab iride irradiantes jubare insto medium illuminabant.*

Etiā organi visorii dispositio causam præbere potest.

Deinde in istiusmodi noctilucis hominibus non tantum lumen istud emissitium unica & sola videtur esse causa, quare res subluſtratas in obscuro ac tenebris cernant, sed insuper ipsum organum visorium etiam taliter constitutum esse debet, ut res perexiguo & modico lumine præditas, commodè tamen discernere possint. Qualis autem huic effectui congruat ocularium partium constitutio, ut ipsi soli & non alii eodem in medio tenebricoso simul constituti res ita subluſtratas cernant, ex præcedentibus quaestionibus velut 5. 6. & 7. intelligi potest. Unde e. gr. si talis visus in obscuro *Alexandro* vel *Tiberio* semper fuit, utique mirum est, & dubio procul ab humorum puritate partiumque ocularium pelluciditate, & tenuitate (quæ ob victus melioris rationem, & ab corporis aliàs in viris principibus delicatè nutritis teneritudinem præter spirituum uberiores copiam etiam aptiorem videndi facultatem tribuit) tale aliquod præsidium additum fuisse videtur.

## Q U Æ S T I O IX.

*Cur propè lucidum si corpus tenebrosum moveatur lucido motus tribuitur?*

Ratio assignatur.

EXperientia perfacilis est, dum nocte obscura nubes feruntur in Austrum, lunamque prætergrediuntur, videbitur luna in Septentrionem ferri, & nubes stare. Ratio hujus videtur primè quidem propter circumfusas undique tenebras non possumus aliud corpus advocare in subsidium, ut per comparisonem ad illud dignoscamus, quod nam ex his moveatur; quia autem Luna ob splendorem potentius objectum potius oculum ad se rapit, quàm nubes, quæ sunt corpus opacum, & tenebricosum, etiam potius illi motus tribuitur, quàm nubibus. Luna itaque lucidior cum magis moveat oculum, & connaturaliter obtutus defigatur in objectum potentius, judicamus potius lumen moveri quàm nubes. Quod si tamen



si tamen obtutum ferio in ipsas nubes defigamus illa fallacia evanescit. Deinde Alia ratio  
etiam in-  
dicatur. posset etiam dici id oriri, quod nubes majores appareant, quam luna: ex duobus autem facilius judicamus, illud moveri, quod minus est, quam quod majus est.

## QUÆSTIO X.

*Cur melius videmus de nocte si oculos juxta terram deponamus, quam si stemus erecti?*

**R**espondeo. Quantacunque sint tenebræ nocturnæ, solet tamen adhuc aliquid Circa ter-  
ram ad-  
huc ali-  
qua lux  
reflectitur. lucis à coelestium corporum veluti stellarum fulgore demitti: quod à corpore terræ opaco dum reflectitur versus suum principium, intenditur & multiplicatur: ista itaque intensio cum non altè elevetur, sed prope terram permaneat, oculus proinde illic positus per medium aliquantulum magis illustratum melius videre poterit, quam si altior super terram existat. Constat deinde nebulosos vapores quam plurimos noctu vagari: vagantur autem ii non juxta terram ejus superficiem radentes, sed paulò excelsius per aërem, idcirco cum magis caliginosum reddunt, ac ideo visioni minus idoneum.

## QUÆSTIO. XI.

*Cur optimè videmus ex obscuro loco seu tenebris?*

**R**atio est, quia dum locus est obscuratus, & tenebris circumfusus corpora visibilia illustrata emicantissimè per directiores adeoque fortiores radios in retinam depinguntur, cum minus lucis lateralis una simul ingredi possit, adeoque oculus præcisè ad partem imaginis debite informetur. Contra dum excellenti aëris lumine perfunditur juxta & super picturam in retina formatam etiam per laterales lucis radios oculus plus illustratur, cumque externum lumen aëris fortius sit speciebus luculis, offuscat hæc ac diluit, ut minus effulgere queant. Sic è profundis puteis etiam de die possumus stellas in cœlo videre, quas tamen in lucido aëre constituti ob majoris luminis solaris præsentiam minimè spectamus. Quia oculus in lucido aëre constitutus fortiter à diurno lumine collustratur, undè stellarum debiliior & tenuior collustratio minimè præminere potest. Dum verò pureorum tenebris oculus circumfusus est, nullo lumine ipsum offuscante in se recepto etiam qualibet tenuiter radiantia discernere valeret. Sic etiam oculi quanto profundiores sunt, tanto solent acutiùs videre: & qui eminentiores habent oculos dum minus bellè vident, ut defectum sublevent, indicem digitum arcuè contrahunt, ut in ejus flexura medium aliquod pusillum foramen efficiant, per quod manu ita flexa oculis admota perspiciant. Unde nisi myopia laborent, æque sunt perspicaces, ac sunt ii, qui profundioribus oculis à natura sunt præditi. Hoc nempe protensa manus velamento quod splendorem arcet, atque aërem proximum obscurum efficit, rerum picturas distinctius vivaciusque excipiunt. Sic quoque cum lucernam manu proferimus aut solis radiis directè obversi stamus, etiam versus lucernam aut radios solis manum inter oculum ac directam radiationem interponimus, ut valentiores radios, qui in retina imagines diluerent, arcere, itaque distinctius videre possimus. Indicatur  
ratio. Oculi pro-  
fundiores,  
acutiùs  
cernunt. Quomo-  
do emi-  
nentiores  
oculi iu-  
ventur. Cum ma-  
num ob-  
vertimus  
radiis di-  
rectè ori-  
bus corpo-  
ris lumi-  
nosi.

QUÆ-



## QUÆSTIO XII.

*Cur ex tenebris confestim in lucem transeuntes videre non possumus,  
& similiter dum ex lumine tenebras subimus?*

Cautela  
ne visus  
facile læ-  
datur.

**R**espondeo. Ex luce tenebras lubeuntes non videmus, quia specie lucis, fortiter visum movet adhuc imbuti sunt retinæ spiritus: quamdiu ergo non evanuerit illa species, reliqua in tenebris seu modica luce debiliter radiantia vel non videbuntur, vel horum imagines oculis allapsæ cum superstite ea lucis specie confundentur. Ex tenebris verò in lucem prodeuntes videre nequimus, eo quod patulis nimium oculis lucem excipere non valemus: sed quoquo modo possumus eos obvelamus: si minus non parum dolemus. Ejus ratio est, quia in tenebris dilatata pupilla luci subito objecta copiosissimè ipsam admittit. Cum autem sit fortè visibile lædit visum. Præterea lux occursum suum cogit pupillam maximè è tenebris dilatatam corrugari: at repentina illa, & maxima corrugatio non potest non dolorem inferre. Ita Dionysius Tyrannus Siculus captivos suos quos diu in loco obscurissimo continuerat, in locum alium splendidissimum educere solitus, visum illis omninò destruxit. Quocirca suadendum est illis, qui è profundis caveis & è cellis in lucem prodeunt, ne visum lædant, ut sentim scandant, & conniventibus oculis; sic enim non tam ampliter lux simul & semel excipitur. Qui verò ex clara luce in obscuriora loca intrant, ut statim in hisce obvia quæque perspiciant, paulò ante ingressum oculos claudant: sic enim species spiritibus infixæ citissimè fugatur, ab internis oculorum tenebris.

## QUÆSTIO. XIII.

*Vnde radii, qui videntur ex facibus erumpere?*

**E**xperientia communis est, dum palpebræ tantisper connivent, videntur aliqui radii luminosi ex facibus erumpere, & fere ad nos usque pervenire; apertis autem omnino oculis tales radii evanescent, ita ut ne vestigium quidem appareat. Quæritur hujus experientiæ ratio. Dico cum *Dechales* opt. lib. 1. prop. 31. id oriari ex ciliis, palpebræ enim nihil efficere possunt, nisi quod oculos ex parte claudant, vel quod etiam pupillæ admoveant cilia. Vnde fit, ut dum palpebræ tantisper connivent, cilia ita pupillæ applicentur, ut per reflexionem in ciliis factam videatur fax radios ad oculum projicere, quæ igitur reflexio cum fiat in pilis nullam ferè latitudinem obtinentibus, necessarium est, ut fiat tantum in longitudinem, Rinc radii isti comparent.

## QUÆSTIO. XIV.

*Vnde scintillatio provenire censetur?*

**S**tellas scintillare tam fixas, quam erraticas, licet non omnes incomperito est; causa tamen hujus scintillationis plerosque latet. Sic inter erraticas (quamvis *Aristoteles* id non sentiat ut mox patebit) animadversum est Venerem & Mercurium scintillare tantisper, Martem subobscurè, Jovem Lunam & Saturnum minimè, fixas autem ferè omnes, præter eas, quæ in via lactea reperiuntur; item constat non omnes stellas scintillantes eodem modo suum lumen crispare ac evibrare; Majora siquidem & clariora sydera magis scintillant, Syrius prolixius, Arcturus acutius, cor Scorpîi celerius, quàm oculus Tauri, Venus cœlo sereno auraquè perfrigida concitatissimè: deinde & cœlo sereno cum stellæ ejusmodi undulantes prope Horizontem existunt, flantibus ventis & aëre perfrigido scintillatio semper major advertitur. Hujus nunc scintillationis causa inquirenda est.

*Aristoteles lib. 2. de cœlo cap. 8. conjicit causam in visus imbecillitatem; ait enim. visus longè se extendens versatur ob infirmitatem; quæ quidem fortassis causa est, ut et stellæ*

*Aristoteles lib. 2. de cœlo cap. 8. conjicit causam in visus imbecillitatem; ait enim. visus longè se extendens versatur ob infirmitatem; quæ quidem fortassis causa est, ut et stellæ*



stella fixa micare, vagantes autem non micare videantur. Vagæ namque stellæ sunt propè; quare visus sui compos ad istas accedit, ad fixas autem longè se extendens ob longitudinem tremit. Tremor autem ipsius facit, ut hæc motio stellæ ipsius esse videatur. Hæc ille. Cardanus de subtil. lib. 3. Ita docet. Sed cur scintillare videntur astra? quoniam cæli substantia, cum sit rarissima radii ad nos venientes sæpius, sed tamen semper ad perpendiculararem franguntur, ob id cum aër moveatur, sicut capilli, in fundo aquæ existentes tremere videntur, ob motum fluentis aquæ, ita illæ titubare videntur. Hoc autem in luminibus dicitur scintillare; stellæ autem errantes, & luna non scintillant, quia robustis viribus radii ad nos perveniunt. Sunt enim longè nobis fixis propiores. Indicio est sic esse, quod cum magis scintillant & planete etiam non scintillare soliti ventum futurum prædicunt. Nam medius aër, qui est in sublimi dum vehementius agitatur, efficit ut frequentius & magis scintillare videantur. Mars verò cum subobscurus sit ac rubens & ipse scintillat; apud eos maximè qui debiliter cernunt. Nam & hoc juxta rationem convenit, quod qui debilius cernunt scintillare plus stellas sibi persuadent, &c. Ita Cardanus. Verum nec Aristotelis ratio nec Cardani, nec alia qualiscunque à quoquam allata convincit doctissimum Plempinum; quocirca ipsemet adhuc se causam stellarum scintillationis inquirere, nec dare posse libere fatetur. Ego tamen ut hoc loco ad quæstionem respondeam.

tia de scintillatione stellarum

Cardani sententia.

Sentio & dico primò cum Dechales Astron. lib. 5. propo. 27. quæst. 2. Causam scintillationis stellarum non esse visum nostrum ad longinqua titubantem, ut voluit Aristoteles, Cardanus, & alii, quia visio imprimis non fit per extramissionem ut patebit synt. 3. sequ. ; nec explicari quomodo titubatio illa contingat. Deinde constat quod majores quædam stellæ nonnullis minoribus inquietiores sint, & è minoribus rursus quædam magis quàm aliæ majores tremulæ, cum tamen ad omnium aspectum fatiscat oculorum acies æquali itineris longinquitate hebetata. Præterea pleræque stellæ ex iis, quæ primæ magnitudinis vocantur nonnullis planetæ ut Saturno & Jove apparent majores atque evidentiores; quo jure igitur dicitur ad illarum potius quam ad horum aspectum visus acumen obrundi. Denique falsum est omnes fixas scintillare, & omnes planetas non scintillare; nam experientia constat eas stellas, quæ viæ lacteæ insertæ sunt non crispare lumen suum, Venerem tamen & Mercurium crispare; sicut & Solem ipsum Aristoteles loco citato cum oritur & occidit tremulo motu cieri festatur. Atqui hoc ad dictorum planetarum motum refertur nequit. Cur enim Saturnus non contremat, similiter multo iis superior elatiorve? vera igitur scintillationis ratio ab Aristotele & Cardano non est allata.

Visus imbellicitas non est causa scintillationis stellarum.

Dico secundò, motum vaporum irrequietum dici posse causam aliquam scintillationis. Probatur: quia sic redditur ratio, cur propè Horizontem major sit scintillatio, quàm in aliqua altitudine supra Horizontem. Secundo si radius solaris per foramen aliquod transmissus ad magnam distantiam excipiat, advertetur trepidatio. Tertio sic videmus etiam in altioribus turribus cruces & stellas deauratas à sole illustras lumen tantò magis tremulum vibrare, quantò aër propè terram vaporibus inquietioribus repletus est. Verum hæc causa assignata non sufficit ad explicandam universaliter omnem stellarum scintillationem, alioquin enim Mars, Jupiter & Saturnus æquè scintillare deberent. Nec etiam redditur ratio, cur nonnullæ acutius, aliæ verò longius scintillent. Unde

Motus vaporum aliqua causa dici potest

Dico tertio probabile videtur hanc scintillationem stellarum oriri à circumvolutione earum circa proprium axem, ex quâ fit, ut alias atque alias partes angulosas ad visum obvertant, hanc plurimi tenent. Alii addunt in sole & consequenter fixis motum systoles & diastoles de quo videantur Recentiores Astronomi.

Circumvolutio stellarum circa proprium axem probabilius causatur

T

QUÆ-



## QUÆSTIO XV.

*Vnde nam irides sive coronæ, quæ circa lucernas & candelas quandoque observantur, proveniunt?*

Rationes  
cur aëri  
vapido ad-  
scribi pos-  
sint coro-  
næ hæ.

Solent frequenter circum lucernas sive ardentes candelas quædam irides insitar Halonum seu coronarum, quæ aliàs majora sydera in cœlo ambire videntur, spectari. Quæstio jam inter Auctores est, undenam hujusmodi coronamentum proveniat; an ipsam flammam revera ambiat; an verò solum in oculis hæc ludificatio contingat? prioris asserti rationes sunt: Quod potissimum hæ coronæ appareant, dum aër est vapidus & valdè humidus, unde communiter etiam ex præcedente alias siccitate dum istiusmodi coronæ circa lampades advertuntur, humiditatis futuræ vel potius jam præsentis signum esse solet. Et ita sentit Philosophus lib. 3. *Meteor. cap. 4.* dum coronarias illas irides per hyemem flante Austro circa lucernas docet fieri tam ab aëris humiditate, quàm à fuligine ea quæ à flamma defluit, & cum aëre miscetur: tunc enim, inquit, velut speculum propter nigrorem fieri assolet. Ubi vult quemadmodum iris cœlestis in rorida nube velut speculo se ostendit, ita hanc lucernariam exhiberi in humido aëre; qualis est spirante Austro. Cui accedens Annæus Seneca in vapido balneorum aëre easdem coronas apparere quoque attestatur.

Alii ad-  
scribunt  
oculis.

Verum alii è contra asserunt hujusmodi coronas tantùm in ipsis intuentium oculis efformari: & primò quidem, quod ii, qui suffusionibus abnoxios habent oculos & à somno recenter surgunt frequentius hujusmodi irides videant. Deinde qui hujusmodi lucernas spectant, si oculos detergant, aut excutiant, eas amplius videre non possunt. Præterea in aëre nullo modo vapido, sed rarissimo, & valdè tenui eas advertisse dicunt. His ita relatis nihilominus.

Vera eorū  
causa pro-  
fertur.

Existimo standum à parte *Aristotelis* & dicendum ejusmodi coronamenta non oculis solis adscribenda, sed potius vapido aëri lucernas ambienti: quamvis non negem aliquid humoris oculum obsidentis ad hoc ipsum præstandum juvare. Nam ita sæpe adverti, dum aër valde erat vapidus & crassus, præsertim hyemali tempore flantibus ventis meridionalibus illas coronas magis luculenter comparere: Quocirca indubitatum signum humiditatis in aëre mihi semper compertum fuit. Licet etiam tunc oculos optimè detergerem, eo tempore nihilominus ut ante coronæ illæ notatæ fuerunt: Imò vitrum planum perpolitum valde perspicuum, dum etiam oculo ut prius mundato, ac per flexuram manus appositæ munito, ne humor adlaberetur, adhibui, nihilominus eodem tempore, quo aër valde vapidus erat, luculenter easdem coronas adverti, quas alio tempore non potui. Item nebulofo & vapido tempore exposita lucerna extra fenestram, quam dum deinde clauso & ex siccori conc lavi per orbiculum vitreum valdè diaphanum transpexi coronamentum adverti, quod deinde in conclavi illo tenuioris auræ advertere minimè potui, &c. Quocirca benè licet mihi concludere, coronas illas vapido aëri, multumque humido potissimum adscribi posse non oculis.

## CAPUT XVI.

*Dissertatio physico-mathematica de genesi naturæ & causis quorumlibet colorum ex sententia Admodum Reverendi  
P. Honorati Fabri, S. I.*

Concludam præsens syntagma curiosa enarratione sententiæ doctissimi *Fabri* de coloribus aliunde mihi ad petiitum meum communicatæ, quæ cum singularis sit, & ordinatissimè in compendio explanata, iisdem verbis, ut ab amica manu transcripta fuit, hic referam.

Judicium



## Judicium de coloribus Physico-mathematicum.

## DEFINITIO Prima.

*Color est terminus visionis immediatus & extrinsecus.* Explico. Illud enim terminat visionem, scilicet objectivè, quod dicitur videri; quis autem neget colorem videri, nisi cæcus? Dices coloratum propriè videri, non colorem. Respondeo: colorem immediatè videri, mediatè verò coloratum, seu illud, cui color inest. Dixi etiam (*terminus extrinsecus*) quia visionem intrinsecè terminat ipsa affectio impressa oculo, non autem color. Instas. Hæc definitio convenit etiam luci & lumini, ergo non soli colori. Respondeo fieri non potest, lumen ad oculum appellari, nisi tali vel tali modo, seu modificatione, quam unicam modificationem color supra lumen concedit. Hinc quotiescunque audias à nobis colorem dici, intellige tantum id, quod immediatè visionem extra terminat, non quomodocunque, sed sub certa modificatione; quæ modificatio cum soli colori, non luci competat, etiam hæc definitio soli colori non luci competet. Quippe una lux est color multiplex.

Color  
quid sit.Quid per  
colorem  
intelligendum.

## DEFINITIO Secunda.

*Color in actu primo est illa vis, quæ objecto inest, quæ colorem in actu secundo efficit.* Color verò in actu secundo est; illa perspicui motio, de qua procedit definitio Philosophi sive est *luminis modificatio, actus energia*, sive actu terminet visionem, sive terminare possit. V. G. de nocte paries albus habet colorem in actu primo id est vim illam, quæ luminis appulsu illam modificationem facit, non tamen est color in actu secundo, qui necessariò luminis præsentiam desiderat.

Color in  
actu primo  
vel actu  
secundo  
quid sit.

## DEFINITIO Tertia.

*Videre est sentire affectionem oculo impressam:* videre enim est idem ac sentire, sentire autem tale objectum.

Videre  
quid sit.

## AXIOMA I.

Ille color tantum ponendus est, quem oculus dari evincit.

## AXIOMA II.

Eadem causa eundem effectum in eodem subjecto producit semper, si sit eadem applicatio, dispositio &c.

## HYPOTHESIS I.

Per diversam radiorum luminis reflexionem & refractionem diversi colores generantur. In prisma vitreo seu trigono res est clarissima.

## HYPOTHESIS II.

Albus color plus luminis reflectit, vel emittit, quàm color ullus alias. Sic dealbantur parietes in obscuris conelavibus ut plus luminis reflectant.

## PROPOSITIONES.

## PROPOSITIO I.

*Datur color.* Quis enim oculatus hoc nesciat?

## PROPOSITIO II.

*Color in actu primo distinguitur realiter à lumine.* Demonstratur. Quia color in actu primo est etiam sine lumine V. G. de nocte. ergo &c.

## PROPOSITIO III.

*Color in actu secundo distinguitur saltem modaliter à lumine.* Quia licet idem sit ejusdem lucis appulsus; diversus color in actu secundo esse potest. V. G. licet idem lumen purpuræ illabatur & lacti, diversus tamen color est; igitur saltem modaliter à lumine distinguitur.



## PROPOSITIO IV.

*Color in actu primo distinguitur à colore in actu secundo.* Demonstratur, quia absente lumine est adhuc color in actu primo: sed tunc non est color in actu secundo ut patet. Ergo distinguitur, cum unum possit esse absente altero.

## PROPOSITIO V.

Color corporis lucidi quid sit.

*Color corporis lucidi est ipsa lux modificata.* Demonstratur. Frustra enim fingitur, quicquid aliud ponitur, cum ipsa lux hoc munere defungi queat. Præterea ille tantum color ponendus est, quem oculus dari evincit per axioma I. oculus autem seu visus non evincit dari colorem à luce modificata distinctum in corpore lucido, ut patet. Quod si tamen asseras dari colorem à luce distinctum in corpore lucido, positivè, proba, quod positivè asseris.

## PROPOSITIO VI.

Modificatio quid sit

*Hæc modificatio est tantum talis, & talis partium lucis dispositio, situs conjugatio &c.* Nam nihil aliud præter figmentum dici potest. Propositionem sic explico: Nam partes lucidæ vel sunt continuæ, hoc est nullis umbris interruptæ, vel non sunt continuæ? si continuæ; ecce tibi primam modificationem, eamque simplicissimam, quæ albiditatem seu candorem facit. Si secundum, apparebit jam alius color pro diversa lucis & umbræ conjugatione, quæ propè innumera est. Quæ autem conjugationes certos quosque colores efficiant, declarabitur in decursu. Nunc quid sit illa combinatio & conjugatio hic spectata velut in rudi tabula. Si plus umbræ quam lucis, erit niger; si tot umbræ quot partes lucis, erit color ruber vel roseus. Si singulis partibus lucis gemina umbra adjaceat, erit cœruleus: & sic deinceps. Vides hic primam, secundam, tertiam, & quartam combinationem.

Quid combinatio si-ve conjugatio.

## PROPOSITIO VII.

*Hinc tot sunt diversi colores, quot sunt lucis & luminis modificationes & conjugationes.* Patet ex antecedentibus.

## PROPOSITIO VIII.

*Colores enim sunt ut Numeri:* Quæ est expressa mens Aristotelis lib. de sensu & sensibili cap. 3. Quam colorum proportionem in hac hypothese sic explico. Nempe vel radii sunt puri, hoc est continui; vel puræ sunt tenebræ, id est umbra continua. Ecce duos extremos colorum terminos, eosque simplicissimos. Primus hoc numero fracto signetur  $\frac{1}{0}$  alter  $\frac{0}{1}$  character supremus luci, inferior umbræ tribuatur. In primo habetur totum lucis, nihil umbræ; in altero totum umbræ, nihil lucis; Jam verò si character superior sit unitas fiet progressio in hunc modum.  $\frac{1}{0}$   $\frac{1}{1}$   $\frac{1}{2}$  &c. Si sit dualitas; fiet in hunc modum.  $\frac{2}{0}$   $\frac{2}{1}$   $\frac{2}{2}$  &c. Si sit trinitas; fiet sic  $\frac{3}{1}$   $\frac{3}{2}$   $\frac{3}{3}$  &c. Ex hoc patet, quamlibet progressionem produci posse in infinitum. Quæ autem singulis coloribus conjugatio competat, dicetur infra.

## PROPOSITIO IX.

Albus color quomodo fiat.

*Albus color dicit continuationem radiorum luminis.* Demonstratur. Hic color enim dicit aliquam radiorum conjugationem per progressionem sextam; sed non dicit radios umbris temperatos aut disgregatos per eandem propositionem. Igitur dicit radios puros & continuos. Deinde color albus est color simplex non mixtus, igitur vel dicit umbram continuam vel lumen continuum; si enim dicat radios umbellis interpunctos aut temperatos, jam mixtus color est: atqui non dicit umbram continuam, hoc enim dici non potest, igitur dicit lumen continuum. Et hæc est mens Aristotelis lib. de sensu & sensibili cap. 3. ubi habet album & nigrum esse colores extremos in corporibus, ut lumen & tenebræ; alios verò ex his secundum numeros misceri. Vide



Vide textum. Igitur cum supra demonstratum sit, colorem corporis lucidi esse ipsum lumen modificatum, atque adeo tot esse colores diversos, quot sunt luminis modificationes & conjugationes; illa certè conjugatio album colorem facit, quæ plus luminis dicit; sed radii continui plus luminis important, quàm distracti, & umbris interrupti: igitur luminis & lucis continuas album colorem constituit.

## PROPOSITIO X.

*Radii continui intensiores illustriorem albedinem, remissiores minus vegetam efficiunt.* Res clarissima habetur in hac analogia: cogita appulso in oculum radios esse quasi totidem missilia spicula, quæ retinæ portionem aliquam configant; statim videbis hunc effectum: nam vel plagæ sunt continuæ, ita ut nullum punctum retinæ supersit à vulnere, in quod non singulare cadat aliquod spiculum; vel plagæ erunt rariores, ita ut sint discreta vulnera, nempe per partes intactas & illæsas: prima consideratio facit visionem extensam, secunda minus extensam. Item considerari possunt Lucis radii vel spicula, quatenus altius penetrant, & vehementius vulnerant, vel minus penetrant, & vulnerant, & secundum hanc considerationem faciunt visionem magis vel minus intensam. Certè non potest negari, quod major vis luminis appulsi oculo, majorem affectionem oculo, imprimat intensivè non extensivè: igitur magis sentitur, hoc est, peractum visionis intensiorem: sed hoc est objectum videri illustrius, id est albiditatem illustriorem; igitur intensiones radii continui illustriorem albiditatis specierum in oculo depingunt.


## PROPOSITIO XI.

*Hinc albitudo maximè illustris visum perstringit, disgregat, & malè afficit.* Ratio patet ex dictis, quia cum multum luminis importet tam intensum quàm extensum, majorem haud dubiè motum oculo imprimit per axiom. 2. (*motum rarefactionis intellige; hic enim Auctor omnium sensuum operationes per rarefactionem rationabiliter valde & pulchrè explicat*) ex quo motu necessario sequitur resolutio (nullus enim motus otiosus est) atque resolutio & divisio partium organum vivens malè afficit; est enim doloris & corruptionis principium: hinc dum se tam malè affici sentit, haud dubiè perstringitur, contrahitur, vexatur disgregatur.

Solvitur hinc veterum illud Diverbium. Album est disgregativum visus: intelligitur unde nam illis, qui diu per nives iter faciunt maximè sereno cælo perstringantur & hebescant oculi. Habetur, quare gentes Hyperboreæ, quæ æternis nivibus quasi conspultæ vivunt, debiliorem oculorum aciem habeant: & cætera plurima, quæ hic omitto.

## PROPOSITIO XII.

*Objectum, quod sub angulo acutiore videtur, per radios magis continuos videtur.* Sit enim oculos in T. objectum b a visum sub angulo a T b. assumantur quinque radii verb. gratia h T, C T, D T, K T, a T. removeatur idem objectum in NI, videtur in angulo h T E, & perinde se habent illi radii, atque si continerentur intra segmentum K C igitur in b a sunt distracti in K C contracti igitur magis continui.



Hinc



Mars unde  
de nocte  
rubeat, lu-  
cis obor-  
tu palleat.

Hinc objectum sub flavum aut cinereum est, dum cominus album esse videtur, ut prærupta illa saxa in montibus calvis. Ratio, quia eminens videntur sub angulo acutior, igitur per radios minus interruptos, & magis continuos per prop. XII. Sed quod per radios magis continuos videtur magis album videtur per prop. IX. ergo. Confirmat hoc Phænomenon ♂, quod de nocte rubore accensum primæ lucis obortu, quasi timore palleret, apparet candidum. Nempe. Mars de nocte per laxiorem & valde explicatam oculi pupillam immittit radios; diluculo verò per contractiorem; contrahitur enim pupilla lucis aspectu, quæ de nocte valde explicatur. Hinc Mars de nocte videtur sub majori angulo, diluculo sub minore. Hinc minor etiam videtur diluculo; igitur per radios contractiores & magis continuos, igitur albus apparet.

## PROPOSITIO XIII.

*Si superficies corporis ex sphaerulis vel globulis minutissimis constet, corpus illud erit album; nempe reflectet radios continuos igitur erit album: per prop. IX. probatur antecedens.* Nullum erit punctum seu nullus globulus planæ superficiei, à quo ad quodlibet punctum medii radius non reflectatur, igitur ad omnia medii puncta, igitur radios continuos reflectit.

## PROPOSITIO XIV.

Quare  
spuma al-  
beat.

*Ostenditur quare spuma alba sit:* cum enim spuma ex globulis tota vel sphaerulis componatur ut perspicuum est; & cum illud corpus sit album, quod ex globulis minutis constat per propos. XIII. Spumam certè albescere necesse est. Hinc spuma candidior quo minores bullæ, tum enim reflectit radios magis continuos. Hinc liquor quantumvis nigerrimi coloris, dum in spumam abit albescit. Luculentum exemplum habes in atramento, quod dum agitas in vitro, videbis supernatare spumam candidam. Idem dico de spuma sanguinis, vini &c. ubi verò in spuma bullæ majores sunt, minus candoris habent. Ratio patet ex dictis.

Ex his principiis explicatis candorem nivis, cygni, farinæ, cretæ, marmoris, glaciei tritæ, cerussæ, ceræ virginæ, sacchari, argenti, verbo, omnium quæ natura vel ars pinxit candida, colorem explicabis; quæ cum *Fabri* latè diducat, unum tantum exemplum de lacte (ut meo calamo ablastem ipsius exuberantem stylum) proponam breviter, cujus veritatem vel una Thestylis, quæ prosperat ubera vaccis testabitur, dum videt in suo coagulo lac omne conglobari in sphaerulas, dum in butyrum condensari incipit.

Lac unde  
candeat.

Lactis candor ad eadem principia pertinet: sunt enim innumeri globuli, qui deinde concrescunt in butyrum: Hinc serum concretum nullo modo albescit, albescit autem lac, quia in illa percolatione, quæ fit in spongiosa mammæ substantia in sphaerulas iterum concrescit sanguis, in quem albescentis chyli substantia quasi sectis sphaeris nova resolutione abierat.

## Corollarium Physico-morale.

Doctrina  
morales.

Est igitur juxta jacta principia Albor seu candor nihil aliud, nisi radiorum appulsoꝝ vel lucis incidentis continuas, quam nulla umbra vel interrumpat, aut asperet; è contrario nigror nihil aliud, quàm objectum paucis aut nullis radiis & multis umbris horridum & deformatum. Hujus mentis & sententiæ videntur fuisse SS. *Ignatius* & *Norbertus*. Hic enim assumpsit vestem, quàm nulla neque fraudis, neque doli, nec invidiæ vel malitiæ ullius labes aut umbra inficeret, hoc est albam seu candidam, ut vel sic doceret sequaces suos candorem animi; qui certè in moralibus & asceticis nihil est aliud, quàm animus integer, scelerisque purus, & ab omni umbra remotissimus. Ille vestem paucis radiis, multis umbris tristem, & horridam, hoc est nigram, ut vel sic doceret virtutem, & scientiam non inveniri in lunæ aut solis insulis, vel interna suaviter viventium.

DE NI.



## DE NIGRORE

## PROPOSITIO XV.

**N**igror positivus dicitur paucorum & variorum radiorum appulsus: Numerus radiorum, qui sufficient, ut umbram inducant, aut nigredinem, certè definiti non potest. Hoc tamen certo dici potest, si longè plures sint umbellæ, quam radii nigrorem positivum faciunt: & hic est nigror positivus in actu secundo, qui in tali radiorum & umbellarum conjugatione consistit.

Nigror  
quomodo  
fiat.

Dixi nigror positivus: Duplex enim est niger color: positivus & negativus. Negativus est à quo nullum prorsus lumen ad oculum vel reflectitur, vel emittitur: Positivus à quo pauci radii, aliqui tamen sed valdè rari ad oculum perveniunt. Privativus duplex est: alter qui dicit absentiam non luminis modo, verum etiam corporis lucidi: sic noctu omnia videntur atra. Alter qui non dicit absentiam corporis lucidi, sed tantum luminis reflexi. Sic alta vorago nigrorem præfert etiam de die, quia nihil prorsus luminis reflectit.

Nigror  
duplex  
positivus  
& negati-  
vus.

## PROPOSITIO XVI.

*Privativus vel negativus Nigror non est propriè color, sed tantum abusive: color enim propriè est, qui videtur, videtur autem qui oculum afficit; sed privativus vel negativus oculum non afficit, cum id solius luminis aut simpliciter, aut modificati officium sit: ergo &c.*

## PROPOSITIO XVII.

*Quò minus luminis est, eò plus nigroris & oppositionis, cum albore est. patet: Nam albor qui totum luminis dicit, & nihil umbræ, dicit continuitatem radiorum: nigror privativus, qui nihil luminis dicit, tum lumen, tum continuitatem negat; igitur quo minus luminis est, major erit negatio tum luminis, tum continuitatis.*


## PROPOSITIO XVIII.

*Due sunt cause nigroris positivi. Altera est in objecto, altera extra objectum. In objecto est talis objecti status, ratione cuius paucos radios ad oculum remittit, licet plures appellant aut incidant. Extra objectum est illud, quod facit ne plures radii à lucido ad objectum perveniant. Hæc clara sunt. Hinc cavitates, hiatus, & foramina atrum colorem proferunt, quoniam nec multum lucis eò subire potest, ac proinde parum inde reflectitur.*

Due cau-  
sæ sunt  
nigroris  
positivi.

## PROPOSITIO XIX.

*Corpus perfectè lævigatum ad idem oculi punctum unum tantum radium reflectit. Suppono hic angulum reflexionis esse æqualem angulo incidentiæ. Hoc posito quod nemo negat sic demonstratur propositio. Sit enim B F planum perfectum lævigatum. Sit lux in puncto A, oculus sit in H. Sit radius reflexus D H, ita ut anguli A D B & H D F æquales sint. Dico quod nullus alius radius productus ab A reflectatur ad H, modo planum B F perfectè sit lævigatum. Sit enim quivis alius radius incidentiæ v. g. A C. Dico angulum A C B esse majorem angulo A D B, est enim exterior triangulo A D C, igitur posito angulo reflexionis æquali sci-*




licet



licet A C I, nunquam radius C I reflexus perveniet in H, nec concurreret unquam cum D H ; sed potius magis ab eo distraheretur , quo ulterius producitur. Idem dico de omnibus aliis radiis directis incidentibus inter B D. Proportione servata discurre de minùs perfectè lævigatis.

## PROPOSITIO XX.

*Corpus cujus superficies striis & denticulis asperata est, ad idem oculi punctum paucos radios reflectit : sit enim superficies OCZEXGI suis denticulis distincta & asperata ; sit corpus lucidum in A. Sit oculus in T. In diversa plana hujus superficie cadant radii à puncto A v.g. A B, A N, A I, A K, A P, A H. Itaque A B reflectetur in B M: A N reflectetur in N S. A D reflectetur in D L, A K in K R, A P in P Q. unicus A H reflectetur in oculum T. Idem dic si superficies ex minoribus longè denticulis constet, striis vel fissuris.*



Quare omnia lævigata appareant nigra.

Patet ex his, cur aquæ superficies extra punctum reflexionis videatur nigra. Item quare marmor & argentum bene lævigatum nigricent, imò fermè lævigata omnia : quia nimirum lævia paucos radios ad eundem oculum reflectunt.

## PROPOSITIO. XXI.

Cur Humor aspersus denigret.

*Humor aspersus cuncta fermè denigrat.* Ratio cum enim cavitates superficie compleat, inde complanantur superficies, igitur pauci radii ad eundem oculum reflectuntur, hinc nigror. Hinc albicans planities æstivo colore usta, & bene sicca ingruentis imbris humore aspersa albam in nigram commutat.

Juxta hæc principia explicantur omnia quæ nigra sunt : cur enim carbones, pulvis sulphureus, atramentum, ferrum, fuligo, pix, nigra sint, est, quia vel lævigata nimium, vel aspera & multis rugarum striis sunt excavata. Unum exemplum tantum resolvo, nempe atramentum omnibus, qui tractant litteras familiare. Atramentum igitur nigrum est, quia per dilutionem ex querneis gallis striata & acuminata corpuscula educuntur, quæ nigrorem conciliant ; imò inde ipsi, cui hoc familiare est, ut aquam denigret ob eandem causam.

## Corollarium Phyfico-morale.

Documentum morale de famæ denigratione.

Intelligitur ex his nigri & albi coloris character, qui hic est  $\frac{1}{10} \cdot \frac{1}{17}$  posito quod primus & supremus luci, secundus & inferior umbræ conveniat. Est hoc antiquorum sententia, qui quid aliud illa loquendi formula (Alicujus famam denigrare) volebant? quam de aliquo negare lucem nominis & splendoris. Quæ negatio si non est profecta ex livente & torva invidia, saltem ex aliis morum scopolis, rugis, striis, cavernis & deformitatibus sumpsit initium. Sicut ergo in nostra



nostra hypothesi nigror in actu primo desumitur ex statu illo objecti, ratione cujus pauci radii reflectuntur ad oculum, qui status oritur vel à superficie lavigata, vel asperata, vel à partibus striatis, vel ab humore, qui refractionem impedit; ita famæ denigratio semper ab aliqua asperitate desumit originem. Quid clarius?

## DE RUBORE.

Rubor color inter album & nigrum medius est, hoc est, æqualiter ab extremis coloribus distat: quis enim alius color hunc medium locum tenet?

## PROPOSITIO XXII.

*Rubor ex albore & nigrore componitur per additionem, non verò per multiplicationem.* Sint enim characteres albi & nigri  $\frac{1}{2}$  &  $\frac{1}{2}$  si fiat compositio per multiplicationem, ratio composita erit  $\frac{1}{4}$  quod dici non potest, alias nihil esset luminis & nihil umbræ; sin autem fiat per additionem, ratio composita erit  $\frac{1}{2}$  quæ est omnium simplicissima & proportionatissima. Igitur cum rubor distet æqualiter ab extremis, etiam æqualiter de utroque participat; igitur tantum luminis dicit ab albo, quantum umbræ à nigro: igitur ejus character est  $\frac{1}{2}$ .

Rubor unde fiat.

## PROPOSITIO XXIII.

*Hinc rubor alternos dicit cum umbris radios.* Ita ut radio succedat umbra; & huic radius: atque ita deinceps per alternas vices. Itaque rubor in actu secundo est lumen ita modificatum, ut alternos cum umbris habeat radios. In actu verò primo *Est talis corporis status, ut cujus alterni radii reflectuntur vel refringuntur.*

Quid rubor in actu secundo vel primo.

## PROPOSITIO XXIV.

*Si radii continui sive reflexi sive directi in tale medium cadant, quod alternos quasi radios sistat, corpus illud unde perfecti vel reflexi sunt radii, videbitur rubrum.* Patet per propos. XXIII.

Ex his omnia rubentia facile explicantur, candida flamma si fumus accedat, rubet, Sol in nebula, Mars de nocte, Luna in nubibus, carbo accensus, & plura alia rubent, quia umbræ & radii ex his objectis alternatim incidunt in oculos, ut patet per propos. XXIII. Huc etiam reducitur rubor sanguinis, florum, solarum, iridis, verbo omnium rubrorum.

## Corollarium Physico-morale.

Unde quæso erubescant homines? qui rubor juxta Ethicos virtutis color est; nunquid quia à luce sua tinguntur, hoc est laudantur immodice, vel quia tanguntur ab umbra, hoc est, vituperantur ob vitia? Si ergo in Ethicis rubor miscetur ex luce & umbra, hoc est laude, & vituperio, quidni in physicis? cum natura uti omnium, sic etiam virtutis mater est.

Morale de erubescencia.

## De flavo, cœruleo &amp; viridi Colore.

Inter album & rubrum colorem flavus intercedit, & ab extremis his duobus distat æqualiter.

## PROPOSITIO XXV.

*Hinc flavi coloris character facile haberi potest:* Sit enim character albi  $\frac{1}{2}$  & rubri  $\frac{1}{2}$  componatur uterque per additionem habebitur  $\frac{2}{2}$  hic est character flavi, in quo singulis umbris duo radii respondent.

Flavus color quomodo fiat.

## PROPOSITIO XXVI.

*Cœruleus color inter nigrum & rubrum medius est: & potest facile haberi ejus character:* est enim  $\frac{1}{2}$  nempe proportio inæqualitatis in qua singulis radiis binæ umbræ respondent: hinc ut est flavus ad album, ita cœruleus ad nigrum.

Color cœruleus uti fiat.

## PROPOSITIO XXVII.

*Viridis color ex flavo & cœruleo componitur:* Hinc etiam habetur viriditatis character. Sit enim character flavi  $\frac{2}{2}$  itemque cœrulei  $\frac{1}{2}$ , componatur uterque per additionem, eo modo quo dictum supra, character ex utroque compositus erit  $\frac{3}{2}$ . Et talis est viridis

Color viridis unde fiat.



viridis coloris character, qui character magis est mixtus, quàm character flavi & cœrulei. Nempe flavus mixtus est ex albo semel & rubeo semel, vel ex albo bis & nigro semel, ut patet. Cœruleus verò ex rubro & nigro, vel ex nigro bis & albo semel. At viridis mixtus est ex flavo & cœruleo semel, vel ex albo rubro, & cœruleo semel &c. patet certè major mixtio.

Color viridis in actu primo vel secundo quid sit.

Collige hinc quod color viridis in actu primo sit talis corporis status, ratione cuius radii sic reflectuntur, ut trinis punctis reflectentibus, trina non reflectentia succedant. Item in actu secundo est talis luminis modificatio, in qua post tres umbras tres radii appareant. Ex his habemus, quid dicendum de omnibus coloribus, quid scilicet dicant in actu primo, quid in actu secundo. Sic toto libro explicat *Fabri* omnia colorata, flores &c.

### SCHOLION.

Hæc aut vera sunt: vel si minus, quæ insignior aut doctior de coloribus potest excogitari fictio?

*Solvuntur quædam argumenta contra sententiam allatam.*

Objectiones.

I. Obijcies I. Si veri colores à lumine non distinguantur, non essent ita fixi: sed pro diverso lucis aspectu mutarentur. Respondeo ideo esse fixos, quia causa illorum est fixa, nempe color in actu primo. Patet hoc in prismatico vitreo, ubi colores semper iidem, si in eodem situ semper teneatur.

II. Obijcies II. Lux est qualitas cœlestis contrario carens, quod tamen colori non competit; albedini enim nigredo est contraria. Respondeo albedo in hac sententia est multum luminis, nigredo est parum luminis; sed parum & multum luminis tam sunt contraria, quàm color & frigus.

III. Obijcies III. Si color esset ipsum lumen, nigror qui lucis expers est, nihil esset aliud quam lucis privatio, quod à communi sensu abhorret. Respondeo nigror qui omnis lucis expers est; hoc est nigror privativus non est propriè color nisi abusive, ut dixi supra prop. XVI. At verò nigror ille quem videmus color est; nec enim est mera lucis privatio, sed tantum parum luminis dicit.

IV. Obijcies IV. Si lumen & color idem essent, omnes colores essent, sub eadem infima specie, sed quis dialecticus nescit album specie differre à flavo, vel rubeo. Respondeo leve totum est, qualia si mille rotes sententiam nostram non observas. Nam licet lumen ut sic sit sub una specie atomi, quatenus tamen dicit diversas conjugationes & modificationes in diversis objectis specie differt. Et hæc diversa modificatio color est. Ecce quot colorum species!

V. Obijcies V. De nocte color est, & tamen non est lumen, igitur lumen à colore distinguitur. Respondeo distinguo antecedens: Noctu est color in actu primo concedo, in actu secundo nego. Distinctio jam supra est explicata. Itaque color in actu secundo non distinguitur à lumine modificato. Nam sive radii directi à corpore lucido profecti sub tali conjugatione vel modificatione oculo incidunt, sive refracti: sive reflexi, certe perinde est; nam eadem causa producit eundem effectum. Atque hæc est sententia doctissimi *Fabri* de coloribus, super qua amicus, qui eam ad me transcripsit meum requisivit iudicium, quod subijcio.

*Crisis sive iudicium de hac Fabri sententia.*

Sententiam hætenus relata docte admodum & ingeniose confictam, sed minus in veritate fundatam censeo. Nam

I. Primò. Nimis ample asseritur color in actu primo quod sit illa vis, quæ objecto inest, qua colorem in actu secundo efficit, sive quod sit illa vis, quæ luminis appulsu illam modificationem facit, unde admitti debet colorem in actu primo fuisse jam antequam lux fuit creata; etsi lux nunquam fuisset creata, tamen color jam esset, quod certe nimis ample & gratis asseritur. Sicut à pari dici posset me in actu primo jam esse Constantinopoli, aut in concavo lunæ, quo nunquam sum venturus, cum ibi sit vis & dispositio me recipiendi: item dici posset in aqua frigidissima esse calorem in

actu



actu primo, quia ibi est vis, quæ ignis appulsu illam modificationem coloris in actu secundo potest efficere; quod certè nimis laxè dicitur.

Secundo umbra ut est umbra, vel dicit adhuc aliquid lucis, vel nihil dicit lucis. Si primum: facta igitur qualicunque conjugatione lucis cum umbra, erit positivè tantum lux major: cum id quod lux non est, sit quid negativum aut privativum: hoc autem absolutè nihil est. At si sit lux tantum major erit mera lux, quæ cum dicat albitudinem; qualiscunque fiat conjugatio umbræ cum luce, erit albitudo tantum major aut minor. Ergo absolutè omnis conjugatio dicit albitudinem; quocirca omne coloratum erit album magis aut minus &c. Sicut à pari, cum facio conjugationem hominum & non hominum in certo loco veluti in schola: absolutè verum est dicere esse tantum ibi tot homines ex. gratres, licet centum aut mille ibi homines esse quomodocunque possint: itaque illi homines dicunt rationalitatem ibi esse ampliolem numero, cum plures; minorem numero, cum pauciores ibi homines extiterint. Quod si umbra omnino nihil dicit lucis, eodem modo procedit argumentum, nam facta conjugatione lucis qualicunque cum umbra, tantum erit lux major aut minor, quæ semper dicit albitudinem majorem vel minorem: nam nihil lucis sive non lux, ut esset umbra, nihil est.

Tertio. In colore nigro, si sit umbra continua; quomodo dici potest, quod pannus niger expositus validissimis radiis solis minus illuminetur, ac minus reflectat radios lucis, quàm pannus albus. Dicatur oro differentia cur hic plus imbibat & reflectat lucis, quàm ille? nulla sane ratio nisi ficta dari poterit.

Quarto. Quod sub angulo acutiore videtur, ut habet propositio XII, per radios magis continuos videtur. Hinc tale ludicrum formo argumentum. Quod sub acutiore angulo videtur, per radios magis continuos videtur, atqui quod per radios magis continuos videtur, illud videtur magis album (quia juxta prop. 9. albus color dicit continuationem radiorum lucis, quocirca quod magis radios continuos habet, magis videtur album, & quod minus continuos, minus album) ergo quod sub angulo acutiore videtur, magis album videtur. Jam subsumo. Caput in equo per totum nigro sub acutiore angulo videtur, quam reliquum corpus equi; item musca in pariete albo sub acutiore angulo videtur quam paries albus, & vacca nigra duobus distans stadiis sub acutiore angulo videtur, quam dum distat uno stadio, sicut omnes Opuci testari debent: ergo caput in equo per totum nigro videtur magis alba, musca in pariete albo videtur magis alba quàm paries albus & vacca nigra in distantia duorum stadiorum videtur magis alba, quam in distantia unius stadii in qua apparet nigra. Sed quis hæc admittat? Deinde quod Mars ideo plus rubere dicatur de nocte quàm diluculo, quia acutiore angulo videtur de nocte, cur non & Jupiter? cur non & aliæ stellæ quæcunque? cum æquè acutiore angulo videantur de nocte quàm diluculo (si vera est causa laxitas pupillæ) nec tamen ut ille rubent. Deinde si aspiciatur Mars nocte serenissima per qualecunque telescopium, detrahetur illi capillitium & videbitur sub æquali angulo, sive de nocte sive diluculo aspiciatur; quia formabitur ejus imago præcisè in retina; adeoque quia non est ratio; cur determinantes diametrum imaginis in una visione magis aut minus eam diametrum extendant. In retina (laxitas enim & coarctatio pupillæ tunc nil conferunt) hinc utrinque sub æquali angulo imaginem sistent cæteris paribus: nihilominus rubor ille adhuc advertetur magis de nocte, quàm diluculo. Vide hujus fund. synt. 3. cap. 8. quæst. 14. & quæ infra fund. 2. uberior de radiis determinantibus diametrum imaginis dicimus.

Quinto. Non bene capi possunt illa portenta verborum: Nigror positivus, nigror negativus, nigror privativus. Etsi, quò minus luminis est, eò plus nigroris est juxta prop. 17. cur non æquè bene dicitur: quò minus luminis est, eò minus alboris est?

Sexto. Juxta prop. 19. si corpus perfecte lævigatum ad idem oculi punctum unum tantum radium reflectit. Quæso unde radius ille originaliter profilit, ut ei proprietas



illa mathematica, quæ in expositione illius propositionis supponitur, tam concinnè aptetur; sed ut hoc exactius disquiram.

Unde quæro omnes illi radii luminis, qui ex varia combinatione ac conjugatione lucis & umbræ dicuntur tam diversos colores generare, profluxum habent? Unde prima & principalis eorum origo. Ex. grat. de die? Ais primo à sole originaliter procedere? Item ego in altiori aliqua turri, sol sit in oriente, patens unica fenestra versus occidentem, habeamque chartam virgineam; quomodocunque aspiciam erit alba. Jam quæro unde alba? si dicis ob radios lucis à sole in ita modificatam chartam incidentes, ut dicant continuationem: illi radii vel directè incident, vel reflexè vel refractè? aliter enim non poterunt. Imprimis non directè: obstat enim opacitas turris, quoniam cum via brevissima per lineas rectas procedant, ad turris opacitatem oppositam prolapsi, ibidem sistentur, nec ultra progredi in directum poterunt, etsi qui alii juxta turrim procedunt, directè ultra quidem progredientur nec per fenestram ingredi poterunt. Deinde non reflexè: quod enim est corpus reflectens? si terra vel ædificia? illa possunt esse tam remota, & turris tam alta, itaque charta teneri, ut nulli radii inde reflexi ad chartam pertingant, nec etiam aër potest reflectere, cum ille sit fluidus & diaphanus. Charta nihilominus comparebit alba. Non etiam incident radii refractè; quia tunc non vergent versus suum principium licet obliquo aliquantulum tramite occidentem versus procedant. Ergo radii illam albitudinem causantes non possunt à sole procedere.

Ais forsan ab aëre illuminato radios illos in charta ob continuationem albitudinem causantes procedere. Sed contra est. Vel totus aër quaque patet hanc efficit, vel certa ejus pars: non certa ejus pars; sit enim eadem charta lævigata per propof. 19, ab eadem aëris parte tantum unus radius ad oculum pertingere poterit, unde non erit ibi continuatio radiorum nec videri poterit alba, sed nigra, quod est contra experientiam. Deinde nec est ratio, cur uni aëris parti hoc potius competat ita radiare & reflecti in oculum, quàm alteri.

Neque totus aër: quia licet totus aër radiet in chartam albam, & ejus quodcunque punctum; non potest tamen à quolibet chartæ puncto non nisi unus radius ad oculum eodem loco fixum reflecti; is nempe qui ab omnibus iis punctis aëris, qui in linea recta ad angulum æqualem angulo reflexionis elevata juxta catoptrica principia incident; unde alia aëris puncta à latere radiantia licet in idem punctum radiare possint, nil juvant, cum reflectant; nec possint ob inæqualitates angulorum incidentiæ ad idem oculi punctum reflecti; unde ut unum idemque punctum appareat album, non erunt in eo radii ad oculum reflexi plures continuati albitudinem causantes. Quod autem de uno puncto, hoc de singulis, & quod de singulis punctis, hoc de tota charta dici potest, adeoque ea de causa nequit dici alba.

At dicis in alba charta singula puncta habere suas cavitates aut eminentias, ut possint ita juxta leges catopricas plures radios continuatos ad eundem oculum reflectere; adeoque continuatio illa radiorum albitudinem causantiam benè concipi. Respondeo. Hoc gratis ita fingitur. Sume enim microscopium optimæ notæ, quod etiam minima plurimum augeat, & experire, num videre possis in charta prius alba; deinde denigrata cavitatum aliquam differentiam, quæ in una potius sint, quàm in alia. Plura alia non tangam, quia ista solum speciose conficta sunt, atque analogicè potius quàm physice colorum differentias ostendunt.

Vides itaque Lector, quanta difficultas sit in genuina causa, & vera scaturigine colorum indaganda. Optandum certe foret, ut quicumque publice philosophiam profitentur, & punctis aliis levioris momenti tritis, in quibus plurimum desudant, & buccis ea plenis proclamant, & dictant, ad alia hujusmodi physica profundioris indaginis perscrutanda animum intenderent; ut ita saltem ad solidiora fundamenta quarumlibet artium & scientiarum pertingere possimus, nec ita diu nobis maneat in culcatum illud principis philosophorum effatū, quod & supra cap. 8. hujus adduxi.



adduxi. Quemadmodum vespertilionum oculi se habent ad lumen diei, ita intellectus anima nostra, ad ea quæ omnium sunt manifestissima. 2. metaph. cap. 1.

## SYNTAGMA III.

### De visione & modo videndi.

**P**roximum est, ut quomodo visio fiat, expendamus: satis equidem supra de visus organo, ejusque structura dictum; nunc porro ad quid ille diversarum oculi partium apparatus à natura tam concinnè & probè formatus: quis singularum ad videndi facultatem aptè promovendam, expediendamque usus & officium sit, exponendum. Cum deinde & studiosè multùm adæquatum visus objectum superiori syntagmate, quod est lux & color, sit explicatum; nunc quâ ratione per vicarias sui species, imagines scilicet à profusis undiquaque radiis effectas in intima oculi penetralia momento temporis ex longissimis etiam intervallis transmissas cum videndi facultate conjungatur & ad formando's rite visionis actus concurrat, diligenti, quo par est, studio erit indagandum.

### CAPUT I.

*Proponitur & explicatur commune phenomenon specierum visibilium, imaginum scilicet per radios ab objectis spectabilium corporum trajectos luculenter in aspectum deductarum.*

**Q**uando jam communis sententia tenet tam apud Opticos, quàm Philosophos visionem fieri non per extramissionem radiorum ad objecta visibilia, ut Antiquiores quidam senserunt, sed per intus susceptionem radiorum, seu receptionem specierum ab objectis transmissarum; Ideamque visionis, verum typum ac genuinam ejusdem similitudinem esse, admirandum illud licet jam vulgatum naturæ spectaculum, quo in loco tenebricoso objectorum imagines vivacissimis suis coloribus naturalissimè præsentantur, ut nec Apelles aut artifex quiscunque ac quantumvis peritissimus pictor tale aliquid naturalius suis possit penicillis exprimere: ideo necessarium cumprimis putamus hic illud adducere, ac tanquam fundamentum totius artis Tele-dioptricæ, oculique nostri Artificialis cum notabilibus omnibus circumstantiis, & observationibus magis instituto nostro congruis genuinè describere, causas etiam & rationes eorum maximè, quæ magis animos indoctorum percellunt, ex principiis supradatis reddere, ac in medium proferre.

Visio fit per receptionem specierum

Phænomenon igitur, de quo nunc agimus, ita solet in aspectum deduci. Elige cubiculum aut conclave quodcunque, quod ita possit claudi, ut nullus vel exiguus luci pateat ingressus: deinde versus objecta forinsecus posita, quæ in aspectum deducere cupis, fiat foramen circulare minimi digiti latitudin-, majus etiam aut minus, prout rei exigentia, vel usus docebit. Hoc facto claudatur cubiculum, ut tenebris totum obscuretur, ac non nisi per unicum foramen apertum lumen ingredi queat: & ecce hoc ipso simul per radios ab objectis trajectos omnium rerum extrapositarum imagines in obverso candido pariete, aut charta vel linteo albo in debita distantia (quæ experientia rectius quam rationibus præscribitur) opposito perfectissimè depingentur, una cum propriorum colorum exhibitione, motu, lineamentis omnibus, ut nihil ab iis objectis forinsecus existentibus discrepet, nisi solâ magnitudine & situ: forma equidem minori sed gracili ac pervenusta, & situ everso, quod unicum intuentibus incommodum est, comparent. Quod si vitrum convexum vel utrinque vel ex altera parte planum foramini imponas, multò omnia clariùs & distinctiùs in debitis distantis comparebunt.

Phænomenon specierum quomodo exhibendum.



Atque hoc est curiosum illud phænomenum, quod omnis, qui naturæ secreta rimatur, meritò admirari, ac quiscunque abditis naturæ miraculis delectatur sedulò, & curiosè inspicere, ac seriò perpendere debet.

Porro ut rationem, modumque, quo hæc colorum parastasis & luculenta rerum apparitio seu pictura repræsentari solet, explicemus, quædam ex supradictis recolenda sunt, ac pro fundamento supponenda.

Quædam  
supponun-  
tur ad ex-  
plicatio-  
nem Phæ-  
nomeni.

I. *Omne punctum rei visibilis ad lucis exemplar radiat quaquaversus in orbem.* Constat experientia, nam cum unum & idem visibile uno & eodem tempore simul à pluribus similiter videri possit, consequens est, ut à quolibet visibilis puncto quodlibet medii punctum irradietur; & quia infinita puncta in orbem constituuntur, ex quibus omnibus visibile totum, & quodlibet visibilis punctum cerni potest, necessariò radii ab omnibus visibilis punctis inde profundi debent: adeoque in orbem omne punctum objecti visibilis radiabit. Deinde quia supra dictum de luce, quod radiosum suum effluxum quaquaversus in orbem diffundat, color autem, quod sit simile effluvium, imo nihil aliud, quàm lux opacata, æque igitur ut lux in sphæræ modum radiosum effluxum profunder.

II. *Omnis radius in quolibet puncto rei visibilis egressus, fertur in directum.* Natura enim compendio studens temper brevissimam incedit viam, qualis linea recta conficitur. Hinc etiam testante experientia ad hoc ut res aliqua videri possit, debet linea à visu ad ipsam posse duci. Quod si talis linea duci nequeat, vel aliud corpus opacum inter visum & rem visibilem in recta linea interponatur, non videbitur: signum igitur est omnes radios à quolibet puncto visibilis propagari in directum aut lineis rectis perfundi.

III. *Ex omnibus radius à quolibet puncto radiantibus in solum per angustum foramen intrant, qui directè à puncto quolibet per lineam rectam ad spatium foraminis perimetro complexum extenduntur; Cateri autem omnes à pariete, cui foramen inest obstante excluduntur.* Unde sequitur, quod radii à quovis puncto prolapsi intra dictum spatium foraminis ingressi in iplo foraminis ingressu vel propè decussentur, sicque diversi conii radiorum efformentur ut supra præced. syntagm. cap. 4. demonstratum.

IV. *Lux in suo genere oculum plus movet, quàm ullus color. Lux major minorem suffocat. Lux colorata luci similiter colorata in eodem subjecto superaddita, coloratius simili colore efficit subjectum, nec speciem mutat, aut confundit. E contra lux colorata cum certa specie coloris superaddita in eodem subjecto luci colorata cum diversi coloris specie à priore mutat speciem coloris & confusionem inducit.* Omnia clara sunt & certa.

Quid sit  
pictura il-  
la in phæ-  
nomeno?

His præmissis videtur dicendum, picturam illam in obscuro loco à charta debite oppositâ exceptam aliud nihil esse, quàm diversos radios à coloratorum corporum partibus lucis adminiculo avocatos seu præcisos lucumbriumque effluviorum proprii alicujus coloris à corporis coloratis partibus, unde evocantur, consignati, indolem deferentium factu imprægnatos, quem sensim prolabendo exercere debuerunt, dum citiùs, quàm par est, sistere coguntur, omnem quam habent reliquam foeturam una ordinatis locis in charta deponunt, indeque novâ radiatione seu actinobolia instituta in medium, ex quo venerunt, quaquaversus refundunt, unde oculo quovis loco constituto cerni, & visu percipi queunt. Itaque tota illa parastasis, colorumque varietas aliud nihil est, quàm radiorum ab objectis foris existentibus, omnibusque eorum punctis seu partibus extimis prolapsorum in charta interjecta intus terminatio. Species porro dici meruerunt, quòd speciem objecti seu formam ac perfectam similitudinem præsentent.

Quare in  
tenebris  
hoc phæ-  
nomenon  
præsentetur.

Quare autem hoc phænomenon nonnisi in tenebris, velut obscurato loco repræsentetur, causa hæc est, quòd effluvia illa lucumbria essentiam habeant valde tenuem, ut à majore lumine facilè devincantur & suffocentur: & quia tunc lumen prædominium acquirit, secundum illud visio fiet. Lux enim plus movet visum, quàm ullus color. Illæ itaque colorum exuviæ, cum pertenues valde sint,



sint, non nisi exiguo lumine, quo præciduntur ac provehuntur, in aspectum deducuntur: ascito autem quocunque alio majore lumine statim diluuntur; quare etiam quo locus magis obscuratur, ac ipsum foramen etiam magis arctatur, ipsæ colorum imagines mundiores & præcisiores cognoscuntur, quia majus lumen ipsarum tenuitati magis infestum excluditur.

Candidæ chartæ in certa ac debita distantia opponendæ ratio & causa est hæc: quia si nimium propè collocetur ad ipsum foramen, imago tenuis à luce quæ illic vivacior existit absorbetur: deinde radiorum decussatio, quæ propè foramen maximè contingit, species diversorum colorum magis confundit, unde pictura distincta & munda deponi non potest. Si charta nimium à foramine removeatur, accidit, ut lux, quia longius provehitur, debilior existat, quam species dilucidè satis possit in aspectum deducere; idem quia radii, quò longius post decussationem protenduntur, eò magis distrahuntur & dissipantur, fit ut pictura amplius quam par est dissipata obfuscetur; ac ita demum dispareat. Certo itaque loco ac congrua aliqua distantia charta debet foramini opponi, ut pictura munda & distincta excepi queat; quæ ipsa rectius experientia deprehenditur, quàm certis quibusdam regulis præscribi possit.

Cur charta in certa distantia opponenda

Quod vitrum vel utrinque convexum vel plano-convexum foramini impositum imaginem multo clarius & distinctius in charta præsentet, ea est ratio; quia ejusmodi vitra hoc habent (ut infra melius declarabitur) quod plures unius puncti radios ambitu suo exceptos, per refractionem deinceps transmissos denuo in unum punctum cogant: & quia sic omnium punctorum totius objecti radii singulis punctis respondentes debito modo post vitrum colliguntur & ordinatissimè in unam basim communem collocantur, contingit imaginem multo clarius & distinctius, quàm si liberum foramen nulloque vitro munitum foret, intus præsentari. Cur denique pictura hæc inversa cernatur, sequenti capite ostendemus.

Cur adhibito vitro phænomenon hoc melius repræsentatur.

### Corollarium I.

Ex dictis modo, & adhuc dicendis patet, quod quæcunque superius dicta sunt, de lucis radiatione ejusque natura, idem refractione, reflexione, nec non in obscura trajectu eadem de colorum radiatione & profluentia sint intelligenda.

### Corollarium II.

Hinc quoque patet diaphanum quodvis totumque aërem plenum esse infinitis diversissimarum rerum visibilium simulachris, speciebus & imaginibus, quæ tamen ita sunt inconfusæ ut unaquæque sine commistione cum altera per medium recta via in quemlibet obscurum locum transferatur: ac licet diversissimæ species in quovis aëris puncto localiter conveniant minimè tamen commiscentur, sed entitative manent discretæ, ut quævis distinctè objecti sui similitudinem præsentare possit. Hinc etiam oculus quocunque loco constituatur istarum specierum receptione ad res visu discernendas mox affici solet. Nam haud aliter quàm in prædicto phænomeno species per angustum foramen in chartam loco obscuro ritè oppositam transferuntur, ita in oculum simili prorsus dispositione ab Auctore Naturæ præparatum (ut infra clarius ostendetur) quovis loco constituatur radii ab objectis quibuslibet propagati diriguntur.

Aër plenus infinitis speciebus.

## CAPUT II.

*Immissarum per foramen nudum absque vitro specierum aliquot proprietates enucleatius explicata.*


- I. **O**bjectum quodcunque foris existens repræsentatur intus in charta objectâ situ everso & contrario, ut sinistra comparent dextra & supera infera, & contra. inversum.

Cur objectum repræsentetur contra. inversum.



contra. Ratio est: quia nempe radii à quolibet visibili puncto profluunt secundum lineas rectas, & objectum foris positum est majus ipso foramine, ut ita omnes radios à se emissos trajicere non possit; hinc fit, ut exclusis aliis, ab obstante pariete solum ii, qui per foraminis capacitatem protruduntur, intrare permittantur: & quia sic immissi in angusto foramine mutuis sectionibus decussantur, accidit ut situs objecti in charta representati conspiciatur eversus & contrarius. Sit enim crux A B foramen E in pariete interjecto & charta intus opposita sit F G. quia igitur ex puncto visibili A infiniti licet radii in hemisphærium profundantur, non tamen aliquis transit per foramen E, nisi talis sit, ut recta linea procuret & dirigatur ad foramen E: Introgressus igitur necessario progreditur in F, sistet ergo speciem sui puncti A inverso situ in charta intus opposita interloco F. Reliqui autem quicunque alii radii qui æque ex A puncto profluunt, non tamen recta procurreunt ad E foramen, excluduntur à pariete interjecto, necessario igitur tali progressu ex A per foramen E formato imago A produceretur in F nec alio. Iterum quia ex puncto B soli illi radii qui ad capacitatem foraminis E protenduntur, intrare possunt, reliqui autem quicunque excluduntur, intus igitur eo itinere, quo coeperant, prolapsi deportabunt speciem puncti B in locum G. Sic quæ supra sunt infera & infera apparent supera. Eodem modo sinistra apparent dextra, & contra: cum simili planè modo punctum C radiet in H, & punctum D radiet in I. Ratio igitur eversio- nis est data.

FIGURA XVIII.



Cur quan-  
to magis  
charta re-  
moveatur  
aut admo-  
vetur, ima-  
go fiat  
major aut  
minor.

II. Si cæteris omnibus immotis charta magis admoveatur foramini species, depictæ representantur minores, si plus removeatur, majores. Nam quia radii per modum conii intus profunduntur, ac quanto longius provehantur, tanto magis distrahuntur & dissipantur, fit ut charta secans radiosum istum profluxum in propinquiore foramini distantia species magis contractas excipiat, in longiori verò & remotiori magis distractas: unde ibi minores, hic majores representantur. Sic vides in præcedente figura, quod charta opposita loco K L in propiore distantia imaginem crucis minorem; in distantia verò remotiore G F majorem representet.

III. Objecto



III. Objecto externo & foramine immotis imago ad chartam in eadem distantia oppositam transmissa neque locum neque situm mutat, etsi ipsa charta huc vel illuc (æqualiter tamen extensa, & æquè obversa) moveatur, vel non. Similis enim objecti radiatio specierumque immissio perseverat.

IV. Objecto foramine & charta immotis, si oculus inter foramen & chartam quocunque loco constitutus transmissam imaginem inspiciat, æquè semper magnam & in eodem chartæ loco videt. Radii enim ab objecto dum similiter prolapsi à chartæ scabræ interjectu retinentur, & una cum allatis speciebus in charta sisti coguntur, inde novâ, ut superius dictum, radiatione instituta quaquaversus in orbem non aliter ac ipsum objectum facit, tenuem profluxum suum parant. Unde fit, ut imago directâ visione æquè semper magna ab oculo quocunque loco ante ipsum constituto cernatur. Unde etiam

V. Idem contingit, si post chartam immotam cum cæteris ut antea ab oculo quovis loco constituto inspectetur: nam imaginem videt transparentem eâdem magnitudine & loco: quod melius succedit, si ipsa charta oleo fuerit imbuta.

VI. Ejusmodi pictura, seu species objecti (licet non æquè nitidè) comparent in superficie corporis cujuscunque foramini opposita, ut in muro, manu, veste, speculo &c. in hoc tamen difficillimè quia lux reflexa prævalet, ut mox dicetur.

VII. Quando charta vel quodcunque corpus oppositum est valde politum minus distinctè exhibet imagines; si autem scabram habeat superficiem melius & distinctius eadem cernuntur. Ratio hujus est, quod radii à scabra superficie fortius prehendantur, & implexu firmiter retineantur: illius autem; quod plurimum resiliant, atque à reflexa luce speculum insidente suffocentur.

VIII. Si in distantia qua species distinctè cerni solent loco chartæ op-  
ponatur speculum planum, duplex imago comparet: una admodum obscura & umbrosa, insuper inversa, quæ totum speculum occupat: altera verò nitida, recta & quæ ad rotunditatem foraminis effigiata circuli ambitu continetur, ac in parte tantum speculi cernitur. Primam imaginem causant species allapsæ eo modo, quo hactenus in explicato phænomeno fieri dictum est; unde & eversa est; Item ante speculum sive ad ipsam speculi superficiem extensa, ac etiam ab oculo quovis loco ante speculum constituto in iisdem speculi partibus conspicitur. Obscuratur verò ideo, quod speculi lævor lucem in medium ante se reflectat, quæ ipsam deinde valde tenuem faciliè diluit, & suffocat: unde velut umbra quædam insidens speculo cernitur, tantòque apparet obscurior quantò speculum magis politum est. Altera imago, quæ nitida apparet, est ipsum objectum foris existens, quod reflexè in speculo cernitur. Nam quia lux per angustum foramen non tantum species objecti deportat, sed ex propria naturæ indole se quantum potest quaquaversus dispergit, fit ut licet modicè ipse paries ante speculum unâ cum foramine illustretur; quâ facta illustratione species parietis & ipsius foraminis in speculum provocantur: foramen autem patens cum nihil in area sua contineat, quod in speculum radiet, sed aer diaphanus locum totum foraminis occupet, hinc objectum foris existens suis radiis defectum supplere nititur, atque intus se profundens in ea capacitate quæ foramini congruit in speculum provehitur. Ex speculo deinde omnia reflectuntur in oculum debitè ante ipsum constitutum & visionem istam imaginis claræ procurant. Igitur imago illa nitida est ipsum objectum foris existens, quod reflexè cernitur in speculo. Hinc fit, quod situ recto compareat, non aliter ac res quævis etiam extra locum obscurum reflexè in speculo cerni solent. Hinc quoque in ipso speculo sive ipsi speculo immersa comparet, aut post speculum; Hinc ab oculo non in quovis loco ante speculum constituto, nec in eadem speculi parte cernitur, cum reflexio ad oculum quovis loco ante speculum constitutum sub angulis æqualibus incidentiæ angulis nequeat fieri.

Adhibito speculo loco chartæ duplex imago comparet. Prima imago unde fiat,

Secunda imago unde fiat.



Falsa est  
sententia  
eorum, qui  
dicunt spe-  
cies non  
videri ut  
quod.

An in se-  
cunda  
imagine  
fiat decus-  
satio radi-  
orum.

Ex dictis hoc loco conficitur falsam esse sententiam eorum, qui ex hac ipsa experientia per speculum facta ob duplicis imaginis obscuræ & claræ apparitionem nituntur probare species in charta candida exceptas loco obscuro non videri ut quod, sed res ipsas in utraque imagine reflexè videri. Horum ita sentientium argumenta & rationes ac cumprimis unius è societate Jesu Patris ac Professoris in Universitate Olomucensi publicæ disputationi expositas adducit in Techn. curios. lib. II. cap. 3. p. *Caspar Schott* ubi quidem benè & doctè refutat adversariorum doctrinam, fallitur tamen, quod conetur ostendere in casu, quo in opposito speculo videtur foramen & imago objecti situ erecto, species objecti in ipso foramine decussari, & sic decussatas nihilominus ducere oculum, ut visione reflexa in situ erecto videat objectum. Sic enim ait. *Sit objectum A B foramen valvæ C, speculum planum D E, radii directi ab objecto per foramen in speculum trajecti A G & B F, oculus aspicientis H radii reflexi à speculo in oculum ad angulos aequales angulis incidentiæ F H, & G H. Quoniam igitur radius reflexus H G, ducit oculum H, in punctum A, & radius reflexus H F ducit eundem oculum H in punctum B necesse est, objectum videri situ erecto. Denique ad calcem hæc verba apponit. Falsum ergo est, nullam hic fieri decussationem, ut adversarii dicebant. Eadem tradit in *Jocoseriis Natur. & Art. centu. 2. propos. 18.* Fallitur, inquam: nam dicendo, quod species decussentur in foramine, accidit planè contrarium, objectum scilicet reflexe videri non situ erecto sed everso. Si enim radius puncti A pergit in G, & radius B pergit in F: ita ut decussentur radii A G & B F in puncto I prope foramen C: fiet ut post decussationis punctum I necessario evertantur, ut ex præcedentibus hætenus dictis liquet, & clarè patet in ipsa figura: species enim puncti A deportatur ad inferiorem speculi partem in G, & puncti B deportatur ad speculi superiorem partem in F. Ex punctis itaque F & G si reflectatur imago ad oculum H (ut ipse putat) necessario tunc F. hoc est B videbitur supra, & G, hoc est A videbitur infra: nam res omnis apparet in radio, quo ipsius simulachrum ad retinam oculi porrigitur.*

FIGURA XIX.



ut ipse



ut ipse velut axioma tradit *mag. nat. part. 1. lib. 6. præluf. 2. propos. 3.* In casu ergo decussationis radiorum imago cerneretur inversa, quod est contra hypothesein & experientiam; admittit enim, non everfam sed rectam imaginem illam cerni reflexè. Dicendum igitur cum adversariis, imaginem illam seu species objecti, dum reflexè videntur, in speculo ante vel intra ipsum & foramen non decussari. Etenim non aliter ac ipsum foramen, & paries, cui foramen inest, in id ipsum speculum radiant non decussatis speciebus & inde in oculum reflectuntur, sic ipsum etiam objectum foris existens radiat per patens foramen, quasi continuum, quid cum ipso foramine foret, æque in speculum sine suarum specierum decussatione. Nihil enim hic mediat quod talem decussationem causet: idem enim diaphanum nempe aer æquè mediat inter objectum foris existens, quàm intus in obscuro loco inter speculum & parietem: unde si hic non decussatis videtur in speculo, etiam imago clara objecti foris existentis radiis non decussatis videri debet.

Radii non  
decussan-  
tur.

Deinde impossibile est juxta principia catoptrica, ut admissa decussatione radiorum iidem radii denuo digressi incidentes ad diversa loca speculi plani inde in idem punctum vilis reflectantur, quo ab oculo simul & semel cernantur. Nam in puncto decussationis radii conveniunt in uno nempe puncto I intersectionis, quod punctum habet se per modum unius radiantis diversos denuo radios in diversa speculi loca, cum nempe radii decussati à puncto intersectionis iterum disgregentur, & divaricentur, uti necessario debet admitti, & satis patet in figura. Est autem supra syntag. 2. cap. 5. propos. 8. demonstratum: non posse formam unius puncti è duobus punctis ejusdem speculi plani ad idem punctum reflecti: hoc est idem, ac in figura, non posse à puncto uno nempe I demissos radios I G & I F à duobus punctis G & F ejusdem speculi D E reflecti ad unum aliquod idemque punctum H. Unde oculus in H reflexè simul non poterit videre objectum A B quod tamen supponitur. Ratio fundamentalis sita est in propos. 3. ejusdem supra; cum ad hoc, ut aliquid reflexè cernatur, angulus reflexionis debeat fieri æqualis angulo incidentiæ. Unde si simul & semel punctum A & B ex uno puncto H debeant videri, debebit ipsi angulo incidentiæ A G L esse æqualis angulus reflexionis H G K, & angulo incidentiæ B F L æqualis angulus H F K quod esse impossibile ipsa figura satis docet. Radius enim reflexus ex incidente A G, à G tendit in M, & radius ex incidente B F ex puncto incidentiæ F pergit in N unde radiorum A G & B F reflexio in idem punctum H fieri nequit. Adeoque ex H simul reflexè objectum A B admissa radiorum decussatione videri non potest, quod tamen supponitur.

Declara-  
tur ampli-  
us.

Non igitur decussantur radii, dum reflexè objectum cernitur in speculo, ut vult Schottus: sed permittendum est adversariis quod, dum imago illa nitida cernitur erecta in speculo, quod reflexè videatur ipsum objectum, sed radiis minimè decussatis. Quo tamen non obstante argumenta Schotti vim suam & robur adhuc retinent contra adversariorum opinionem, quæ nempe volunt in illa obscura imagine æquè reflexè objectum videri, adeoque hinc nolint unquam admittere species in charta objecta videri ut quod, sed semper etiam in charta interjecta objectum reflexè videri. Verum de hoc videatur ipse Schottus loc. citat. Nunc ad alias proprietates revertamur.

IX. Res forinsecus inæqualiter à foramine distitæ non æquè distinctè simul cernuntur in charta similiter obtenta: nam res, quæ longius extra distant, si distinctè cernuntur intus in candida charta, viciniore confuse & nebuloſe videntur; etſi vicinæ res nitidè præſentantur, remotiores confunduntur:

Res non  
æqualiter  
à forami-  
ne distan-  
tes non  
æquè



distinctè  
comparèt.

Experien-  
tiæ hujus  
causa dif-  
ficulter  
ostenditur

Imago in  
charta non  
undique  
per totum  
munda,

Quo plura  
foramina  
eo plures  
imagines.

si mediæ benè ; tam quæ remotiores, quàm quæ viciniore minus clarè & benè comparent: unde pro distantia objecti foris existentis intus etiam competit certa & congrua quædam distantia chartæ à foramine : res enim vicinæ majorem chartæ à foramine remotionem requirunt, ut clariùs cognoscantur, & remotiores minorem exigunt distantiam. Experimentiæ certissimæ causa multis valde obscura & anceps paucissimis explorata ait Scheinerus in oculo lib. 3. par. 1. cap. 2. Item experienciâ, inquit indubitata causam latentem habet. Quam certè nullibi in suis scriptis legisse me memini. Et revera ipse potius hic doceri volo, quam dubium quid & anceps pro certa ac indubitata causa asserere. Cur enim quæ longius distant, cum debiliores species immittant, nihilominus propius ad ipsum foramen cernantur? Et lux, quæ in propinquiori est auctior tantò debiliores quantò longius provectæ sunt, species non diluat? item cur econtra species quæ à viciniorebus objectis prolapsæ sunt non potius ob majorem repræsentandi vim citius se manifestent, ac in aspectum proferant? potius certè videtur debilibus radiis debuisse congruere locus ad repræsentandum aptior, qui scilicet obscurior est, & à luce specierum destructrice remotior; deinde fortioribus radiis luci propinquior locus ad propiorem foraminis distantiam videtur non potuisse obsistere. Sed quidquid sit cur iste distinctior imaginum aspectus ita variet, certè videtur radios ab unoquoque puncto ad certam distantiam colligi aliquatenus debere, atque in ordinem quendam debere disponi, quo aptentur ad imaginem objecti aliquantò distinctius in uno loco quam in alio repræsentandam. Quæ verò hujus rei causa sit, an aër quantò obscurior est, ac lucis effluviis magis destitutus, aliquam radios ingressos quomodolibet immutandi aut dirigendi habeat facultatem, unde radii isti pertenuis & lucumbres in trajectu excepti ex longinquo citius ex propinquo autem remotius aliquo modo congregentur & in ordinationem aliquam stationem disponuntur, definire non audeo. Ingenuè fateor, in casu, quo foramen liberè patet absque vitro inserto hujus proprietatis allatæ causam veram & indubitata me latere.

X. Imago in charta objecta non undique per totum munda & distincta apparet; sed si ea quæ in medio chartæ distinguuntur, tunc ea quæ à medio versus margines tendunt minus distinguuntur: & si ea quæ circa margines mundè & distinctè repræsentantur, confunduntur & minus clarè cernuntur ea, quæ circa medium comparent. Hoc sequitur ex præcedente experienciâ: nam cum charta æquali planitie protenditur, si medium ejus debite distat à foramine accidit ut extrema chartæ distent longius, adeoque ad illa species jam debiliores appellant: minusque ea, quæ circa margines exhibentur, distinctè compareant. Si verò in extremitatibus chartæ omnia, distinctè cernantur, tunc medium chartæ cum propinquius sit foramini, luce plus debito perfunditur, indeque species diluantur. Unde si charta homocentrice concava in debita distantia foramini possit obtendi, ita ut omnes partes chartæ æqualiter ubivis distarent à foramine, æquè mundè & clare per chartæ ambitum omnia cernerentur, teste experientia in maximo globo plurium pedum in palatio Oenipontano, ut scribit Scheinerus in Ros. urfi, lib. 2. cap. 23. à serenissimo Archiduce Austriæ Maximiliano extructo, ubi species in concavum parietem distinctius & accuratius undique allabuntur.

XI. Una atque eadem res in obversa charta multiplicatur, secundum foraminum multiplicationem: & si foramina fiant satis vicina, concurrunt diversarum specierum partes in eandem chartæ portionem. Verum valde differenter (ex propria observatione scribo) nam una quidem imago aliquanto distinctior comparet, sed hæc ipsa tamen manca, distorta, & in venusta, cæteræ omnes nebulosæ & velut umbræ, & quidem una semper obscurior & nebulosior quam altera; utique propter concursum radiolorum conorum in eandem basim, cum unius foraminis radiosus conus cum alterius foraminis

cono



cono confundatur, ac ita unus alteri in basi communi officiat. Hinc nec tanti momenti experimentum iudico, quanti *Scheinerus* & ex iplo *Schottus*, qui tanquam valde notabile proferunt, cum subnectunt: *Sic ex una domo pagum, ex uno homine exercitum representare potes. eruntque omnes domus & omnes homines in papyro recepti sibi similes: quia ab una domo ab uno homine projiciuntur in chartam imaginibus simillimis.* Quod ultimum non adverti, ut colliges ex dictis, debere autem potius dici contrarium puto: si foramina non sint valde vicina, aut cum vicina licet sint, intus quædam disponantur, ac inter duo quælibet foramina inde à pariete ad chartam pene usque protenduntur, unde radiosus unius foraminis conus arceri possit, ne cum alterius cono radiolo commisceatur, id, quod citati Auctores promittunt, melius aliquantò succederet.

XII. Omnia hæc, quæ hactenus allata sunt, experiri quis potest quovis tempore, dummodo objectum foris: existens sit sufficienter illuminatum unde sive sol sub nubibus lateat, sive plenis radiis splendeat sive vespertinum, matutinum aut meridianum tempus sit, apte phænomeni apparentia institui potest. Nihilominus tamen cæteris paribus multo melius res comparent plenior die ac lucidior: & adhuc melius, si objecta foris posita à solis radiis impensius illustrentur. Si tamen ipsum foramen directè à sole illustretur, vix aliquid compareret, eò quod vehementior lux imaginum formas in transitu foraminis suffocet.

Phænomenon omni tempore exhiberi potest

XIII. Quo diutius quis in tenebricoso loco moratur eò distinctius & melius transmissas imagines valet percipere. Unde cum quis ex luce primum cubiculum phænomeno exhibendo destinatum & aptatum ingreditur, primo fermè nihil videt, tantò deinde semper melius & distinctius omnia cernit, quantò diutius in obscuritate manet. Ratio est, quod organum visorium ex vehementioris illustriorisque objecti perceptione aliter sit aptatum, nec tam facile & citò disponatur ad tenues has formas rectè cernendas; cum lumen ab extra deportatum insidens. Oculo nondum plenè evanuerit, quanto autem diutius ab objectorum illustrium aspectu oculus arcetur, tantò lux foris ascita sensim evanescit & ipse melius præparatur ad tenues has formas perfectius discernendas. Unde etiam *Porta mag. natu. lib. 17. cap. 5.* benè hujus causam asserens sic ait. *Si papyrus vel albulam appropinquabis, ea visuntur minora clarioraque: aliquantisper tamen immorando, non enim illico simulachra apparebunt: quia simile validum maximam cum sensu non nunquam efficit sensationem, talemque invehit affectionem, ut non solum cum sensus agunt sensoris insint, eaque lacescant, sed etiam cum ex operibus discessere diutius immorentur: quod liquide potest perspicui: nam per solem deambulantes, si ad tenebras convertimur comitatur nos affectio ea, ut nil vel agerrimè cernamus, quum adhuc in oculis servetur affectio ipsa à lumine facta, inde paulatim evanescente clare in tenebris aspicimus.* Sic *Porta.*

Quo quis diutius moratur in camera obscura eò melius videt phænomenon.

## CAPUT III.

*Proferuntur & explicantur quædam proprietates, & experientia trajectarum specierum per foramen vitro munitum.*

ET si quidem eadem penè omnia soleant evenire cum vitrum artificiosè figuratum foramini imponitur, quæ superiori capite in calu foraminis patuli nec ullo vitro muniti annotata sunt. Speciatim tamen convenit vitro aptè foramini imposito omnia clarius nitidius, præcisius & distinctius repræsentari, uti cap. I. hujus jam indicatum. Ac circa clariorem & distinctiorem hanc per vitra repræsentationem cum quædam observentur digna, ut loco hoc proferantur, & explicentur, ea modò in medium producemus.

X 3

I. Vitra



phæno-  
meno ex-  
hibendo  
serviunt  
solum len-  
tes conve-  
xæ aut ea-  
rum effica-  
ciam ha-  
bentes.

Quo ma-  
joris sphæ-  
ræ portio  
est lens  
convexa  
majorem  
chartæ di-  
stantiam  
requirit.

Vitrum  
plano-  
convexū  
quam exi-  
gat distan-  
tiam.

Aliter ob-  
jecta re-  
motiora  
aliterque  
propin-  
quiora ab  
eodem vi-  
tro chartæ  
distantiā  
exigunt.

Latitudo  
imaginis  
in charta.

Magnitu-  
do imagi-  
nis.

Imago ra-  
tione sta-  
tionis ba-  
seos com-

I. Vitra convexa vel utrinque vel plano convexa solum hic serviunt, concava autem sola nunquam. Perinde autem est qua facie objectum, qua chartam respiciunt. Ratio prioris est, quod convexa vitra radios acceptos & transmissos colligant, ordinent, & distinguant; concava verò eosdem trajectos continuo dissipent, & confundant, ut infra fusiùs declarabitur. Alterius est ratio, quod composita superficierum figura cum sit eadem, etiam refractionis totalis per eas causata est æqualis.

II. Quo vitrum convexum est majoris sphæræ segmentum, eo remotiorem chartæ distantiam requirit, ut distinctè picturam referat; & quo minoris sphæræ portio fuerit, eò minorem. Ratio est, quia segmenta majoris sphæræ plus remonent communem basim, in qua distinctè omnia ordinantur, & minoris sphæræ minus. Nam majoris sphæræ segmenta minus obliquam accipiunt radiorum ab objecto incidentiam; minoris magis hinc plus refringunt hæc, illa minus. Quo autem radii minus refringuntur in vitro, hoc rectius post vitrum exeunt, & in sectionem mutuam serius concurrunt, ideoque longius eam à vitro perficiunt, quam si plus refracti forent, in illa autem mutua sectione est concursus radiorum, & specierum homogenearum collectio, unde ipsius secundum basim picturæ ordinata dispositio & distinctio.

III. Vitrum plano convexum duplo majorem chartæ distantiam requirit, quàm vitrum utrinque convexum ea convexitate, qua plano-convexum est præditum. Nam in convexo utrinque refractionis est duplo major ob duplicis superficies convexas & similiter refractivas, unde fit ut radii trajecti duplo citius in sectionem mutuam concurrant; in plano-convexo autem una tantum similis superficies radios directius refringit, & duplo longius præ illo removet communem basim ordinatam.

IV. Idem vitrum convexum quodcunque ad objecta vitro viciniora foris existentia nitidè in charta præsentanda remotiorem chartæ distantiam requirit; ad objecta verò remotiora propinquiorem. Ratio est, quod ab objectis vicinioribus radii obliquius incident in vitrum, unde refractionis fit major, sicut ex supradictis præced. syntag. cap. 4. constat, unde radii rectius post vitrum egrediuntur, ac consequenter in sectionem mutuam serius concurrunt, adeoque ordinatam basim longius protrudunt. Econtra à remotioribus objectis radii cum directius incident, fit minor refractionis, & radii mutuo citius concurrunt, basimque communem ordinant propinquius.

V. Objectum quando vicinius est vitro, latiore sui imaginem in charta depingit, quam dum ab eodem vitro remotius existit. Ratio est; Nam latitudo stationis intra quam basis communis in charta opposita se continet major est ex eodem vitro, quando objectum est vicinum: minor quando idem est remotum; quia radii ab objecto vicino in vitrum delati tardius post vitrum congregiuntur, fit ut intersectiones mutue magis à se mutuo divergant, adeoque basi communi major ultro citroque evagandi ratio concedatur. Econtra quando objectum est remotum, illæ mutue sectiones quæ nitidas species in charta deponunt propius concurrunt fit ut latitudo illa minuatur. Hinc igitur objectum latiore sui imaginem in charta depingit, si convexo vitro vicinius existat, quàm si remotius.

VI Vitrum convexum, quod est majoris sphæræ segmentum imaginem cæteris paribus projicit majorem, & minoris sphæræ minorem. Ratio est; nam latitudo stationis intra quam basis communis continetur amplior evadit in charta opposita à vitro convexo majoris sphæræ segmento, quia nempe radiorum concursus post vitrum obliquior est in segmento majoris sphæræ, quam minoris ob incidentiam rectiorem, quo fit ut puncta concursus magis divergant, sicque imago dilatetur. Contrarium verò accidit in vitro convexo sphæræ minoris segmento.

VII. Imago in ultima baseos communis statione latior est, quàm in antecedente quavis; & minor in statione prima, quàm sequenti qualibet. Ratio est, quia pyramis seu conus (ad cujus modum radii intus profunduntur, ut superius explicat-



explicatum) quo longius à vertice similiter secatur, hoc basim intersectionis majorem facit cæteris paribus: quod hic à charta in diversis distantis obteſa perficitur.

VIII. Vitra majus foramen admittunt, quàm fert natura: nam si foramen amplius sit, vel nihil aut omnia confusè in charta quomodocunque objecta cernuntur: quam primum verò vitrum foramini imponitur, pictura jam distinguitur, & nitidior in charta comparet. Ratio est: quod foramen dum nimis est amplum, nec vitro aliquo munitum, plures pyramides diversi coloris in basi communi confundat, ita ut unius basis alterius basim invadat, sicque luminis & diversi coloris mixtio, atque ex hoc confusio oriatur. Quod non fit, dum foramen est angustum: nam pyramides plures excluduntur, quæ per omnia aliis confines non erant, sed modo amplius procurrebant, aliasque obruebant. Unde his exclusis aliquæ solum sibi magis per omnia confines immittuntur, & ordinatè in chartam collocantur. In vitro autem foramini imposito omnes pyramides ejusdem coloris per refractionem artificiosè colliguntur, & ordinatim deponuntur, unde licet foramen sit amplum, à vitro tamen illa radiorum dissipatio, & pyramidum confusio tollitur.

Vitra majus foramen admittunt, quam fert Natura.

IX. Quo vitrum habet majorem aperturam clariore quidem imagines transmittit, sed minus ordinatas, & distinctas: quò verò minorem, eò obscuriores sed ordinatiores & distinctiores. Ratio colligitur ex præcedentibus. Nam quia, quo plus aperitur vitrum, secundum vitri aperturam plures radiosæ pyramides ex diversi coloris lucisq; radiis formatæ in chartam collocantur, quæ cum ex lævi taltem vitio vitri non rite colliguntur, sed facile distrahuntur, aut invicem commisceantur, fit ut picturam quidem claram, minùs tamen ordinatam distinctamque in charta præsentent. Quò minor autem apertura, pauciores radiosæ pyramides in chartæ basim collocantur, unde picturæ obscuritas emergit: cujus distinctio ex eodem capite oritur, eò quod plures eliminantur, quæ non per omnia confines sunt relictis, sed modò amplius concurrunt, modò deficiunt, & sic luminis & coloris diversi mixtionem ac confusionem parere poterant: exclusis itaque ejusmodi pyramidibus solæ residuæ ordinatoribus radiis in chartam collocantur, & sic picturam distinctiorem repræsentant.

Quid aperta vitri conferat.

X. Quo vitra clariore sunt substantiæ, & politioræ figuramque sphericam perfectius obtinent, hoc melius exhibent rem translucens: Quo amplius autem à perfectè spherica superficie defecerint, hoc vitiosius rerum species in aspectum deducunt. Patet per se, nec indiget ratione.

Vitri melior claritas expolitio & perfectio quid conferat. Quid fiat si aliquid in vitro occultetur.

XI. Quod si vitri convexi quodcunque punctum aut plura etiam occulerentur, tota quidem pictura in chartam transmissa nonnihil obfuscatur absque ulla tamen ejusdem mutatione sive in quantitate, sive figura, aut situ. Ratio est. Nam quia in quodlibet vitri convexi punctum acuminatur species totius objecti; in eoque deinde evertitur, & eo usque sese dilatat, donec omnia sua puncta cum alterius cujuscunque eversæ speciei radiis & punctis homogeneis & homologis ita jungat, ut planè sibi in basi quadam communi, cujus locum charta obtinet, congruant: quo fit tot esse picturæ distinctas & sibimet superpositas bases eversas similes similiterque dispositas, quot in vitro convexo diversa reperiantur eversionis sive intersectionis puncta. Quando igitur punctum unum alterumvè occultatur, non ideo figura, magnitudo seu quantitas aut situs mutantur: quia aliæ pyramides similes similiterque dispositæ adhuc manent: sola igitur claritas minuitur ex unius alteriusvè pyramidis sublatione. Hinc ergo pictura nonnihil obfuscatur, sive à claritate deficit, reliquis omnibus immutatis.

XII. Imago in chartam transmissa non æquè munda, & distincta per totum comparet, sed circa medium semper vivacius præsentatur. Ideo quia radii perpendiculares, qui ad medium appellant, sunt fortiores, quàm radii, qui obliquè il lapsi ad F marginem & chartæ extremitates procumbunt.

Imago non æqualiter distincta

XIII. Char-




Quomo-  
bo charta  
obtenden-  
da forami-  
ni cum vi-  
tro.

XIII. Charta ita obtendi debet foramini & vitro ut radius per centrum vitri tralapsus perpendicularis sit tam ad chartam, quam ad vitrum. Causa patet ex præcedenti. Unde curandum, ut superficies objecti, vitrum & charta opposita sint in planis parallelis; aliàs imago nec competentem claritatem, nec figuram ordinatam obtinebit. Unde discitur, quomodo objecti forinsecus positi obliquè aliàs irradiantis imago nitidè præsentari possit, conversione scil. vitri objectum versus, ut radii perpendiculariter per vitrum transeant in chartam æquè sic oppositam, ut in illam quoque perpendiculariter incidant. Cui expeditius præstando sequens instrumentum servit.

Instrumen-  
tum a-  
ptum pro  
speciebus  
clarius in  
chartam  
in ducen-  
dis.

Fiat ex ligno aut alia quacunque solida materia globus quantum fieri potest perfectè rotundus magnitudine diametri trium aut quatuor circiter digitorum. Hic globus intus torno excavetur in una quidem parte latius, ut vitrum imponendum exactè capiat, in altera parte strictius & angustius, tum ut ita vitrum probè margine sua teneat ne faciliè excidat, tum etiam, ut illud in circuli morem aliquatenus obtegendo eidem non nisi competentem aperturam concedat. Hic globus orbiculo includatur, cujus crassities circiter unius digiti; tota autem superficie globum circumdet & circumcingat, unde circa medium simili curvatura, ut globi curvaturæ convexæ exactè congruat, excavetur, in medio autem omnino orbiculus iste sit pertusus, ut globus utcunque promineat, solum à curvatura cava sic stringatur, ne excidat. Fiat deinde alius annulus similiter omnino ad globi curvaturam excavatus, ut una cum orbiculo debite compactus & eidem agglutinatus totum globum undique cingat & junctione



firma sic teneat, ut nullum faciliè excidendi periculum sit, in omnem tamen positionem pro libitu tam in utrumque latus, quam sursum vel deorsum absque ulla difficultate verti revolvique possit; eritque instrumentum paratum. Inspice figuram ubi A B repræsentat globum: G H est cavitas latior, ubi vitrum imponendum & annulo ferreo, æreo aut ligneo L M recludendum. I K Est cavitas angustior. Orbiculus C D complectitur globum sua curvatura ad similem globi convexitatem perfectè excavata. E F est annulus ex altera parte eundem globum circumdans & constringens, ne excidere possit. Usus prædicti instrumenti est, ut instrumentum foramini imponatur & globus cum indito vitro versus objectum, quod clarius & distinctius in chartam delucere cupis vertatur, eique charta debito loco & modo ut mox supra dictum, obvertatur; & ita objectum, quodcunque foris existens faciliè radiis directis nitidissimè in aspectum produci potest.

Distantia  
chartæ à  
quocun-  
que vitro  
quomodo  
sciri possit

Porro, quo faciliè sciri possit ad quam distantiam charta obtendi debeat pro ratione convexitatis in vitro quovis dato, sive utrinque convexum eadem convexitate, sive plano-convexum sit; notari debet, vitrum utrinque eadem convexitate



vexitate convexum, congregare radios circiter ad medietatem diametri utriusque convexitatis; vitrum autem plano-convexum ad distantiam quæ æqualis sit diametro convexitatis. Vnde sequentes tabulæ possunt inspicere. Vbi in prima videre licet minorum sphaerarum portiones, una cum partibus æqualibus centesimis pedis Romani distantia, in qua charta obverti debet competentibus. In altera tabula designatur distantia secundum diametrum convexitatis in pedibus Romanis juxta eosdem pedes eorum semisses & quadrantes.

Vfus tabularum est iste. Habeo vitrum convexum utrinque vel plano-convexum cujus diameter mihi nota sit in partibus centesimis: si sit ex minoribus sphaeris portio, aut in pedibus Romanis si ex majoribus, volo scire, in qua distantia debeam opponere chartam, ut illico species nitidè præsententur, ut si habeam vitrum utrinque convexum 50. centesimarum partium diametri, vides in tabula hunc numerum 50., & quia eidem respondet in utrinque convexo 25. significatur chartam obtendi debere ad distantiam 25. partium centesimarum pedis Romani; similis est ratio inquirendi distantiam pro plano convexo 50. nam ei respondent 50, quæ indicat distantiam tot partium centesim. ped. Rom. Eodem modo pro majorum sphaerarum portionibus inquire potest distantia chartæ in tabula secunda, ut si vitrum convexum utrinque sit 5. pedum, debet charta obtendi ad distantiam  $2\frac{1}{2}$ . pedum Rom. &c.

Hinc itaque discitur, quomodo in quocunque conclavi dato, quis scire possit, quale vitrum sit foramini imponendum, ut inde in parietem obversum species nitidè statim præsentari queant: nam mensurato spatio, quod est inter foramen & parietem facile juxta positas tabulas vitrum assumendum innotescit.

Verum Nota, me dixisse (circiter) nam certa regula hic præscribi non potest, ob id, quod objecta, ut dictum, quando sunt vicina, propius, & quando remota, longius congregent radios, ut picturas nitidas præsentent. At tabulæ istæ pro aliqua saltem directione servire possunt, non pro infallibili cujusvis objecti quomodolibet distantis repræsentatione, nam experientia est optima hujus doctrinæ, artisque magistra. Vide quæ dicimus infra Fundam. II. Syntag. I. De focus lentium convexarum.

Y

Tabula



## Tabula 1.

Pro distantia chartæ in partibus centesimis pedis Romani si vitrum sit minoris sphaeræ portio, idque vel convexum utrinque simili convexitate vel plano convexum.

Partes 100 diam. vitri.	Distant. chartæ si vitrum utrinque convexum.	Distantia chartæ si vitrum plano convexum.
10.	5.	10.
15.	7. $\frac{1}{2}$	15.
20.	10.	20.
25.	12. $\frac{1}{2}$	25.
30.	15.	30.
35.	17. $\frac{1}{2}$	35.
40.	20.	40.
45.	22. $\frac{1}{2}$	45.
50.	25.	50.
55.	27. $\frac{1}{2}$	55.
60.	30.	60.
65.	32. $\frac{1}{2}$	65.
70.	35.	70.
75.	37. $\frac{1}{2}$	75.
80.	40.	80.
85.	47. $\frac{1}{2}$	85.
90.	45.	90.
95.	47. $\frac{1}{2}$	95.

## Tabula 2.

Pro distantia chartæ in pedibus Romanis eorumq; semissibus & quadrantibus si vitrum sit majoris sphaeræ portio, idque vel convexum utrinque vel plano-convexum.

Distantia chartæ in ped. Rom. & semissibus cum vitrum est plano-convexum.	Distantia chartæ in ped. Rom. & quadrantibus cum vitrum est utrinque convexum.	Diameter vitri in pedibus Rom. & semissibus.
1.	0. $\frac{1}{2}$ .	1.
1. $\frac{1}{2}$ .	0. $\frac{3}{4}$ .	1. $\frac{1}{2}$ .
2.	1.	2.
2. $\frac{1}{2}$ .	1. $\frac{1}{4}$ .	2. $\frac{1}{2}$ .
3.	1. $\frac{1}{2}$ .	3.
3. $\frac{1}{2}$ .	1. $\frac{3}{4}$ .	3. $\frac{1}{2}$ .
4.	2.	4.
5.	2. $\frac{1}{2}$ .	5.
6.	3.	6.
7.	3. $\frac{1}{2}$ .	7.
8.	4.	8.
9.	4. $\frac{1}{2}$ .	9.
10.	5.	10.
12.	6.	12.
15.	7. $\frac{1}{2}$ .	15.
20.	10.	20.
25.	12. $\frac{1}{2}$ .	25.
30.	15.	30.
40.	20.	40.
50.	25.	50.
60.	30.	60.
70.	35.	70.
80.	40.	80.
90.	45.	90.
100.	50.	100.

Quid fiat  
si speculū  
loco chartæ  
adhibe-  
atur,

XIV. Species objectorum per vitrum foramini impositum in speculum planum loco chartæ debite oppositum projectæ duplicem item picturam præsentant, quarum una obscurior & eversa, totamque speculi superficiem insidet, & ab oculo quovis loco ante ipsum constituto in iisdem semper speculi partibus cernitur; altera verò illustrior. sed partem speculi sursum occupans etiam eversa non in eadem parte speculi semper ab oculo quovis loco ante ipsum constituto cernitur. Ratio omnium istorum intelligitur ex cap. præcedente, ubi hoc phaenomenon latius deduximus. Hic solum de illustriori pictura, dicendum, quare jam evertatur, potissimum, cum adversarii dicant etiam posito vitro in foramine picturam illam nitidam comparere erectam. Verum aliter ipsa edoctus experientia eversam deprehendit: cujus causam jam assigno. Radii equidem à vitro refringuntur, & facta refractura decussantur, sicquē decussati ad speculum appellant: unde deinde



deinde ad oculum reflexi eversam præbent picturam. Facta enim decussatione radiorum post foramen everti imaginem supra est demonstratum. Inspiciens ergo hanc picturam videt ipsum objectum reflexè & refractè.

XV. Vitra convaca licet sola ut dictum supra hic nihil præstent, juncta tamen convexis, & introrsus in debita proportione, speciei depictionem non parum juvant, valde siquidem imaginem augere possunt & in minori quidem distantia vide infra fund. 2. synt. 2. c. 3. p. 10. Debet autem vitrum concavum semper statui inter stationem baseos communis vitri convexi, & ipsum vitrum convexum, ita ut distantia ejus sit brevior quàm ipsius baseos communis. Interim notari possunt sequentia ex *Oculo Scheineri*: fund. opt. lib. 3. part. 1. cap. 11.

Vitra ca-  
va cum  
convexis  
debitè  
conjuncta  
multum  
præstant.

Idem concavum ad diversa convexa diversimodè se habet: nam à segmentis convexis sphaeræ majoris majorem distantiam, à minoris minorem exigit.

Diversa concava ad idem convexum diversimodè se habent; nam concava minoris sphaeræ majorem, majoris minorem distantiam requirunt. Omnia tamen concava hoc habent, ut distantiam à convexo breviorē vèdicent, quàm sit concursus communis omnium basium in basem unam.

Deinde omnibus hoc est commune, baseos communis stationem & picturam in charta amplificentur; & porro à vitro convexo protendant, ita, ut distantia ejusdem ab eodem major evadat, quàm si ipsum concavum ad convexum non esset adhibitum.

Infra declarabitur modus, quo per vitrum, quod est minoris sphaeræ portio possit tamen imago ad quamcunque distantiam projici.

#### CAPUT IV.

*De varis modis phenomenon specierum erigendi, ut situ erecto species transmissæ conspici possint.*

Quod unicum in admirando hoc naturæ spectaculo desiderari videtur, est imaginum projectarum erectio ut situ scilicet non everso, qui oculis intuentium inconveniens, sed erecto conspici spectatque possit. Hoc jam præsentī capite conamur docere, variosque modos intendimus præscribere, quibus hæc erectio perfici possit, atque inversa alia hæc simulachra situ erecto luculenter in aspectum deduci queant.

Modi hanc erectionem procurandi sunt varii: aliqui valdè simplices sunt: ut si vel objecta foris existentia si possint evertantur: sic enim eversa haud dubiè situ intus comparebant erecto: aut si charta obliquo situ objiciatur oculus deinde post chartam inspiciens videbit situ erecto: verum ea quæ ad extremitatis chartæ depinguntur, valdè deformiter, distortè & obscurè præsentantur: melius autem & simplicius, si foramen in pariete paulò profundiori loco perforetur ad distantiam à pavimento pedum duorum aut trium circiter & inde charta debite obvertatur: spectator porro post chartam constitutus obtutu demisso inspiciat. Sic licet ipsæ imagines situ everso in charta depingantur, spectatori tamen ex superiori loco contuenti apparebunt erectæ. Atque hi sunt modi valdè simplices qui radiorum fluxum non immutant, sed ex alia objecti vel oculi positione erectas ejusmodi picturas repræsentant.

Varii sunt  
modi phæ-  
nomenon  
erigendi.

Modi ali-  
qui sim-  
plices.

Aliis modis profluxus radiorum immutatur, & arte natura cogitur, ut recto situ figuraque deponat, quas alias sibi soli relictæ everso situ defererebat picturas. Ars itaque hic naturam perficiat necesse est; quod etiam duplici pragmatia excel- lenter præstat vel radios per alterius secundi vitri oppositionem denuò refringendo, vel eosdem ab uno vitro refractos & decussatos per specularia corpora debite interjecta reflectendo. Id porro quomodo contingat sequentibus pragmatīs fiet manifestum.

Alii modi  
artificia-  
les.



## PRAGMATIA. I.

*Immissas rerum species per refractionem erigere.*

Quomodo fiat erectio per refractionem.

Practicè.

**A**D species erigendas per refractionem unum haud sufficit vitrum, sed alterum etiam addendum est, quodvè vel utrinque vel ex una parte convexum esse potest; hoc equidem addito fit, ut radii qui à priore vitro per refractionem decussati evertuntur, dum alterum vitrum transeunt, æque per refractionem denuò decussentur, adeoque radii illi prius eversi, nunc in ordinem situmque rectum convertantur, ac tota imago jam erecta præsentetur. Hoc porro practicè sic perficies.

In tubum aliquem, ad hanc rem ex materia idonea studiosè elaboratum, arundinibus sibi mutuò insertis distinctum, ut pro rei exigentia nunc produci nunc contrahi valeant, insere duo vitra, quæ una cum arundinibus possint apte hùc illucque deduci, ut certo intervallo disposita effectum huic instituto congruum præstent: non enim species ad quodcunque vitrorum intervallum eriguntur, sed certam quandam exigunt distantiam, quæ licet usu & experienciâ melius quàm ratione & certis regulis acquiratur, hoc modo procedere poteris. Insertis ambobus vitris in tubo; appone tubum oculo ac transpice in objectum tubumque sensim contrahe, donec dispersis nebulis & luce incipiat objectum situ everso distingui, & clarius cerni. Similiter si tubus nimium est contractus, extrahe & educ arundines, donec objectum ante prius clarissime visum situ everso incipiat prope iterum confundi: servata hac vitrorum distantia, si chartam debito loco (quem experientia melius quàm ratio præscribit) opposueris in loco obscuro, species in ampliori spatio & majori forma videbis clarissime erectas. Atque hæc praxis, ut experientia didici, est multò expeditior & facilius quas habet Scheinerus. Sed nunc quædam scitu digna, quæ tam ad praxin expeditiorem, quàm Theoriam hujusmodi specierum erectionis per refractionem in usu duorum vitrorum faciunt, notanda subijiciamus.

Observanda circa praxin. Lentes debent esse mediocris sphericitatis.

I. Licet omnia vitra convexa sive utrinque, sive ab una tantum parte item, sive magna vel parva, minoris aut majoris sphaeræ portiones sint, huic negotio conducant: præstat tamen lentes eligere mediocris sphericitatis, quales sunt quæ basin communem ordinatam non nimis abbreviant, nec longè nimium protrudunt. Nam si brevius ordinent: imagines inducunt nimis parvas, easque admodum confusas: si longius; tubos etiam requirunt longiores qui hæc ex parte usui valde inepti sunt; deinde imagines, etsi majores quidem, magis tamen obscuras deferunt.

Conferunt multum aperturæ magnitudinem.

II. Multum conferunt latitudo vitrorum sive major eorundem apertura perfectio figuræ, & exactior politura. Latitudo enim juvat, ut clarior & vicacior pictura proveniat; nam quia à vitri latitudine majorique ejus apertura objectum in pluribus punctis recipitur, fit, ut indein basin communem pluries etiam projiciatur, quod ad vivacitatem & picturæ claritatem plurimum confert. Perfectio autem figuræ, & exactior politura conferunt distinctioni, ut quilibet radii non nisi recto ordine, debitisque locis exactius colligantur.

Anteriorē lentem præstat esse majoris sphaeræ portione.

III. Quamvis ambæ lentes possint esse per omnia æquales; præstat tamen anteriorem lentem versus objectum esse majoris sphaeræ segmentum, posteriorem verò minoris sphaeræ portionem. Cavendum tamen ne nimis parvæ & acutæ sphericitatis lentes assumantur pro interioribus, dum lentes anteriores sunt majoris admodum sphaeræ portiones. Vnde, quo medium aliquod teneatur, sequentem tabulam directionis causa placuit apponere, ubi videre licet sumptis iis vitris tam convexis utrinque quam plano-convexis juxta primum notandum magis aptis, qualia vitra pro interioribus commodius eligi queant secundum dimensionem diametri convexitatis in partibus centesimis pedis Romani.

Tabula



# Tabula proportionis vitrorum interioris cum anteriori ad species commodius erigendas.

Vitrum anterius convexū utrinque.	Vitrum anterius plano-convexū.	Vitrum interius convexum utrinque.				
50.	25.		40.	45.	50.	
55.	27. $\frac{1}{2}$ .		40.	45.	50.	55.
60.	30.	40.	45.	50.	55.	60.
65.	32. $\frac{1}{2}$ .	45.	50.	55.	60.	65.
70.	35.	50.	55.	60.	65.	70.
75.	37. $\frac{1}{2}$ .	55.	60.	65.	70.	75.
80.	40.	60.	65.	70.	75.	80.
85.	42. $\frac{1}{2}$ .	65.	70.	75.	80.	85.
90.	45.	70.	75.	80.	85.	90.
95.	47. $\frac{1}{2}$ .	75.	80.	85.	90.	95.
100.	50.	80.	85.	90.	95.	100.
110.	55.	80.	85.	90.	95.	100.
120.	60.	80.	85.	90.	95.	100.
130.	65.	80.	85.	90.	95.	100. &c. ad 130.
140.	70.	90.	95.	100.	&c.	ad 140.
150.	75.	90.	&c.	ad		150.
200.	100.	100.	&c.	ad		200.

## Ufus Tabulæ.

Assumis ex. grat. pro vitro anteriori convexum utrinque ea convexitate cuius diameter sit 70. partiū centesi. aut si plano convexum; 35. vis scire quale vitrum possit commode admitti pro interiori? in tabula juxta numeros 70. aut 35. ingredi tertiam columnam, & secundum eandem seriem occurrunt numeri indicantes partes centesimas diametri convexitatis interioris vitri: unde potes assumere pro interiori vitro utrinque convexo vel 50, vel 55, vel 60, vel 65, usque ad æqualis sphericitatis convexitatem 70 partium. Nec refert si convexum ex una parte sit 50 ex altera vel 55 vel 60, vel 65 usque ad 70 modò composita magnitudo utriusque convexitatis diametrorum non sit minor æqualis convexitatis composita magnitudine 50, aut major composita utriusque 70.

IV. Quantò vitrum interius in convexitate minus est sive acutius aut globosius anteriori, tantò quidem major, sed obscurior imago trajicitur. Et quantò plus accedit ad convexitatem vitri anterioris, tantò vivacitas & claritas picturæ crescit, magnitudo verò decrescit. Etsi tam anterior quàm interior vitrum per omnia fuerint æqualia vivaciorem trajicient imaginem sed minorem, quàm si minoris cujuscunque sphericitatis vitrum pro interiori fuisset adhibitum. Ita numeri in tertia columna tabulæ, quò priore loco ponuntur, indicant esse vitra ad item anterius collata speciem objecti eò magis augmentia, sed obturius paulò eandem repræsentantia.

V. Vitrum interius ut erigat species, easque distinctè præsentet in charta objecta, debet collocari post communem basim ordinatam: si enim ante dictam basim collocetur, non erigit, sed eas relinquit abbreviato baseos communis termino & imminuta specierum pictura: si verò ad ipsam basim communem constitutur, aut propè ipsam ponè vel ante; objectum vel confusissimum, vel meram lu-

Quid circa sphericitatem in interiori vitro observandum.

Vbi vitrum interius collocandum.



cem loco objecti in chartam ubicunque obtentam projicit. Constat experientia & ratio dabitur infra.

Si ambo  
vitra sint  
æqualia  
quid efficiant.

VI. Cum ambo vitra per omnia sunt æqualia, longiorem ab invicem distantiam requirunt, sicut & chartæ post interius vitrum remotiorem oppositionem, quam si interius vitrum minoris sphericitatis portio fuerit.

Quid circa  
chartæ  
applicati-  
onem  
observan-  
dum.

VII. In charta debite post vitrum interius obvertendâ eadem observanda sunt, quæ circa simplicem immissionem specierum supradicta sunt. Unde quando objectum foris remotius existit, propinquiorem chartæ distantiam requirit, & dum propius positum est; longiorem. Si stabiliter chartam loco aliquo ad erectas species ostendendas vis opponere, distantiam ab interiori vitro ex objecto mediocriter diffito poteris designare. Omnis porro distantia melius oculi experimento deprehenditur, quàm certâ regulâ præscribitur. Curandum etiam ut charta sic obtendatur, ut radius ab objecto per ambas lentes tralapsus sic eidem chartæ perpendicularis, aliàs objecti claritas & picturæ figura vitiabitur; unde necesse est, ut superficies objecti, ambæ lentes, & charta obtenta sint in planis parallelis.

Si vitra  
sint æqualia  
vel inæqualia  
ut  
objectis  
obversa  
quid præstent.

VIII. Quod si duo vitra per omnia æqualia in tubo ritè disposueris, utrum opponas objecto fiatque antè, nil refert, eademque chartæ distantia requiritur. Quod si verò vitra sint inæqualia: hinc si majus vitrum respicit objectum, chartæ minorem distantiam exigit: si minus, præponas, cæteris immutatis charta debet remotius poni. Item eodem casu: cum majus vitrum objectum respicit imago compareret major in charta, sed paulò obscurior: si verò minus obvertas objecto, & majus chartæ; nitidior imago ac vivacior, sed paulò minor apparet.

Interius  
vitrum si  
moveatur  
mox pictura  
disparet.

IX. Si vitrum interius post erectam semel specierum apparitionem in charta vel antrorsus vel retrorsus moveatur, pictura comparere mox deficit in charta; unde ut conservetur, etiam charta est movenda. Et quidem si vitrum interius ab anteriore magis fiat remotum: charta excipiens species amplius ad vitrum interius est admovenda tuncque magnitudo decrescit, augetur vigor & claritas. Etsi è contra interius ad antè magis admovetur, charta amplius dimovenda est, quò species quidem magnitudine augentur, deficiunt verò vigore.

Vnde margo  
specierum  
immundus  
medium  
distinctius

X. Specierum erectarum margo plerumque immundus est, confusus & varius, medium verò semper distinctissimam exhibet picturam: nam refractione circa medium est radiorum magis directorum, circa marginem vero magis obliquorum & refractorum: Inde illorum major valor, vigor, & vis; horum contra major debilitas error & defectus: Deindè cum non omnes radii à quovis puncto in superficiem vitri prolapsi refractionis beneficio æquè in punctum iterum colligantur, sed ob vitri figuram rarissimè omni ex parte perfectissimam plures radii evagentur, & oberrent, ac pervicaciter legibus refractionis oblucentur; accidit inde ut margo istorum oberantium radiorum diversicolorum appulsu fædetur, ac ita nebulosa quadam caligine ex advertantium specierum turbine confundatur.

Defectus  
hi quomodo  
cavendi.

Hinc ad defectus istos tollendos aut præcavendos duos suggerit modos *Scheinerus* in oculo lib. 9. part. 1. cap. 25. quorum primus est: si ad vitri interioris communem basim ex tubo rostrum seu collum in angustum foramen excavatum producas cavitatem minimam ad orificium instar digiti parvi secundum latitudinem, in opposita verò parte tanta, quantum ipsum vitrum posterius existit; longitudo hujus rostri sive excavati coni est tanta, quanta distantia baseos communis, quam vitrum convexum posterius efficit: atque hæc cavata quasi tuba erroneos illos & turbatores radios egressu prohibet, & sic speciem ab omni turbulencia vindicat.

Alter modus priore multò præcellentior est, si tribus lentibus convexis utaris hac dispositione. Prima objectum excipit: media stationem baseos communis, quam



nis, quàm lens prima efficit, insidet: ultima denique mediæ. Nam prima objectum in basim suam distinctam situ everso projicit; secunda idem objectum in stationem suæ communis baseos confusissimum instar meræ lucis collocat: tertia denique hinc exceptum situ erecto mundissimè in chartam defert. Sic ille. Fateor etiam ipse tribus lentibus convexis meliùs & commodiùs erigi species; nam sic in minori distantia tam vitrorum quàm chartæ, auctior cum majori vivacitate illarum pictura potest obtineri; possunt autem vel omnia tria vitra esse æqualia, melius tamen est tertium interius esse minoris sphaeræ segmentum, duoverò reliqua æqualia; medium tamen nunquam consultò minus duobus aliis exterioribus ponitur. Aptissimè invenitur eorum distantia, si quodvis vitrum ad parietem vel chartam albam paulò propiùs obtendas, itaque huc illuc que moveas, dum radii ab objecto mediocriter diffuso velut fenestra aut alia re quadam lucida transeuntes imaginem satis nitidam & distinctam etsi everfam projiciant; in competente deinde distantia, quâ talis imago à vitro projicitur, in tubo collocentur. Interius autem cum est minus, ad ipsius distinctam projecturam distantia observari debet.

Tribus  
lentibus  
convexis  
commodi-  
us eri-  
guntur  
species.

### Corollarium.

Ex his patet quomodo in obscuro conclavi omnis generis curiositates velut prata, horti, flumina, arbores, sylvæ, domus, turres, ædificia quævis, fora omnis generis mercibus homines, & alia quævis mobilia; ut sunt ludicræ representationes venationum, certaminum, terribilium formarum apparitiones, actus scenici & comædiæ integræ cum omnibus motibus, gestibus, coloribus ad vivum in figura, situque erecto exhiberi queant, sicut & legimus Rudolpho II. Imperatori Augusto ab insigni quodam Mathematico omnes prædecessores Romanos Cæsares à Julio Cæsare ad Mauritium usque recta specie repræsentatos esse ita ad vivum, ut quotquot præsentés fuerint, id magica arte aut necromantica adjuratione factum putarent.

### PRAGMATIA II.

*Cistulam parastaticam construere quâ varia curiosa rerum spectacula quovis loco facile exhiberi possunt.*

**H**Ac pragmatia producimus cistulam parastaticam ad quaslibet rerum species immixtas occultiori quodam & curioso magis artificio in situ recto quam commodissimè exhibendas. Nam cum locus specierum apparitioni deserviens semper obscuratus esse debeat; nec is pro quovis objecto repræsentando facile ubivis commodè parari possit; ea de causa parvam quandam cistulam probè ad hoc negotium parare docebimus, quæ facile ad quemvis locum mediocriter obscuratum, aut ex parte posteriori, qua inspicitur saltem inumbratum transportari, ac in ea curiosissimarum rerum parastates & ludicra oculorum spectacula cum maxima inspectantium oblectatione institui possint. Sic autem perficies.



Cistula  
constru-  
tio.

Fiat imprimis ex solida materia velut ligno arido cistula A B cujus altitudo & latitudo 75. circiter partium centesimalium pedis Romani,  
FIGURA XX.




Fig. XX.

NB.  
Loco char-  
tae longè  
melius ad-  
hibetur  
vitrum ex  
una parte  
saltem te-  
niori  
attritione  
infusca-  
tum, ut  
docemus  
in Fund. 3.

hoc est  $\frac{3}{4}$  ejusdem pedis: longitudo sit duorum circiter pedum aut paulò minor aut longior pro ratione lentium imponendarum in tubum H I K prominentem. Ab una parte A cistula habeat ostiolum C, quod pro libitù attoli possit. Intus in ipsa cistula propè ostiolum fiat transeptum aliquod, sive ex tenuiori ligno, aut etiam ex charta rigidiori in medio habens foramen orbiculare D E, ejus diametri, ut commodè ambobus oculis transpici possit. Paulò interius spatio circiter 20. partium centesimalium pedis, fiat aliud transeptum simile priori, sed in medio habeat latius foramen orbiculare tantum, quantum à speciebus projectis commodè occupari posse indicatur: ipsi autem foramini obducatur charta candida valde tenuis, quæ oleo sit imbuta, ut imagines in se receptas transparenere faciat. Versus alteram partem B sit tubus cum arundinibus H I K, tot, quot sufficere posse judicantur, qui una cum arundinibus possit in cistulam A B intrudi, & abscondi, & cum rei necessitas exigit, eximi & extendi. In arundinibus disponantur vitra vel duo vel tria in distantia requisita, ut supradictum, ita etiam interius extremum vitrum cum reliquis ordine, & proportionem debitâ collocatis aptetur, ut justam à chartâ oleo imbuta seruet distantiam, quàm oculorum experimento etiam faciliè deprehendes, signaque in tubis facies, ad quæ similiter semper tubus extrahi, imaginesque transmissæ quantocius nitidè præsentari queant. Ipsa cistula interius tota ubique nigro colore, imbuatur, ut tanto magis obscuretur, sicut & tubum intus denigrari valdè etiam expediet. Habebis ita cistulam parasticam paratam: Hanc si ad locum quemcunque mediocriter saltem obscuratum (cavendo solum ne lumen à tergo unâ in chartam incidat, speciesque diluat) transfuleris, & versus objectum quodcunque magis conspicuum & curiosum, ut hortum, forum, plateas, compita ubi homines & alia animalia obambulant, &c. direxeris, omnia foris existentia cum omnibus coloribus, motibus, gestibus, situ & figura recta, amicis poteris in chartâ cum maxima eorum oblectatione repræsentare. Sed ut tantò melius & expeditius hæc cistula construi possit, aliqua adhuc notanda subijcimus.

Observan-  
da in ci-  
stulæ ap-  
paratu.



I. Pro ostiolo C potest occlusâ totâ cistulâ solum foramen sufficientis aperturæ formari, ac capsula aliqua muniri, ut pro libitû aperiri, & recludi possit: unde nec opus erit primo illo transepto D E.

II. Ipsa cistula potest arctior fieri ac minor, si vel ex chartâ rigidiori & crassiori, aut ex bracteolis stanneis tubus aliquis latior cum pluribus arundinibus formetur, qui una cum arundinibus & vitris insertis in ipsa cistula recondi possit.

III. Eò mirabilius & jucundius videbitur inexpertis artificium, quò occultius exhibebitur, ita ut nihil de vitris aut tubo prominente compareat. Oc- cultari etiam vitra possunt in ipsâ cistulâ absque ullo tubo prominente, si vel paulò longior ipsa cistula formetur, quæ etiam ex ea part, equâ vitra imposita sunt, potest esse angustior, vel si vitra minoris sphericitatis adhibeantur.

IV. Absolutè melius est, tria vitra convexa adhibere, quàm duo; nam hæc quia longiorem requirunt ab invicem distantiam, & imagines ad marginem majus confusas præsentant, inde minus commoda. Tria verò & breviori distantia invicem collocantur, & nitidiores exhibent picturas. Sic ego in ejusmodi cistulis in satis amplo spatio magnaue figura imagines trajicere soleo per duo vitra anteriora utrinque 60. & interius extremum utrinque 40. distantia omnium trium vitrorum com- posita vix dimidium pedem adæquat. Distantia verò chartæ oleo imbutæ est pau- lo ultra pedem cum dimidio. Hæc vitrorum proportio, si non placeat velisque minori omnia spatio differre; sume pro anterioribus duobus convexis, vitra utrin- que 50. vel 55. & pro interiori utrinque 35. aut etiam 40. si verò paulò clarius ma- joresque velis repræsentare picturas, in longiori vel cistula, vel tubo protractiori poteris ascendere in anterioribus ad convexitatem utrinque vel 70. vel 75 & ultra, pro interiori quoque nunc 45. nunc 50. assumere. &c.

melius est  
tria vitra  
convexa  
adhiberi.

Proportio  
vitrorum  
in particu-  
lis centes-  
mis pedis  
Romani.

### Corollarium.

Hinc discitur quomodò non tantùm in cistula, sed etiam in stabili quo- dam loco decenti, in speluncis artificiosis, in crotis, solariis hortorum, musæis, au- lisque Magnatum ludicræ rerum curiosarum parastates versus loca jucundiora, ho- minibus frequentia, aliisque curiositatibus referta cum magna inspectantium vo- luptate exhiberi queant.

### PRAGMATIA III.

#### *Immissas rerum species per reflexionem erigere.*

**F**acilius species eriguntur per reflexionem à corporibus specularibus objectis, quam per directam specierum immissionem, nam unicum hic vitrum con- vexum sufficit addito speculo vel concavo, vel convexo, vel plano ad amplissi- mam etiã objecti imaginem simul repræsentandam. Quomodo autem hoc fieri possit, accipe imprimis à Johanne Baptista Porta Magiæ natur. lib 17. cap. 6. qui sic ait. *Hoc erit magnum artificium à multis tentatum, sed non assecutum? Ali- qui enim planis speculis foramini oblique objectis, & in oppositam tabulam reverbera- tis videbant parum recta sed obscura, & indiscreta.* Nos sæpius albam tabu- lam foramini oblique opponendo, atque de regione foraminis insipientes videba- mus ferè recta; sed pyramis per obliquum dissecta, sine proportionem homines & in- perspicuos ostendebat. Sed tali modo ita fiet voti compos. Opponito foramini spe- cillum è convexis fabricatum, inde in speculum concavum imago resiliat. Distet speculum concavum à centro, nam imagines obversas recipit, rectas reddit ob centri distantiam. Si supra foramen & papyrum albam jaculatis imagines rerum objectarum tam clarè, & perspicuè, ut non satis mirari possis. Id tamen duximus admonen- dum, ne opera frustreris, quod proportionati sine oportet circuli specilli, & concavi por- tio, quomodo id assequaris pluries hic declarabitur.

Portæ pra-  
xis species  
erigendi.




Et paulò ante hæc, ista tradit. Si vis *majora omnia & clariora videre* è regione speculum apponito, non quod disgregando dissipet, sed colligendo uniat, tam accedendo, recedendoquè quousque ad suam vera imaginis quantitatem cognoveris debita centri appropinquatione, & attentius cognoscat inspectator volantes volucres, cælum nubibus dispersum cyanei coloris, longè distantes montes, & in parvo papyri circulo (qui supra foramen accommodetur) quasi compendiosum orbem videbis, quod ubi vides, non parum laborabis: obversa omnia quia speculi centro vicina sunt, si extra centrum elongabis, majora & erecta uti sunt, conspicias sed non perspicua. Hæc ille

Quomodo aliqui per reflexionem speciei erigunt

Aliqui sic erigunt. Extra cubiculum obscurum paulò infra foramen ponunt speculū planum, aut pelvim aquā limpidā plenam: tunc enim species rerum in speculum aut aquam incidentes reperiuntur, & subintrantes foramen exhibent rerum imagines erectas in objecta charta vel linteo albo. Et quidem si speculum erit infra foramen, objecta speculo incidentia apparent erecta, & eadem non incidentia speculo, sed per foramen sine reflexione radiantia, apparent inversa. Verum ad directum hunc profluxum impediendum, qui unā cum reflexis radiis ingressus imaginem potius turbare solet, consultum est aliquid opacum ante foramen ponere, quo directus hic radorum influxus prohibeatur, solus verò reflexus intromittatur. ut ita imago erecta purior intus pingatur.

Alius modus accommodationis.

Verum in ipso loco obscuro commodius meliusque species eriguntur hoc modo. Foramen fiat paulò altius, ita ut supra caput & altitudinem hominis stantis à pavimento ad 7 circiter pedes eleuetur, in eoque vitrum ponatur, quod aliquo longius projiciat basim communem ordinatam; veluti commodiora in hunc usum sunt plano-convexa, quorum convexitatis diameter est 5 vel 6 pedum, aut utrinque convexa quorum diameter 9, 10, 11, 12, pedum spatio intra distantiam vitri & ejus basim ordinatam, ferè medio suspendatur speculum planum inclinatum tamen ad semiquadrantem seu gradus 45, ut radios omnes obliqui excipiens reflectat in chartam infra obtentam. Omnibus ita probe constitutis, cubiculoquè occluso & obscurato, si chartam vel lintheum album in mensa vel alio plano debite infra speculum ad distantiam quam experimento optimè ad discas, objeceris, steterisque loco infra vitrum & speculum, chartamque inspexeris, videris omnia in situ erecto: sinistra tamen apparebunt dextra, & contra dextra sinistra.





Sed quò totum artificium melius intelligatur, per figuram declaremus. Sit *Artifici- um erecti- onis me- lius decla- ratur.*  
 objectum *AB* quod per vitrum *CD* in foramine obscuri cubiculi collocatum trajiciat species. Absque speculo si loco *GM*, charta opponatur, figura objecti presentabitur inversa, ut in *GH* apparet. Ponatur jam speculum *EF* intra stationem basis communis *GH*, *F* & vitrum *CD*, sitque speculum *EF* inclinatum ad semiquadrantem, ut apparet in figura ex *PE* vel *OE*: excipiet itaque oblique omnes radios per vitrum transeuntes indeque refractos; & quia facta reflexione per speculum *EF*, radii jam alio coguntur, & secundum superius dicta Cap. 5. Prop. 3. præced. Syntagm. anguli reflexionis fiunt æquales angulis incidentiæ, fit igitur ut radius ex superiori puncto *A* per *C* in *K* prolapsus ad *K* reflectatur sub angulo reflexionis *FK* b æquali angulo incidentiæ *CaKE* (uti apparet in semicirculo *EF* per arcus *Fb* & *Ea* æquales) tendatque versus *N*. Similiter ex eodem puncto *A* radius alius *AD* prolapsus in *L* inde reflexus sub angulo *dLF* æquali ipsi *DcLK* (uti satis per arcus *Fe* & *Kc* æquales in semicirculo *KF* indicatur) reflectitur, & æque tendit in *N*. ubi punctum *A* ex radiis dispersis colligitur, ac nitide presentatur. Sistitur igitur punctum *A* facta reflexione in *N*.

Sumamus jam etiam punctum *B*: quia igitur radius *BDK* reflectitur in puncto *K* sub angulo *fKF* æquali angulo *DcKE* (sunt enim arcus *Ff* & *Ee* æquales) necessario tendet in *M*, item quia ex eodem puncto *B* alius *BCG* in puncto *G* reflectitur per angulum *hGK* æqualem angulo *CgGE* (prout in semicirculo *EK* arcus *hK* & *gE* æquales indicant) radius ex *G* puncto reflexus per *h* tendet etiam in *M*, ubi ambo radii ex puncto *B* emissi se intersecant, & colliguntur. Quod porro de radiis ipsis extremis assumptis à duobus punctis *A* & *B* prolapsis dicitur, hoc de omnibus aliis intermediis in superficiem vitri *CD* directis intelligi debet.

Patet igitur jam quomodo objectum *AB* species à se projectas per speculum planum reflexas deponat loco *MN*: & quia species puncti superioris collocantur loco *N*, & puncti inferioris *B*, deponuntur loco *M*: si spectator inter vitrum *CD* & speculum *EF* constitutus demisso obtutu inspiciat picturam *MN* in charta obtenta depictam, videbit erectum. Nam punctum *N* quod representat punctum *A*, æq; videbit superiori loco, & punctum *M* quod representat punctum inferius *B*, videbit etiam inferiori loco, ergo totam picturam ut ipsum objectum foris existit, quod idem est, ac in situ recto, quod erat demonstrandum.

Quare autem dextra appareant sinistra, & contra sinistra appareant dextra; *Cur dex- tra appa- reant sini- stra,*  
 accidit ex decussatione radiorum à vitro per refractionem caulatam, quæ per speculi oppositionem non corrigitur, cum speculum planum secundum simplicem superficiem suam radios obliq; exceptos solam simplici reflexione in presenti catu deflectat deorsum non verò dextrorsum, aut sinistrorsum, adeoque suo interjectu radius restituat & corrigat secundum unum incidentiæ modum, non secundum alterum. Quod si verò speculum perpendiculariter erigatur, & inclinetur dextrorsum, vel sinistrorsum radios ita oblique exceptos in contrariam partem deflectet, constitueretque objecti species dextras ad dextram, sinistras ad sinistram; sed tunc à vitro lenticulari inversas non eriget. Sed hæc ex catoptriciis notiora sunt quam ut ulterius exponi debeant. Nunc aliqua, quæ circa hanc erectionem notanda sunt, proferamus.

I. Specula plana quò sunt perfectiora & politiora, eò pro presenti negotio accommodata magis aptioraque sunt. Calybea etiam cæteris paribus præstant vitreis vel crystallinis plumbo terminatis; cum hæc duplices reflectant imagines, ut constat ex supradictis præced. Syntagm. cap. 5. Prop. II. illa verò simplices, ideoque *Notanda circa ere- ctionem specierum per reflexionem,*  
 magis vivaces.

II. Potest speculum planum quocunque loco inter vitrum & stationem baseos communis ejusdem opponi, sed quantò propinquius vitro collocatur, tantò charta, ut species nitidè recipiat, debet amplius à speculo demergi: & quantò remotius à vitro ponitur speculum, tantò magis debet charta attoli & minus ab



ipso distare; Et si medio intervallo seu distantia quæ est inter vitrum & stationem basis communis speculum opponitur, distantia chartæ à speculo erit æqualis distantia ipsius speculi à vitro.

III. Nec opus est præcisè speculum inclinari ad gradus 45 sive semiquadrantem circuli; potest enim ad quemcunque angulum inclinari; sed tunc & reflexio imaginis juxta angulum inclinationis speculo datum aliter fiet, chartaque aliter opponi debet. Et quidem si angulus inclinationis speculi sit infra 45 gradus ita, ut magis terram versus propendeat, species plus retrorsum à speculo protruduntur, sicque etiam charta amplius removenda, situque non horizonti parallelo, sed conformiter supra ipsum & altera parte magis elevato obtendi debet; & tantò magis, quantò ipsum speculum magis terram versus deprimitur. Si verò angulus inclinationis major sit 45 grad. species vitrum versus torquentur minusque commodè species erectæ in charta obliquè etiam obtentenda cerni possunt. Quando autem speculum, ut supra dictum ad 45 grad. inclinatur, charta in situ horizonti parallelo ponitur, speciesque secundum totum melius & nitidius exhibentur erectæ.

IV. Foramen in quo vitrum ponitur, potest etiam commodè inferius ad pavimento cubiculi versus locum magis curiosum fieri, ac speculo deinde debite inclinato & contra vitrum opposito species sursum reflecti, quæ per chartam oleo tinctam debito loco obtentam picturam æque ostenderectam. Tunc autem spectator non antè speculum & chartam ut prius, seu loco infra vitrum & speculum, contento, sed post chartam & speculum, converso vultu versus vitrum & speculum stare & chartam inspicere debet.

### Corollarium.

Hinc patet quomodò si occultetur artificium, multò mirabilius curiosa phenomena; situ recto in obscurato loco possint exhiberi. Si enim artificiosè species rerum externarum ad ipsum cubiculi obscurati rectum ita occultè deducantur & per speculum inde velut per caminum aliquem dejiciantur & deflectantur in mensam infra debite depositam, aut chartam ritè obtentam, verè magicam parastasin amicis ostendes. Sic etiam infra pavimento abscondito artificio imagines in turriculam aliquam, aut cistam, in qua tenuis charta oleo imbuta circumquaque protensa, derivari possunt; adjuratione deinde necromantica adjecta imperitioribus impones, te velle hic in cista ostendere quid foris agatur, quid antipodes in altero orbe faciant &c. quod haud dubie æquè mirum ac lepidum spectaculum spectatores artificii ignaros in maximam admirationem, stuporemque rapiet. Sic itidem patet quomodo rerum quarumlibet species catoptricè inflecti, & quæcumque in partem pro miris naturæ artisque spectaculis exhibendis speculorum subsidio perducì queant. Sed ingeniosus quilibet artifex, hinc multa alia arcana eruet, quam prolixiori necesse sit oratione describere.

### Annotatio.

Vitrum  
planum  
loco chartæ  
adhibendum.

Loco chartæ oleo imbutæ melius adhibetur vitrum planum ex una parte quidem politum, ex altera verò parte impolitum, licet probe tritum, & ad polituram dispositam esse debeat. Vide infra Fund. 3. Synt. 2. cap. 8.

## PRAGMATIA IV.

*Cistulas catoptrico-parastaticas pro curiosis phanominis artificiosè construere.*

Triplex  
modus  
speculum  
situandi.

Cistulas catoptrico-parastaticas eas voco, quæ speculi subsidio species visibilium rerum per lenticulare vitrum immixtas in chartam tenuem oleo imbutam spectari faciunt erectas. Possunt autem diversimode parari, prout ipsum speculum diverso loco & modo collocari potest. Modus autem speculum aliter situandi ad parastases rerum erecto situ exhibendas cum primis triplex est: potest

FIGURA XXI.



FIGURA XXI.






Fig XXI.

Z<sub>3</sub>

enim



enim speculum vel ante vitrum & chartam poni, vel post chartam & vitrum, vel inter chartam & vitrum; juxta triplicem hunc modum, quo speculum ponitur, triplicis generis cistulas artificiosè construere docebimus.

Primus  
modus si-  
tuationis  
speculi.

Juxta primum situationis modum, qui speculo datur, cum ante vitrum & chartam ponitur, cistula fiat altior (ut figura 1. ostendit) quam latior pro ratione vitri quod imponitur: debet autem duplici fundo constare, uno A B C exteriori, in quo speculum c d collocatur, alio paulò altiori & interiori e f, quod in medio habeat foramen H, ubi vitrum imponi debet: speculum porrò directè intra foramen H ponendum est, elevandumque ad 45. gradus seu semiquadrantem circuli, quod deinde per laxius foramen O medio quoque loco patulum contraq; objecta foris existentia obversum accipit species, easque reflectit per vitrum in foramine positum in chartam a b in plano ipsi vitro parallelo oppansum: ubi spectatori cistulam elevato operculo E tenenti & inspectanti apparent erectæ.

Notandum verò quod charta à vitro sursum elevari debet in ea distantia, qua vitrum species nitidius in communem basim ordinare solet, unde facilè pro ratione vitri cistulæ altitudo colligi potest. Vitra verò lenticularia usui cistularum aptiora sunt, magisque accommoda. Quæ basim communem mediocri intervallo sistunt, nec nimium scil. abbreviant, neque nimium elongant, qualia cum primis sunt plano-convexa, quæ convexitatis suæ diametros habent æquales 70. centesimis partibus pedis Romani, si verò utrinque convexa: possunt diametri utriusque convexitatis esse à sesquipedis ad quatuor pedum magnitudinem. Notandum etiam, quod vitra quæ minori distantia ordinatas bases ponunt minores requirant cistulas, quæ verò longiori majores; atque hoc pro omnibus cistulis observandum est.

Secundus  
modus si-  
tuationis  
speculi.

Pro secundo modo situationis speculi, cum nempe ponitur post chartam & vitrum, cistulæ commodissimè formantur ut figura 2. ostendit: nam longiores esse debent quam latiores & altiores pro ratione vitri in foramine H positi: uti A B longitudo major est latitudine B C & altitudine C D. In anteriori cistulæ parte altitudo A G minor sit posteriori C D ejusque fere dimidia, & à G vergat in F; quod ideo fit, ut visus eo commodius in speculum c d post chartam inclinatum & obliquo situ ibidem positum dirigi possit. Charta a b obtenditur ad F in ea distantia ab H vitro, in quâ ordinatissimè objectum inverso situ depingitur. Speculum porro c d inclinatur post dictam chartam prout experimento deprehenditur species melius ad visum posse reflecti; undè certa regula præscribi non potest: speculum etiam conducit esse majus, ac chartæ obtentæ propè æquale. Ne quoque, dum reflexè videntur species erectæ per speculum, una etiam simul directè visus tendat in chartam, ibidemque videat picturas everfas, ideo caveri hoc potest, operculum E ita formando ut in figura patet: nam ex ligno pertenui formari possunt duo laterales quadrantes I K qui operculo E ad extremitates affixi una cum ipso attolluntur, & demittuntur: obducatur deinde iis charta rigidior, ut patet in L, ut ita obtegatur charta interior, nec visus possit in chartam oleo imbutam prospectare. Infra porro ad M N potest charta rigidior obducta aliquantulum excindi. Ut per excisam hanc partem prospectus in speculum solum formetur.

Cistulæ omnis generis intus denigrari debent.

Observandum quoque universaliter pro omnis generis cistulis ut intus denigrentur: Etsi possit fieri aliqua intus interstitia ponantur, quæ circa medium debite perforentur, ut ita imperfectum lumen melius arceatur: Sic species multa vivacius distinctiusque cum parebunt.

Tertius  
modus si-  
tuationis  
speculi.

Tertii generis modum, quo speculum ponitur inrer chartam & vitrum, repræsentat figura tertia, quæ etiam tam secundum anteriorem quàm posteriorem partem exactam cistularum fabricam sic ostendit; ut ulterius multum explicare necesse non sit, cum omnia satis clarè illic perspicui possint. Estque hic modus prioribus multò expeditior & commodior, eo quod phænomenon catoptrico-parastaticum artificio per compendium aptiori spectandum proponat. Nam cistula non tam magna esse debet, cum speculum intus à vitro



à vitro species dimidia distantia, quâ aliàs in communem basim ordinantur, accipiens easdem ad alterius medietatis distantiam sursum ubi, & charta obtendi debet, reflectat, sicque illic erectas præsentet. Speculum c. d. intra cistulam situatur contra foramen H, vitrumque illic positum, situ obliquo, ac elevato ad gradus 45, ut ita sursum in chartam a. b. debite expansam exactè species reflectantur: Quod si tamen alio situ opponas, ita ut minùs eleves, posses visui multò commodius erectarum specierum phænomenon objicere; sed tunc & cistulæ aliter concinnandæ sunt, & charta a. b. aliter obtrendenda, eo scilicet modo quo in figura 4. repræsentatur.

Observa distantiam chartæ à vitro compositam ex radiis à speculo reflexis, & incedentibus à vitro semper debere esse æqualem ei distantia, quâ aliàs vitrum absque speculo interposito directe in basim ordinatum species cogeret: unde licet speculum non ponatur præcisè in media distantia, ut supradictum, sed vel propiùs, aut remotiùs à vitro (quod fieri posse nil obstat) hic charta etiam vel profundius deprimi ad ipsum speculum, aut ab eodem magis attoli debet.

Ufus ejusmodi cistularum idem est, qui illius suprà Pragmat. 2. explicatæ: nam quovis loco mediocriter retrorsum obscurato (et si multò melius, si locus plùs obscuratus sit, econtrà objectum foris magis illuminatum) versus objecta foris posita obtentæ eorum perfectas exhibent picturas, hac tantum unica cum incommoditate, quod dextra repræsentent sinistra, & sinistra interant dextra.

Ufus istiusmodi cistularum.

### Corollarium.

Ex dictis hætenus facîle liquet, quomodò species rerum visibilium per vitra lenticularia variè refringi, nunc augeri, nunc minui, per specula porrò nunc huc, nunc illuc, sursum vel deorsum reflecti, sicque diversimodè deduci possint; in charta quoque candida nunc terminari, nunc per eam oleo imbutam trajici queant. Unde facîle quivis ea, quæ à nobis hætenus allata sunt, probè intelligens suomet Marte multa alia nova technasmata, & verè magica Naturæ spectacula recludere, curiosisque spectatoribus objicere poterit. Sed hæc de mirifico lucis actinobolismo objectorumque visibilium radiatione, ac imaginibus seu spectris per fecundissimum radiorum effluxum productis unà cum eorum proprietatibus dixisse hoc loco sufficiat. *Quam profectò admirabilem lucis naturam, specierumque proprietatem* (Verba sunt Kircheri in Art. Mag. luc. & umb. lib. 2. parte 1. cap. 5.) *qui altius penetraverit, is non multa tantum naturæ arcana, sed & complura circa metaphysica principia abdita Sacramenta se penetraturum noverit.*

Nota loco chartæ oleo imbutæ melius adhiberi potest vitrum planum ex una quidem parte terse politum, ex altera verò probè attritum, sed non expolitum. Vide infra quæ de hoc vitro amplius scribimus. Deinde plurimùm confert vitrum ductili tubulo includere, ut pro distantia objecti magis huc illucque diduci queat. Rariora alia & magis curiosa artificia pro specierum phænomeno dabimus in Fund. 3. practico-mechanico.

### CAPUT V.

#### *Phænomenon hætenus explicatum vera oculi Idea, & typus visionis demonstratur.*

Explicato hætenus mirifico illo specierum phænomeno, venimus tandem ad id, cujus gratia per præcedentia capita hoc syntagmate enucleatiùs fuit propositum, ad ipsum scilicet videndi modum, actumque visionis explicandum. Posteaquàm enim hoc luculentum Naturæ pictricis phænomenon doctis ingeniis comparere cœpit, propulsâ veterum caligine, in quâ plurimùm à veritatis tramite aberrabant, dum visionem per emissos ab oculo radios fieri, acerrimè propugnarent, aut licet aliqui ex eorum temporibus in oculo radios ab objectis spectabilibus recipi assererent, visionis tamen sedem in oculo, quâ radii isti recepti cum vi-

sivâ



Tunica re-  
tina sedes  
visionis.

Oculi com-  
paratio  
cum Phœ-  
nomeno  
explicato.

Clarior  
compara-  
tio insti-  
tuitur.

Exponun-  
tur variz  
proprietates,

sivâ potentiâ ad actum videndi producendum conjugerentur, longè à vero dissimiliter collocarunt (nam in humore crystallino formale totum visionis negotium perfici arbitrabantur) omninò aliter Recentiores sapienter à Naturâ ipsâ instructi sentire cœperunt: Nunc enim unanimi consensu omnes Optici, Physici, & Medici inspecto diligentius hoc naturæ spectaculo, tanquàm ab ipsa naturâ dictatum axiomatis loco ponunt, visionem per receptos radios ab objectis profluxos, & in tunicâ retinâ, tanquàm verâ & genuina sede visionis depictos, non aliter quàm præmissum specierum phænomenon in obscuro loco exhiberi solet, etiam in oculo conformitèr per omnia adaptato produci. Quod proindè hoc capite instituta persimili in omnibus comparatione clarissimè demonstrabimus.

Ad Phænomenon, ut suprâ vidimus, tria necessariò cumprimis requiruntur, locus scilicet obscuratus, foramen angustum, in quo vitrum lenticulare impositum, quod radios ab objectis extrinsecis profluxos immittit, & chartâ intus in debita distantia ritè oppansa seu obversa, in quâ pictura à radiis asportata deponitur. Ita æque tria hæc cumprimis in oculi aptâ advidendum constitutione requisita perspicies: nam Cameræ vel cubiculi aut loci obscurati vicem gerit sinus oculi interior post humorem crystallinum constitutus, qui vitreo humore repletus est, à lumine quoque externo secretus, atque inde obscuratus. Humor crystallinus globosus à ciliaribus suspensus est instar vitri lenticularis in foramine collocati: Tunica retina instar chartæ foramini oppansæ. Atque hæc tria similiter necessariò ad oculi pro visione debitè formandâ constitutionem requiruntur, sicut tria illa pro phænomeno ritè exhibendo æquè omninò necessaria sunt. Cætera verò, quæ præter hæc concurrunt, ampliùs omnia promovent, ordinant & disponunt: nec tamen utrinque aliquis in comparatione defectus est, cum instituta per omnia plenior conferentia par omninò utrobique similitudo compareat, uti graphicè hoc modo designo.

Totus oculus cum omnibus suis partibus aliter se non habet, quàm locus pro phænomeno exhibendo quàm optimè, ut supra indicavimus, præparatus: Nam oculi Tunicæ vicem gerunt parietum: Duo humores aqueus & vitreus oculum in cavitatibus ante humorem crystallinum & post eum replentes vicem aëris replentis cubiculum; Uvea Tunica est instar fenestræ clausæ; Pupilla instar foraminis, humor crystallinus instar vitri lenticularis post foramen applicati, tunica reticularis instar chartæ foramini & vitro oppansæ: Sicut autem aër qui est ante foramen & vitrum est aliter affectus, quàm ille in cubiculo, cum hic sit obscurus, ille illustris, atque indè hic densior, ille rarior, ita humores duo aqueus & vitreus aliter affecti sunt, dum etiam hic obscurior & densior existit, & ille illustrior ac rarior, ut supra Syntagm. I. cap. 5. decuimus. Item sicut orbiculus in fenestra cubiculi clausâ, qui vitro præponitur, secernit aërem externū ab interno, cumq; dividit in anteriore & posteriore, & præterea lumini & speciebus non permittit ingressum, nisi per foramen; ita orbiculus super uveam, qui & corona & Iris dicitur, in choroide tanquam fenestra occlusa positus dividit humorem aqueum in anteriorem & posteriorem, ac secernit anteriorem à posteriori tanquàm externum ab interno, luminique ac speciebus alium non dat ingressum nisi per pupillam. Item sicut lumen & radii ab objectis externis aperto magis minusque cubiculi foramine ingrediuntur majori vel minori copia, prout majus minusve foramen fuerit, ita aperta pupilla oculi ingreditur lumen, radiique objectorum exterorum magis aut minùs constringitur vel dilatatur: Iterum sicut meliùs convenit cubiculi latera & parietes esse denigratos, ut locus ita amplius inumbretur & obscuretur: Sic Uvea & choroides in oculo suâ nigredine internas cavitates magis obscurant. Denique ut in artificiali radiorum immisione in locum obscurum multæ proprietates & varietates interveniunt, ut supra cap. 2. & 3. retulimus, ita in naturali oculo, dum objecta sua simili radiorum immisione percipit, easdem advertere licet, quarum potiores sequentibus numeris distinctas ita comparatione facta proponimus.



I. Radii ab objectis extremis in locum obscurum immissi post foramen sive nudum, aut vitro munitum decussantur ex natura ipsorum prolapsus, qui secundum lineam rectam profunditur, ut supra vidimus. Pari modo in oculo post pupillam & humorem crystallinum fit decussatio eorundem radiorum, quod perspicuo facile licet experimento comprobare, uti etiam Kircherus in arte Mag. luc. & umb. lib. 2. par. 2. cap. 1. tradit. Accepto enim oculo Tauri aut alterius cujuscunque animalis grandioris, si à parte posteriori, quæ corneæ opponitur, resectis nervo optico, aliisque crassioribus partibus eò usque denudes, donec humores per retinam perlucere incipiant, oculumque sic denudatum, & benè lotum imponas foramini loci obscurati, ut pars anterior extra cubiculum obscuratum, posterior verò intra vergat: si deinde lumen extra cubiculum admoveas, videbis radios luminis per corneam pupillamque ingressos, aqueumq; & crystallinum humorem penetrantes in vitreo humore post crystallinum manifesto experimento decussari, & ulterius ita ad retinam usque extendi. Quod si alia objecta illuminata foris eidem oculo admoveas, eadem exactè in fundo oculi seu retina cum coloribus & signis propriis naturalibusque exhiberi videbis, ut penicillo depicta videantur, inversa tamen ratione; Unde benè subnectit Kircherus loco cit. *Adeo ut demonstratio specierum in obscuro loco per vitream pupillam representatarum cum speciebus in fundo oculi per humores intermedios representatis, prorsus eadem sit.* Unde sequitur.

Experimē-  
tum ab o-  
culo ani-  
malis  
grandioris

II. Sicut immissione specierum per vitream lentem in locum obscurum imago inversa in charta oppansa depingitur, sic idem contingit in oculo, dum species à foris importatæ situ inverso in retina depinguntur; Ratio utriusque est decussatio radiorum, ut proxime insinuatum.

Imago in  
retina est  
inversa.

III. Species per lentem deductæ in chartam distinctiores sunt, quo sunt axi viciniores, obtusiores, quo remotiores, ab eodem, etiam si distantia eadem ponantur: ita à pari objectum idem in eadem distantia secundum eam, quæ ex directo juxta vel propè axem obversantur, cæteris paribus clarius & distinctius conspicitur, quam secundum eam, quæ ad latera secedunt; Ratio utriusque est, quia utrinque tam in lente foraminis, quam humore crystallino species per axem & juxta axem allapsæ parum vel nihil refractionis patiuntur, ideoque simulachra exactius depinguntur. Qualis autem specierum in in oculo pictura, talis etiam sequitur visio, clara claram, hebes hebetem; consequens ergo est, ut ea quæ circa axem consistunt, clarius & distinctius videantur, quam quæ ab eodem remotiora sunt.

Imago  
juxta axē  
est distin-  
ctior.

IV. Sicut lens convexa, immota consistens in chartam immotam projicit rerum extrinsecus positarum species effectum planè dispari, prout scilicet vel viciniores aut remotiores fuerint. Nam si viciniores clarè & distinctè representantur, remotiores obscurius comparent: Contra si remotiores benè in charta depinguntur, viciniores pejus comparent. Idem omnino eodem obtutu fixo evenit in oculo: nam objecta foris inæqualiter distita inæquali visione percipit: si enim intuita æquali vicina benè videt, remotiora videt obscurius; & si remotiora aliquo visu melius cernit, eodem pejus videt propinquiora. Ratio in utrisque est, quia objecta vicina projiciunt distinctam specierum basim eamque ordinatam à lente aut humore crystallino longius, remotiora autem brevius. Igitur cum in obscuro loco basim illam excipiat charta, in oculo fundus retinæ: impossibile est, ut simul & semel vel charta vel retina tunica excipiat, utramque basim & viciniorē, & remotiorē: Nam simul & semel non potest magis & minus distare à lente vel humore crystallino, unde nec simul & semel inæqualiter distita possunt distinctè percipi in charta vel retina.

Objecta  
prout di-  
stant, in-  
æquali vi-  
sione per-  
cipiuntur.

V. In trajectu specierum, si charta una cum lente vitrea & axe circa centrum lentis gyrentur, ut objecta lateralia fiant directæ, & quæ prius directæ erant, fiant lateralia, videbuntur hæc in charta jam obtusè, & obscurè, illa verò acutè. Sic oculus solo motu circulari conversus ad objecta lateralia,



Quomo-  
do oculus  
ex com-  
motione  
ea videat  
clarius,  
quæ prius  
videbat  
hebetius.

eadem optimè discernit, prius hebetulo aspectu percepta, & quæ prius directè ac distinctè perceperat, hæc ex laterali obtutu admodum ægrè & confusè assequitur. Ratio utrinque est, quia dum convertitur lens vitrea, ac humor crystallinus, radii laterales, qui aliàs obliquè inciderant, ac plus refringebantur per lentem aut humorem, nunc minus refringuntur, cum circa axem consistant, adeoque vivacius & distinctius in charta vel retina depinguntur: species enim quod sunt axi propiores, semper vivaciores, distinctioresque sunt, cum sint directiores ac fortiores. Quando autem radii, qui directi antè fuerant sunt laterales, jam propter obliquitatem incidentiæ plus refringuntur, unde & obscurius representantur.

Quomo-  
do oculus  
se habeat  
in visione  
objectorū  
magis &  
minus re-  
motorum.

VI. Si lenti convexæ in foramine obscuri cubiculi immotæ charta propius admoveatur, in eadem charta objecta remotiora distinctè pinguntur, quæ antea non distinctè comparebant: & si eadem charta à lente eadem immota procul amoveatur: cernuntur proximè posita distincta, quæ in distantia chartæ breviori comparebant confusè. Ita à pari fit in oculo; Hic enim ad objecta diffita distinctè videnda distantiam tunicæ retinæ ab humore crystallino abbreviat, vel eandem prolongat, ut distinctè cernat propinqua. Ratio utrinque est: quia objecta remota ut sæpe dictum, suas species ordinat in basim communem minus distantem, vicina verò in eandem magis diffitam. Igitur ut oculus, objecta distinctè percipiat, oportet ut retina cum basi communi coincidat, unde major minorve ipsius accessus vel recessus exigitur, quemadmodum & chartæ major minorve admotio vel remotio à lente vitrea in loco obscurato.

Diversitas  
humoris  
in sphæri-  
citate quid  
efficiat aut  
requirat.

VII. Sicut diversæ lentes in foramine cubiculi obscurati impositæ, pro ut illarum convexitas major aut minor sive globosior aut planior fuerit, aliam atque aliam chartæ distantiam exigunt, ut species nitidè imprimant, aut dependant: planiores enim lentes remotius, globosiores verò propinquius chartam admittunt: Ita pariter accidit in oculo; dum enim humor crystallinus ciliarium processuum, à quibus dependet, adstrictu vel relaxatione attenuatur; & conglobatur; tunc etiam oculus retinam propius admoveret, aut longius removeret: Humor enim globosior brevior pro basi picturæ exigit distantiam, sicut lens globosior & humor latior majorem patitur communis baseos recessum, sicut lens latior & planior. Unde humor crystallinus in oculo pluribus lentibus diversæ convexitatis æquivaleret, dum diversimodè adstringi aut dilatari, sive magis conglobari, aut complanari potest.

VIII. Sicut lens quælibet unam certam distantiam ab eodem objecto habet, sub qua species ab eodem objecto perfectissimè in chartam oppositam trajicit, sub aliis autem distantis majoribus aut minoribus hebetius easdem refert; sic à pari oculus idem objectum reliquis omnibus invariatis aliter videt in distantia alia & alia, & in proportionata clarissimè, distinctissimè, in minus proportionata ægrè admodum & malignè. Nam ratio in utrisque ut jam supra insinuata, hæc est, quod objectum, cum in distantia vicina basim communem removeat, & in remota abbreviet, nec quomodocunque diffitum semper in eadem distantia chartæ aut retinæ à lente vel humore basim communem distinctam formet: sequitur ergo distantiam illam chartæ à lente, vel retinæ ab humore proportionatam esse debere certæ distantie objecti à lente vel humore: unde cum jam in ista proportionata & certa distantia objectum distat, bellè & probè omnia tam in oculo, quàm cubiculo succedunt: quamprimum autem distantia illa mutatur, jam improportio inducitur, unde obscuritas picturæ necessario sequi debet. Unde etiam sequitur.

Objectum  
nimis dif-  
fitum, &  
nimis pro-  
pinquum  
unde di-  
stinctè vi-  
deri ne-  
queat.

IX. Sicut in specierum intromissione per lentem convexam datur tantumdem aliquis tantus recessus, ut species in charta penitus evanescant, & tantus accessus, ut nequeat imago transmissa discerni: Sic à pari fit in oculo, ut detur aliqua objecti distantia tam remota in qua ab oculo quocunque modo non possit percipi; & datur aliqua distantia objecti tam propinqua, in qua nequeat discerni. Ratio evidens in utrisque est, quia basis communis, in qua species benè ordinatæ



ordinatæ repræsentantur, cadit extra retinam in oculo, extra chartam in loco obscurato, & quidem ab objectis longinquis cis & à nimis propinquis verò trans eandem.

X. Denique his libet annectere : sicut in camera obscura etiam sine vitro lenticulari foramini inserto objecta nihilominus per angustum foramen radios trajiciunt, quibus in charta obversa depinguntur : etsi non tam nitidè & perfectè, quàm si convexum vitrum foramini sit impositum : ita possibile est, ut etiam sine humore crystallino nihilominus species per angustam cavitationem in oculum possint illabi, itaque in retina depingi, ut facultas visoria hanc picturam possit sentire : Imo hoc ipsum contigisse constat experientiâ, & exemplis : nam ut *Henricus Smetius* lib. 5. miscell. medic. ep. 13. testatur, vidisse se cœcum quendam naso pro oculis utentem, ejusque beneficio objecta omnia discernentem. *Is dextro oculo ante annos multos, cum puer esset, privatus fuerat, tandem juvenis factus ( rusticus erat ) ex ceraso in palum dum lignum fastigiatum delapsus, vultum impegit, ut nasum una cum oculo sinistro, gena, palpebra utraque & supercilio disrumperet adeò fœdè, ut chirurgus oculi globum avulsam prorsus crederet, eumque palo inhæsisse : Cicatrice tandem obducta post annum ab accepta plaga, dum in gramine apricatur, fortè lucem, ac flosculorum candorem humi animadvertere occæpit per nasi cavitationem, & jam per quinque aut sex annos continuos visionem eo modo exercuit, ut, quidquid offeratur, naso oculato distinguat exactè, sed despectando, suspectando enim lucem ferre nequit.* Hæc Smetius, & ex ipso Hieron. Bardus Genuens. in Medico polit. cathol. cap. 4. append. 1. Recitatur etiam à clariss. Baldo, allatis Testibus, Platero, & Johan. Rungio lib. 1. prax. disp. de vis. symitt. refert. & Schottus phys. curio. lib. 3. cap. 33. §. 2. Scribit etiam Keplerus à Matt. Waggenero narratum sibi, olim quid simile Heydelbergæ contigisse ; *Nempe quendam oculo altero amisso, altero manus palma tecto, si splendens quidpiam infra nares sisteret, splendorem agnoscere, atque etiam internoscere quadantenus potuisse.* Causa certè hujus tam portentosæ in utroque visionis utique non alia fuit, quàm quòd lux & species rerum per hiatus aliquem è naso sursum in vacuum oculi cameram ad retinam usque viâ rectâ appulerint, ibidemque non secus ac alias objectorum imagines depinxerint. Ita sentit quoque Schottus loc. cit. Bina hæc eadem exempla refert Stengelius de judiciis divi. Tom. 2. cap. 62. num. 14.

Ex dictis igitur & demonstratis conficitur, quòd phænomenon illud in cubiculo obscuro presentatum genuinum sit exemplar, idea vera oculi, & typus visionis. Nemo enim est, qui non videat hinc planissimam omnium comparationum congruentiam ? Quare pro demonstrato tenendum est, quòd sicut radiatio objectorum in cameram obscuram per foramen exiguum aut lentem vitream infunditur, & imago ibidem exactissimè depingitur : Sic pari modo objecta extrinseca per actinoboliam suam, qua radios undequaque profundunt, æquè in intima oculi penetralia inducuntur, ubi & per pupillam non aliter ac per foramen exiguum, nec non per humorem crystallinum haud aliter ac per lentem vitream, in retinam verò ut chartam debitè oppansam ordinatissimè imprimuntur, ibidemque per simillimas imagines seu everso depictas repræsentantur. Dum igitur spiritus visorii in retinæ fibrillis ( innumeris enim fibrillis & filamentis ex nervo Optico progressis contexta est ) ex imaginis trajectæ pictura, seu verius ex radiis auxilio convexitatis oculi collectis & in acutas convergentias coactis afficiuntur ; affectionem autem qualem acceperunt ( quia per nervum Opticum in cerebrum liberrimus & celerrimus transitus datur ) cerebro & animæ ibidem offerunt, atque ita sensationem rerum visibilium efficiunt. Unde patet, visionem nil aliud esse, quàm vitalem perceptionem imagines objectorum in retina

Quidam  
vid. r. per  
nasum.

Exempli  
aliud vi-  
dentis pe-  
nasum.

Phænomenon  
non est ve-  
ra idea  
oculi.

Visio quid  
sit.



Quomo-  
do lux &  
colores  
percipian-  
tur.

impreſſæ, aut verius, eſſe receptionem radiorum plurium acutè collectorum & in retinam productorum ſpirituum officio expreſſam. Unde jam facile datur intelligi, quomodo viſus objectum ſuum proprium lucem ſcilicet & colorem percipiat; nam per ſpecies & ſimulachra, quæ per radios à lucidis & coloratis corporibus profunduntur, & in retina depinguntur, immutatur, & varie pro cujuſvis coloris indole afficitur; unde poſtea dum ſpirituum officio talis affectio animæ communicatur, judicium ipſius coloris, aut lucis formatur. Quomodo autem ſenſibilia communia viſus percipiat, magnitudinem ſcilicet, diſtantiā, figuram numerum &c. explicabimus infra.

## CAPUT VI.

*Natura viſionis, modusque videndi planius, & enucleatius explicatur, indeque totius optice diſciplinæ radix ac fundamentum depromitur.*

**N**aturam cumprimis inſpicere debet omnis, cui naturam arte perficere geſtit animus. Hoc intendimus, hoc opere toto præſenti quærimus arte naturam adjuvare, ut, quæ viſu ad longinqua deſtituitur arte promoveatur. Viſionis igitur naturam hoc capite perſcrutari conabimur, & quæ ad eam planius intelligendam faciunt, nunc in medium producemus. Ne vero hallucinatio quædam in capitis tum hujus, tum ſequentium, progreſſu ex vocum quarundam obſcuritate ſuboriat, primitus earum explicationem præmittemus, certas etiam quasdam Hypotheſes ab omnibus opticis admiſſas ſubnectemus, ut inde tantò accuratius ea, quæ dicturi ſumus, demonſtrari queant.

## DEFINITIONES.

Radiatio  
quid ſit.

I. Radiatio viſiva, ſive actinobolia optica nihil eſt aliud, quàm ſpecierum objecti ad viſivæ potentiæ organum ſub forma conſi aut pyramidis appulſus.


Radius.

II. Radius opticus ſive viſorius eſt linea recta, per quam forma rei aſpectabilis ad obtutum porrigitur.

III. Axis opticus eſt linea recta ſive radius ille qui per oculi centrum dirigitur.

Pyramis  
ſive conus  
opticus.

IV. Pyramis vel conus opticus eſt figura ſolida, quam radiatio viſiva ab objecto radioſo per diaphanum medium ad obtutum uſquè diſfuſa effigiat, cujuſ baſis res viſa, vertex in ipſo oculi organo, ut in figura eſt A B E conus, cujuſ A B baſis, E vertex.



Conus  
rectus.

V. Conus rectus eſt, qui baſin habet in objecto radioſo, verticem in oculo objectum verſus: ut eſt A E B cujuſ baſis A B vertex E.

VI. Co-




VI. Conus everfus est, qui basim in ipso organo visus sive retina habet, ut est *Everfus*  
*C E D* cujus basis *C D* in retina vertex *E* versus eandem retinam.

VII. Angulus visorius est, qui à pyramide vel à cono Optico in oculo effici *Angulus*  
 tur: estque duplex rectus & everfus ut patet ex præced. figura. Nam *A E B* re- *visorius*  
 ctus, *C E D* everfus. Ambo tamen æquales per 16. prim. elem. Euclid.

VIII. Maximus conus opticus vel pyramis Optica ea omnia complectitur, *Maximus*  
 quæ oculus unico aspectu contueri potest. Hinc magnitudo optici coni sive py- *conus Op-*  
 ramidis non à magnitudine rei visæ, sed ex amplitudine anguli verticalis æstimatur: *ticus.*  
 major enim est ille conus vel pyramis, cujus major est ad verticem angulus: cum  
 autem per 18. prim. elem. Eucl. majus latus majorem angulum subtendat, major  
 erit ille conus vel pyramis, cujus major erit basis: maximus verò cujus & basis ma-  
 xima quæ majorem complecti oculus unico aspectu non potest.


XI. Axis coni vel pyramidis optica vocatur illa linea, quæ per verticem, re- *Axis coni.*  
 ctæque basis centrum transit.

Sic in præsentî figura axis coni *B A C* est linea *A F G* quia à vertice *A* per  
 centrum *F* basis rectæ *B D* transit. Non autem est linea *A E*, quia per centrum *F*  
 rectæ basis non transit. Nam recta basis est illa, quæ cum oppositis lateribus ipsi-  
 us coni vel pyramidis æquos angulos facit.



X. Connectens centra visuum ea dicitur linea recta, quæ ab unius oculi *Conne-*  
 centro ad alterius centrum ducta concipitur. *ctens cen-*  
*trum vi-*

Sic centra visuum hic sunt *A* & *B*, quæ verò hæc connectit est recta *suum.*  
*A B*, quæ etiam cum axibus Opticis *A C* & *B C* in *C* concurrentibus trian-  
 gulum perficit, cujus ipsa *A B* velut basis existit.



XI. Connectens extrema nervorum Opticorum ea dicitur recta linea, quæ *Conne-*  
 ad terminos, unde pendent oculorum orbes applicatur. *ctens ex-*  
*trema ner-*

A a 3

Sic vorum.



Sic extrema nervorum opticorum hic sunt E & F, quoniam oculos attingunt ea parte, qua nervi optici per ossis cavitatem egressi oculosprehendunt: eam verò partem D, qua conveniunt, tametsi in unum nervum perfectè non coëant, tamen ita conjunguntur ut sese mutuò contingant, vocant locum nervi communis.

Axis communis.

XII. Quæ à nervo communi in connectentem extrema nervorum opticorum normaliter incidit, recta linea axis communis vocatur; ut in præced. figura D.G vocatur etiam axis medius.

Radius Communis.

XIII. Radius communis dicitur ea linea recta, quæ ab axium opticorum concursu educta in connectentem centra visuum eandem bifariam secat: uti in præced. figura est C H sive rectis sive limis oculis objectum videatur.

Differentia inter axem communem & radium communem

Nota hic discrimen inter axem communem & radium communem: nam axis communis semper normaliter dividit connectentem extrema nervorum, unde stabilis est, unumque duntaxat situm habet, à quo si dimoveatur, perdit rationem axis communis. Radius porro communis neglecta angulorum æqualitate hoc solum requirit, ut connectentem centra visuum in partes inæquales secet: unde situs variationem admittit; quocunque enim aspectus dirigatur, eodem & ipse medium aspectum definiturus subsequitur nullo habito angulorum respectu. Quod si tamen oculi directè in rem propositam intendantur, ita ut axes optici utrinque sint æquales, etiam radius communis tunc angulos rectos ad connectentem centra visuum æquales facit, quo casu etiam cum axe communi coincidit: secus autem fit, si oculi in obliquum torquentur: tum enim, quia axes optici sunt inæquales, etiam anguli ad connectentem centra visuum per radii communis sectionem fiunt inæquales, nec radius communis cum axe communi coincidit.

Hypotheses.

## HYPOTHESES.

I. Visio fit per modum picturæ in retina oculi: uti præced. cap. fusè demonstratum.

II. Id omne & solum videri potest, à quo ad oculum radiosus conus, vel optica pyramis extendi potest.

III. Operationes naturæ circa perpendicularem sunt fortiores; tantò autem debiliores, quantò magis ab eadem recedunt.


## PROPOSITIONES.

### PROPOSITIO I.

*Visio per simplex medium fit lineis rectis, & quæ per diversa media trajicitur infringitur.* Ratio prioris est, quia ipsæ species rerum visibilium rectis ad oculum lineis propagantur. Ratio verò posterioris, quia species tunc fractis lineis in obtutum appellant, quod utrumque superius sufficienter in exposito phænomeno declaratum est.

### PROPOSITIO II.

*Quidquid oculus videt, sub aliquo angulo comprehendit.* Ratio est, quia cum species objecti in cono duplicis modum profunduntur in oculum, cujus utriusque cono vertex est in oculo, recti quidem versus objectum inversi verò retinam versus, necessario angulos in oculo constitui manifestum est; ac quia anguli isti ambo æquales per 15. prim. Elem. Eucl. sub quacunque dicas visione fieri, perinde est: ita objectum A B dicitur videri sub angulo A E B vel C E D, & objectum F G sub angulo F H G, vel I H K.



PROPO.




## PROPOSITIO III.

*Objectum tantum apparet sub quanto angulo comprehenditur.* Vnde quæ sub angulo majori, apparent majora, quæ sub minori, minora, quæ sub æquali, æqualia. Nam quia juxta Hypoth. Visio fit per modum picturæ in retina, & objectum in oculo apparet tantum, quanta ipsius picturæ in retina existit: illa verò pictura est basis conii inversi in oculo, quæ certum angulum subtendit, unde etiam sub certo angulo comprehenditur: est autem illi angulo æqualis angulus conii recti per 15. prim. Elem. Eucl. sub quo ipsum objectum comprehenditur: ergo etiam quanto angulo objectum comprehenditur, sub eodem etiam pictura in retinam projicitur. Tantum ergo objectum in pictura comparet, sub quanto angulo objectum comprehenditur, quod erat demonstrandum. Si igitur aliquid compareat in oculo majus aliqua magnitudine, etiam angulus sub quo videtur, erit major illius magnitudinis angulo sub quo comprehenditur. Et si aliquod objectum appareat in oculo minus alio quodam objecto, etiam illius angulus visorius minor erit in oculo alterius objecti angulo visorio. Item si aliquid alteri appareat æquale, anguli etiam, sub quibus ambò videntur, æquales erunt: sic in schemate præcedente objectum A B apparet, majus F G: nam pictura C D, tantò major est I K, quanto angulus C E D. major est, angulo I H K. & contra similiter ostenditur F G minus apparere ipsa A B, ob angulum I H K. minorem angulo C E D. Denique A B & L M apparent æqualia, quia ipsorum pictura C D æqualis sub æquali angulo C E D comprehenditur.

## Corollarium I.

Hinc patet eandem rem nunc majorem nunc minorem apparere posse, pro-  
ut magis aut minus ab oculo collocatur; nam angulus sub quo videtur, mutatur,  
ac modo minor, modo major evadit, pro minori vel majori distantia, ut apparet  
in figura: sic idem objectum A B positum distantia C apparet majus, quia sub  
majori angulo F E G ejus imago major F G in retina depingitur: Idem quoq;  
objectum A B positum loco remotiori D, apparet minus, quia sub minori angulo  
H E I ejus forma H I representatur.

Eadem res  
nunc ma-  
jor nunc  
minor ap-  
parere po-  
test; prout  
distat ab o-  
culo.



## Corollarium II.

Hinc etiam æquales magnitudines inæqualiter distantes apparent inæ-  
quales, semperque illa apparet major, quæ oculo vicinior; uti in præcedenti  
figura A C B major videtur, quam A D B.


Æquales  
magnitu-  
dines inæ-  
qualiter  
distantes  
quomodo  
appareant

## Corollarium III.

Hinc item patet, quod visibile obliquatum à visu minus appareat, se ipso  
perpendiculariter erecto, nam tunc sub angulo minori videtur, quam si ere-  
ctum sit; ut hic patet in figura, nam planum A B obliquatum apparet in oculo  
sub angulo F G D minori, quam erectum A C, quod sub angulo F H E  
in oculo videtur.

Corol-





## Corollarium IV.

Funda-  
mentum  
artis pi-  
ctoriæ.

Ex hoc quoque patet totius artis pictoriæ fundamentum, quo res Schenographicè ad naturæ exemplar artificio non admodum difficili in planum projiciunt pictores: id enim quod in oculo contingere solet in tabulas suas transferunt: nam remota aut minora objecta angulo minori includunt, propinquiora aut majora majori; inæqualia angulis inæqualibus, sicut æqualia sub æqualibus angulis comprehendunt, omnium autem magnitudines ad certum punctum opticum in linea quadam Horizonti colligunt, ibidemque suis quælibet angulis dimetiuntur; sicque per radios orthopticos, anopticos catopticos, & Loxopticos in tabulis naturalissimè, & quàm scitissimè repræsentant.

## Corollarium V.

Quare per  
telescopia  
objecta vi-  
deantur  
majora &  
propinqui-  
ora.

Hinc etiam datur ratio, quare per Telescopia debitè applicata objecta remota appareant propinquiora & majora, quam sine his; quia scilicet per refractionem radiorum ope lentium vitrearum angulus in oculo fit major, magisque dilatatur, quàm si objecta sine his aspiciantur. Item cur si Telescopia invertantur objecta per ea minora & remotiora videantur; quia nempe angulus visorius in oculo minuitur, & pictura in fundo oculi minuitur, & pictura in fundo oculi contrahitur. Iterum quare si oculus per lentem convexam aspiciat objecta, illa majora appareant, & si per concavam, appareant minora; nam per convexam lentem radii colliguntur, undè angulus visorius magis dilatatur, & divaricatur, fitque major; e contra per lentem concavam radii disperguntur, & angulus in oculo fit minor, &c.

## PROPOSITIO IV.

Objectum  
quomodo  
appareat.

*Objectum quodcunque illis apparet radius, quibus ipsius simulachrum ad retinam porrigitur, & in illis locis, ad quæ visiva potentia per radios receptos deducitur. Constat experientiâ, & ratio videtur esse, quia potentia visiva nihil extra organum suum operatur, sed passivè se habet & prout afficitur, aut informatur à radiis, ita actum videndi prolicit: unde sicut recipit radios, & per quos recipit simulachra, ita illos & hæc sentit. Item in illis locis objectum apprehendit esse, in quibus illud radii trajecti in picturâ designant. Quod etiam confirmat Keplerus in sua dioptr. num. 19. his verbis. Locus rei æstimatur ex plaga, in quam visorius radius ex oculo primum exit, quidquid jam in medio itinere inter rem & oculum in hac plagâ per refractionem & reflexionem radii mutetur; quia nequit oculus percipere, quid radius per occursum mediorum extra se accadat, sed putat pergere in eandem semper plagam uti cæperant. Ita ille: Undè sequitur, quia radii visorii in oculo decussantur, & tota pictura per radios expressa inversa repræsentatur in fundo retinæ, quod ea quæ retina accipit infernè, judicet exteriùs esse superna, & quæ contra superne recipit, inferna esse extra oculum: Item quæ in sinistimâ parte picturæ præsentantur, exteriùs judicet ad dextram, & contra quæ in dextima compa-*  
rent,



rent, apprehendat esse foris ad sinistram; nam per radios ita retinæ impressos visiva potentia etiam sic per lineas rectas eadem scilicet via, qua radii ingressi sunt, in objecti cognitionem deducitur.

### Corollarium I.

Hinc patet ratio, quare stantibus ad ripas fluminum, stagnorum, fontium aliarumque aquarum objecta ex altera parte, velut arbores, domus, homines & alia quævis inversa cernantur infra aquam. Item quare specula plana vel convexa superne suspensa versus objecta, aut infra oculum in planis reclinatis subjecta res oppositas repræsentent inversas; ac etiam si erigantur & ad latus declinent, cur dextra exhibeant sinistra & sinistra contra referant dextra. Similiter, quare per vitra convexa in certis distantis oculis obtenta; & tubi quidam etiam pluribus vitris convexis instructi objecta repræsentent situ planè everso & contrario. Ratio inquam horum est, quia radii, qui imagines objectorum in oculum important, ex planis illis specularibus aut vitris per reflexionem aut refractionem immutantur & in contrarias partes decutiuntur: unde quia jam alia via, ac deberent, oculum subintrant, imaginesque aliis locis contrariis collocant in retina: potentia visiva prout illos recipit, ita apprehendit extra existere, & secundum modum illum, quo in retinam incidunt, ad actum videndi rerumque visarum locos apprehendendos determinatur.

### Corollarium II.

Sequitur etiam hinc apprehensionem rei visæ in oculo fieri non in indivisibili puncto radii formaliter visorii, sed in aliquanta ipsius particula. Punctum enim indivisibile insufficiens est ut viam illapsi radii visorii designet, potentiamque visivam ita dirigat in locum rei visæ apprehendendum, cum sit indifferens ad radios quacumque illapsos repræsentandos: necessario igitur plura puncta requiruntur, adeoque apprehensio illa in aliquanta particula fieri debet.

Apprehensio rei visæ non fit in oculo in indivisibili puncto radii formaliter visorii.

### PROPOSITIO V.

*Visus suapte natura in infinitum extenditur.* Nam quia visio fit per receptionem radiorum, organum ipsius non minus aptum est ad suspiciendum radios è longinquo trajectos, quam è propinquo: nec cum specie visibili obsignatum fuerit sensiterium, animus priusquam in actionem erumpat, actumque videndi proferat, disquirat, unde res præsentatæ venerint? propène an longè distitæ sint? omnium enim, quacumque distantia appulerint, formas æquè recipit; nec ullis distantia finibus visus circumscribitur, sed quia, quid extra organum fiat, non attendit, suapte natura in infinitum protenditur.


Visus in infinitum extenditur

### PROPOSITIO VI.

*Id solum punctum in quod axes optici conveniunt, cæteris omnibus clarius & distinctius videri potest.* Ratio est, quia juxta hypot. 3. supra, cum operatio naturæ circa perpendicularem semper sit fortior (in omnibus operationibus naturalibus videre licet, quæ tantò semper efficaciores sunt, quantò per lineam perpendicularem in subjectas materias propius diriguntur; in ipsa verò perpendiculari semper efficacissimæ sunt) ita visum res illæ efficacius movent, quæ per axem opticum, (hoc est lineam illam superficiem visus orthogonalem) oculum subeunt, & centra omnia irrefractè pervadunt. At quia id punctum solum, in quod axes optici conveniunt, tale est, ut radiatio ipsius perpendicularibus lineis in obtutum feratur, itaque omnia centra irrefractè pertranseat: igitur hoc punctum cæteris omnibus aliis clarius & distinctius videri debet; cætera verò quæ circumstant, quò sunt ab illo puncto remotiora, eò consequenter obscurius eadem visione percipi debent, quod illorum species obliquioribus radiis in visum irrepant. Distincta igitur visio, illa solummodo dici poterit, qua cernitur id, quod oculo directè sive normaliter opponitur: confusa verò, qua id, quod obliquè in visum illabatur. Sic punctum B distinctius videtur ipsis A & C, nam axes optici in illo conveniunt, ut patet in figura.

Res illæ visum efficacius movent, quæ per axem radiant in oculum.





## Corollarium I.

Corolla-  
ria

Sequitur hinc 1. acies oculorum in unum duntaxat punctum defigi posse, quod distinctè cernatur; cætera autem minùs distinctè.

## Corollarium II.

Cur inte-  
gra pictu-  
ra uno in-  
tuitu di-  
stinctè cer-  
ni non  
possit.

Sequitur 2. plura simul æquè perspicue & clarè videri non posse. Unde pa-  
tet ratio, quare dum picturam in tabula aut scripturam in charta conspiciamus,  
uno intuitu singula distinguere & distinctè videre nequeamus, sed opus sit oculos ad  
singula puncta successivè convertere, ut omnia in tabula distinctè lustrare & literas  
singulas legere in charta possimus. Ratio est, nam cum acies oculorum in unum  
duntaxat punctum defigi possit, quod distinctè cernatur, sitque illud punctum,  
quod normaliter visui oppositum, & in quod axes optici conveniunt ita æque  
in sola pictura aut sola scriptura non nisi certa pars distinctè potest videri, illa scili-  
cet, quæ oculis directe opposita, & in quam axes optici conveniunt, ut igitur  
& reliquas picturæ partes in tabula, aut literas singulas in charta distinguere queat,  
necessario situm oculi mutare debent, itaque picturæ vel scripturæ obverti, ut axes  
optici in reliquas illas partes vel literas concurrant: sicque tota pictura vel scriptu-  
ra successivè distinguatur & colligatur.

## PROPOSITIO VII.

Secundum omnes radios opticos fit rerum comprehensio certissima quidem per axes,  
per



*per ceteros verò tantò certior quantò axi propinquiores.* Ratio est: nam tantò certior est visio, quantò fortior & efficacior atque ad rei visæ eundem locum tam verum quam visum certius deducitur atque per directiores radios hoc fit, & soli axes optici hoc omnibus accuratius præstant qui directe visum in objectum deducunt, fortiores etiam & efficaciores sunt; ergo per hos certissima objecti comprehensio fieri debet: reliqui verò radii omnes quia obliquè oculum ingrediuntur & in ipso franguntur, debilius repræsentant & in aliena loca visum deducunt; & quidem quantò remotiores sunt ab axibus, tantò obliquius oculum subintrant, & tantò magis franguntur, adeoque minus efficaces & certi existunt. Vnde etiam secundum solos axes opticos & radios iis propiores jaculatores & artifices collineare, Geometræ terrestria, & Astronomi cœlestia mensurare solent.

Certissima  
objecti  
compre-  
hensio un-  
de fiat.

## PROPOSITIO VIII.

*Efficacior & clarior est visio ab utroque oculo, dum in rem unam conspirant, quàm ab alterutro tantum.* Ratio est: nam qualis causa, talis effectus omnis enim effectus suæ causæ proportionem quâdam respondet, ita ut major effectus à majori causâ producat. Quia deinde duæ causæ simul junctæ, quarum quilibet sufficiens est ad effectum aliquem producendum, unam potentiorē & efficaciorē exæquant; fit etiam, ut duæ illæ junctæ plus possint majoremque queant effectum producere, quia majorem causam constituunt, quàm alterutra tantum sola. Sic duæ lucernæ, quarum quælibet sola per se lumen emittit, plus illuminant; duæ potentia majus pondus elevant, quàm una sola; duo ignes magis calefaciunt, quàm alter eorum solus. Ita pari modo, quia cuiusvis oculo propria cernendi facultas in est qua objectum potest perspicere: si duæ illæ facultates jungantur & ad eandem rem contuendam dirigantur (quod fit, si duæ oculorum virtutes in eandem visionem ejusdem rei conspirent) haud dubiè efficaciores erunt adeoque rem illam perspicacius & perfectius videre poterunt. Quare ab utroque oculo perspicacior intuitus provenit, quàm ab alterutro tantum; unde fortè natum est, quod communifertur paræmiâ: *Plus vident duo oculi, quàm unus.*


Visio ab  
utroque  
oculo effi-  
cior quàm  
ab uno  
solo.

Confirmatur ex *Aquilonio* experimento, quòd facile quivis observare potest: si quis minutos characteres aut etiam majores eminus, nunc altero, nunc utroque oculo diligentius intueatur, comperiet ex intervallo aliquo legi quidem illos utroque oculo satis commodè posse, altero autem tantum non modò non legi, sed nec vix quidem internosci. Quomodo verò ea, quæ ex Aristotele & Galeno contra hæc opponi possunt, solvenda sint, consule *Aquilon. in opticiis lib. 1. prop. 76.*

Experi-  
mentum.

## PROPOSITIO IX.

*Visibile quod uno tantum oculo spectatur, cum in id oclusi etiam alterius oculi acies tacitè dirigitur, acutius videtur, quàm in diversa contendunt.* Hoc est, sint oculi A & B, visibile objectum C: dico, si uterque oculus dirigatur ad videndum C, etsi alter nempe B sit tectus, acutior erit visio, quàm si uno ex. gr. A in C altero



occluso



visus re-  
quirit ani-  
mi præsen-  
tiam.

occluso B in D ex. grat. deflexo. Ac tantò etiam obscurius videbitur punctum C, quantò longius ab eo oculi B licet recti acies abscedit. Rationem dat Aquil-  
nius Optic. lib. 1. prop. 77. Quod eò semper feratur animus, quò & acies ocu-  
lorum diriguntur. Externus siquidem visus, nisi animus præsens adsit, nullam  
perfectam visionem elicit: itaque insita vi naturæ ac velut sympathia quadam  
occultiore interna facultas externam perpetuò comitatur, non quidem ad id o-  
mne percipiendum, quod quovis oculi radio indiscriminatim attingitur, sed ad  
id tantum in quod amborum luminum jugati axes convertuntur. Hic enim per-  
fecta fit visio. Cum igitur extra hunc concursum radiorum jugatosque axes res  
omnes minus perspicuè cernantur, consequens est, ut ab utrovis etiam oculo si-  
gillatim id perfectius cernatur, in quod alterius simul oculi fortissimus mucro in-  
tenditur, licet oculus ipse obductus sit atque aspectu propositi objecti prohibitus.  
*Ita Aquilonius.*

## PROPOSITIO X.

*Visibile quod ab uno tantum oculo spectatur, cum alterius aequè aperti prospectus ob-  
ducto solum velo aut quovis opaco interposito prohibetur, perspicacius videtur, quam cum  
alter musculorum officio spontè contrahitur & occluditur.* Constat experienciâ, & ra-  
tio ferè similis est ei, quæ præcedente propositione est data. Nam inter ambos o-  
culos cum maxima convenientia & occultior quædam sympathia sit, atque ambo-  
rum nervorum optitorum à quibus oculi dependent, magna admodum propin-  
quitas, imò in loco nervi communis ambo concurrant, faciliè contingit, ut dum unus  
musculorum officio contrahitur & spontè occluditur, etiam alter à naturali quoque  
situ suo distrahatur; & minùs ad videndum aptus reddatur: quod non contingit, dum  
alter solum obducto velo aut manu obtentâ tegitur; tunc enim in statu optimè ad vi-  
dendū apto disponitur, nec ullatenus præpeditur. Unde suadendum iis qui simplici-  
bus tubis aut telescopiis ad unum solū oculū applicandis uti solent, ut, dum telescopiū  
oculo apponunt, sicq; uno aliquo oculo in longinqua prospectum formant, alterum  
oculum non sponte musculorum ope contrahant, & occludant, sed apertum relin-  
quant; manu verò tantummodò tegant aut obvelent: sicquè multò perspicaciùs vi-  
dere poterunt.

## PROPOSITIO XI.

Animi in-  
tentio ac  
imagina-  
tio ad visi-  
onem re-  
quiruntur.

*Ad visionem requiritur animum simul aut imaginationem intendere, quò visus dirigi-  
tur.* Hoc est, ut objectum aliquod visibile debite cernatur, non tantum sufficit o-  
culum & visum ad illud dirigere, sed ut benè & perspicaciter videatur, debet una  
simul ad illud videndum animus intendere, seu imaginatio disponi. Ratio est: nam  
quia organum visoriū aliter disponendū est pro objectis remotis, aliter pro vicinis, ali-  
ter pro mediocriter distitis; & non sufficit quævis organi dispositio ad species quacunq;  
allapsas in fundo retinæ aptè colligendas pro visione quavis formanda, unde Retina  
modò adduci, modò abduci: item pupilla modò dilatari, modò astringi debet, ad quod  
animi intentio aut imaginationis dispositio necessariò requiritur. Nam si objectum  
longius distitum cernere velit animus, Retinam propius humori crystallino debet  
adducere: si objectum vicinum videre velit, retinam opus habet retrahere & longius  
abducere. Hinc etiam ratio patet, quare dum speculamur & seriis aliis internè occu-  
pamur, oculis licet apertis, nihil tamen distinctè videamus: nam dum animus inte-  
rius avocatur, ut seriis aliis speculationibus vacet, Retinam interea una abducit, ac  
profundius ad cavum oculi retrahit, quo tunc species necessariò non nisi confusæ  
allabi possunt, nec aliquid distinctè percipi potest. Item hinc & ratio evincitur, quare  
imperitiores quidam, dum telescopia oculis apponunt, nihil sæpè aut omnia confusè  
cernant: nam quia vel tantum oculis tubos applicant, nihil verò de animi intentione  
in longinqua disponenda sunt solliciti; aut visum cum imaginatione ad ipsa vitra so-  
lū disponunt, quasi objectum illic tanquam in tabula depictum, itaque propinquum  
videre velint; hinc aut nihil, aut omnia confusè percipiunt. Vnde etiam sæpè Tele-  
scopia optima nullius valoris arguunt. Quod si una cum visu & animum aut imagina-  
tionem in longinqua formarent, aliter sentire & omnia perspicaciùs videre possent.  
Quod etiam advertit Cartesius in suâ Diopt. cap. 9. num. 7. dum tria potissimum in  
perspicillorum usu cum primis observanda commendat. Nam ad utendum probè  
perspi

Cur aliqui  
per Tele-  
scopia mi-  
nus benè  
videant.




perspicillis aut telescopiis, præstare ait, alterum oculum velo aliquo obscuro tegere, Triain usu  
quam cum musculorum ope claudere. Utile quoque esse, visus sui aciem antea Telescopi-  
debilitare, in loco valde obscuro se continendo, atque etiam imaginationem di- orum ob-  
spositam habere quasi ad res valde remotas & obscuras intuendum. servanda.

## PROPOSITIO XII.

*Tota variatio visus acuti spatium inter parallelas per centra visus utrinque ductas, & perpendicularares nervis opticis orthogonaliter insistentes comprehenditur.*

Hoc est. Sint centra visus utrinque A & B, atque per A ad G utcumque item per B ad H ducantur parallelæ AG & BH. Deinde ducantur etiam ad nervos opticos ED protractos in a & EC in b, perpendicularares FBa & FA b. Dico quidquid distinctè & acutè ab utroque oculo videtur in quacunque distantia positum, debet existere inter parallelas AG & BH, ac trans perpendicularares FA b & FBa, sive contineri intra spatium GAFBA. Idem est, si dicatur visus acumen inter perpendicularares, per centra oculorum ductas & constitutas ad connectentem extrema nervorum utrinque protractam, & inter perpendicularares nervis opticis protractis insistentes contineri, ut apparet in figura, si GA in d protrahatur, & HB in c, insistantque orthogonaliter ad connectentem extrema nervorum CD utrinque protractam in d & c. Ac perpendicularares FA b ipsi EC b, & FBa ipsi ED a insistent ad angulos rectos, ut in figura patet.




Visus acumen quo spatium cōcludatur,

Ratio est. Nam ut aliquid distinctè & benè videatur, per prop. 6. hujus debent axes oculorum concursu mutuo illud contingere: non possunt autem axes optici concurrere nisi intra hoc spatium: nam si in parallelas inciderent, omnino nunquam concurrerent, ut patet ex definit. 34. primi Euclid. & multò minus, si extra dictas parallelas progredierentur axes. Unde etiam non possunt divaricari axes, ut fiant paralleli, sicut constat ex opticis Aquilonii lib. 2. prop. 20. ut igitur aliquid distinctè videri possit, debet intra dictas parallelas esse constitutum. Deinde quoad alterum; non possunt acies oculorum terminari, quam ubi cum nervis opticis angulos rectos constituunt, quod ex Aquilon. optic. lib. 2. prop. 21. sic demonstratur.

Sint AB & AC nervi optici à comuni principio A derivati, qui sphaeras oculorum contingant in B & C. Ex B autè & C orthogonales axes educantur BD & CD, qui per centra oculorum transeant. Dico, posse quidem in D obtutum terminari, quod huc usque nervi optici rectà & citra ullam vim ad oculorum sphaeras extenduntur: siquidem per 16. Tertii Euclid. extra convexitatem oculorum cadunt.

Non posse autem propinquius visum terminari ita probatur. Adducantur, si fieri potest, oculi, ita visus propius terminetur, velut in E. Cum EB & EC axes necessariò per centra oculorum transeant oportebit nervos opticos inflecti: est enim per 16. Tertii Eucl. semicirculi angulus quovis acuto rectilineo major. Igitur semicirculi angulus qui major est acuto illo ABE, capi non poterit. Quare necesse erit, ut nervi optici circa oculorum convexitates torqueantur, & in curvas lineas BFA & CGA flectantur; quod fieri non posse certissima testatur experientia. Ut igitur aliquid distinctè possit cerni, debet





debet intra parallelas per centra visus ductas ac perpendiculares nervis opticis orthogonaliter insistentes existere, sive rectis aut limis oculis inspiciatur.

## PROPOSITIO XIII.

*Oculi magis collustrati minus vident, & quanto in tenebricosiori loco constituti sunt, tanto perfectius & melius vident.* -- Ratio est: nam quāto magis oculi collustrantur, tantō lux incidēs in superficies oculorum species in ingressu magis diluit, imperfectum etiam lumen tunc perfectō lumini species inferenti commixtum illud magis confundit suffocatque, unde non nisi obscuras admodum & inordinatas objectorum formas importari necesse est. Quāto autem in tenebricosiori, loco constituuntur, imperfectum lumen, quod perfectō lumini species deferenti maximē solet officere, tantō amplius excluditur, & in proximo obscurato medio retunditur, unde species à noxio illo comite liberiores, imagines etiam puriores debito retinæ loco deponere & exprimere queunt. Hinc fit, ut lucernam gestantes accuratius videant res obvias, si manum lumini opponant, ac ne in oculos lux illabatur, manus interjectu præpediant. Sic etsi solem versus obtutum dirigimus, ne radii solares vehementius feriant oculos, manum iis obtendimus, ut ex umbroso prospectum perspicacius proferamus. Inde est quod oculi, quo profundiores, eò videant acutius & qui emissitios prominulosque nacti sunt, hebetiorem visum habeant. Hinc etiam in profundissimis pureis stellæ interdiu conspici possunt, quæ in medio illustriori omnino disparent, Vide supra Syntag. 2. cap. 15. quæst. II.

## PROPOSITIO XIV.

*Objectum visibile directâ visione non nisi sub certis conditionibus à potentia visiva percipitur.* -- Constat experientia, & sunt conditiones sequentes.

Conditio-  
nes objecti  
visibilis ut  
possit vi-  
deri.

I. Ut sit illuminatum. Hinc in tenebris nihil videmus: lux enim avocat species & transfert, est colorum anima & forma, ut penè nihil sit aliud.

II. Ut sit impervium sive opacum saltem aliquantulum. Hinc si diaphana quædam videantur, non secundum quod diaphana sunt videntur, sed secundum portunculam aliquam opacitatis admixtam, quæ ad oculum formas sive species profundit.

III. Ut sit visui oppositum. Ratio est, quia species visibiles ad sensorium deferuntur lineis rectis; non potest autem objectum nisi oppositum rectis lineis species transmittere.

IV. Ut inter objectum & visum sit medium diaphanum; nam species ab objecto per opacum medium non permeant.

V. Ut visibile objectum iusta magnitudine diductum atque expansum sit. Nam quando nimis parvum est objectum facit angulum visorium nimis acutum, qui minimè ad sensationem aptus est.

VI. Ut in debita distantia sit positum. Si enim nimis propinquum sit, basis communis specierum ultra retinā nimium protenditur, unde visionem turbidam fieri necesse est, cum species diversas adhuc permixtas accipiat. Si nimis diffitum; eadem basis propius ante retinam collocatur, quam ut illam Retina possit assequi; unde rursus confusa fit visio quia species post communem concursum iterum digressas & denuo inter se commixtas acquirit.

VII. Ut visibile ostendatur in tempore. Unde si repente ante oculos res deferatur, non videtur distinctè & perfectè, exigitur enim tempus sensibile, in quo fiat iudicium visus.

## CAPUT VII.

*Quomodo sensibilia communia visus percipiat.*

Quæ sint objecta sensibilia communia initio syntag. præced. præfati sumus. Jam breviter ea, quomodo in organo visorio à facultate visiva percipiantur, relictat explicandum.

Scoti sen-  
tentia de  
sensibili-  
um com-  
munium  
perceptio-  
ne.

Varie licet sententiæ sint circa modum, quo sensibilia communia sentiuntur, reliquis tamen neglectis duæ cum primis celebriores sunt, quarum prior est Scoti in 4. d. 12. q. 3. & suorum, qui docent sensibilia communia propriam sui similitudinem diversam à propriorum sensibilibus specie in sensibus producere. Rationes &

argu-



argumenta eorum adducunt Conimbricenses in 2. lib. Arist. de anima cap. 4. quæst. 5. art. 1. quæ etiam art. 2. diluunt & solvunt. Altera verò sententia communior est, quam & tenet D. Thomas 1. p. q. 78. art. 3. cum suis, communiterque ab Opticis & Philosophicis tenetur; qua asseritur sensibilia communi peculiares species non injicere sensibus: nulla enim est necessitas tales species astruendi, cum objecta propria per se sufficiant ad sese hoc vel illo loco aut situ, in hac vel illa distantia, figura aut magnitudine repræsentanda, ex solo modo, quo in sensorium per proprias species appellant, uti mox videbimus; unde ejusmodi specierum multitudo omnino gratis asseritur, atque plane fictitia putari debet. Deinde cum per se sola sensibilia ista communia nunquam repræsentari queant (quis enim vidit unquam locum, distantiam, situm, figuram aut magnitudinem per se) sed una cum colorum lucisque speciebus in organum semper deferantur, nec ulla causa propria iis competat, quæ actinoboliam talem proferre, vimquæ istam se quaquaversus propagandi continere videatur; non potest bene asseri, sensibilia ista communia etiam proprias species, quibus formaliter sentiantur, sensiterio, ut loquuntur, inurere. Unde potius sentiendum, nullum sensibile communi sui similitudinem propriam in organum visorium transmittere, quæ formaliter ab anima sentiatur, sed ex certo modo, quo facultas sensitiva percipit objectum proprium, etiam simul advertere esse illud in hoc vel illo situ aut loco, in hac vel illa figura, distantia, magnitudine &c. Quomodo autem hoc contingat, speciatim paucis explicabimus. A situ itaque, seu loco ordimur.

Dico igitur 1. Rerum visibilium situm locumque sine ullis propriis speciebus intentionalibus, per solum verò impulsus ex certa regione & loco, supero vel infero, dextro vel sinistro, anteriori vel posteriori, quo radii visibilium propriorum objectorum versus retinam procurrunt, à sensitiva facultate in organo visorio percipi. Cum enim per prop. 4. cap. præced. objectum quodcumque illis appareat radiis, quibus ipsius simulacrum ad retinam porrigitur, & in illis locis, ad quæ visiva potentia per radios receptos deducitur; si impulsus radiorum ab aliqua parte vel regione venientem percipiat, sufficienter hoc ipso instruitur objectum ipsum hoc vel illo loco, talique situ esse constitutum: unde sine aliis speciebus, sed ex ipso solum modo radiorum impulsus, quo retinam afficiunt, ipse situs & locus rerum una simul percipitur. Atque hinc etiam patet, res visibiles per impulsus illum radiorum ex certa regione venientium erectas necessario percipi, quamvis teste ratione & autopsia eversæ in oculis nostris earum imagines depingantur, ut cap. 5. hujus num. 2. ostensum. Res enim illic videntur esse, quo radii formaliter visorii easdem portendunt: qui cum visione libera ordinaria redeant ad ipsa loca rerum visarum, sit ut res inde non everso, sed vero erectoque situ & loco videantur.

Dico 2. Distantiam rerum visibilium anima cognoscit ex varia imprimis oculorum figuratione, tum etiam ex modo, quo rerum spectabilium radiatio & immixtarum imaginum pictura in oculis exprimitur. Nam oculi prout ipsa foris objecta distant, aliter disponuntur; in longinquis enim rebus videndis dilatantur pupillæ & humores crystallini moventur versus retinam, oculique globosiores redduntur. In propinquis verò arctantur pupillæ, lentes crystallini humoris procedunt versus anteriora, & oculi in longitudinem producuntur. Deinde imagines rerum visibilium projectæ à minori angulo comprehenduntur, dum objecta remota repræsentantur; in propinquis verò exhibitis angulus visorius major existit, ut patet ex coroll. 1. & 2. prop. 3. cap. præced. Præterea cognoscitur distantia ex distincta vel confusa repræsentatione, nec non ex fortitudine vel imbecillitate luminis, unde tota radiorum longitudo aliquo modo innotescit. Quæ enim confuse vel imbecilli lumine illustrata percipiuntur, longinqua: quæ vero distincte & forti lumine perfusa sentiuntur, propinqua videntur. Unde etiam pictores, dum res propinquant & procul distantes ita tabulis repræsentare volunt, eas sub minori forma & neglectiore partium distinctione solent exprimere. Vide Coroll. 4. & 5. ejusdem prop. 3. cit.

Dico



Quantitas  
& magni-  
tudo quo-  
modo per-  
cipiatur.

Dico 3. Quantitas & magnitudo rerum visibilium cognoscitur potissimum ex angulo visorio, sub quo objecta per radios trajectos representata ab oculo comprehenduntur, ut patet ex Prop. 3. cap. præced. ita tamen, ut una simul ipsius distantiae iudicium formetur. Nam quoniam remotorum æquè ac propinquorum objectorum sub æquali sæpè angulo apparitio comprehenditur, unde exquisitè satis ipsa magnitudo cognosci haud poterit; hinc unà simul distantiae ratio perpenditur: ut si distantia cognoscatur esse magna, & angulus visionis sit parvus, res objecta longius distans iudicatur esse magna; sin distantia sciatur esse parva, & angulus visionis licet sit magnus, objectum tamen respectu prioris iudicatur esse parvum. Et si distantia objecti longius distiti omninò sit incognita: nihil certi de ejus magnitudine decernit animus. Hinc fortè etiam ratio est, quare ignea ac valde lucida corpora remota appareant justo majora. Nam quia propter exquisitius lumen, quod ejaculantur, ipsorum distantia simul cum angulo visorio non probè innotescit, sed ob luminis fortitudinem propinquius iudicatur, etiam sub eodem angulo majus existimatur.

Cur ignea  
& valdè  
lucida re-  
mota ap-  
pareant  
justo ma-  
jora.

Figura ut  
videatur.

Dico 4. Nec figura per proprias species trajectas formaliter sentitur, sed æstimatur potissimum ex opinione situs diversarum partium corporis objecti. Dixi, ex opinione situs; quia hujus perceptione melius in objectum foris existens debite sub hac aut illà figurâ apprehendendum anima instruitur, quam ex imaginum in fundo oculi pictarum cum objecto similitudine: illæ enim plerumque sunt ellipticæ, & quadratæ oblongæ, cum nobis etiam circulos & æquilatera quadrata videnda exhibent.

Numerus  
quomodo  
percipia-  
tur.

Dico 5. Numerus rerum visibilium percipitur non tantum ex una vel pluribus imaginibus per radiorum impultum ab objecto uno vel pluribus in oculum venientibus; sed etiam ex partium cerebri, unde nervi visorii originem ducunt, ab objectis motarum tali positione, quâ animâ ad certum locum, eumque vel unum vel plures attendere solebat. Atque ideo ubi per vim alteruter oculorum cum annexâ cerebri parte à justo cum altero parallelismo per pressionem ex gr. digiti admoti deturbatur, omnia gemina apparent: cum verò neuter duorum nostrorum oculorum per vim à naturali situ detorquetur, licet geminæ in fundis utriusque oculi pingantur unius objecti imagines, res tamen simplex & foris loco suo sita percipitur. Item potest res una vel utrique oculo aperto, aut uni tantum gemina, aut etiam multiplicior videri. Si utrique ita quidem, ut uni oculo res simplex, duobus tamen duplex conspiciatur; tunc tota ratio in distortum oculorum situm rejicienda videtur. Quando autem uno oculorum clauso res una nihilominus multiplex apparet; causa universalis (ait Scheinerus in oculo lib. 3. part. 2. cap. 17.) videtur esse hæc, quia pyramidum à re visibili in oculum prolapsarum communis concursus Retinam vel omnino non assequitur, vel multum transcendit, & sic imaginum divisio, objectique infundo Retinæ multiplicata positio contingit.

Motus &  
quies  
quomodo  
videatur.

Dico 6. Motus & quies oculis videntur, dum imagines rerum visibilium in Retinâ representantæ, & in cerebrum delatæ vel moventur vel quiescunt, ut autem anima sentiat istas imagines commoveri aut quiescere, percipit hoc ex compositione speciei motæ ad aliam, respectu cujus mutat situm, vel ad alium Retinæ locum, ex quo per spiritus ejus imago in cerebrum defertur. Unde non comprehenditur motus, nisi quando comprehenditur species in duobus locis & sitibus diversis representari, & quidem situs iste (quod amplius) non percipitur nisi fiat in tempore. Unde quoque ad motum percipiendum sensibile tempus requiritur. Quies verò comprehenditur à facultate visivâ ex comprehensione speciei in eodem Retinæ loco, & eodem situ tempore sensibili. Hinc apparet ratio, quare sæpè res celerrimè motæ putentur quiescere, sicut fax accensa in orbem celerrimè commota, continuus igneus circulus æstimatur, cum certum sit, faciem istam simul & semel in omnibus locis per gyrum esse non posse, adeoque circulum istum haud quaquam à parte rei existere, Nam quia motus iste tempori visibili

Quare res  
celerrimè  
motæ pu-  
tentur  
quiescere.

non



non est commensuratus, sed isto multò celerior, ita ut quo tempore speciem motam organo impressam ad certa & unica loca, situmquè retinæ comprehendere & dijudicare anima deberet, ipse rem omnibus locis per gyrum exhibeat; necessario igitur talis circulus ei compareret, cum eodem tempore visibili in iisdem locis rem exhibitam apprehendat.

Ex dictis hætenus concludo universaliter, sensibilia communia, quæ hoc capite explicata sunt, per proprias species distinctas à propriorum objectorum visibilia speciebus in organo visorio non præsentari, sed propiorum objectorum radios ex certò modo, ut explicatum, quo in sensiterium deferuntur, probè admodum sui notitiam animæ subicere; ita quidem ut anima eorum quædam ex ipso impulsu & trajectu immediatè & formaliter percipiat, veluti magnitudinem ac multitudinem sive numerum; quædam verò mediatè per iudicium & discursum, ut locum vel situm, figuram, motum & quietem. Sed hæc de sensibilia communium cognitione, dicta sufficiant.

## CAPUT VIII.

*Enodantur varia quæstiones circa visionem; per quas uberius mira videndi facultas & varia circa hanc experimenta adducuntur & exponuntur.*

**I**nnumera penè sunt, quæ de visus miraculis ac mirabilibus opticis experimentis proponi possent; quorum plurima licet obvia sæpe & quotidiana sint, pauci tamen eorum causas inquirunt & perpendunt, pauciores intelligunt & sciunt. Ego, quo visionis naturam aliquo curiosius evolvam, ac physicas rerum causas Philosopho maximè perpendendas in oculorum scrutinio aliquo etiam diligentius utiliusque perquiram, sicque hunc tractatum non tantum curiosè exornem, sed etiam utilissimè & cum fructu uberrimo rerum opticarum scientiæ cupidis transcribam, ex plurimis pauca deliberare volui, præsentique capite per sequentes quæstiones proponere & explicare statui.

## QUÆSTIO I.

*Cur aliqui homines ad propinqua ægrius, ad longinqua acutius cernunt, & alii contra ad propinqua pejus, melius ad longinqua?*

**C**ausa ut superius jam indicata, est diversitas humoris crystallini vel retinæ major aut minor ab eodem remotio. Nam qui hunc nimis globosum habent, aut retinam magis remotam, radios quidem objectorum vicinorum in basin communem ordinatos, in Retina probè admodum recipiunt, eò quod vicina objecta basin suam prolongent: at non ita objectorum remotorum radios in basin communem collectos æquè in Retinaprehendunt, cum ista radios citius uniant, unde basis ordinata non præcisè in Retina ordinatur, sed ante illam in vitreo collocatur. Econtra, qui ad propinqua pejus, melius autem ad longinqua cernunt, illis aut humor crystallinus est planior, aut distantia Retinæ à crystallino est brevior; unde res distantes aut longius remotas distinctius, propinquas autem & propius locatas confusius intuentur; quia ibi communis inversorum conorum basis quæ abbreviatur, præcisius in Retina collocatur; hic autem ultra Retinam procurrat, & elongatur, eandemque longinquitate excedit, unde in Retina omnia confusè repræsentantur. Talem visum ordinariè habent seniores, & ii, qui negotiis demissis oculis expediendis per omnem vitam plurimum occupantur, unde & Presbytæ vocantur. Vide quæ diximus supra Synt. I. cap. 5. Coroll. 4. & 5. Item Synt. 3. cap. 5. num. 4.



## QUÆSTIO II.

*Cur qui Myopes sunt, ut legant distinctè characteres minori, qui verò presbyta majori luci indigent?*

Objectum  
quò pro-  
pius eo  
fortius a-  
git in sub-  
jectum.

EXperientia constat Myopes etiam in minima luce distinctè legere quasvis scripturas, in qua alii vix internoscere possunt ibi exaratos esse characteres: E contra Presbyta semper majorem lucem requirunt. Causa & ratio utriusque inquiratur, quæ facile sic assignatur. Cum Myopes ad hoc ut distinctè videant, ac legant characteres, debeant eos propius oculo admove, presbyta verò eos longius removere (habent enim illi abbreviatum; hi verò prolongatum vitum) objectum porrò cum propius locatum fortius & potentius agat in subjectum radiosque plures importet (utpote cum à singulis objecti punctis radiosæ pyramides in breviori distantia sint compactiores, quæ distractiores fiunt in majori) hinc fit, ut quia objectum pro distincto visu Myopum debet esse in minori distantia constitutum, etiam minus vivax & potens, nihilominus sufficienter aptum sit ad satis illustrem picturam in retina ordinandam, idcirco minori luce indigent ad legendum: Presbytis autem, quia objectum in tali distantia statutum videri distinctè non potest, sed hoc ut distinctè percipi queat, debet longius remotum existere, unde minus forte & potens erit in actione, quocirca magis illustrari debet, ut satis validè agat in oculum; hinc ut distinctè possint legere, majori indigent luce. Deinde ut plurimum solent Myopes pupillam nimis ampliata habere, unde plures ab objecto viciniore excipiunt radios, quam Presbyta, qui pupillam habent magis coarctatam; quæ licet in tenebris magis ac magis aperiatur, nunquam tamen ita aperiatur, ac pupilla quæ suapte natura nimium jam ampliata est in Myopibus, cum & his etiam adhuc magis in tenebris laxetur.

## QUÆSTIO III.

*Cur sæpe res parva etiam ante oculos jacens, dum studiosè queritur difficulter tamen reperitur?*

Quid re-  
quiratur  
ad distin-  
ctam vi-  
sionem.

QUIA ut res aliqua distinctè videatur, non sufficit quomodocunque ejus speciem in oculum trajici, sed debent radios ipsius rei visæ pyramides præcisè in retinæ cavitatem protendi, ad quod oculi attentio & conformatio specialis necessaria est: cum pupillæ vel collectio, vel expansio, aut humoris crystallini aliter atque aliter pro ratione distantie rei quæ sitæ disponendi effigatio requiratur. Nam licet duo sæpè puncta in eodem axe optico jaceant, nihilominus tamen remotum objectum non videbitur, dum oculus se disponit & applicat propinquo: & è contra vincinum evanescit, si visus sese accommodet in distans. Sic igitur, dum oculus simul in magnam pluribus rebus refertam aream, cui & res quæ sita inest, effunditur, non statim ipsam deprehendit, sed aliter atque aliter sese aptando axem opticum in singula penè objecta minutiora transferre debet, donec acquirat & discernat rem quæ sitam. Unde necessariò tempus intercedere, & moræ necti debent.

## QUÆSTIO IV.

*Quare corpora lucida alba procul posita majora apparent; minor a propius locata?*

Radii  
lucidi vel  
albi sunt  
potentio-  
res quàm  
alii qui-  
cunque.

ANTEquam ad quæstionem respondeam. Notandum I. radios à lucidis corporibus & albis his proximè cognatis perfectos natura sua potentiores esse ad visum movendum, quam aliorum quorumlibet coloratorum, ideoque etiam laterales eorum radios magis oblique in visorium organum illapso, sive etiam ordinati sive perturbati appellant, sufficienter tamen illud ad sui perceptionem excitare.

Notandum. 2. Radios à lucidis homogeneis corporibus projectos per refractionem





nem in unam basim communem & ordinatam coactos non tantum in ipsa basi objectum lucidum tale ostendere, sed etiam post dictam basin sive concursum aut communem intersectionem radiosarum pyramidum tam inversarum, quam erectarum; in ipsa quidem basi minus sed distinctius & ordinatius, quam in antecedente & consequente sectione quavis: post dictam verò basin latius & majus, sed confusius & perturbatius; nam inde post communem intersectionem radii rursus digrediuntur, & quia dissimiliter divergunt, una pyramis alteram ingreditur, sicque bases necessariò in sectione consequente confunduntur. Verum, quia tamen omnes pyramides homogeneæ, & similiter omnes lumen homogeneum representant, talis confusio non advertitur; adeoque lumen etiam confusum sed jam post illam basin communem ordinatum extensius & latius aptum erit ad visum commovendum; maximè, quia, ut in primo notando dictum, luminis radii quovis modo in organum projecti vi & efficacia sua valde potentes sunt ex natura sua, unde licet ordinati sive perturbati appellant, ad sensationis actum efficiendum aptè concurrent. His prænotatis facile est ad quæstionem respondere.

Quomodo radii lucidi tam apte, quam post communem intersectionem adhuc manebant potentes & vivaces.

Dico igitur & respondeo. Quod corpora lucida & alba, quando procul distant, quia juxta dicta superius, communem basim ordinatam abbreviant, & citius ponunt, fit ut basis ordinata radiorum lucidorum vel alborum in ipso vitreo humore ante retinam ponatur; & quia inde rursus digrediuntur radii, & latius se expandunt, donec in retinam ut formale visionis organum procurrant, non curando propter homogeneitatem, utrum perturbatè collocentur etiam latior imago illic depicta objectum lucidum majus representabitur, ut patet in figura prima. Objectum enim lucidum A in majori distantia positum, basin communem B C ponit in ipso vitreo humore ante retinam, unde imago D E in retina latior est, ut apparet.

Quando verò corpus aliquod lucidum in moderata distantia sive propius collocatum est; dum fit (quia ut supra dictum, objecta propinqua basim communem longius protrudunt) ut basis ordinata radiorum à lucido corpore projectorum in ipsa retina collocetur vel propius, unde jam imago minor sed distinctior ponetur, adeoque objectum lucidum etiam minus & ordinatius comparebit: ut vides in figura 2. ubi basis communis ordinata B C in ipsa retina minus expansa est, quam in priori casu. Causa igitur petita ad quæstionem est data.



## QUÆSTIO V.

*Quare ferrum candens majus apparet?*

**R**espondeo. Quia sectio pyramidum radiosarum ferri candentis post communem basin ordinatum in humore vitreo collocatam, & non in retinam productam sufficien-



sufficienter movet potentiam visivam, unde non curans Retinam propius adducere, quo ipsam basim prehendam: latiore ideo concipit imaginem, quam dum rigidum est, tunc enim propter debilitatem & dissimilitudinem minus efficacium radiorum retina propius adduci debet, ut ipsa basis ordinata apprehendatur, & quia illic imago minor, ferrum etiam minus conspicitur.

## QUÆSTIO VI.

*Quare album dicitur visum disgregare?*

**R**atio consequitur ex hactenus dictis. Nam qui vi sua magis potens ad sensum movendum etiam per laterales radios in aliis coloribus minus efficaces, majorem oculi partem occupat, quam alterius coloris objectum æquè magnum; fit ut ipsum visum distrahere putetur. Vide etiam dicta superius Syntag. 2. cap. 11. num. 1.

## QUÆSTIO VII.

*Vnde corpora lucida longius remota sæpe comparent rotunda, cum non sint?*

Venus in  
Cælo qua-  
re rotunda  
compare-  
at.

**E**xperientia obvia est in Venere, quæ dum perigæa cornuta est instar lunæ, in ætuentibus tamen rotunda comparet. Sic etiam lampades conicæ figuræ flammæ in vicino illis loco referentes, in remotioribus verò locis uti longis ambulatoris sphaerulæ lucidæ & solito majores conspiciuntur. Causa igitur ex prioribus facile innotescit, quia dum lucidorum, ut dictum, basis communis in ipso humore vitreo constituitur, & inde radii rursus digredientes in retinam potenti ad visum adhuc movendum virtute undiquaque divergunt, in circuli morem dilatantur, unde rotunda necessario comparent.

## QUÆSTIO VIII.

*Cur oculus dum de nocte ex obscuro loco in lucernam remotam intendit, dolore afficitur: non ita, dum propinquam conspicit, aut dum à latere alia lucerna simul apposita est?*

**Q**uæstionem melius propono in exemplis. Si quis de nocte in obscuris tenebris absque face aut lucerna alteri lucernam aut candelam ardentem portanti obviam procedit, & oculos in lumen dirigit, eosdem mox ex luce trajecta vehementer offendi sentiet, quod non ita contingit, si propius illi occurrat, aut ipse simul facem secum ferat. Item sic nobis in choro de nocte, dum divinis vacamus, contingit; ut dum ex una chori parte lucernæ extinctæ sunt, ex alia verò parte ardent; si quis ex obscura chori parte in alterius chori candelas obrutum jaciatur, mox oculos sentiet cum dolore laborare, nec fulgorem illum tolerare posse, experimento adverteret. Quod si verò propè, vel à latere ex eadem parte chori vel una lucerna luceat, nil tale experietur. Quæritur igitur hujus rei causa.

Responsio  
ad quæsti-  
onem.

**R**espondeo & dico, causam patere ex solutione quæst. 4. Nam quia lucida, ut ibi dictum, dum procul distant majorem in fundo retinæ lucis imaginem ponunt, accidit, ut lux tenerrimas quoque Retinæ venulas laterales alias lucis insuetas obruat; & quia pro ipsis tutandis & observandis ad moderandum lucis ingressum pupilla laborare debet, ideoque officio suo deesse nolens constringitur; dolor iste procuratur. Quando verò luminosum propius collocatur, imago lucida partes retinæ mediastantum lucis magis assuetas minorique amplitudine occupat, sicque dolor iste non procuratur, nec pupilla per constrictionem ita laborat ut ante: Sed licet etiam lucerna remota in oculos irradiet; si tamen aliud lumen propius adsit:



adfit, jam istud propinquius ideoque fortius & efficacius, illius Radios ex longiori distantia prolapsos, ideoque debiliores ante ingressum diluit & suffocat, unde ita dilutum ac debilitatum nunc tantum obesse non potest, adeoque dolorem istum procurare nequit.

## QUÆSTIO IX.

*Quare dum per amplum foramen visus formatur, res visa albior & major, sed confusior: per angustum verò foramen instar puncti obscurior & minor, sed distinctior apparet?*

**R**atio est, quia ibi plures radii idem quodlibet rei visæ punctum representantes non præcisè in fundo Retinæ convergunt, sed paulo latius evagantur; nam quia propter diversam in crystallino incidentiam diversimodè refringuntur, hinc aliquando ante Retinam in vitreo, aliquando post illam acuminantur. Unde consequitur, quod quidem albior sive lucidior, ac paulò major, sed confusior & inordinatior res visa compareat. Quando verò foramen est angustum ac valdè exiguum instar puncti, tunc pluribus aliis radiis exclusis, à singulis punctis quasi unus tantum radius rem visam exhibens per foramen in oculum trajicitur, sic non tam clarè & amplè, ac paulò minor, distinctior & ordinatior res visa representatur.

## QUÆSTIO X.

*Quare oculos ad objecta vicinissima videnda cum dolore laborat?*

**R**espondent alii: quia natura motrix facultatem tam tunicæ uveæ, quam processibus ciliaribus attribuit, ut suo adstrictu, & specierum nimium affluxum castigent, & humorem crystallinum aut conglobent circumcirca comprimendo, aut attenuent attractione, vel in anteriora protendant, seu denique introrsus regerant, quibus rebus non tantum refractione major aut minor evadat pro variâ crystallini effigiatione; verum etiam Retina eidem vicinior aut longinquior constituatur, & sic quantum fieri potest, basim communem semper arripiat. Hinc oculus cum objecta vicinissima, quæ communem basim longius protrudunt, percipere cupit, in componendis & rectè effigiandis humoribus adniti debet, ut retina debitè ad basim illam arripiendam collocetur, quod sine compressione aut convulsione adeoque dolore aliquo nequit contingere. Ita alii. Ego cum *Fortunato Plempio* ophthal. lib. 4. Prob. 55. respondendum cenſeo; in visione propinquarum rerum contorqueri seu ad invicem annuere oculos; & tantò magis contorqueri, quantò res visa propius visum consistit. In visione autem objectorum longinquorum oculos teneri parallelis; at situs hic oculorum parallelus est naturalis, quem spontè repetunt oculi, vi muscutorum aliorum non distracti: undè in meditabundis, eò quòd hi musculos oculorum remittant, quò minùs ad res proximas contorqueantur, recurrunt ipsi ad situm parallelum; qua nota Extatici isti facilè dignoscuntur ab omnibus, etsi à non omnibus notæ ratio intelligatur. Contra contorsio non nisi muscutorum ope laboriosè perficitur: quare sequitur eam fatigatio ac labor. Deprehendimus autem non eandem omnibus inesse oculos contrahendi facultatem, sed quibusdam longiorem, aliis breviorum terminum à naturâ positum esse, quo propius adducere oculos nequeunt, prout scilicet ad magis vel minùs propinquam visionem assuefecerint.

Quomodo alii respondant

Respondetur melius ad quæstionem.

Extatici unde dignosci valeant.

## QUÆSTIO XI.

*Cur quæ visui sunt propiora, evidentius cernuntur?*

**R**atio est, quia cum modus videndi sequitur modum & qualitatem representandi, & qualis est representatio in retiformi, talis etiam fit visio: unde si in fundo Retinæ pictura vivaciter representetur, vivax etiam & præclara visio necessariò consequi debet: solent autem objecta, quò sunt propinquiora species picturam efformantes etiam eò vivaciores & vegetiores trajicere; & quantò sunt remotiora, tantò debiliores; unde ibi evidentior imago fisci debet in Retinâ, quàm hîc, adeo-

Ratio principalis.



que objecta propinquiora etiam evidentius cerni. Deinde Opticis notissimum *Alia ratio est, propinquiora sub majoribus angulis cerni, remotiora sub minoribus.* Ex quo con-  
quitur in vicinioribus objectis exiguiusculas quasdam particulas angulo perceptibili  
repræsentari; quæ in remotioribus angulos formant imperceptibiles. Itaque in re-  
motioribus hisce objectis plurimæ particulae visum effugiunt, quæ sese in propin-  
quioribus produnt: atqui evidentius illa cernuntur, quorum particulas visus sin-  
gillatim discernit: hæc autem sunt quæ latiores angulos subtendunt, id est, vici-  
niora; ergo hæc perfectius ac evidentius cernuntur.


## QUÆSTIO XII.

*Quare Myopes per exiguum foramen juvare se possunt, ut etiam  
satis benè prospiciant in longinqua?*

Experien-  
tia,

Myopes  
cur ad lon-  
ginqua vi-  
denda plu-  
rimum  
palpebras  
contra-  
hant.

EXperientia constat, quod qui Myopiâ laborant, in defectu concavi specilli,  
si oculo more specilli præponant chartam vel quidlibet aliud opacum habens  
exiguum foramen aciculâ perforatum, & per illud in longinqua visum dirigant,  
quod plurimum adjuventur, ut etiam naturali visu distita videre queant. Cujus ex-  
perientia rationem hanc assigno, & dico, hujusmodi foramine vitari confusio-  
nem picturæ in Retinâ, & suppleri defectum pupillæ, quæ satis coarctari non po-  
test. Unde Myopes, dum à longè aliquid spectare volunt, ut vitent confusio-  
nem, quantum possunt, advocant subsidium palpebrarum, quas claudunt ut pos-  
sunt maximè, ita ut paucissimos solum radios admittant in oculum. Quomodo  
autem hujusmodi foramine confusio in Retina castigetur, melius ostenditur in  
figura. Sit enim distitum objectum A B, oculus Myopis C D cujus Retina H I K.  
Cum igitur, si liberè absque interpositione alterius prospectus formetur in obje-  
ctum longinquum, uniantur ante Retinam in punctis F & G, ubi rursus digre-



diuntur radii versus Retinam, & sese expandunt, ita ut radii puncti A per C D  
prolapsi & in G collecti transeant & occupent Retinæ partem K I, punctum ve-  
rò B radiis B C F I & B D F H occupet Retinæ partem I H. Fiet igitur, ut pun-  
ctum A confuse pingatur in spatio I K & punctum B confuse in spatio I H. Quo-  
circa oculus Myopis distinctè objectum distitum videre non poterit. Si verò  
præponatur oculo C D lamella vel charta perforata in E, licet plurimi radii inhi-  
beantur, nec permittantur ab opaca parte chartæ transire, adhuc tamen aliqui per  
minutum foramen quod non est indivisibile permittentur, qui transeuntes oculum  
in F & G quidem colliguntur, sed quia post collectionem non multum discedentes  
vadunt ad partes a & b, ibique adhuc satis collecti manent, nec cum aliis peni-  
cillis aliorum quorumlibet punctum ab objecto A B radiantium multum confun-  
duntur, picturam adhuc minus confusam exhibere possunt: ideoque talis ocu-  
lus, licet ad longinqua ægrius videat, per minutum foramen ita ut dictum ju-  
vari potest. Similiter etiam Presbytis per minutum foramen ad propinqua obje-  
cta potest visus adjuvari: quod enim Myopibus post concursum radiorum accidit,  
ut ita radii maneant adhuc collecti; hoc etiam Presbytis à contrario obvenit, dum  
citius & ante concursum satis sunt uniti pro meliore visione.

Notan-



Notandum tamen in utroque casu colores apparere dilutiores & minus vivaces, quia per pauciores radios videntur, ideoque minus afficere possunt Retinam.

Quare colores sint minus vivaces.

## QUÆSTIO XIII.

*Quare intuentibus pratum in distantia majori non nisi unus color apparet, licet illud omni colorum varietate sæpe refertum sit?*

BEnè Respondetur cum P. Traber opt. lib. 1. cap. 22. in prato pluribus floribus & omni varietate colorum referto ob majorem distantiam non nisi unus color videtur, viridis ordinariè, albus vel niger, siquidem minutæ punctorum ex singulis floribus tam exiles in fundo oculi percipi nequeunt: ideo confusio omnium per modum uniûs coloris incidit; viridis quidem ob colorem potiorum totius prati, quia ejus coloris majora puncta transfusa in oculum incidunt; albus verò conturgit ex magnâ solis illuminatione, siquidem lumen quinta quasi essentia est albi coloris, etiam objectum ex se non album albetcere faciet. Niger verò ex defectu illuminationis ob umbram densam, aut ipsas tenebras, quæ proximè ad nigredinem accedunt, vel etiam ob nimiam distantiam visus deficiens juxta *Aristotelem* in nigro colore definit.

Vnus color qui videtur est vel viridis albus aut niger.

## QUÆSTIO XIV.

*Vnde capillitium Stellarum?*

EXperientia constat, stellas apparere majores, quam apparere deberent in tali à nobis distantia, ita ut telescopia communia satis longa, quæ cætera objecta augent, stellas minuant seu minores exhibeant, quàm nudo oculo nullisque auxiliis instructo apparerent. Quæritur igitur hujus rei ratio, quam cum *Dechales opt. lib. 1. Prop. 26.* optimè assignet, eam hoc loco referre libet: ait enim. Ratio quare stellæ non augentur tubo optico, est hæc: quilibet oculus ex certâ distantia objecta distinctè videt (ut experientia constat) ita etiam Presbyta ex duobus aut tribus passibus distinctissimè legunt, habentq; vim distinguendi objecta ad majorem distantiam; non tamen ad omnem: quia non potest Retina accedere ad crystallinum, nisi ad determinatum intervallum; sed si aliquod objectum uniat penicillos antequam perveniant ad Retinam, erit confusio in imagine, & consequenter confusio in objecto, hoc est, objectum confuse spectabitur, confusione illâ, quæ propria est Myopum; nempe quod respectu illorum objectorum Retina erit nimis remota. Sed objecta remotiora, ut sunt stellæ, ad minorem distantiam à crystallino radios uniant, ergò stellarum remotissimarum radios crystallinus uniet, antequam perveniant ad Retinam, ergò majores videbuntur stellæ, quàm par sit (attendatur ad quæst. 4. hujus) omnes enim respectu objecti ita distiti, ut sunt stellæ, sunt Myopi, seu habent Retinam nimis remotam à crystallino, quam exigit visio distincta objecti ita remoti. Tubus verò opticus auget quidem imaginem rei, sed etiam distinguit, hoc est, unit radios pertinentes ad eandem partem objecti, ex quâ unione radiorum fit, ut imago sit minor in Myopibus. Ergo si tubus opticus non tam auget imaginem augendo angulum, sub quo videtur objectum, quam illam minuat propter unionem penicillorum, multò minor fiet imago, quàm spectaretur nudo oculo, confuse scilicet illam spectante. Quod ut paucioribus verbis exprimam, tubus opticus castigat capillitii alicujus circa stellam visi luxuriam, seu unit in eodem puncto Retinæ radios ad idem punctum stellæ pertinentes. Hic subinfert *Dechales*.

Stellæ apparent majores quàm deberent.

Ex hoc sequitur 1. malè poni communiter diametros stellarum, qui ab Astro-  
nomis, includunt in earum diametrum capillitium illud ascititium, quod nihil est aliud, quam ludibrium oculorum rem eandem in pluribus locis contiguè spectantiam, eo quod penicilli diversas Retinæ partes attingant.

Malè diametri apparentes stellarum ponuntur.

2. Sequi-



Stellæ non  
semper  
sunt majores  
quæ ita  
apparent.

Myopes  
adhibito  
specillo  
cavo vident  
omnes stellæ  
æquales.

2. Sequitur, non semper eas esse majores stellas, quæ majores apparent; quæ enim lucidiores sunt, etiam si revera minores existerent, majores apparerent, quia dum stella obscurior spectatur hoc modo, & percipitur visione confusa, eò quod penicilli non perfectè uniantur, multi radii præcipuè ad latera sunt ita remissi, ut non sint capaces efficiendi visionem in iis partibus; qui si prodirent ab agente potentiori, seu à stella lucidiori, sufficienter determinarent potentiam ad videndum, atque adeò per eos videretur stella, & cum ex suppositione incidant in aliam partem Retinæ, in alio adhuc loco eam repræsentarent; ergo majorem. Idem suadet alia experientia. Si Myops stellas respiciat adhibito specillo suo concavo, quo nempe uti debet, ut eas distinguat; non tantam notabit diversitatem inter stellarum magnitudinem, quantam oculus nudus animadvertit; easque ferè omnes æquales in magnitudine deprehendet; solaque majori luce eas inter se distinguet. Quod accidit ex eo, quod specillo concavo eas spoliaret suo capillitio. Ita per optimè *Dechaes loco cit.*

## QUÆSTIO XV.

*Quæ celerrimè moventur in maximâ distantia, cur videntur quiescere?*

Experientia  
datur  
in stellis.

EXperientia notissima est in stellis, quas dum in maxima distantia celerrimè moveri certò scimus, nihilominus nobis eas intuentibus comparent eodem loco stare & quiescere; cujus hæc est ratio. Quamcunque metimur magnitudinem, solemus eam ex angulo, sub quo videtur, metiri. Cum porro spatium, quod à stella intra breve tempus, ex. gr. unius minuti decurritur, nullo angulo sensibili possimus comprehendere, quia id ipsum spatium in tanta distantia, quod decurritur, secundum magnitudinem est insensibile; unde motum ejus, licet is celerrimus sit in cœlo, non possumus visu dimetiri; idcirco loco stare stellam putamus. Deinde licet mobile hujusmodi mutet locum, non tamen intra breve tempus, quo solemus instituere comparisonem, est illa mutatio sensibilis: ideoque quæ tardissimè moventur ita se habent respectu oculi, ac si non moverentur: videntur quidem esse mota, non tamen moveri videntur; quia in nullo tempore, quod propter brevitatem per modum unius sumi possit, mutant sensibiliter locum.

## QUÆSTIO XVI.

*Cur videmus ea, quæ alias celerrimè moventur totum illud spatium quod percurrunt, unà simul complere?*

Varia experientia.

EXperientiæ communes ubivis & variæ se offerunt. Trochus à pueris projectus in terram, dum celerrimè vertitur, omnes suas partes eodem spatio & loco exhibere, idemque spatium unà simul complere videtur. Rotæ & orbis quicunque circulariter quam celerrimè moti quaslibet partes suas ostendunt simul in eodem spatio & loco. Accensi titiones in orbem celerrimè agitati videntur integrum circulum simul exhibere. Fulgur, aut meteorum quod dicitur stella cadens, dum successivè fertur, nihilominus sæpe putatur integram lineam seu virgam ignitam præsentare. Chorda vehementius impulsæ, dum celerrimè vibratur, totum spatium, ad quod se se extendunt illæ vibrationes, occupare videtur: unde quia vibrationes remittunt & fiunt semper minores & minores, coarctatur spatium, quousque tandem intra propriam magnitudinem se contineat. Alia quam plurima exempla patent ubivis. Sed quæ causa? cur ita ea, quæ celerrimè moventur, totum illud spatium intra quod moventur, videntur complere?

Præcedenti capite cum de motu ut sensibili communi locuti sumus, aliquid jam pro causâ horum allatum fuit: insuper quoque etiam dici potest juxta sententiam eorum, qui dicunt, lumen & colores esse subtile quoddam corpus minutim diffusum per effluvium à corpore lucido vel colorato derivatum & ad oculi Retinam



tinam propulsum, eandem specie quâdam tactus afficere. Nam hoc radiosum est. Ratio datur. fluvium dum ad retinam valdè tenuem & flexibilem pervenit, eam per motum suum localem impellit, eique quam habet objectorum figuram ad modum sigilli imprimit, ut optimè ostendit *Dechales opt. lib. 2. prop. 63.* Hæc figura quamdiu perseverat, tamdiu & illius objecti visio manet; communiter tamen objecto amoto obliteratur, quia non est altius impressa, ideoque à superveniente alio lumine aliam figuram induere retina cogitur: si tamen objectum sit illustrius, magisque splendidum, ideoque potentius, & quod majore vi ac violentia, imò densiores radios in retinam emittat; altius defigitur hæc objectorum imago atque figura, profundiusq; hujusmodi characteres inuruntur, ex quo fit, ut superveniente impressione obliterari non statim possint, quocirca diutius perseverare & totum illud spatium complere videntur.

Hinc patet, unde ea, quæ celerrimè moventur suæque vestigia relegunt, videantur quiescere: nam quia, dum celerrimè ita moventur totum spatium per quod moventur, videntur occupare, corpus illud totum circulum quem peragrat, videtur occupare: quod autem semper idem spatium & eundem circulum continuo occupat; non putatur moveri, unde quiescere videtur. Celerrimè mota unde videantur quiescere.

Item etiam hinc patet, cur corpus anfractuosum multis inæqualitatibus & lacunis exasperatum, si celerrime in orbem moveatur, nihilominus perfectè æquatum & complanatum videatur. corpora in æqualia in orbem mota unde compareant æqualia complanata. Cum enim quælibet pars in toto circulo appareat; latere hujusmodi inæqualitates, lacunas & scabrities necesse est. Ita dum torno aliquid elaboratur, licet imperfectum & prorsus inæqualiter exasperatum sit, dum tamen celerrimè volvitur, nihilominus perfectè politum & regulare comparet.

### QUÆSTIO XVII.

*Quanam est causa vertiginis à diuturna corporis circumgyratione, despectu ab alto, pontium transitu, navigatione, ebrietate & quibusdam aliis?*

**C**Ausa generalis ut & communiter asserunt Auctores, videtur à spiritibus animalibus devenire; sunt enim proxima Animæ instrumenta, ut ait *Vopiscus Plempius lib. 4. ophthalm. prob. 18.* Cum verò etiam specierum pictura simul cum retiformi insigniantur: igitur consequi necesse est, ut eorum spirituum affectio in ipsam quoque visionem pertranscat. Unde si motu inordinato in orbem concitentur, ipsa pariter objecta quorum formas vehunt, agitari videbuntur: omnino talem pariunt sensationem moti spiritus, qualem res externa mota, eò quia non quiete recipiunt species, ita enim species rei quiescentis in aqua mota moveri videtur. Quocirca recte *Willis de anim. brut. par. 2. cap. 7.* spiritus intra cerebrum seatentes non secus habent ac aqua, aut densa vaporum congeries phialæ inclusa, quæ una cum vase continente circumagitur, & factò semel vortice, etiam vase quiescente motum istum aliquamdiu continuare persistit; pari etiam modo, quando hominis corpus circumgyratur, spiritus cerebri incolæ ab ista capitis tanquam vasis continentis circumductione in motus tornatiles, ac velut spirales aguntur; cumque propterea solito influxu & directo jubare nervos irradiare nequeant, hinc una cum visibilium rotatione sæpè Scotomia & pedum vacillatio inducuntur. Hemisphærium visibile rotari videtur, quia spiritus speciem excipientes circulariter moventur; quare si quidem sensibilis impressio recipitur per modum recipientis, prout spiritus, ita objecta in orbem moveri videbuntur. Ita ille. Verum hæc ratio non placet *Dechales lib. 2. opt. prop. 68.* unde se duplicem hic pati difficultatem asserit. Sententia Dechales. Prima, ait, pertinet ad motum hujusmodi spirituum, cum enim in solis nervis spiritus animales continentur, nervi autem sint oblongi & cavitatem habeant exigua, non satis video, quomodo tamdiu continuari possit ille motus. Deinde etiam concesso tali motu non bene video, quomodo motum eundem objectis apparenter affundere possint; neque enim cogitandum est, in hujusmodi spiritibus objectorum imaginem imprimi, quam secum deferant, & ex eo imaginis motu moveri objecta videantur. Neque enim in ipsis fit visio, esto requirantur



*ad visionem*; tandem subdit istiusmodi circumgyrationis causam hanc. *Credibile est fieri in ipsa retina aliquem motum, qui cum non advertatur, successive tamen diversa illius partes objectis applicantur, idemque ferè ab iis patitur ac si revera objecta moverentur.*

Refutatur.

Respondeo. Quod attinet primam difficultatem, licet nervi sint oblongi & cavitatem habeant exiguam, dum tamen continuò spiritus aliqui è cerebro ad Retinam procedunt, & alii à Retina ad cerebrum revertuntur, ut imaginem deferant: similiter ferè ac formicæ, dum aliqua è fornicario ad pastum exeunt, aliæ verò onustæ revertuntur & pastum afferunt; ita spiritus aliqui continuò exeunt à cerebro ad Retinam, & alii revertuntur ad cerebrum, ut imaginis ideam transportent. Quocirca, licet angustum teneant tramitem, ita tamen ob subtilitatem pone se transire solent, ut invicem minimè se impendant. Quando autem turbatur illis trames, necessario & ipsi rectâ, quâ solent viâ itare & repedare nequeunt, unde facile concipi potest eorum motus.

Quod attinet secundam difficultatem, ejus solutio jam patet ex supradictis. Nam quia quidquid recipitur, per modum recipientis recipitur; unde dum anima immediatè imaginem in Retina non videt, sed ope spirituum illam recipit: licet autem spiritus imaginem probe imprimis accipere queant, quia tamen ex commotione factâ eam tranquillè transferre, nec aliter quàm huc illucquè motam tradere possunt, unde & anima sic recipere debet: & quia, ut anima recipit imaginem per spiritus translata, ita sentit & judicat de objecto; necessario igitur à commotis ita spiritibus objectum foris judicabit commoveri, etsi illud fixum persistat: sicut, dum species per aërem vaporosum huc illucquè motitatum aut per tremulam aquam deferuntur, licet objectum quod transparet, fixum persistat, sensorio tamen mobile comparet, ob species à medio per quod prolabantur & in sensorium transferuntur, unâ simul commotas.

Quocirca non est credibile, in ipsa Retina fieri aliquem motum, præcipuè cum hujus nulla causa afferatur, nec animadvertatur, ut Auctor innuit. Deinde licet Retina sæpe optime constituta sit, nihilominus expertissimi Medici à cephalicis morbis, in quantum *aquabilis spirituum in cerebro expansio eorumque in nervosum genus irradiatio*, ut *Willis* loquitur, *interturbatur* vertigo oriri solet.

Quod autem circulatores quidam ac præstigiatores per longum temporis intervallum in orbem veluti trochi moritati Scotomiani non patiantur, ac interim visu polleant, ita ut inter circumrotationem fila acubus inferant & plura alia ludicra exerceant, ea omnia exercitio diutino & consuetudini attribui debent, sicut & alia plura, quæ ridicule exhibent; spiritus enim, dum ita sæpius exercitantur etiam per tornatiles ac spirales vias probe currere ac munus suum promptè exequi assuescunt.

Vertigo ab intuitu ex alto & pontium transitu unde venit.

Cum *intuitus ab alto, & pontium transitu* vertiginem excitant, accidit illud in quantum ab objectis inassuetis, nec non à corporis situ aut incessu periculoso imaginationi terror injicitur, unde ipsa valde sollicita, quo pacto spiritus in nervorum corpora ritè ordinet, ac firmiter dirigat, eos in cerebri meditullium revocat, adeoque à solito affluxu & irradiatione pervertit; dumque eorum aciem melius instruere satagit, cura nimia in confusionem quandam ac motum irregularem adigit: quapropter ebrii ac aliunde audaces, quia de spirituum animalium aurigatione minime solliciti sunt, nihil quidquàm tale patiuntur.

Navigatio & vectio in carru unde causetur vertiginem.

Ebrii unde vertiginosi.

*Navigatio*, aut *vectio in carru* pari ratione ut circumrotatio corporis vertiginosam affectionem causare videntur. Quia scilicet spiritus valde fluxiles nimiam agitari tanquam aqua in vitro concussa, inordinate huc illucque transfiliunt. Quod verò *ebrios* attinet & hos, qui sunt inassueti cerevisiæ aut vini fortioris, præsertim sulphurati potus, item eos, qui *Nicotiana fumum* ore largius excipiunt, dum scotomatici efficiuntur, peroptime *Willis* rationem ita assignat. Liquore aut vapore ita exhibitis particulæ quædam effera ac indomitæ sanguinis vel succi nervosi comætu cerebro inferuntur, quæ spiritibus animalibus, siquidem incongruæ



gruæ ac improporionatæ sunt occurrentes, eos huc illucquæ à solitis ituum & redituum tractibus, adeoque in vortices & gyros agunt.

Similiter facile erit concipere, quomodo Scotomiz contingere queant in Syncope, ejusque approximatione, magna inedia, improbo labore, hæmorrhagia im-  
mensa, longis jejuniis, violentis tristitiæ aut metus passionibus, morbis capitis, pan-  
creatis, lienis & intestinorum, ac quibusdam aliis accidentibus, dum vel spiritus a-  
ninales deficiunt, sicque eorundem in nervosum genus irradiatio subtrahitur, aut  
iidem spiritus animales ab aliis acerbis humoribus & vaporibus turbantur, ut ita pro-  
bè munus suum exequi non valeant; Sed de hisce videantur Medici.

Vertigo in  
variis aliis  
unde con-  
tingat.

### QUÆSTIO XVIII.

*Cur simplex objectum per sæpè multiplex apparet?*

**E** T si causæ variæ sint, cur objectum visile simplex possit apparere multiplex, pos-  
sunt eæ tamen ad unam aliquam communem causam reduci, ut volunt *Conimbr.*  
*prob. 34. de sens.* nimirum ad defectum conditionis requisitæ ad hoc, ut objectum  
aliquod appareat unum, quæ est uniformitas axium. Sed hæc causa nimis genera-  
lis est, proinde ad particulariores descendendum. Privatæ igitur, ut volunt iidem  
ad triplex genus reduci possunt; nempe ad situm oculorum, ad situm rei visibilis, &  
ad radios visuales.

Triplex  
genus cau-  
sæ, cur ali-  
quid ap-  
pareat  
multiplex

Primò propter situm oculorum apparet ex. grat. lucerna una duplex, cum  
alteruter oculorum attollitur, deprimitur vel detorquetur quovis modo in latera,  
vel etiam cum ex copioso vini potu laxantur nervi Optici, ut ita sustinere neque-  
ant ambos oculos in æquabilitate, sicque evenit, quod cecinit *Horat.*

I.  
Ob situm  
oculorum

*Cum bibitur concha, tunc jam vertigine tectum  
Ambulat, & geminis consurgit mensa lucernis.*

Cùm enim ut per duos oculos idem objectum simplex appareat, debeant  
species omninò similes in representando ad utrumque oculum similiter deveni-  
re, quæ ad objectum idem extrinsecum per radios visuales ad eundem omnino lo-  
cum objecti tendunt: per duas licet visiones tamen non nisi unum idemque obje-  
ctum ab utroque oculo videtur, & nullo modo multiplex. Quando verò unus o-  
culorum detorquetur, cum axes pyramidum non possint coincidere, evenit unum  
oculum in uno, & alterum in alio loco objectum videre, adeoque duplex compareri.


Ob situm objecti visibilis id ipsum apparere multiplex potest imprimis ex  
motus celeritate, cum videtur occupare aliquod spatium multò majus, quam reve-  
ra occupat; qui est modus quidam objecti continuo tractu multiplicati. Sic fax ac-  
centa in orbem gyrata apparet circulus, ut jam supra resolvimus.

II.  
Ob situm  
objecti vi-  
sibilis.

Deinde cum ad hoc ut ratione situs objectum videatur simplum, debeat id ef-  
se positum in Horoptere (nam quæcunque clarè videntur, in Horopterem transfe-  
runtur, ut Optici docent) idcirco si vel ante Horopterem vel ultra eum objectum  
existat, necessario geminatum comparebit. Sed hoc  
ostendamus in exemplo.

Sint oculi A B intendentes per axes Opticos A E  
& B E in punctum E, ubi erit Horopter seu planum  
ejusdem. Si objectum sit collocatum in F, transferet  
visus objectum F in puncta C & D geminum appare-  
bit. Ratio videtur esse; cum oculus se accomodet ob-  
jecto E, quod respicit per axes Opticos tam objectum  
E, quàm quod in eodè cum eo plano existit, totam ad  
se oculi attentionem rapit, ideoque alia objecta o-  
culus percipit comparativè ad illud planum, quod ta-  
le est, ut ejus singulæ partes æqualiter distent ab utro-  
que axe; sed dum objectum F comparatur cum pla-  
no C D, regit duplex illius punctum, nempe puncta  
C & D, ergo videbitur geminatum.

Dd 2



Item



Item si objectum sit ultra Horopterem in G, pari modo, cum oculus videat distinctissimè punctum E, & ad illud maximè attendat, comparativè ad illud cæterorum objectorum locum determinat. Cum ergo objectum G ab oculo B videatur esse magis ad dextram, quàm punctum E, & ab oculo A magis ad sinistram, & ejus distantia non percipiatur, necessarium rursus erit, quod videatur in duobus locis, nempe in C & D, quamdiu nempe fixus obtutus permanet in puncto E.

III.  
per radios  
visuales.

1. Dioptri-  
cè

2. Cato-  
ptricè.

3. Opticè  
sive dire-  
ctè.

Propter radios visuales idem objectum multiplex apparere potest; primo cum ii diversimodè refracti ita oculum subeunt, ut in diversis retinæ punctis colligantur, adeoque similem imaginem in diversis locis ejusdem retinæ exprimant, ut fit per Lentas polyoptras oculo præfixas, de quibus in Fund. II. Syntag. II. cap. 6. uberius agetur, & modus quo hoc ipsum contingit, demonstrabitur. Idem contingere potest, si ipse humor crystallinus multipartitus, aut per certa tantum intervalla sit diaphanus, aut contineat diversas superficies angulosque: idem enim præstat vitrum foramini in obscura camera insertum: atqui si hoc in diversas superficies angulosque distinguatur, objecti unius picturam multiplicabit ergo &c.

Deinde ob variam reflexionem cum radii ab eodem objecto procedentes ad diversas superficies speculares diversimode situatas appulsi, indeque reflexi oculum sic intrant, ut colligantur in diversis Retinæ partibus; sicut fit in speculo fracto, quod integrum prius objectum simplex ostendebat, ubi diffractum, singulæ partes ex situs diversitate eandem objecti imaginem diversimode repræsentant & multiplicant. Sic solent artificia jucundissima concinnari per specula, quæ res simplices curiosissimè multiplicant, atque intuentes plurimum recreare valent, sicut infra quædam proferemus.

Denique & opticè sive directè per simplex medium possunt radii visuales ita subire oculum, ut ejusdem objecti coni discreti in Retinam non una comuni, sed discretis basibus cadunt, itaque multiplex objectum ostendant. Hoc cum primis evenit, si tenuis lamella metallica, aut charta opacior acicula pluribus foraminibus pertusa, oculo vicinissimè præfigatur, & ita per ista minuta foramina simul res quæpiam veluti crux in excelsa turri ad decem, viginti aut plures passus distans, videatur: tot enim apparebunt res, quot erunt foramina. Debent autem illa foramina non minore intervallo à se invicem distare, quàm sit pupillæ capacitas. Vide *Scheinerum in oculo lib. 1. part. 2 cap. 5. 6. & 7. Plempium Ophthalm. lib. 4. prob. 17. Dechales opt. libr. 1. prop. 34.* Quorum hic cum experientiam hanc satis clarè & doctè diducat ac explicet, non est, quod hic ultra laborem.

## QUÆSTIO XIX.

*An & quomodo amissa cernendi facultas naturaliter  
vel artificialiter restitui potest?*

Oculi qui-  
bus eruti  
renasce-  
re queant.

**I**cet quædam membra in animalibus resecta possint regenerari, oculum tamen cujus fabrica cum sit valde operosa, amissum vel totaliter destructum restituere non videtur esse in potestate Naturæ. Tradit tamen *Plinius lib. 11. Nat. hist. cap. 37. serpentum oculos & hirundinum pullis oculos, si quis eruat, renasci.* De hirundinum quoque pullis *Aristoteles lib. 6. de hist. animal. cap. 5. ita scripsit. Pul- lorum hirundinis adhuc recentium oculi, si quis stimulo eos vexarit, resanescunt & cernendi vim postea plane recipiunt.* Memorabile quoque recens experimen- tum adducit *Schottus jocosè. Natur. & Art. cent. 3. pro. 83. Quod con- tigit Pragæ apud Expertissimum Dom. Doctorem Marcum Marci.* Hunc enim dum invisit quidam nobilis ex terris peregrinis Angliam repetens, inter cæteros discursus incidit mentio de oculis restituendis. Af- firmabat enim hic Nobilis, oculum erutum posse restitui, & si vellet, mox demonstraturum in quovis animali. Jussit *D. Marcus* afferri anserem, ille ve- ro lan-



rò lanceta oculum discidit, ut humor aqueus totus efflueret: mox humorem crystallinum una cum vitreo expressit, ut loco oculi nil nisi foramen adesset; in quod de aliqua aqua, quam nobilis secum ferebat, modicum instillavit; & ecce oculus subito impleri cœpit, & intra quadrantem horæ fuit perfectus, qualis ante fuit. Quem anserem diu servavit *D. Marcus* & alii ostendit. Observatum tamen fuit, quod licet anser videret, minus tamen perfecte ob cicatricem in pelliculis non sat æqualiter coalitam; quod futurum Artifex ipse prædixerat, quia, ut falsus erat, inter operandum errorem aliquem commiserat. Adducit quoque *Schottus* ibidem aliud experimentum *R. P. Nicolai Cabet* in agno factum, cuius utrumque oculum acuta lanceola perforavit, totumque humorem aqueum expressit, & vulnere deinde applicavit vittam madefactam succo chelidonii majoris, ac postridie deprehendit, agnum habere oculos sanos & aqua rursus turgentes, vidisseque ut prius. Sed ut ad quæstionem respondeam.

Aliud ex-  
perimentum in  
agno.

Cum cernendi facultas videatur in recta partium oculum constitutum habitudine scilicet tunicæ corneæ, humorumque perspicuitate, & recto situ cæterarum membranarum, opacitate, bono positu tunicæ retinæ, nervorum denique opticorum libero transitu, ut spiritus affluere queant, consistere; saltem uno aliquo ex his sic immutato, affectoque præter naturam, ut lumen coloresque rerum externarum nequeant comprehendere; facultas videndi tolli, ac cæcitas induci potest. Si porro illud ipsum, quod immutatum erat, ad rectum statum adducatur, pronissimum fiet, ut oculus recipiat videndi facultatem. Sublata enim causa tollitur effectus, & dum impedimentum naturæ tollitur, ipsa natura ad exercitium suæ operationis libera rursus evadit, ut vult & potest. Possunt autem ejusmodi impedimenta vel ab ipsa natura, vel à medicamentis adjuvantibus Naturam tolli, ut partes organi præter ordinem naturæ immutatæ ad probum statum restituantur. Ergo naturaliter amissa sic cernendi facultas etiam restitui potest.

Responsio  
ad quæsti-  
onem.

Quod si obtrudas celebre illud Philosophorum axioma: A privatione ad habitum non dari regressum. Respondeo; id axioma solum locum habere, quoties simul cum habitu è medio sublata est causa quæ habitum regeneret: vel cum ad habitus susceptionem subjectum non potest iterum disponi seu adaptari, si semel illum amiserit: Vel etiam, quando privatio adjunctam habet integram totius organi destructionem, per quod habitus suas obit operationes. Aliter enim falsum est, ut pluribus ostendi potest. Nam aër, qui ex occalu solis obnebratus est, & lumine solis privatus, mox ut sol rediens exoritur, rursus illuminatus ad lumen seu habitum redit. Sic & aqua à privatione frigoris ad frigus redire solet. Item anima justitiæ aliarumque virtutum habitibus privata, eosdem habitus recipere potest. Caro quoque recentior abscisa, quæ anima privata & jam mortua, dum alteri carni viventi debite adaptatur, rursus coire & animari potest, &c.

Quomodo  
axioma quod-  
dam Philo-  
sophicū  
sit intelli-  
gendum.

Censeo quoque facultatem videndi etiam artificialiter restitui posse, si integra solum retina permaneat, ita ut suam temperiem naturalem retineat, nec indurescat, exarescat aut callum obducatur; licet cæteri humores, ex quibus oculus componitur, nempe aqueus, crystallinus ac vitreus omnino defluerint; modo tantum via ad retinam adhuc pateat nec ulla sit membrana quæ aditum præcludat. Posse vero integram retinam cum naturali temperie permanere, videntur probare exempla ea, quæ supra cap. 5. num. 10. hujus Syntag. ex *Smetio* & *Keplero* attulimus, de his, qui depravato & læso etiam vitus organo, per natum tamen adhuc videre potuerunt.

Facultas  
videndi  
que modo  
artificiali-  
ter restitui  
queat.

Quod verò humores attinet, cum ii non sentiant, nec in iis ulla sensatio fiat, sintque tantum instrumenta, quibus radii ab objectis probè refracti in retina præcisè uniri queant ad imaginem pro formali visione faciendam ibidem sistendam: cum per lentes convexas valde acutas idem præstari possit, certè potentia visiva



artificialiter poterit sufficienter determinari ad videndum sine hujusmodi humoribus.

Praxis o-  
culi arti-  
ficialem  
construen-  
di.

Assumatur enim lens vitrea convexa, quæ sit minoris sphaeræ portio, radiosque parallelos colligat ad distantiam semidigiti, sicque in eadem distantia distinctam ordinet imaginem: formetur quoque oculus artificialis ex vitro, sicut coclites ex vitro fictitios oculos sæpè præferre solent, ut deformitatem occultent. Sit porro oculus ille non ubique diaphanus, sed habeat tantum in medio foramen æquale uvæ, cui subsit lens convexa; ita tamen aptentur omnia, ut lens convexa distet à retina secundum distantiam sui foci principalis: certum est, quod tam exhibebuntur objectorum imagines in retina, quàm depingerentur in charta; sed si tam exhiberentur in retina, quàm depingerentur in charta aptæ forent ad sentiendum, & sufficienter determinare possent potentiam visivam ad videndum; ergo si ita exhiberentur in retina, etiam aptæ forent ad sentiendum, & potentiam visivam determinare possent ad sentiendum.

## Q U Æ S T I O XX.

*Quanam causa sive ratio physica esse potest structura ocularis ac singularum ejus partium?*

ET si à præsentī quæstione facer textus Ecclesiastici c. 3. v. 23. & 25. videatur nos abstertere, dum ait; *in pluribus operibus ejus non eris curiosus*; nec temere quis Auctori Naturæ dicere possit, *cur ita facis*? Nihilominus cum axiomatis loco Philosophi teneant, Deum & Naturam nihil facere frustra, & Physici sit, naturalium rerum latentes causas indagare, huc quoque alius textus videatur nos invitare, mentemque ad mirabilia Dei consideranda revocare, ut habetur lib. 4. Esdræ cap. 4. v. 27. *si fueris plurimum scrutatus, frequenter miraberis*. Quocirca hoc loco intima oculi penetralia subire licitum putamus, ac inde latentes causas mirificæ perfectionis ratiocinando perscrutari. Ita certè mirari licet frequenter & toties, quoties scrutando occurrit illa mirabilis videndi facultas & prorsus admiranda ocularium partium structura ab omnipotente Dei manu tam concinnè tam affabrè adaptata, ut nihil ibi supervacuum, nihil indecens, nihil vanum aut abjectum, frustraneum nihil, omnia autem sic coordinata, ut ad finem (qui est unicus, res quasvis visibiles per species à se profluxas sensibilibiter percipere) sint accommodatissima.

Perfectio  
structuræ  
ocularis.

Admirabi-  
lis specie-  
rum visibi-  
lium pro-  
cessus,

Quid enim oro imprimis admirabilius illa mirifica objectorum cum visiva facultate communicatione, illo inquam, qui vix humano capi potest intellectu, specierum ab objectis productarum per medium diaphanum processu? eodem enim modo ex millionibus millionum, quodlibet specierum ab objecto productarum punctum radios suos in singula medii, tam remoti quàm vicini puncta, ad quæ recta duci potest, in omnem quaquā patet partem, tanquam ex centro ad circumferentiam dispersos intra sphaeram activitatis effundit. Unde è mille millibus punctis tot specierum radii ab objecto procedentes in singulis medii diaphani punctis se se uniendo propè ferè secabunt, ac simul tanquam in termino ibidem concurrent; si quidem objectorum species ubique visibiles reddi possunt.

Sit enim objectum A B draconis per aërem volantis, in quo centrum specierum puncta sint assignata: extra illud autem in toto medio diaphano multorum millionum puncta, ex quibus in figura solum quatuor C D E F exempli causa determinata sunt, ad quæ sicut ex singulis centesimis inter A & B recta duci potest, ita etiam specierum radii procedent, in omnia videlicet medii diaphani puncta, et si infinita sint assignabilia. In medio autem quales radiorum uniones sequantur, si ex tot punctis ab objecto A B radii procedant, ex adjuncta figura sufficienter colligi potest.

FIGURA XXIII.



FIGURA XXIII.

*Sic quasi membranae volitant simulaera per auras  
Quaque patet quocunque licet coniuncta feruntur.*





Applicatio  
ad oculum,

Quod dicitur hic de specierum processu per medium aëris diaphanum, etiam dicitur fieri per ipsos oculorum humores, cum sint diaphani. Eodem ergo modo omnia puncta specierum ab objecto productarum radios non tam in quolibet superficiei ocularis, quam singulorum humorum puncta transfundere possunt, qui tamen ope refractionis in ipsis factæ ad Retinam colliguntur, ibique objecti imaginem perfecte expriment. Sic objectum A B C ex singulis suis punctis, quorum tantum tria in figurâ sunt consignata, velut A B C radiat & species dimittit quaquaversus in orbem: qui autem radii occurrunt oculo D E F H I G ac cum primis humeri crystallino D E F eundem transeunt, ut illi radii, qui ab eodem puncto objecti profluunt, ope refractionis per eundem humorem factæ in certis Retinæ locis colligantur & uniantur. Sicut punctum A radios licet mittat quaquaversus in orbem; illos tamen, quos recta dimittit obvios superficiei D E F, oculus colliget in Retina ad locum H: qui verò radii procedent à puncto B, colliguntur in Retinæ loco I. & qui à C procurrunt, unientur in puncto G. Quod si oculus transferatur vel in L, vel M, vel K, vel N, vel O, vel ad quemcunque locum, ad quem rectæ lineæ ab objecto duci possunt; cum à singulis iisdem punctis, ut figura monstrat, radii quaquaversus procurrentes similiter oculo possint occurrere, rursus oculus singulos radios à singulis punctis objecti progressos & in se receptos ope refractionis pro distinctâ imagine in Retina formanda colliget & uniet. Unde sufficienter patet, quomodo oculi diversi, aut etiam idem oculus in diversis locis ac distantis collocatus nihilominus idem semper objectum spectare possint.

Atque hæc cum primis emanatio objectorum fieri debuit, ut objectum quantumvis distitum se se ad sui perceptionem facultati visivæ communicare possit. Omnia autem ea, quæ in ipsâ oculi fabricâ aptata sunt, huc collimant, ut istam emanationem congruè suscipiant, susceptam animæ præsentent, utquæ illa de objectis judicare probè possit.

Causæ  
physicæ  
compositi  
onis varia  
rum oculi  
partium,

Quo verò clarè pateat, quàm benè & congruenter ad finem ( qui in ocularis fabricæ structura est, res visibiles benè videre ) singulæ oculi partes eo ordine & situ à natura Deo Auctore compositz sint, placet hic in medium adducere, quæ solertissimus *Scheinerus in oculo lib. 1. part. 1. cap. 11.* doctè admodum & succinctè perscripsit. Etenim, quia res visibiles, ait, ab oculo per species radiis rectis immixtas percipi debebant; oportebat ipsum diaphanum fieri, & quia stabiles erant pleræquæ res, ipsi mobilitas absque lassitudine conveniebat, quibus utrisque tam rotunditas quam humectatio mire conducebat; unde triplices inditi sunt oculo humores, quorum extremis crystallinus medius insidet, in anteriora oculi prominens, ut radios plures in posteriora mittat; ob quam etiam causam cornea tunica nonnihil procurrat extra sclerodis septa: alias enim si vel cornea vel crystallinus Sclerodi concentricus esset, hemisphærium unico obtutu nequaquam carperetur; et sic animalis incolumitati in multis rebus minus cautum esset: ea enim quæ obliquius occurrere erant, minùs fuissent animadversa. Hinc fit ut bestiarum multæ pupillis oblongis præditæ sint: sed ne humorum abundantia vitui caliginem ( id quod in lippis & lacrymantibus advertere licet ) induceret aut eorundem penuria siccitatem, è qua oculo movendo attritio, ex attritione dolor crearetur; idcirco palpebræ utrumque malum arcent; suo enim motu & humectant oculum siccum, & humore superfusum extergunt. Ne præterea frigore ab officio videndi averteretur, providit Auctor Naturæ adipem calentem, & spiritus vivacissimos tam animales quàm vitales, qui omnem frigoris sensum ita arcerent ab oculis, ut ipsi soli ab hoc hoste quasi immunes censcantur. Et ne objectum nimis vehemens sensum læderet, hinc uveæ tunicæ vim se se claudendi; aut nimis debile visum effugeret, eidem facultatem se se aperiendi attribuit; tam miro artificio, quàm munificâ largitate. Humor aqueus homini rem levi brachio consideranti otiosus videretur, cum ipse maximè necessarius deprehendatur. Nam mox ut effluit, uvea concidit, & in crystallinum incumbens specierum ingressum prohibet. Iplius ergo auxilio suffulta uvea hiat & coit, ipse corneam



neam & omnes alias tunicas humectat, ipse totum oculum refrigerat, & opportunitates quàm plurimas apportat. Pari ratione vitreus crystallinum gestat & magnitudine sua Retinam eò usque distendit, quo specierum occursum communem possit excipere, ad quam rem mollitie valde tractabili est dotatus. Hæc eruditè & succinctè *Scheinerus*, quibus perpauca adhuc addere libet ex *Plempii ophthalm. lib. 3. cap. 17.* potissimum compilata.

Latent præterea oculi in osseis recessibus, securitatis & commoditatis causa prominent tamen nonnihil, ne thalamorum lateribus præpediti non possent in totum hemisphærium uno intuitu prospicere Frontis fornix maximè extuderat ad arcendum majoris luminis ingressum, quo rerum adspectabilium pictura in Retiformi dilueretur, in quem usum condita quoque sunt supercilia. Quæ adeo causa est, cur in arcum curventur, ut circulariter oculos circulares obeant. Propterea quibus claritas luminis molesta est frontem corrugant, & vallum id ad oculos propius deducunt. Porro oculi antrum frontem inter & maxillam aliquantùm deprimi oportuit, ne quid illic obstarer, ideoque visio esset amplior eorum præsertim quæ sunt ori & pedibus proxima; id quod motus & victus ratio exigebat ea propter aliæ duæ valles inter maxillas & nasum à thalamo oculi deorsum concedunt.

Cur oculi  
profunde  
lateant.

Nasi dorsum sive vallum ad hoc solum videtur prominentius esse instructum ut umbram oculis faciens, uti frontis eminentia majus lumen ad distinctiorem expressioremque objectorum repræsentationem.

Narium  
valli ratio.

Ratio sublimitatis oculorum hæc potior dici meruit, ut visus ad tantò remotiora loca pertingere, id est ut tantò plura objecta apprehendere possit. Cum enim terra tuberibus ac collibus scateat, ipsumque etiam mare ob figuram sphericam gibbum sit, oculus humile sede constitutus non admodum procul se diffunderet.

Sublimi-  
tatis ocu-  
lorum ra-  
tio.

Geminationis oculorum causa non videtur esse, ut uno læso alter queat esse officio, sed melior & perfectior visio. Quia ut benè ait *Aquapendens* si unus esset oculus, longè pauciora intueretur visibilia omnino manca & imperfecta redderetur visio. Addi tamen potest ex *Keplero*, datos potissimum singulis animantibus à natura binos oculos, ut exactius visibilium distantias, & rerum loca designare queant. Id verum esse, experiri facile licet. Si enim altero oculo tecto signum qualecunque in aëre constitutum, veluti corpusculum aliquod ex iis, quæ ob parvitatem levissimò aëris impulsu avehantur, aut araneam ex filo pendulam, aut erecti bacilli extremitatem summo indice attingere tentes: perdifficile tibi erit metam attingere, ac propemodum impossibile, nisi id fortuitò eveniat.

Gemina-  
tionis o-  
culorum  
causa.

Experi-  
mentum.

Sunt denique bini oculi valde congruo intervallo à se disparati, si enim, ut rectè *Aquapendens* asserit, intermedium hoc spatium majus esset, visibilia ipsis proxima non viderentur; si minùs, diminuta redderetur eorum visio, quæ à lateribus sunt. Est vero interstitium hoc in homine minimum. Nam cum ad exactum obtutum & animi attentionem mirè profit oculorum nasum versus contractio, ut ea facilius homini esset minimam ei oculorum inter capedinem Natura attribuit maximam autem belluis, illisque potissimum quæ non solent valde visum in res acriter intendere, ut equis, bobus, & ovibus: contra verò quæ animantia attentius res objectas assueverunt contemplari, ut simiæ, canes, feles his etiam pro corporum suorum mole minus concessum est oculorum intervallum.

Intervalli  
oculorum  
causa.

Atque hæ sunt potiores physicæ causæ constructionis variarum oculi partium, quas hoc loco placuit referre. Unde facile erit advertere, quomodo Natura latissimam quoad fieri potest visus expansionem intendat, quomodo in omnibus hisce partibus tam inter se diversis unicam perfectionem visus respiciat: Quocirca rectè dixit *Aristoteles lib. 2. de gen. text. 9. Natura semper desiderat id, quod melius est.*




Innumera alia de visus facultate, ejus objecto vel organo inquire potuissent, verum cum illa ex traditis supra principiis facile quemque eruere posse confidam, & ne opus nimium excreseat, cumprimis etiam, quod ea talia sint, ut ad instituti rationem minus accedant, ea consultò omittenda duxi.

Habes igitur jam Lector, quæ pro fundamento primò Physico seu Naturali scribere decreveram, quorum scopus seu finis est, scire ipsum cumprimis visionis organum, quomodo pro cernendi facultate sit adaptatum, & objecti sensibilis quo ad videndum concitatur, naturam ac profluentiam, ipsam quæ visionis actionem, sive ut paucis omnia complectar, *scire naturalem videndi modum*. Nunc igitur ad Artificialem modum progredior, eum nempe, quo per instrumenta dioptrica mirificè visus adjuvari potest, ut ea, quæ naturali in statu suæ dispositionis sentire non valent, artificialiter armatus auspiciatissimè attingere queat.

F I N I S.










1368-770 v.1











20.  
Zach 72